





Theodore
Besterman

P S

A P P R O B A T I O.

HAs J. LipsI lucubrationes ut egregiè frugiferas fore confido, ita praealo dignissimas censeo, quòd ea qua Principibus ac politicis Viris apprime conveniant, non modò legenda, Verumetiam velut in tabula, non sine voluptate, spectanda, exhibeant.

Guilielmus Fabricius Nouiomagus, Apostolicus ac Archiducalis librorum censor.

PRIVILEGIUM CÆSAREVM.

RVDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauonia Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto IVSTO LIPSTIO gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, vt tanquam Dij quidam splendescere in terris videantur: rem sanè præclaram sequè dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita excolunt, vt aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessumque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, vt olim iuuenilibus adhuc annis præclara florecentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisi, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitari, peruenisse, eamque variis abs te libris acri & graui cum iudicio scriptis atque in lucem editis ostendisse, vt in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrociniòque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, acceperimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typograp horum, Bibliopolarum

aut aliorum, qui librariam negotiationem exercent, eos libros, quos tu editurus es, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, vt tria vt minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusve tuis, auxilio Magistratus, vbicunq; reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici; alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscunque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiãve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscumque modis coërceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senfftenaw.

Ad mandatum sacre Cæsareæ M^{te} proprium.

Io. Baruitius.

Additum sigillum Cæs. M^{te} in cera rubra.

SVMMA PRIVILEGII REGIS CATHOLICI.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, IUSTI LIPSI Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, hereditumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalesve habeat. Qui secus faxit, præter librorum confiscationem triginta marcharum auri puri illatione mulctabitur. Vti latius patet in litteris, datis Bruxella, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

HENRICVS Dei gratia Galliarum & Nauarræ Rex Christianissimus, singulari privilegio sanxit, nequis per vniuersos Regnorum suorum fines, IUSTI LIPSI, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secus faxit, præter librorum confiscationem, ter mille florenorum illatione mulctabitur, vti latius patet in litteris, datis Parisiis, XIII. Iulij, M. DC. V.

Signat.

Petrochel.


Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti hæc MONITA ET EXEMPLA POLITICA typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.

ANTVERPIÆ,
EX OFFICINA PLANTINIANA,
APVD IOANNEM MORETVM.

M. D C. VI.





LEGES REGIAE

ET

LEGES X.VIRALES,

I. LIPSI operâ studiosè collectae.

Editio ultima.



ANTVERPIAE,
EX OFFICINA PLANTINIANA,
Apud Viduam & Filios Ioannis Moreti.

M. DC. XIII.

Cum Privilegiis Casareo & duorum Regum.



DE REGIIS LEGIBVS, ET QVI REGES QVAS TVLERINT.



LV S omne Publicum aut Priuatum est. Publicum, Diuinum, aut Humanum. Diuinum, quod ad sacra & sacerdotes pertinet : Humanum, quod ad magistratus & publicam administrationem . Ex his Romulus rex Humanum præcipuè : Numa, Diuinum constituit . Et publico quidem iuri pauca aut reges ceteri aut x. viri addiderunt . Supererat Priuatum. quod in Naturale, Gentium, & Ciuile tribuitur . Naturae ius Romuli ferè leges praeferunt : Numa Gentium addidit. Romulus de educatione liberum, de matrimonii, de parentum iure sanxit : Numa, de homicidis, de bonae fidei contractibus, de sepultura, quaedam tulit. Iuris Ciuilis præcipuus auctor Seruius Tullius, qui auctore Dionysio de Contractibus & Iniuriis quinquaginta leges rogauit; item de fœnore, de nexis, aere alieno, & alia. quae compluria in suas tabulas x. viri trāsulerunt. Non aliena ab hac origine iuris Aristotelis diuisio est Iustitiae particularis in *διανεμτικὴν* siue Distributiuam, & *ἀνταποδοτικὴν* siue Commutatiuam. Priorem illam iustitiā Romulus maximè, & ex parte Numa: posteriorem ceteri spectarunt. Romuli leges, quarum verba ipsa perierunt, sententiae ex antiquis, præcipuè Dionysio, colliguntur, sic concipi possunt.

Deos patrios colunto : externas superstitiones aut fabulas ne admiscento. . .

Ne quid inauspicato publicè gerunto.

II.

Nocturna sacrificia, peruigiliaque amouentor.

III.

Rex sacrorum praefes, legum custos esto : iudicia exerceto: belli imperium habeto.

IV.

Patres sacerdotia & magistratus capiunto : plebeiis patroni sunt.

V.

Populi suffragia sunt: magistratus creanto : leges sciscunto : pacem bellumque iubento.

VI.

Moenia sancta existimantor.

VII.

Vxor Farreatione viro iuncta in sacra & bona eius venito: ius deuotendi ne esto.

VIII.

- IX. Si stuprum commisit aliudve quid peccasset, maritus iudex & vindex esto: deique eo cum cognatis cognoscito.
- X. Temetum mulier ne bibito.
- XI. Quod natum erit, parentes tollunto: monstrosos tamen partus se fraude exponi fas esto.
- XII. In liberos suprema patrum auctoritas esto: venumdare, occidere liceto.

Verba ipsa legum.

- XIII. SI PATER FILIOM TER VENVM DVIT, FILIVS A PATRE LIBER ESTO.
- XIV. SEI PVER PARENTEIS VERBERIT, AST OLOE PLORASSINT, PVER DIVEIS PARENTVM SACER ESTO. SEI NVRVS, SACRA DIVEIS PARENTVM ESTO.
- XV. PATRONVS SI CLIENTI FRAYDEM FAXIT, SACER ESTO.
- XVI. DVVMVIRI PERDVELLIONEM IVDICENT; SI A DVVMVIRIS PROVOCARIT, PROVOCATIONE CERTATO. SI VINCENT, CAPVT OBNVBITO, ARBORI INFELICI SVSPENDITO: VERBERATO VEL INTRA POMOERIVM, VEL EXTRA POMOERIVM.

Numae Pompilij leges.

Numa, ait Dionysius, Romuli leges firmauit, novas ipse de ritibus & ministris sacrorum adiunxit. Curiones, Flamines, Augures, Vestales, Salios, Fetiales, Pontifices instituit. Legum aliquot verba haec reperiuntur.

- I. DIS EX IMPVTATA VITE NE LIBANTO.
- II. VINO ROGVM NE RESPERGITO.
- III. PISCIS QVEI SQVAMOSI NON SVNT NEI POLLVCETO: SQVAMOSOS OMNEIS PRAETER SCARVM POLLVCETO.
- IV. QVOIVS AVSPICIO, CLASSE PROCINCTA, OPEIMA SPOLIA CAPIVNTVR, IOVI FERETRIO BOVEM CAEDITO. QVEI CEPIT, AERIS DVCENTA DARIER OPORTETO.
- SECVNDIA SPOLIA, IN MARTIS ARAM IN CAMPO SOLITAVRILIA VTRA VOLVERIT CAEDITO.
- TERTIA SPOLIA, IANO QVIRINO AGNVM MAREM CAEDITO, CENTVM QVI CEPERIT EX AERE DATO.
- V. QVI TERMINVM EXARASSIT, IPSVS ET BOVES SACREI SVNTO.
- VI. SI QVIS HOMINEM LIBEROM DOLO SCIENS MORTI DVIT, PARICIDA ESTO: SI IMPRVDENS, TVM IN CONCIONE PRO CAPI-TE OCCISI ET NATIS EIVS ARIETEM OFFERTO.
- VII. PELLEX ARAM IVNONIS NE TAGITO: SI TAGIT, IVNONI CRIBVBS DEMISSIS AGNVM FEMINAM CAEDITO.
- VIII. SEI HOMINEM FVLMIN IOVIS OCCISIT, NE SVpra GENVA TOLLITO.
- HOMO SI FVLGINE OCCISVS ESIT, EI IVSTA NVILA FIERI OPORTETO.

Deis fruge & mola falsa supplicanto.

IX.

In contrahentibus fides seruatur: Fidei numen omnes metuant.

X.

Si filius familias uxorem duxit, patri vendundi eius ne ultra ius esto.

XI.

Mulierem, si praegnas mortua fuit, nisi exciso partu, ne humato: qui secus faxit, quasi spem animantis peremerit, ita esto.

XII.

Tulli Hostilij.

Nati trigemini, donicum puberes esunt, de publico aluntur.

I.

De x. virorum Legibus, quando & quomodo scriptae.

Regiae leges partim scriptae, partim inscriptae adusque Tarquinij Superbi tempora valuerunt. Primus ille & Serui leges omnes abrogauit, & priorum Regum plerasque contempsit, ad vim omnia referens & libidinem dominandi. Tarquinio vero pulso, à Bruto & Valerio Coss. reuocatas iterum Seruias aliasque leges Dionysius adfirmat. Quasdam & ipsi Coss. & postea Tribuni addiderunt tuendae libertatis, ut sunt Valeriae, Sacratae, Iciliae leges. Sed haec omnes ius publicum spectabant: & priuato iuri nulla facta accessio ante leges x. virales. A. V. C. CCXCII. promulgata à Tribunis lex Terentia est de Quinquenris, ut Liuius, vel Decemuiris, ut Dionysius, Legum scrib. creandis. Eaque lex plebi volenti fuit. Nam ad id tempus loco regum Coss. ius dicebant: Consules autem ex patribus erant. Itaque in dissensu ordinum, cum Patres occasione iuris praecipue uterentur ad premendam plebem, nec plebeio contra patricium ius ullum aequum esset: omnibus concionibus iactata & flagitata lex Terentia est. Restitère tamen, septem annos ipsos, patres. Fracti demum concessère, missique legati in Graeciam ad Solonis inclitas leges aliarumque ciuitatum instituta morisque noscendos. addit Dionysius etiam in Graecicas Italiae ciuitates. Biennium plusminus legati abfuerunt. Reuersi sunt A. V. CCCI. Statimque plebs peruenit ut scribendarum legum initium fieret: patres tenuerunt ut x. viri è patriciis tantum crearentur. Creati Ap. Claudius, T. Genucius, P. Sextius, Sp. Veturius, C. Iulius, A. Manlius, Ser. Sulpitius, P. Curiatius, T. Romulus, Sp. Postumius, omnes consulares. Inierunt magistratum sine prouocatione A. V. CCCII. sinèq. anni propositae decem tabulae. Duae reliquae sequenti anno additae. In Graecis interpretandis usi opera sunt Hermodori Ephesij philosophi. Tabulas vocare placuit exemplo Atheniensium qui Solonis leges dixerunt Αἰῶναι, tabulis ligneis incisas. quamuis istas aereas fuisse constet dissentiente Pomponio. Perlatae sunt comitiis centuriatis, fixae in foro ad Curiam Hostiliam. manseruntque, quamuis post varia incendia urbis, ultra Septimij Seueri Imp. tempora. De diuisione tabularum ex fragmentis difficile iudicium est. Modo tamen & ordine scriptas fuisse non est dubium. Leges Regiae & Solonis, decem primas tabulas occupasse videntur: duae postremae de Sacris fuerunt, easque à Faliscis petitas Seruius est auctor. Certè leges regiae ex I. II. & III. tabula à Festo citantur:

Lex Romuli de vendendis filiis à Dionysio in quartâ ponitur. Fragmenta quae supersunt, haec sunt.

- I. IVSSVS POPVLI ET SVFFRAGIA SVNTO, QVODCVMQVE POSTREMVM POPVLVS IVSSIT, ID IVS RATVMQVE ESTO.
- II. PRIVILEGIA NE IRROGANTO.
- III. DE CAPIT EIVS NISI PER MAXIMVM COMITIATVM NE FERVNTO.
- IIII. FORTI SANATIQUE IDEM IVS ESTO.
- V. Qui hostem concitauerit, quive ciuem hosti tradiderit, quive coetus nocturnos agitauerit, capital esto.
- VI. Sodalitates & collegia sunt: ast ne in publicas leges commodave peccanto.
- VII. QVI FRVGES EXCANTASSIT, CERERI SACER ESTO.
- VIII. QVI FRUGEM ARATRO QVAESITAM PAVIT SECVITVE, PVBES CERERI SACRATOR: IMPVBES PRAETORIS ARBITRATV VERBERATOR, NOXAMVE DVPLIONEMVE PRAESTATO.
- IX. Si in alieno pecus pauerit, actio esto.
- X. Qui iniuria arbores alienas ceciderit, in singulas xxv. aeris luito.
- XI. Arboris impendentis ramos xv. pedes à terra circumcidere ius esto.
- XII. PATERFAMILIAS VTI LEGASSIT SVPER PECVNIA TVTELAVE SYAE REI, ITA IVS ESTO.
- XIII. SI INTESTATVS MORITVR CVI SVVS HERES NEC ESCIT, AGNATVS PROXIMVS FAMILIAM HABETO: SI AGNATVS NEC ESCIT, GENTILES FAMILIAM HERCISCVNTO.
- XIV. SI FVRIOSVS ESSE INCIPIT, AGNATORVM GENTILIVMQVE IN EO PECVNIAQVE EIVS POTESTAS ESTO.
- XV. HOMINEM MORTVVM IN VRBE NE SEPELITO NEVE VRITO.
- XVI. HOC PLVS NE FACITO: ROGVM ASCIA NE POLITO.
- XVII. MVLIERES GENAS NE RADVNTO, NEVE LESSVM FVNERTS ERGO HABENTO.
- XVIII. HOMINI MORTVO NE OSSA LEGITO, QVO POST FVNVS FACIAS, NISI BELLİ PEREGREVE MORTVO.
- XIX. QVI CORONAM PARIT, IPSE PECVNIAVE EIVS, VIRTVTIS CAUSA ARDVITOR.
- XX. NEVE AVRVM ADDITO.
- XXI. QVOI AVRO DENTES VINCTI ESUNT, AST IM CVM OLLO SEPELIRE ET VRERE SE FRAVDE ESTO.
- XXII. Seruilis vñtura tollitor, omnisque circumpotatio.
- XXIII. Rogum bustumve novum, propius LX. pedes, alienas aedes ne adicito.
- XXIV. Forum bustumve ne vsucapito.
- XXV. SI IN IVS VOCET, ATQVE EAT.
- XXVI. SI MORBVS EVITASVE VITIUM ESCIT, QVI IN IVS VOCASSIT,

SIT, IVMENTVM DATO : SI VOLET AR CERAM , NE STERNITO.

SI QV ID HORVM FVIT VITIVM IVDICI, ARBITROVE, REOVE, XXVII.
DIES DIFFEISVS ESTO.

SI VIS VOCATIONI FVAT, TESTAMINI: IGITVR EM CAPITO. XXIIX.

SI CALVITVR PEDEMVE STRVIT, MANVM ENDO IACITO. XXIX.

SI QVEI IN IVRE MANVM CONSERVNT, VTRI QVE SVPERSTI-XXX.
TIBVS PRAESENTIBVS VINDICIAS SYMVNTO.

SI VINDICIAM FALSAM TVLIT, REI SIVE LITIS ARBITROS XXXI.
TRES DATO: EORVM ARBITRIIS FRVCTVS DVPLIONE DAMNVN
DECIDITOR.

REM VBEI PAGVNT, ORANTO. NEI PAGVNT, ANTE MERI-XXXII.
DIEM IN FORO AVT IN COMITIO CAVSAM CONIICI VNTO. POST
MERIDIEM PRAESENTE AMBOBVS LITEM ADDICITO. SOL OCCA-
SVS SVPREMA TEMPESTAS ESTO.

AERIS CONFESSI, REBVS QVE IVRE IVDICATIS TRIGINTA XXXIII.
DIES IVSTI SYNTO: POSTIDEA MANVS ENDO IECTIO ESTO: IN
IVS DVCITO: NEI IVDICATVM FACIT, AVT QV IPS ENDO IVRE
EM VINDICIT, SECVM DVCITO, VINCITO AVT NERVO AVT
COMPEDIBVS QVINDECIM PONDO, NE MINORE, AVT SI VOLET
MAIORE VINCITO. SI VOLET, SVO VIVITO, NI SVO VIVIT, QVI
EM VINCTVM HABEBIT LIBRAS FARRIS ENDO DIES DATO: SI VO-
LET, PLVS DATO.

TERTIIS NVNDINIS PARTES SECANTO: SI PLVS MINVSVE SE-XXXIV.
CVERINT, SE FRAVDE ESTO.

ASSIDVO VINDEX ASSIDVVS ESTO: PROLETARIO QVIVIS VO-XXXV.
LET VINDEX ESTO.

QVI SE SIRIT TESTARIER, LIBRIPENSVE FVERIT, NI TESTI-XXXVI.
MONIVM FARIATVR, IMPROBVS INTESTABILIS QVE ESTO.

CVI TESTIMONIVM DEFVERIT, IS TERTIIS DIEBVS OB POR-XXXVII.
TVM OBVAGVLATVM ITO.

Qui falsum testimonium dixerit, saxo Tarpeio deiicitor. XXXVIII.
Si iudex arbiterve ob rem iudicandam, pecuniam acceperit, Capi-XXXIX.
tal esto.

Qui malum carmen incantassit, Cereri facer esto. XL.

QVI INIVRIAM ALTERI FAXIT, XXV. AERIS POENAE SYNTO. XLI.

SI QVIS CARMEN OCCENTASSIT, ACTITASSIT, CONDIDISSIT, XLII.
QVOD ALTERI FLAGITIVM FAXIT, CAPITAL ESTO.

SI MEMBRVM RVPSIT, NI CVM EO PACIT, TALIO ESTO. XLIII.

SI NOX FVRTVM FAXIT, ET IM ALIQVIPS OCCISIT, IVRE CAE-XLIV.
SVS ESTO.

Interdiu si se telo defenderit, iure caesus esto. XLV.

SI ADORAT FVRTO QVOD NEC MANIFESTVM ERIT, DVPLIC-XLVI.
NEM LVITO.

Furta

- XLVII. Furta per lancem liciumq. concepta, quasi manifesta vindicantor.
 XLIIIX. De furto pacisci liceto.
 XLIX. TIGNOM IVNCTOM AEDIBVS, VINEAEQVE CONCAPES NE SOL-
 VITO.
 L. FVRTIVAE REI AETERNA AVCTORITAS ESTO.
 LI. VSVS, AVCTORITAS FVNDI, BIENNIVM ESTO.
 LII. ADVERSVS HOSTEM AETERNA AVCTORITAS ESTO.
 LIII. QVI NEXVM FACIET MANCIPIVMQVE, VTI LINGVA NVNCV-
 PASSIT, ITA IVS ESTO.
 LIY. Vindiciae secundum libertatem dantor.
 LV. Nequis vnciario foenore plus exerceto.
 LVI. Patricij cum plebeiis connubia ne iungunto.
 LVII. Via in porrectum VIII. P. in amfractum XVI. P. lata esto.
 LVIII. In finibus intra v. pedes vsucapio ne esto.

FINIS.

APPROBATIO.

*In his legibus nihil est quod Religionem Catholi-
 cam offendat. quod attestor*

Walterus Vander Steeghen S. Theol. Licentiatus,
 Ecclesiae Antuerpiensis Canonicus.

I V S T I L I P S I
D I S S E R T A T I V N C V L A
A P V D P R I N C I P E S :


item

C. P L I N I P A N E G Y R I C V S

L I B E R T R A I A N O D I C T V S ,

Cum eiusdem L I P S I perpetuo C O M M E N T A R I O .

Editio secunda, aucta & emendata.



A N T V E R P I Æ ,

E X O F F I C I N A P L A N T I N I A N A ,

A p u d I o a n n e m M o r e t u m .

C I O . I O C . I V .

Cum Privilegiis Cesareo & Regio.



SER^{MIS} POTENTISSIMISQVE
PRINCIPIBUS

ALBERTO MAXIMILIANI II.
IMP. FILIO, FERDINANDI NEPOTI,
RVDOLFI II. FRATRI:

ET

ISABELLAE CLARAE EVGENIAE,
PHILIPPI II. CATHOLICI REGIS FILIAE,
CAROLI V. IMP. ET REGIS NEPTI,
PHILIPPI III. REGIS SORORI, INFANTI
HISPANIARVM:

ARCHIDVCIBVS AVSTRIÆ,
DVCIBVS BVRGVNDIÆ, PRINCIPIBUS
DYNASTISQVE BELGARVM:

IUSTVS LIPSIVS
SESE ATQVE ISTA
CVM ÆTERNA FIDE, CVLTV, OBSEQVIO,
DEDICAT CONSECRATQVE.

† 2

NAM



AM venit ad vos, PRIN-
CIPES, *Dissertatiuncula* mea,
an & vestram dicam?
Vos iussistis, vos iuui-
stis: nec nisi Genio illo
Principum adspirante,
vel tria verba hiscere potuissem, in tam
clarâ luce subitò deprehensus. Et à me
quidem, res parua est: splendorem ta-
men à vobis habet: & (fas sit dicere) vos
ab eâ aliquem. vt dimanet ad externos aut
posterios singularis hic vester in optimas
artes vel amor, vel honor: dimanet in-
quam, in laudem vestram, in aliorum
exemplum. Quo solo fine & causâ fa-
teor me edidisse. Nam me & famam
meam si spectem, quid accedit? imò de-
cedat fortasse. sed vt miles, qui in acie
pro Principe suo honesta vulnera acce-
pit, adeò non celat ea, vt etiam reuelet

ac

ac iactet: sic mihi visum, gloriosam hanc
ignominiam subire, quæ seruiat nomini
vestro. Atquin aliud etiam visum adde-
re, quod non excuso: *Plinij*, inquam, *Pa-
negyricum*, quem Traiano optimo Principi
optimum laudatissimúmque scripsit.
Nec id quidem magnum opus. tamen
vt in exiguam sæpe tabulam orbis & re-
gionum magnitudo aut varietas inclu-
ditur: sic in hunc libellum, quidquid ad
munus aut decus veri Principatus. Lau-
dat suum Traianum, non monet, fateor:
sed hoc quoque decorum apud Princi-
pes, vt sub blando eo titulo, & boni quæ
faciunt, recognoscant; & alij, quæ facere
deberent, cognoscant. Quid, quòd Tra-
iano dictus dicatúsque est, Hispano Prin-
cipi, & qui primus florentis imperij sce-
ptrum transtulit ad externam & suam
gentem? Et eius gentis tu maternâ ori-
gine,

gine, ALBERTE, & longâ etiam inhabitatione es: tu ISABELLA, ortu & stirpe. Accipite ergo, PRINCIPES, & munusculum hoc, & munus: quorum illud felicitium Auspiciorum vestrorum memoriæ aliquid faciat; istud, Principatus optimi (talem ab optimis speramus) exemplo. Louanij, prid. Idus Aprilis, anno Christiano ∞. 1500.



AD LECTOREM.



ABES duplex hîc scriptum, Lector: etsi, ut rem dicam, neutrum propriè tibi scriptum. Nam illud prius subita benignitas Principum elicuit: cùm Athenæum nostrum inopinatò viscentes, me quoque dicere aliquid subitarium voluissent, sine inssissent. Factum, dixi, edo, leuia & breuia: id est, illa ipsa qua dixi. Nam augere & polire, exemplo veterum, atque adèò Tullij & Plinij, poteram: sed in re qua ad Principes, Veritatem amari, & quidquid hoc fuit, damus sine colore aut fūco. Nec tibi tamen, ut aiebam, propriè damus. sed ut qui sagittam mittit, scopum intuetur, non circumstantes: sic mihi nunc Principes in oculis, non si quis alius fortè leges. Lege tamen me optante, & hoc saltem disce, magna quadam exempla cadere etiam in hoc ævum. An aliud illustrius, quàm feminam (ALBERTVM enim nunc omitto) feminam inquam, inter Principes principem, Venisse utrò ad has litterarias recitationes, scdisse, audisse? Fecit. quid nisi heroinam illam JSABELLAM, ataviam suam, imitata? qua adèò omnium rerum honestarum, tum etiam artium amore flagrauit, ut iam nupta & grandior Latinas litteras didicerit, cū intellegendi illo fine & fructu. O eat in secula illud & hoc exemplum, & unà cum bonâ famâ, Principes ament Fama & Aeternitatis istas artes! Sed alterum etiam scriptum non ex destinatione tibi

tibi damus. Priori illi in hac occasione subiunximus, & aptum putauimus Principibus in viâ regiâ & rectâ dirigendis. Vetus est, non nego. sed non ut aromata vim suam auro expirant; sic monita ista salubria & doctrina. imò contrà, auctoritatem & fidem ab aetate sumunt. Ac meo voto, prisca illa, & usu felicia ac gloriosa, reuocentur: praenouitijs quibusdam, obliquis, callidis, & quae speciem magis prudentia, quàm ipsam habent. Melius profectò equabiliusq; regantur res humanae. Sed non huc eo. tibi si non laudatam, excusatam operam meam, Lector, volui: quam nulla ambitio, sed sola pietas in Principes expressit. Louanij, prid. Idus Apriles anni ∞. 15. C.



IUSTI LIPSI

DISSERTATIONCVLA

apud

SERENISSIMOS

ALBERTVM

ET


ISABELLAM

BELGARVM PRINCIPES

extemporanea:

Postridie diei Auspicalis, qui fuit septimus

Kal. Decembrium, anni MD. XCIX.



S E R E N I S S I M I
E T
P O T E N T I S S I M I
P R I N C I P E S,



T S I fateor haud planè rudem & tironem me esse in dicēdo; tamen hic splendor vester, qui oculis meis inopinatus apparuit, & hic insolens confessus, turbat me aliquid (non nego) sed & delectat. Sicut qui è tenebris & longo situ ad solem subito educuntur, caligat ijs acies, & oculi præstringuntur: sic mihi euenit, & duo simul maxima sidera cùm video, hunc S O L E M, vt ita dicam, & hanc L V N A M, hebescit nonnihil ingenij acies, & linguæ hæc promptitudo retardatur. Quid tamen est? sicut idem ille sol excitat mox & recreat, & innatâ suâ vi dat vigorem: sic mihi sentio ab aspectu vestro alacritatem infundi, & ijsdem, quibus terrebar, excitari. Itaque parebo libēs meritò vobis. me voluistis subito & ex tempore pauca dicere: pauca certè erunt, & ideò excusata, quia subita & ex tempore. Non recedam autem longè (nam & sic iussistis) à more lectionis solitæ: *Annaum Senecam* (æternum Hispaniæ decus) in manus sumam, & pauca eius verba à confesso & tempore hoc non aliena,

cum bonâ veniâ vestrâ PRINCIPES, cum bonâ gratiâ vestrâ reliqui AUDITORES, explicabo.

Ait I. De Clementiâ. cap. III.

„ *Illius demum Principis magnitudo stabilis fundatâ-*
„ *que est, quem omnes tam supra se esse, quàm pro se sciunt:*
„ *cuius curam excubare pro salute singulorum atque uni-*
„ *versorum cottidie experiuntur. Quo procedente, non*
„ *tanquam malum aliquod aut noxium animal è cubili*
„ *profilierit, diffugiunt: sed tanquam ad clarum & be-*
„ *neficum sidus certatim aduolant, obijcere se pro illo mu-*
„ *cronibus insidiantium paratissimi, & substernere cor-*
„ *pora sua, si per stragem illi humanam iter ad salutem*
„ *sternendum sit.*

Pauca verba, vt solet ille scriptor: sed magnæ rei inclusæ, & à me breuiter educendæ. Ait, *Illius demum Principis magnitudinem stabilem esse.*] Cuius? qui hæc faciet, quæ suggerit. Si quis ergo neglegit? negat, & parum firmæ altitudini insistere eum putat. Sicut domus, cui fundamentum non substernitur, caduca est: sic Princeps, cui non ista. quæ iam addit: *Quem omnes tam supra se esse.*] Dignitas Principis tangitur & eminētia. quis autem eam nescit? Ille est imago & exemplar Dei in terris, rerum moderator & arbiter, in cuius manu positæ opes, dignitas, vita omnium nostrum. Sicut anima corpori præest, & animæ ratio: sic Princeps hæc populum regit, & eadem illa ratio ipsum. Tolle, cadauer ac funus est hæc omnis multitudo: & vt Cyclops apud Homerum, amisso vnico oculo, huc illuc impingitur,

tur, & denique ruit: sic ista moles populi, sine lumine illo Principatus. Ergo *supra omnes* eum meritò esse sciunt, & fatentur. quid amplius? *Pro se esse.*] O monitum eximium! ò in duobus verbis inclusum finem, munusq; Principatuum! Non præesse solùm Princeps, sed prodesse debet: nec sibi tantùm ciues datos, sed se etiam ciuibz arbitrari. Sicut sol ille (ne abeam ab hâc imagine) nō lucet modò, sed fouet, vegetat, animat: sic verus ille populorum rector, in splendore suo commodat & iuuat. *Moderatori Reip.* (ait Cicero) *beata civium vita proposita est, ut ea sit opibus ampla, copijs locuples, virtute instructa.* Et Hadriani Principis laudata illa vox est: *Ita se remp. gesturum, ut sciret rem populi, non suam esse.* Sed quomodò hoc faciet, & eò veniet? addit noster: *Curam eius excubare pro salute etiam singulorū.*] Itane excubare? & nec noctes vacuæ exceptæque sint? nec noctes. *Magna fortuna, magna servitus est,* ait quispiã: & maximo cuique imperio maximam curam, atque adeò assiduam inesse, vos & animos vestros, PRINCIPES, testor. Vt Palinurus ille in mari, non de die solùm gubernabat, sed ipsâ nocte

— *clauumque affixus & herens*

Nusquam amittebat, oculosque sub astra tenebat: tale in Principe, cuius *curam excubare* Seneca vult pro salute etiam *singulorum.*] Quid tu ais? nec satis *univerforum?* Aio, inquit. & ut pater aliquis in magnâ familiâ, ad singulos animum atque oculos adijcit; ita verus Princeps. Philippus Macedo, inter

*

3

lauda-

• laudatos olim reges, ad monitus huius muneris fui à fæminâ etiam fuit. quæ ipsum adiens, desiderium aliquod expositura, cùm reijceretur & *negaret sibi vacare*: animosè subiecit, *Noli ergo imperare*. Animosè, inquam, sed verè: & rex agnouit, sed monitus à fæminâ: ab ipso autem se Imp. RVDOLFVS. ille dico, primus auctor & fons magnitudinis vestræ, à quo inclita gens AVSTRIACA per annos iam plus trecentos in hoc æuū floret, & in omne (ita voueo) florebit. Is cùm tenuiores aliquot homines aditum ad eum captarent, & satelites aspernati hoc genus, reijcerent: animaduertit, &, *Per Deum*, inquit (ipsa Annalium verba ponam) *finite homines ad me venire. Non enim ideo Imperator sum, ut in arculâ includar*. Vocem inclitam, vocem auream, vocem verè AVSTRIAM! & in quâ hoc de curâ (quid enim melius addam?) concludam. Pergit noster: *Quo procedente*.] Fructus est, qui Principes manet, ex hoc munere suo & curâ. Quis ille? duplex, Beneuolentiæ & Fidei, quam vtramque subditi præstant. De illâ, *Quo procedente*, inquit, *non tanquam malum aut noxium animal* (tigris, lupus, serpens) *è cubili prosilierit, diffugiunt*: quod in Caligulâ, Nerone, Domitiano aliquo obseruare licuit, qui nunquam è cubiculo, & ex illâ solitudine suâ in publicum prodibant, nisi vt solitudinem, imò & solitudinem, facerent: sed *tanquam ad clarum & beneficū sidus certatim aduolant*.] Ita sanè, aduolant, non accurrunt; certatim, non lentè aut timidè;
viæ,

viæ, domus, opida sunt angusta. Videtisne ô nostri PRINCIPES? tanquam ad clara & benefica duo sidera concurrimus: tanquam ad gemellos illos Castores respicimus, in diuturnâ hâc Belgicâ tempestate. Illi conspecti, nautas recreant; illi, cùm nauibus infederunt,

— *tumida æquora placant,*

Collectasq; fugant nubes, Solémque reducunt:

ita vos, qui infedistis, & corpore pressistis iam Belgicæ hanc nauim, è bellorum fluctibus, ex insidiarum procellis, subducetis eam in portum. Atque hæc igitur Beneuolentia est. de Fide sequitur: *obijcere se pro illo mucronibus parati.*] Quidni faciant? in vobis, vt dixi, viuimus: animam & spiritum hunc in animâ Principum ducimus: & meritò ergo pro ijs obiecturi ea, imò proiecturi. Ego SER^{mi} PRINCIPES, publicâ Belgarum voce & sensu, vtraque hæc offero: Beneuolentiam, inquam, & Fidem. & simul sine iactantiâ addo, duas in nobis notas siue insignia ab antiquo esse: Fortitudinem, ac Fidem. *Fortissimos Gallorum Belgas*, Iulius Cæsar iam olim dixit: de Fide, idē ille & Plutarchus, DEVOVERE Gallos (qui mos & Hispanis) corpora vitamque suam Principibus solere: id est, ita consecrare, vt cum viuis viuerent, pro ijs periclitarentur, morerentur, atque adeò cum ijs. Nam superesse nefas erat. Magna fides, & nescio an alibi gentium lecta vel audita. Sed iam desino, memor apud quos dicam: & quàm breues sermones non solum apud Deum

Deum sæpe, sed apud Principes semper, grati decorique sint. Gratias tantum ago, Athenæi huius & meo nomine, quos tam clarâ istâ luce perpetuum illustrastis. In eo quoque imitati magnos illos Principes: ut Cn. Pompeium, qui è bello Mithridatico victor, Rhodum veniens singillatim omnium Professorum ædes circumiuit, iniuit, & fasces illos laureatos priuatorum ianuis submisit. Quid Tiberius Imp^{or} in eâdem vrbe? *circa scholas & auditoria Professorum* (Suetonij verba sunt) *assiduus fuit.* Quid Claudius Imp^{or}? ille verò inopinatus sæpe recitantibus interueniebat: quod vos SER^{mi} nunc fecistis. Gratias igitur agimus, & voto eas claudimus: ut felicibus auspicijs cœptum hoc imperium diuturnum ac stabile vobis, & stirpi vestræ (ô Deus eam donet!) sit, cum Dei ipsius, cum vestrâ gloriâ, & publicâ Belgarum salute. D I X I.



C. PLINI SECUNDI

PANEGYRICVS

LIBER,

Quem

IMP. NERVAE TRAIANO

OPTIMO PRINCIPI

scripsit siue dixit:

Etadeum IVSTI LIPSII

COMMENTARIVS P. P.



3

AD LECTOREM MEVM,

CVI SALVS.



ABES hîc perpetuum, sed breuem
meum Commentarium, in Plinij
scitam, & super Græcas Latinasque
laudatam, Laudationem. Perpe-
tuum ita, ut nec minora sæpe pigeat
attingere, & discernere: quia memi-
ni quibus, & cui generi, præcipuè hæc scripserim. nempe
Palatinis nostris: quos votum meum sit, præclara hæc
legere, intelligere, atque utinam, bis utinam, obsequi &
audire. Itaque nec tenuia interdum transco: quia ple-
rosque illos transisse per hæc studia scio, vel festinantes,
vel occupatos. ideoq; iuandos à nobis, præsertim in ar-
gutijs, aut ritibus: & utrorũque copia est in hoc scripto.
Sed breuiter tamen hæc omnia. quod pro illorum gustu
arbitror, fortasse & usu: nec nimis nunc probo, qui in
singulis insistant, & uni alicui ritui explicando paginas
donant. Modicè satis est, & quod in rem præsentem suf-
ficiat: plura, pompam magis habeant, quàm fructum.
Quid, quod nec Schemata, & ornatus illos florida ora-
tionis tango? nam visum mihi pertenuia hæc & Scho-
lastica esse, quæ didicisse oporteat magis quàm discere: aut
alio certè doctore discere, neque Aquila, ut in proverbio
est, captat muscas. Ergo Politica & grauiora illa do-
gmata explicares, dicet alius: & conueniebat Aula, cui
A 2 scribis.

scribis. *Haud negauerim istud, illud non suscipio. quia et-
 si talium monitorum uberrima & pulcherrima hinc se-
 ges; tamen falcem meam nunc non sentiet, & satis at-
 que abunde messuisse arbitror in POLITICORVM li-
 bris, qui exstant. Singula in loco & tempore agere, mihi
 sententia & votum est: atque igitur hinc studui tan-
 tum, Plinianum textum diducere & reuelare, & ver-
 bis sensibúsque eius lucem dare, nec ultra. Siquis plura
 atque alia volet, ibit ad alios: qui compositè & industriè
 struere moles operum solent. Casula hac mea est, subita-
 riâ & leui manu ad usum, non decus aut speciem, stru-
 cta, cui Aristophaneum illud inscribo:*

Ὅς τις ἔν τῳ τῷσι γελᾷ, τοῖς ἐμοῖς μὴ χαίρῃτω.

Quisquis capitur illis talibus, his meis ne gaudeat.
*Vale Lector, & Senecam nostrum (si Deus pauxillum
 etiam vita dat) expecta. Louanij, XVI. Kal. Mar-
 tias ∞. 155.*

ARGUMENTVM, CAVSSA, TEMPVS HVIUS SCRIPTI.



ARGUMENTVM & materies est, *Laudatio* Traiani. quam duplicem exsequitur, Publicæ vitæ & Priuatæ. Illam ordine quodam temporum peragit, orsus ab Adoptione ad tertium eius Consulatum: in quo hæc dixit, & ibi sistit. Quidquid igitur moderatè intereà, liberaliter, benignè, vtiliter in publicum fecisset, recenset, diducit, ornat; sæpe floridè, & panè poëtarum in morem: quem stilum hoc Ornationum genus vsquequaque non spernit. Pleraque autem laudatio intra togam & pacem consistit: quia bella nondum attigerat, & magni ducis signa magis, quàm res adhuc erat. In Priuatâ deinde vitâ, compositam domum eius, vxorem, & sororem laudat: quòd amicos colat, liberos non colat, & quosque habeat suo loco. Hæc breuiter & summatim *Laudatio* continet: quâ CAVSSA aut occasione sic instituta? Quia Plinius Consul iam erat, & ex more veteri, imò ex Sc^{to} (vt ipse loquitur) *Gratia agenda* optimo Principi erant. An autem hoc est gratias agere, sic laudare? Ita. nam duplex erat illa *Gratiarum actio*, quod ipse sub finem Panegyrici dicit: & Publica, & Priuata. Illa, reip. nomine suscepta: & aptissimè in laudationem ibat, beneficia recensendo, quæ contulisset. Imò quæ absque eâ commemoratione gratiæ dici poterant? Altera, quam Consules suo nomine dicebant. quæ prima

origo & caussa harum Orationum apud Romanos est, fateor: sed in leui tamen postea habita, & hinc quoque à Plinio paucis lineis perstricta. En causam igitur scripti: addo nunc TEMPVS. Aio Plinium Consulem, primo die cum iam inisset (id est, Kalendis Septembribus) hæc dixisse: non autem antè, neque designatum, vt vir doctus censet. Induxit eum epistola xxvii. libri vi. in quâ cum interrogasset quidam *designatus Consul, quid in honorem Principis censeret?* inter alia, respondet: *Designatus ego Consul, omni hac et si non adulatione, specie tamen adulationis abstinui.* Refert adhuc Panegyricum, & errat: nec aliud ibi Plinius, quàm de sententiæ dictione, quam primi designati Consules rogabantur. Mos autem inualuerat, vt loco sententiæ, aliquid in honorem Principis censerent: quæ adulatio, etiam in hoc scripto, Plinio memoratur. Itaque nihile a epistola ad rem præsentem: & ipse ostendit non semel, à *se Consule* hæc dici. Neque aliud sanè mos erat, quem tangit lib. ii. epist. i. de Verginio Ruffo: *Acturus in Consulatu Principi gratias.* Nota, in Consulatu. Et Spartianus in Ælio Vero: *Cum orationem pulcherrimam parasset, quâ Kal. Januariis Hadriano patri gratias ageret.* Ait *Kalendis*; ergo ipso primo die Consulatus. Sed iterum hinc dubitatio, quando igitur Plinius Consul? In quarto Consulatu Traiani, scripsit nouiter vir inter æui nostri summos: & ita censet, quia Proconsulatus Plinij incidit in annum, post illum Traiani dictum. At ego bonâ veniâ eius dissentio, & in *tertio* Principis, hunc Consulem fuisse, cum Onufrio adfirmo: in tertio, id est anno illo, quo tertium fuit. Quo argumento? imò argumentis, satis certis. Primum, ipse in hac Oratione,

tione, vbi acta Principis laudat: *Et nondum*, inquit, *de biennio loquor*. Quomodò hoc verè, si in quarto eius Consulatu dicit? certè triennium imperij iam erat. At in *tertio*, verissimè: quia agebatur post mortem Neruæ extremus alter annus. Item: *Quò iustius Senatus vt susci- peres quartum Consulatum, & rogauit, & iussit*. In futuro hæc dicuntur, neque adhuc gerebat. Iterum aper- tius: *Atque ego video, proximo anno Consulatus recusan- di hanc præcipuè fuisse rationem, quòd eum absens gerere non poterat*. Nota de anno *proximo*, & instanti: non ergo isto. Quid amplius? *absens*, inquit. Ita sanè, absens. nam ad bellum Dacicum iam se parabat: quod cum Deceba- lo fortiter & feliciter, ipso illo quarto Consulatu, gessit. Itaque ne adfuit quidem, cùm hæc à Plinio dicta volunt. Quid etiam, si adfuisset? credètne aliquis omissam pul- cherrimam illam laudum materiem, victos hostes, sup- plicem regem, & meritissimum triumphum? Quomo- dò ipsa Plinij oratio exultasset in eo, ac pænè triumphas- set? vt doleam Principis causâ, non sub id tempus hanc recitationem interuenisse. At de tempore victi Decebali, ambigi non potest, vel ex lapide qui exstat: IMP. CÆSAR. DIVI. NERVÆ. F. NERVA. TRAIANVS. AVGVSTVS. GERMANICVS. DACICVS. PONT. MAX. TRIB. POT. IIII. COS. IV. VICTO. DECEBALO. Et num- mi idem dicunt. Adde & hæc Plinij, si libet: *Nondum, biennium compleamus in officio laboriosissimo, cùm tu no- bis Consulatum obtulisti*. Quæ de Præfecturâ ærarij ca- pienda, quam ab ipso Neruâ accepisse se fatetur. At si *nondum biennium* ab eâ, cùm Consul est factus: quid clarius, quàm Traiano *tertium* Consule hæc fuisse? Quod ad Pro- consula-

consulatum Plinij (quo argumento vir ille nititur:) is verò tardior, & post victoriam demum Dacicam. Exstat epistola XIII. Plinij, lib. x. ad Traianum, quâ gratulatur ei *maximam, pulcherrimam, antiquissimam victoriam*: neque aliam, quàm istam. Deinde autem, epistolâ XVII. in Bithyniam prouinciam suam, venisse se nunciat: certè post victoriam. Ergo in quinto eius, aut circa, Consulatu. Neque sanè moris; illo Principum æuo, statim & quasi ex lege, finito Consulatu in prouinciã ire. Imò contraria lex erat, iam inde à Iulio, non ire, nec imperia aut honores continuare: etsi tamen tota res in arbitrio Principum, & illi aut sorte, aut imperio, quando & quò visum esset, mittebant. Quæ in Dione varijs locis, sed hoc postremum libro LIII. in actis anni DCCXXVI. habes.



ELOGIA super hoc libro.



ipse Plinius, libro III. epist. XIII. *Librum, quo nuper Optimo Principi gratias egi, mihi exigenti tibi: missurus, etiamsi non exegisses. In hoc consideres velim ut PVLCHRITVDINEM materia, ita DIFFICVLTATEM. In ceteris enim nouitas ipsa Lectorem intentum habet: in hoc, nota, vulgata, dicta sunt omnia. Quò sit, ut quasi otiosus securusque Lector, tantum elocutioni vacet. in quâ satisfacere difficilius est, cum sola estimatur. Atque utinam, ORDO saltem, & TRANSITVS, & FIGVRÆ simul spectarentur! Nam inuenire praeclarè, enunciare magnificè, interdum etiam barbari solent: DISPONERE aptè, FIGVRARE variè, nisi eruditis negatum est.*

Iterum epist. XVIII. eiusdem libri. *Officium Consulat-
tus iniunxit mihi, ut Reip. nomine Principi gratias age-
rem. quod ego in Senatu, cum ad rationem & loci, &
temporis, ex more fecissem; bono ciui conuenientissimum
credidi, eadem illa * SPATIOSIVS & VBERIVS volu-
mine complecti. Primum, ut Imperatori nostro virtu-
tes suae veris laudibus commendarentur: deinde, ut FV-
TVRI PRINCIPES, non quasi à magistro, sed tamen
SVB EXEMPLO PRÆMONERENTVR, quâ potissimum
viâ possent ad eandem gloriam niti. Addit deinde, per
triduum se recitasse amicis hunc librum, & valdè pro-
basse. Vide pluscula.*

*Nota, non
sic amplius
dixisse.

Sidonius Apollinaris, lib. VIII. epist. x. *Caius Plinius*

B

pro

pro *Actiâ Variolâ* plus gloria de *Centumviralî suggestu* domum rettulit, quàm cum *M. Ulpio*, incomparabili *Principi*, comparabilem *Panegyricum* dixit. Quo tamen in loco semper mihi visum (neque nunc muto) *incomparabilem* legendum : nec tam aut malignè, aut imperitè, super eximio hoc scripto *Sidonium* censuisse. At enim præfert illam pro *Variolâ*. sicut & *Ciceronis* pro *Cluentio*, omnibus aliis : non eloquij flore, aut acrimoniâ; sed inuentionum difficultate, & quia in rebus arctis caussisq; arduis, magis sagax ingenium elucet. Ipsum lege.



C. PLINI SECVNDI

P A N E G Y R I C V S

TRAIANO AVG. DICTVS.



ENE ac sapienter, Patres Conscripti, maiores instituerunt, ¹ vt rerum agendarum; ita ² dicendi initium, à precationibus capere: quòd nihil ritè, nihilque prouidenter homines, sine deorum immortalium ope, consilio, honore, auspicarentur. Qui mos cui potius, quàm Consuli? aut quando magis vsurpatus colendusque est, quàm cum

imperio Senatus, ³ auctoritate Reip. ad agendas optimo Principi gratias excitamur? Quod enim præstabilius est, aut pulchrius munus deorum, quàm castus & sanctus, & dijs simillimus Princeps? Ac si adhuc dubium fuisset, forte casuque rectores terris, an ⁴ aliquo numine darentur: Principem tamen nostrum liqueret diuinitus constitutum. Non enim occultâ potestate fatorum, sed ab Ioue ipso coràm ac palàm repertus, electus est. quippe inter ⁵ aras & altaria, eodemque loci, quem Deus ille ⁶ tam manifestus ac præsens, quàm cælum ac sidera insedit.

C O M M E N T A R I V S.



ΤΕΡΕΥΜ.] *Xenophontis præceptum.* πειραῖσθαι σὺν θεοῖς ἀρχεσθαι πάντος ἔργου. ὡς τῶν θεῶν κυρίων ὄντων ἐδὲν ἥττον τῶν εἰρλικῶν, ἢ τῶν πολεμικῶν ἔργων: Conari omne opus cum dijs aggredi. quia dii non sequius rebus ciuilibus, quàm & bellicis præfunt ac dominantur. ² DICENDI INITIVM.]

Vetus mos Romanus, à precatione orationes ordiri. Cicero, Linius, auctor ad Herennium, ostendunt. ³ AVCTORITATE REIPUBLICÆ.] *Plinius III. epist.*

XVIII. Vt reip. nomine Principi gratias agerem. ⁴ ALIQUO NUMINE.]

Homerus: Ex δὲ διδὸς βασιλῆες: Ex Ioue sunt reges. Plutarchus in Num. ἀ μέ

γισον καὶ θεῶν δῶρον: Maximum & diuinum donum, de regno. ⁵ ARAS

ET ALTARIA.] *Distincta, & Altare augustius aliquid, & in quo vittime adolentur: Ara etiam, in qua supplicatur, aut libatur tantum. Illud item superorum Deorum; hac etiam manium & inferorum. Glossæ: Altare, ἄλτάρη; Ara, βωμὸς. Vide Festum in Altare, & Adolefco, Seruium in illud:*

— en quattuor aras,

Ecce duas tibi Daphni, duoque altaria Phœbo.

⁶ TAM MANIFESTVS.] *Ob loci templique religionem, cum maiestate. Cicero: In Capitolio, hoc est in terrestri domicilio Iouis.*

⁷ QVO magis aptum piūq; est te Iuppiter optime maxime, antea conditorem, nunc ⁸ conseruatorem imperij nostri precari, vt mihi digna Consule, digna Senatu, digna Principe contingat oratio: vtque omnibus quæ dicentur à me, libertas, fides, veritas constet: tantumque à specie adulationis absit gratiarū actio mea, quantum abest à necessitate. Equidem non Consuli modò, sed omnibus ciuibus enitendum reor, ne quid de Principe nostro ita dicant, vt idem illud ⁹ de alio dici potuisse videatur. Quare abeant ac recedant voces illæ, quas metus exprimebat. nihil, quale antè dicamus, nihil enim quale antea patimur. nec eadē de Principe palam, quæ prius, prædicemus: neque enim eadem ¹⁰ secretò loquimur, quæ prius. Discernatur orationibus nostris diuersitas temporū, & ex ipso genere gratiarum agendarum intelligatur, cui ¹¹ quando sint. hætenus vt deo, nunc nusquam vt numini blandiamur. Non enim de tyranno, sed de ciue, non de domino, sed de parente loquimur. Vnum ille se ex nobis, & hoc magis excellit atque eminet, quòd vnum ex nobis putat, nec minùs hominem se, quàm hominibus præesse meminit. Intelligamus ergo bona nostra, dignosque nos ¹² illius vsu probemus: atque idem talem cogitemus, ¹³ si maius principibus præstemus obsequium, qui seruitute ciuium, quàm qui libertate lætamur.

⁷ APTVM, PIVMQVE.] *Aptum, quia à te, & in tuo templo, ille Princeps: piū, quia agnoscere beneficium, neque ingrati esse debemus. ⁸ CONSERVATOREM.] In Traiano. Plinius ad eum, in epistolâ: Diem domine, quo seruasti imperium, dum suscipis, celebrauimus. ⁹ DE ALIO DICĪ.] E prioribus Principibus, apud quos blanda & humilis semper oratio. Martialis, lib. x.*

Hoc sub Principe, si sapias, caueto
Verbis Roma prioribus loquaris.

¹⁰ SECRETO LOQVIMVR.] *Seneca, de bono Principe: Eadem de illo homines secretò loquuntur, quæ palam. ¹¹ QVANDO SINT HÆTENSVS.]*

Olim

Olim emendauimus : cui, quando, sint actæ. Nusquam vt Deo nunc, nusquam vt. *Iterum Martialis concurrit*:

Frustrâ blanditiæ venitis ad me,

Attritis miserabiles labellis.

Dicturus Dominum Deumque non sum,

Iam non est locus hac in vrbe vobis.

¹² ILLIVS VSV.] *Traiani. Sed melius, aut fallor, quod olim ego: illis vsu. Bonus illis dignos probemus, vtendo. Libertas & veritas redierunt? v'surpe-*
*mus.*¹³ SI MAIUS.] *Vult intellegi, quod minus.*

ET populus quidem Romanus ¹⁴ dilectum Principem seruat, quantoque paullò antè ¹⁵ concentu ¹⁶ formosum aliū, hunc fortissimum personat: quibusque aliquando clamoribus ¹⁷ gestum alterius & vocem; huius pietatem, abstinentiam, mansuetudinem laudat. Quid nos ipsi? diuinitatem Principis nostri, an humanitatem, temperantiam, facilitatem, vt amor & gaudium tulit, celebrare vniuersi solemus? Iam quid tam ciuile, tam senatorium, quàm illud additum à nobis ¹⁸ OPTIMI cognomen? quod ¹⁹ peculiare huius & proprium, ²⁰ arrogātia priorum principum fecit. Enimuerò quàm commune, quàm ex æquo, quod ²¹ FELICES NOS, FELICEM ILLVM prædicamus, alternisque votis, HAEC FACIAT, HAEC AVDIAT, quasi non dicturi, nisi fecerit, comprecamur? Ad quas ille voces ²² lacrymis etiam, ac multo pudore suffunditur. agnoscit enim sentitque ²³ sibi, non Principi dici. Igitur quod temperamentum omnes in illo subito pietatis calore seruauimus, hoc singuli quoque meditati que teneamus: sciamusque, nullum esse neque sincerius, neque accipius genus gratiarum, quàm quod ²⁴ illas acclamationes æmuletur, quæ fingendi non habent tempus. Quantum ad me pertinet laborabo, vt orationem meam ad modestiam Principis moderationemque submittam, nec minus considerabo quid aures eius pati possint, quàm quid virtutibus debeat.

¹⁴ DILECTVM PRINCIPEM.] *Legō, Principem. Ipse populus, cui minor sapientia, discrimen & dilectum habet in Principum laude: qui non magis nos?* ¹⁵ CONCENTV.] *Proprio ad rem verbo. Nam acclamationes illæ theatricæ, cum modulis & quodam velut cantu erant. Tacitus xvi. Annalium: Plebs personabat certis modis, plausuque composito. Ibi ego.* ¹⁶ FORMOSVM.] *Domitianum, qui pulcher ac decens (ait Suetonius) maximè in iuuentâ. Martialis:*

Purpureum fundens Cæsar ab ore iubar.

Et ipse de se illud Homericum usurpat:

Οὐχ ὁραῖς, οἷος καὶ γὰρ καλὸς τὸ μέγας τις:

Nónne vides tu, qualis ego magnusque decensque?

¹⁷ G E S T V M.] *Neronis, qui hi||rioniam exercebat. Ad eundem spectat, de voce: quam cælestem & diuinam dici viderique volebat.*

¹⁸ O P T I M I C O G N O M E N.] *Quando additum? Dionis compendium ait, Armeniâ subactâ: & sanè lapides aut nummi (notabit mecum, qui volet) rarò præferunt hoc, velut cognomen, ante VI. eius consulatum. Exinde asistudè. ut, IMP. CAES. NERVAE. TRAIANO. OPTIMO. Græcè etiam: NEP. TPAIANOC. APICTOC. Antè non memini sic observare, sic inquam positum, nomini ipsi subiectum: dumtaxat, SENATVS. POPVLVSQVE. ROM. OPTIMO. PRINCIPI: quasi in laudationis loco. Tamen iam nunc ei datum (præter Dionis mentem) ambigi ex Plinij his verbis nihil potest: etsi in titulis fortasse non sic usurpauit.*

¹⁹ PECVLIARE.] *Adeò, ut Eutropius scribat, ad suam usque etatem (Valentiniani Imp.) nō aliter in Senatu Principibus acclamari, nisi, Felicior Augusto, MELIOR Traiano.* ²⁰ A R R O G A N T I A P R I O R V M.] *Qui id spreuerunt.* ²¹ F E L I C E S N O S.] *Infrà: Estne verum, quod inter ista clamauius, O nos felices!* ²² L A C R Y M I S E T I A M.] *Gaudio expressis. Infrà: Vidimus humescentes oculos tuos, demissumque gaudio vultum.* ²³ S I B I, N O N P R I N C I P I.] *Galba, apud Tacitum: Ceteri libentius cum fortunâ nostrâ, quàm nobiscum loquentur.* ²⁴ I L L A S A C C L A M A T I O N E S.] *Quæ in liberâ rep. non sic fuere, sed sub Augusto ceperunt: nisi fallor, à theatris in Curiam inuectæ, imitando. Earum exempla in Cæsareis scriptoribus, & breuia & pleraque acuta.*

M A G N A & inusitata Principis gloria, cui gratias acturus, non tam vereor, ne me in laudibus suis parçû, quàm ne nimium putet. hæc me cura, hæc difficultas sola circumstat. Nam merenti gratias agere, facile est, Patres Conscripti. non enim periculum est, ne cùm loquar de humanitate, exprobrari sibi superbiam credat; cùm de frugalitate, luxuriam; cùm de clementiâ, crudelitatem; cùm de liberalitate, auaritiam; cùm de benignitate, liuorem; cùm de continentia, libidinem; cùm de labore, inertiam; cùm de fortitudine, timorem. Ac ne illud quidè vereor, ne gratus ingratusve videar, prout satis, aut parum dixerò. Animaduerto enim ²⁵ etiam Deos ipsos, non tam accuratis adorantium precibus, quàm innocentia & sanctitate lætari: gratioremque existimari, qui delubris eorum puram ²⁶ castamque mentem, quàm qui ²⁷ meditatum carmen intulerit. Sed ²⁸ parendum est Senatuf-consulto,

consulto, quo ex utilitate publicâ placuit, ut Consulis voce, sub titulo gratiarum agendarum, ²⁹ boni Principes quæ facerent recognoscerent; mali, quæ facere deberent. Id nunc eò magis solenne ac necessarium est, quòd parens noster priuatas gratiarum actiones cohibet & comprimit: intercessurus etiam publicis, si permitteret sibi vetare, quòd Senatus iuberet. Vtrumque Cæsar Auguste moderatè, & quòd alibi tibi gratias agi non finis: & quòd hîc supis. non enim à teipso tibi honor iste, sed ab agentibus habetur. cedis affectibus nostris, nec nobis munera tua prædicare, sed audire tibi necesse est.

²⁵ETIAM DEOS IPSOS.] *Seneca, De Beneficijs*: Sicut nec in victimis quidem, licet optimæ sint, auroque præfulgeant, Deorum est honos, sed piâ ac rectâ voluntate venerantium. *Plinius alter, Prefatione magni operis*: Verùm & dijs lacte rustici, multaque gentes supplicant: & molâ tantum falsâ litant, qui thura non habent: nec vlli fuit vitio, Deos colere, quoquomodo posset. *Vetus versus respondet*:

Καὶ δὴ ἄμιν Δ' ἔρδεν ἱερ' ἀθανάτοισι θεοῖσι:

Sacrificare dijs, vt opes viresque tulerunt.

²⁶ CASTAMQUE MENTEM.] Seneca: Optimus animus, pulcherrimus Dei cultus est. ²⁷ MEDITATVM CARMEN.] Orationem compositam, & sollemnem dictionem: etiamsi metrum numerique non sint. Tale enim priscis Carmen: ut infra, carmen comitorum. ²⁸ PARENDVM EST SENATVSCONSULTO.] Quando factum? non repperi. puto ab Augusto esse, cum mutata rep. hoc quoque mutauit. Nam ista Gratiarum actio, in concione, populo Rom. Quiritibus solet fieri, pro honore dato: at nunc cum Princeps iura populi in se traxit, atque ipse magistratus fecit; Gratia illi in Curia, non in concione, dicta. Hic fons Panegyricorum. qui etiam ad Praefides prouinciarum manarunt, atque ij electi, gratias agebant. quod Claudius uult, in Dione: κατεδείξε τὰς αἰρετὰς ἀρχοντας ὑπεκλινὼι χαλεπὸν τὰς σωτηρίας γνώσκειν, ὁμολογῶν τὰ πῦθος ἐπιλοῦν. Instituit ne electi (Praefides) aliquas ei gratias in Senatu dicerent, quod ex more quodam faciebant. Hoc inquam, ad solos prouinciales Praefides & imperia spectat (priora vide:) & errant, qui ad nostra haec trahunt. ²⁹ BONI PRINCIPES.] Causa duplex huius instituti. ut & boni laude ista firmarentur in bene agendo; & mali, è blande traherentur. O si nostri cui mos ferret, quid uilius?

S A E P E ego mecum. P. C. tacitus agitaui, qualem quantum-
que esse oporteret, cuius ditione nutuque maria, terræ, pax, bella
regerentur: cum interea fingenti formanti que mihi Principem,
quem ^{3o} æquata dijs immortalibus potestas deceret, nunquam
voto saltem concipere succurrit similem huic, quem videmus:

Enituit

Enituit ³¹ aliquis in bello, sed obsoleuit in pace : alium toga, sed non & arma honestarunt : reuerentiam ille terrore, alius amorem humanitate captauit : ille quæsitam domi gloriam in publico, hic in publico partem ³² domi perdidit : postremò adhuc nemo extitit, cuius virtutes nullo vitiorum confinio læderentur. At Principi nostro ³³ quanta cōcordia, quantusque concentus, omnium laudum, omnisque gloriæ contigit ? vt ³⁴ nihil seueritati eius hilaritate, nihil grauitati simplicitate, nihil maiestati humanitate detrahitur ? Iam firmitas, iam proceritas corporis, iam honor capitis, & dignitas oris, ad hoc ætatis ³⁵ inflexa maturitas, nec sine quodam munere deum festinatis ³⁶ senectutis insignibus, ad augendam maiestatem, ornata cæsaries : nōne longè lateque ³⁷ Principem ostentant ?

³⁰ ÆQUATA DIIS.] *Poëta.* — cūm laudatur dijs æqua potestas.

³¹ ALIQUIS IN BELLO.] *Ab Homero, iam olim:*

Ἀλλ' ὅ μιν ὃ δ' ἔδωκε θεὸς πολέμῳ ἔργα,
Ἀλλ' ὃ δ' ὀρχήσῃ, ἱέρω κίθαριν καὶ αἰοιδῶν:
Namque alij bellare Deus concessit, at illi
Saltare, atque alij citharâ cantuque valere.

Claudianus, in Stiliconis laudibus, haussisse (vt alia) videtur à nostro:

— Nunquam sincera bonorum
Sors vlli concessa viro. quem vultus honestat,
Dedecorant mores. animus quem pulchrior ornat,
Corpus destituit. bellis insignior illè,
Sed pacem fœdat vitij. hic publica felix,
Sed priuata minus. partitum singula quemque
Nobilitant.

³² DOMI PERDIDIT.] *Vt Augustus, in filiâ, nepte, nepotibus, & totâ familiâ infelix.* ³³ QUANTA CONCORDIA.] *Idem Claudianus:*

— sparguntur in omnes,
In te mixta fluunt : & quæ diuisa beatos
Perficiunt, collecta tenes.

Victor de ipso Traiano : Tantus erat in eo maximarum rerum modus, vt quasi temperamento quodam virtutes miscuisse videretur.

³⁴ NIHIL SEVERITATI.] *Cicero, ad Brutum:* Quid tam distans, quàm à seueritate comitas ? quis tamen vnquam te aut sanctior est habitus, aut dulcior ? ³⁵ INFLEXA MATURITAS.] *Nondum vergens, & adhuc in statu. Sumptum à Circo, vbi medio spatio flexus circum metam, & tum deflexus. Quæ igitur ætas nunc Traiani ? ex Dione, quadragesimusquartus annus. Nam illo auctore, imperium quadragesimo secundo cepit : atque hac biennio post circiter dicta. Errat aut dissentit Victor (& cum eo alij)*

qui

QUI LXIII. annos vixisse prodit: quod non potest, Dionis isto calculo, quia omnium consensu, non nisi nouemdecim annos, VI. menses, dies XV. imperauit. Itaque Eutropius mihi verior, qui vita adsignat annos LXII: etsi vel sic menses aliquot desint. ³⁶ SENECTVTIS INSIGNIBVS.] Non enim ipsa, vt iam dixi. Acclamationes igitur illæ Senatoriæ, in Tacito Vopisci, Et Traianus senex ad imperium venit: pro re magis, quàm pro vero. Noster apertè infrà Iuuentam ei tribuit. ³⁷ PRINCIPEM OSTENTANT.] Atque ipsis etiam hostibus. qui (in Dione) τῆς πολιᾶς διὰ τὸ χαῦρον, καὶ τὸ σεμνοπαρεῶς τὸ δευτέρῳ ἰδόντι, ὑπὲρ ὅππῃσιν εἶδεν ὡς: caniciei eius lætitiā conspicati, & vultus maiestatem, suspicati sunt esse, qui erat.

T A L E M esse oportuit, quem non bella ciuilia, nec armis oppressa R. P. sed pax & adoptio, & tandem ³⁸ exorata terris numina, dedissent. An fas erat nihil differre inter imperatorem, quem homines, & quem dii fecissent? Quorum quidem in te, Cæsar Auguste, iudicium & fauor, tunc statim cùm ³⁹ ad exercitum proficisceris, & quidem inusitato indicio, enituit. Nam ceteros Principes, aut ⁴⁰ largus cruor hostiarum, aut sinister volatus auium consulentibus nunciauit: tibi ascendenti ⁴¹ de more Capitolium, quanquam non id agentium ciuium clamor, vt iam Principi, occurrit. Siquidem omnis turba quæ limen infederat, ad ingressum tuum foribus reclusis, illa quidem vt tunc arbitrabatur Deum, ceterum vt docuit euentus, ⁴² te consalutauit Imperatorem. nec aliter à cunctis omen acceptum est: nam ipse intelligere nolebas. recusabas enim imperare, recusabas quod ⁴³ benè erat imperaturo. Igitur cogendus fuisti. cogi porro non poteras, nisi periculo patriæ, & mutatione Reip. Obstinatum enim tibi non suscipere imperium, nisi seruandum fuisset. Quare ego illum ipsum ⁴⁴ furorem motumque castrensem reor extiuisse, quia magnâ vi magnoque terrore modestia tua vincenda erat. Ac sicut ⁴⁵ maris cælique temperiem turbines tempestatesque commendant, ita ad augendam pacis tuæ gratiam, illum tumultum præcessisse crediderim. ⁴⁶ Hiber has vices conditio mortalium, vt aduersa ex secundis, ex aduersis secunda ⁴⁷ nascantur. ⁴⁸ Occultat vtrorumque femina Deus, & plerunque bonorum malorumque causæ sub diuersâ specie latent.

³⁸ EXORATA TERRIS NUMINA.] Orosius: Nerua Traianum adoptauit, per quem reuera afflicta reip. diuina promissio consuluit. ³⁹ AD EXERCITVM.] A Domitiano, in Germaniam inferiorem missus, Legatus consularis.

sularis. ⁴⁰ LARGVS CRVOR HOSTIARVM.] Nam hostias cadebant, qui per haruspicinam consulebant de futuris. Aues inspiciebant, qui per augurium. Puto autem his verbis Plinium adspexisse ad omnia augusto facta, futuri Principatus. quæ sic in Suetonio: Primo Consulatu ei augurium capienti, duodecim se vultures, vt Romulo, ostenderunt: & immolanti, omnium victimarum iocinera replicata intrinsecus ab imâ fibrâ paruerunt. ⁴¹ DE MORE.] Ad vota nuncupanda, quæ solent ituri in prouincias, aut bella. ⁴² TE CONSALVTAVIT IMPERATOREM.] Explicari hæc video: Populus salutauit Iouem optimum, maximum; tu autem postea dictus Optimus: ita in illo cognomine te salutarunt. Frigidè, & nihil ad Plinium. Res ita est. Turba Iouem salutauit, Imperatorem. nam ita & infra iterat: Qui te primi, eodem loco, salutauerat Imperatorem. Ergo in eâ voce allusio tota & omen. Quomodo? sciendum, præter Iouem illum Capitolinum, alium in eodem templo religiosè cultum, cognomine Imperatoris. Dicit hoc Linius, libro VI. Triumphans (T. Quinctius) signum, Præneste deuectum, Iouis Imperatoris, in Capitolium tulit. Dedicatum est inter cellam Iouis ac Mineruæ. En, locum etiam signatè habes, ubi fuit. De eodem Cicero, in Verrem: Tria ferebantur in orbe terrarum signa Iouis Imperatoris. vnum illud Macedonicum, quod in Capitolio videmus; alterum in Ponti ore & angustijs; tertium quod Syracusis ante Verrem Prætorem fuit. Illud ita Flamininus ex æde suâ iustulit, vt in Capitolio, hoc est terrestri domicilio Iouis poneret. Vbi tamen dissensum, in auctore, à Liniis notes. nam Cicero T. Quinctium Flamininum è Macedonia tulisse vult: Linius T. Quinctium Cincinnatum, Præneste. Vter verior? nescio. dubitationem fuisse ex eo arbitror, quod T. Quinctij nomine inscriptum signum fuerit & dedicatum, haud alio cognomine: atque ita alius alio traxit. Sed pro Liniis P. etiam Victor est, in descriptione vrbis, qui regione VIII. Capitolij ponit: Signum Iouis Imperatoris Præneste deuectum. Atque illinc disce, post tot incendia, etiam infra Plinii æuam longè mansisse. Hæc historia sic posita, yem aperit. Ingressa turba, Salue Imperator clamaui: sed ad Iouem. Quia tamen ipso puncto ingressus Traianus, omen ad illum haud vanè tractum. ⁴³ BENE ERAT IMPERATVRO.] Nam si agnouisses, à tyranno Principe discrimen aut mors tibi imminabat. Benè igitur erat futuro Imperatori. Sed libri alij, imperaturi: quod sequentia magis approbant. & est sensus, Recusare imperium, signum erat quod benè imperaturus esses. Nam qui ambitione affectant honores, raro virtute gerunt: qui recusant & abnuunt, ij magis. Inde Imperatoris illa vox, Inuitos ad remp. adinuocandos. ⁴⁴ FVROREM MOTVMQVE CASTRENSEM.] Qui talis. Caso Domitiano, miles grauissimè tulit (Suetonij verba) paratus statim vlcersi, nisi duces defuissent. Quieuit igitur, sed Neruâ iam electo, fene, molli, & parum ad suum nomen, animos irasq. sumpserunt, incendente Casperio Aeliano, Prætorij Præfecto: qui idem munus & sub Domitiano habuerat. Inde in eum oculus fauor, & miseratio: & impulsî milites deposcere ad eadem cadis auctores. Factum turbide & acriter: Nerua resistit pariter, vsquecò vt iugulum nudum potius iis offerret ferendum. Non demouit tamen,

tamen, & cum perseuerarent furere, traditi casij, sunt ij, quos depoposcerunt. Hæc ex Dione: & adde Victorem diffusius, Suetonium breuiter tangentem, cap. XXIII. Domitiani. ⁴⁵ AC SICVT MARIS.] Casiodorus VI. I. Variar. Bonum insolitum plus amatur, & sequenti gaudio confert dulcedinem præmissa tristitia. ⁴⁶ HABET HAS VICES.] Certè habet. & Pindarus aptè cecinit: Ποιὶ δ' ἄλλοτε ἄλλαι, Ευθυμιάν τε μετὰ καὶ πόνον, Ες ἀνδρας ἔβαν: Fluctus alij aliàs, Gaudiorum atque laborum, In homines veniunt. Caput sapientia, id est Homerus:

—— ἀτὰρ θεὸς ἄλλοτ' ἐπ' ἄλλω

Ζεὺς ἄγαθὸν τε κακὸν τε δίδωι:

—— aliàs Deus, illi alijque,

Nunc bona, nunc mala dat.

⁴⁷ NASCANTVR.] Manilius:

—— Tanta est rerum discordia in æuo,

Et subtexta bonis mala sunt, lacrimæque sequuntur

Vota, nec in cunctis seruat Fortuna tenorem.

Nasci igitur alia ex alijs videntur, quia sic subtexta, vt ait, & inter se iunguntur. Alij tamen libri, noscantur: nec malè. Id esset, diiudicentur melius & sentiantur, ex contrariorum sensu. ⁴⁸ OCCVLTA VTRORVMQVE SEMINA.] Dicit: Deus causas rerum secundarum vel aduersarum, sub diuersa facie promittit: & saepe latos effectus tristia initio, & contrà tristes leta gignunt.

MAGNUM quidem illud sæculo dedecus, magnum Reipub. vulnus impressum est. Imperator, & ⁴⁹ parens generis humani, obsessus, captus, inclusus: ablata ⁵⁰ mitissimo seni seruandorum hominum potestas, ereptumque Principi illud in principatu beatissimum, quod nihil cogitur. Si tamen hæc sola erat ratio, quæ te publicæ salutis gubernaculis admoueret: propè est vt exclamem, ⁵¹ tanti fuisse. Corrupta est disciplina castrorum, vt tu ⁵² corrector emendatorque contingeres: inductum pessimum exemplum, vt optimum opponeretur: postremo coactus Princeps quos nolebat occidere, vt daret Principem qui cogi non posset. Olim tu quidem adoptari merebare: sed nescissenas, quatum tibi deberet imperium, si antè adoptatus esses. ⁵³ Expectatum est tempus, in quo liqueret, non tam accepisse te beneficium, quam dedisse. Confugit in sinum tuum concussa Respub. ruensque imperium super Imperatorem, Imperatoris tibi voce delatum est. ⁵⁴ Imploratus adoptione, & accitus es: vt olim duces magni, à peregrinis externisque bellis, ad opem patriæ ferendam reuocari solebant. Ita filius ac parens, vno eodemque momèto, rem maximam inuicem præstitistis: ille tibi imperium dedit, tu illi red-

si operâ eorum vsurus, alium alibi sustulit. *Dio.* ⁵³ *EXSPECTATVM EST* *TEMPVS.*] *Palâm igitur, non initio statim imperij à Neruâ, sed eo inclinante, adoptatus est. At Onufrius (verus pater Principalis historie & Faſtorum) aſſeuerat, Diem adoptionis, & Tribunitiæ poteſtatis aſſumptæ, proculdu-* bio fuiſſe *XI III. Kal. Octobris. Quid? illum primum imperij? non poteſt. anno igitur poſt? hoc propius ad verum, ſed quo tamen auctore, tam definitè eundem ſtatuat, reſquiro. Ego hoc ſaltem inuenio (in Aur. Victore) tribus* menſibus cum adoptato Neruam vixiſſe. *Atquin imperauit Nerua an-* num vnum, menſes quattuor, dies nouem: *capit imperare certò XI III. Kal. Octobris, cum Domitianus caſus: ergo, hoc calculo, adoptio Traiani inci-* dat in *VI. Kal. Nouembri, aut circâ.* ⁵⁴ *IMPLOMATVS ADOPTIONE.] Cùm* *ad abſentem Homericò verſu Neruâ ſcripſiſſet:*

Τίτῳ δ' αὖτοί ἐμὰ δάκρυα ποτὶ βέλεσσι:

Has lacrymas, Traiane, tuis vlciſcere telis.

⁵⁵ *PARIA ACCIPIENDO.] Aiqui reddendo paria ſunt, & nomen expun-* gitur. *Pulchrum acumen, vt centena in hoc ſcripto.* ⁵⁶ *VLTRA.] Volcbam,* & nunc velim, vltiò. ⁵⁷ *PROPRIVS METVS.] Vt Tacitus, de Othone: Fin-* gebat & metum, quò magis concupiſceret. ⁵⁸ *PRIVATVS ESSE.] At-* qui *Senator erat, & Conſularis, & prouinciæ præſes. Nichil ad rem. more huius* & *ſuperioris aui, omnes Priuati, qui non Principes: & ſolus ille ab hoc nomi-* ne exceptus. *Tacitus de Galbâ: Maior priuato viſus, dum priuatus fuit: &* *millies alibi.* ⁵⁹ *STATIONIS ISTIVS.] Suetonius, Claudio: Quòd aliter* peruenturus ad ſuſceptam ſtationem non fuerit. *Spartianus: Qui Prin-* cipum locum in hac ſtatione retentant. *Lampridius: Etiam in his arti-* ſex, quæ ſtationis Imperatoriæ non erant. & ſæpiùs alibi, pro ſummo hac loco & *Principalî. Quare? ab militariſus ſtationibus ductum puto. quia ſicut* ille in excubiis contra hoſtem; ita Imperator quaſi in perpetuâ vigiliâ & *Reip. curâ. An non Veſpaſianus eò alluſerit, cùm extremum illud protulit?* Imperatorem ſtatem mori oportere. *Stabant enim in his Stationibus: et-* ſi ad aciem potuit etiam eſſe reſpectus.

N V L L A adoptati cum eo qui adoptabat cognatio, nulla neceſſitudo: niſi quòd vterque optimus erat, dignusque alter eligi, alter eligere. Itaque adoptatus es, non vt priùs ⁶⁰ alius atque alius, in gratiam vxoris: adſciuit enim te filium non vitricus, ſed Princeps, eodemque animo diuus Nerua pater tuus factus eſt, quo erat omnium. Nec decet aliter filiù adſumi, ſi adſumatur à Principe. An Senatum P. Q. R. exercitus, prouincias, ſocios tranſmiſſurus vni: ſucceſſorem è ſinu vxoris accipias? ſummæque poteſtatis heredem, ⁶¹ tantùm intra domum tuam quæras? non per totam ciuitatem ⁶² circumferas oculos? & hunc tibi proximùm, hunc coniunctiſſimùm exiſtines, quem ⁶³ optimùm, quem dijs

simillimum inueneris? Imperaturus omnibus, eligi debet ex omnibus. non enim ⁶⁴ seruulis tuis dominum, vt possis esse contentus quasi ⁶⁵ necessario herede, sed Principem ciuibus daturus Imperator. Superbum istud & regium, nisi adoptes eum, quem ⁶⁶ constet imperaturum fuisse, etiam si non adoptasses.

⁶⁰ ALIVS, ATQVE ALIVS.] *Tiberius & Nero intelliguntur: ille ab Augusto, matris Liuiæ ambitu; hic à Claudio, Agrippinæ, ad imperium adsciti.*

⁶¹ TANIVM INTRA DOMVM.] *Galba apud Tacitum: Sed Augustus in domo successorem quæsiuit, ego in republicâ.* ⁶² CIRCVMFERAS OCULOS.] *Hæc omnia pro Electione, & Politicis notanda sunt. Senator quispiam, apud Vopiscum, senem iam Tacitum Imp. eò hortatur: Quare circumspecte, imitare Neruas, Traianos, Hadrianos. Ingens est gloria morientis Principis, temp. magis amare, quàm filios.* ⁶³ QVEM OPTIMVM.] *A virute, non à sanguine. Roma, apud Claudianum:*

Hic illi mansere viri, quos mutua virtus
Legit, & in nomen Romanis rebus adoptans,
Iudicio pulchram seriem, non sanguine, duxit.

⁶⁴ SERVVLIS TVIS.] *Idem ille Senator, in Vopisco: Ne sic temp. patresque conscriptos, & populum Romanum, vt villulam tuam, vt colonos tuos, vt seruos tuos, relinquas.* ⁶⁵ NECESSARIO HEREDE.] *Statius:*

— natos genuisse necesse est, At legisse iuuat. *Tacitus in oratione Galbæ: Sub Tiberio, & Caio, & Claudio, vnius familiæ quasi hereditas fuimus.*

⁶⁶ CONSTET IMPERATVRVM.] *Gloriosè hoc erga Traianum. quasi ille, virtutis merito, ad imperium venturus, etiam non electus.*

FECIT hoc Nerua. nihil interesse arbitratus, genueris an elegeris; si perinde ⁶⁷ sine iudicio adoptentur liberi, ac nascuntur. nisi tamen, quòd æquiore animo ferūt homines, quem Princeps parum feliciter genuit, quàm quem malè elegit. Sedulo ergo vitauit hunc casum, nec iudicium hominum, sed deorum etiam in consilium assumpsit. Itaque non tua in cubiculo, sed ⁶⁸ in templo; nec ante genialem torum, sed ante puluinar Iouis optimi maximi adoptio peracta est: quâ tandem non seruitus nostra, sed libertas, & salus, & securitas fundabatur. Sibi enim dii gloriam illam vindicauerunt: horum opus, horum illud imperium: Nerua tantum minister fuit. Vterque, qui adoptaret tam paruit; quàm tu, qui adoptabaris. Allata erat ex ⁶⁹ Pannoniâ laurea, id agentibus dijs, vt inuicti Imperatoris exortum victoriæ in signe decoraret. hanc Imperator Nerua ⁷⁰ in gremio Iouis collocarat: cum repente solito maior & augustior, aduocatâ ⁷¹ hominum

concio-

concone decorumque, te filium sibi, hoc est vnicum auxilium fessis rebus assumpsit. Inde quasi deposito imperio, quâ securitate, quâ gloriâ lætus (nam quantulum refert deponas, an partiaris imperiū: nisi quod ⁷² difficilius hoc est?) non secus ac præsentī tibi innixus: tuis humeris se patriamque sustentans, ⁷³ tuâ iuuentâ, tuo robore inualuit: statim confedit omnis tumultus. Non adoptionis opus istud fuit, sed adoptati: atque adeò temerè fecerat Nerua, si adoptasset alium. Obliti ne sumus, vt ⁷⁴ nuper post adoptionem non desierit seditio, sed cœperit? Irritamentum istud irarum, & fax tumultus fuisset, nisi incidisset in te. An dubium est, vt ⁷⁵ dare non posset imperium Imperator, qui reuerentiam amiserat? auctoritate eius effectum est, cui dabatur. Simul filius, simul Cæsar, mox Imperator, & consors Tribunitiæ potestatis, & omnia pariter & statim factus es: quæ proximè ⁷⁶ parens verus tantum in alterum filium contulit.

⁶⁷ SINE IUDICIO.] *Nam hoc est, quod discrimen facit inter Adoptionem & Genituram: & quo titulo huic vult præferri. Hadrianus moriturus, apud Dionem: Mihi, o amici, liberos gignere natura non dedit, sed lege & adoptione vos mihi dedistis. Differt autem hoc ab illo, quod nati quidem liberi, quales deo cumque visum est, gignuntur & crescunt; at adoptione, quales quisque vult, pro arbitrio adsciscit. Ita à naturâ sæpe corpore aut mente imminutum habes; ab adoptione & iudicio, utroque perfectum, si voles.* ⁶⁸ SED IN TEMPLO.] *In Capitolio. Dio Cassius: Νερίας εἶσε τὸ γῆρας καταφεινόμενος, ἀνέβη τε εἰς τὸ καπιτώλιον, καὶ ἔφη θαυμάσιαι, Ἀγαθὴ τύχη τῆς τε βασιλῆς, καὶ τῆς δήμου τῆς Ῥωμαίων, καὶ ἐμῆς αὐτῆς, Μάρκον Οὐλπιον Τεργιανὸν εἰσποιοῦμαι. καὶ μετὰ ταῦτα ἐν τῷ συνέδριῳ καίσαρα τε αὐτὸν ἀπὲρ εἶξε: Nerua ob senium iam contemptui, in Capitolium ascendit, & magnâ voce inclamans dixit, Quod felix faustumque Senatui, Populoque Romano, mihi que sit, M. Vlpium Traianum adopto. Et post hoc eundem Cæsarem in Senatu designauit.* ⁶⁹ EX PANNONIA LAVRVS.] *Georgius Cedrenus: Εξ Πανορίας δὲ ἀγγελία ἐπικυρίων ἐλθούσα ὡς δὲ Τεργιανὸς: E Pannoniâ victoriæ nuncius à Traiano veniens: etsi fallitur de Traiano, nam ille nunc alibi, & in coloniâ Agrippinâ.* ⁷⁰ IN GREMIO IOVIS.] *Quod in triumphis factum, atque etiam ubi victoria non digna triumpho. Suetonius, Domitiano: De Cattis triumphauit, de Sarmatis Lauream modò Ioui Capitolino rettulit. Plura nos ad I. I. Annalem Taciti.* ⁷¹ HOMINVM CONCIONE.] *Itaque & tribunal ascendit, quod sic Cedrenus: Λιβαίων ἐπιθύσας, εἰς ἀνὰ βήματος, μετὰ λαοῶν ἔσθι. Ἀγαθὴ τύχη, Νερίας Τεργιανὸν ὑποιοῦμαι: Thure cum supplicasset: stans in suggestu clamauit, Quod faustum felixque sit, Nerua Traianum adopto.* ⁷² DIFFICILIVS

HOC EST.] *Nam ut ille ait, Nec regna socium ferre, nec rædæ sciunt;*

⁷³ TVA IUVENTA.] *Suprà de ætate dixi. At Romanis Iuniores, ex Sernij scito, ad annum XLV. vlrà Seniores. Martialis etiam Iuuenem dixit, his versibus:*

Et fortem, iuuenemque, Martiumque
In tanto duce militem videret.

⁷⁴ NVPER POST ADOPTIONEM.] *Pisonis à Galbâ factam: neque aliter acceperis. Qui volunt à Neruâ ipso alium aliquem adoptatum, ut verbo dicam, blatiunt nugas.* ⁷⁵ DARE NON POSSET.] *Haud improba sententia. Possêtne dare imperium alteri, qui ipse iam pænè amiserat? non posset. At libris tamen alijs abest negatio: ac tunc legendum continuatione, An dubium est, ut dare posset imperium Imperator, qui reueretiam amiserat, auctoritate eius effectum esse, cui dabatur? magisque hoc placet. Sed magis etiam: An dubium est? ut dare posset imperium I. q. r. a. auctoritate eius effectum est, cui dabatur.* ⁷⁶ PARENS VERVS.] *Vespasianus, qui Titum consortem imperij accepit, seposito Domitiano, cuius superbia & propera ambitio timebatur. Suetonium vide.*

MAGNUM hoc tuæ moderationis indicium, quòd ⁷⁷ non solum successor imperij, sed particeps etiam sociusque placuisti. nam successor, ⁷⁸ etiam si nolis, habendus est; non est habendus socius, nisi velis. Credentne posterì, ⁷⁹ Patricio & ⁸⁰ Consulari & ⁸¹ Triumphali patre genitum, cum ⁸² fortissimum, amplissimum, amantissimum sui exercitum regeret, Imperatorem non ab exercitu factum? eidem cum ⁸³ Germaniæ præsideret, ⁸⁴ Germanici nomen ⁸⁵ hinc missum? nihil ipsum ut Imperator fieret agitalle, nihil fecisse? nisi quod meruit, & paruit. Paruisti enim Cæsar, & ad Principatum obsequio peruenisti: nihilque magis à te ⁸⁶ subiecti animo factum est, quam quod imperare cœpisti. Iam Cæsar, iam Imperator, iam Germanicus, absens & ignarus, & post tanta nomina, quantum ad te pertinet, priuatus. Magnum videtur si dicerem, nescisti te Imperatorem futurum: eras Imperator, & esse te nesciebas. Ut verò ad te fortunæ tuæ nuncius venit, malebas quidem hoc esse quod fueras, sed non erat liberum. An non obsequeris Principi ciuis, Legatus Imperatori, filius patri? Vbi deinde disciplina, vbi mos à maioribus traditus, quodcumque Imperator munus iniungeret, æquo animo paratoque subeundi? Quid enim si prouincias ex prouincijs, ex bellis bella mandaret? ⁸⁷ eodem illo vti iure posse putes, cum ad Imperium reuocet, quo sit vsus cum ad exercitum miserit: nihilque interesse,

ire Legatum, an redire Principem iubeat, nisi quòd maior sit obsequij gloria in eo, quod quis minùs velit. Augebat auctoritatem iubentis, in summum discrimen auctoritas eius adducta: vrque magis parendum imperanti putares, efficiebatur eo, quòd ab alijs minùs parebatur. Ad hoc audiebas, Senatus⁸⁸ populiq[ue] consensum. non vnus Neruæ iudicium illud, illa electio fuit: nam qui vbique sunt homines, hoc idem votis expetebant; ille tantùm iure Principis occupauit, primusq[ue] fecit, quod omnes facturi erant. Nec hercule tantopere cunctis factum placeret, nisi placuisset antè quàm fieret.

⁷⁷ NON SOLVM SVCCESSOR.] *Id est, non Cæsarem te tantùm designauit, & filium fecit, sed Imperatorem appellauit, & Tribunicia potestatis collegam. Ad eò de modestiâ tuâ confusus est, nec timuit ne his elatus, aliquid super ipsum, aut contra ipsum, velles.* ⁷⁸ ETIAM SI NOLIS.] Nemo enim (aiebat ille) successorem suum tollit. ⁷⁹ PATRICIO.] *Entropius ait, Traianum ex familiâ antiquâ magis, quàm clarâ natum. Et sanè Patriciatu iste, in homine Hispano, non potuit nisi nouus esse: puto à Vespasiano, qui Patricias gentes allègit.* ⁸⁰ CONSVLARI.] *Ita infrà, Consulatis viri triumphalisque filius. Sed quando fuerit, haud liquet: & confusa res in consulibus tanto numero suffectis.* ⁸¹ TRIUMPHALI.] *Vbi meritus? Infrà lege: Cùm puer admodum Parthicâ lauro gloriam patris augens. Itaque dicat in Parthis rem gessisse, comite filio puero, & illinc triumphalia rettulisse. Enimvero bella cum Parthis sub Nerone, duce Corbulone: ac pueritia Traiani incidit in illud tempus. Potest & in Iudeâ etiam meruisse, cum Tito, cui Legatus Prætorius fuit, legionis pugnacissimæ Decimæ præfectus. Iosephus lib. 111. Iaphan ab eo captam narrat, & disertè Τεγῖνον τὴν δυνάμειν τῶν Ἰουδαίων ἐκείνου appellat: Decimæ legionis Præpositum, siue Legatum.* ⁸² FORTISSIMUM, AMPLISSIMUM. *Nam, ut addit, Germaniæ inferiori præsidebat: in quâ legiones quattuor, cum auxilijs suis, aliisque.* ⁸³ GERMANIÆ.] *Nostre huic, inferiori. Entropius: Imperator in Gallijs, apud Agrippinam ciuitatem factus. Orosius: Apud Agrippinam, Galliarum urbem, insignia sumpsit imperij. Sidonius:*

Vlpus inde venit, quo formidata Sicambris

Agrippina fuit.

Dio Cassius: ἡγεστὸς δὲ τῆς γερμανίας: Præfuit Germaniæ. Ac diuiti: hic præfuisse, Claudianus indicat:

Cedant Druse tui, cedant Traiane labores.

Vestra manus dubio quidquid certamine gessit,

Transcurrens egit Stilico: totidemque diebus

Edomuit Rhenum, quot vos potuistis in annis.

Monumenta eius sunt, Vlpia castra haud longè à Veteribus, & ad Mæ-

num fluvium, Munimentum Traiani, quod commemorat Ammianus initio libri XVII. ⁸⁴ GERMANICI NOMEN.] Quod inter titulos imperij erat. eog. vti omnes, qui Germanicum Casarem sanguine vel adoptione contingerent: ut Caius, Claudius, Nero. postea & Vitellius, etsi aliâ causâ: item Domitianus, & nunc Traianus. Notavi aliquid ad locum Taciti I. Annalium: In suum cognomen adscisci Imperatores. ⁸⁶ HINC MISSVM.] Nam ambitiosi Presides, copijs subnixi, ipsi se Principes creabant. Ita Galba, Vitellius, cum successu: absque eo, Scribonius, & L. Antonius, conati. ⁸⁶ SUBIECTI ANIMO.] Quia in ipso animo tuo imperare spernebas: fecisti tamen, sed quia inissus. ⁸⁷ EODEM ILLO.] Malim, illum. ⁸⁸ POPVLIQUE CONSENSVM.] Ita Galba magnificè, in Tacito: Me deorum hominumque consensu ad imperium vocatum.

At quo, dij boni, temperamento potestatem tuam fortunamque moderatus es? Imperator tu ⁸⁹ titulis, & imaginibus, & signis: ceterum ⁹⁰ modestiâ, labore, vigilantîâ, Dux, & Legatus, & miles, cum iam tua vexilla, tuas aquilas magno ⁹¹ gradu anteires: neque aliud tibi ex illâ adoptione, quàm filij pietatem, filij obsequium adfereres, longamque huic nomini ætatem, longam gloriam precarere. Iam te providentia deorum primum in locum prouexerat, tu adhuc in secundo resistere atque etiam senescere optabas: priuatus tibi videbaris, quamdiu Imperator & alius esset. Audita sunt vota tua, sed in quantum optimo illi & sanctissimo seni utile fuit, quem dij ⁹² cælo vindicauerunt, ne quid post illud diuinum & immortale factum mortale faceret. Deberi quippe maximo operi hanc venerationem, vt nouissimum esset; auctoremque eius statim consecrandum, vt quandoque inter posteros quæreretur, an illud iam deus fecisset. Ita ille nullo magis nomine publicus parens, quàm quia tuus, ingens gloriâ, ingensque famâ, cum ⁹³ abundè expertus esset, quàm benè humeris tuis ⁹⁴ federet imperium, tibi terras, te terris reliquit, eo ipso carus omnibus ac desiderandus, quod prospexerat ne desideraretur. Quem tu lacrymis primum, ita vt filium deuit, mox templis honestasti, non imitatus illos qui hoc idem, sed aliâ mente fecerunt. Dicauit cælo Tiberius Augustum, sed vt ⁹⁵ maiestatis numen induceret: Claudium Nero, sed ⁹⁶ vt irideret: Vespasianum Titus, Domitianus Titum, sed ille vt dei filius, hic vt frater videretur. Tu sideribus patrem intulisti, ⁹⁷ non ad metum ciuium, non in contumeliam numinum, non in honorem tuum; sed ⁹⁸ quia deum.

deum credis. Minus est hoc, cum sit ab his, qui & sese deos putant. Sed licet illum aris, puluinaribus ⁸⁹ flamine colas, non alio magis tamen deum & facis & probas, quàm quòd ipse talis es. In Principe enim qui electo successore fato concessit, vna itemque certissima diuinitatis fides est, bonus successor.

⁸⁹ TITVLIS, IMAGINIBVS, SIGNIS.] *Inscriptionibus, tabulis aut clypeis, statuis. Etsi verius fortasse, Signa referri ad militaria illa, quibus nomina inscripta Imperatorum, & imagines ex auro argentòque innexa. Docui in Militiâ Romanâ.* ⁹⁰ MODESTIA.] *Hysterologiâ, singula singulis sequentibus nectuntur. Modestiâ miles, labore Legatus, vigilantia Dux.*

⁹¹ GRADV ANTEIRES.] *Pedibus, more Romano. Lucanus, de Catone: — præcedit anhelis Militis ora pedes. Tacitus de Othone: Nec illi segne, aut corruptum luxu iter, sed lorica ferreâ vsus, & ante signa pedestes. Spartianus, de Hadriano: Vicena millia pedibus armatum ambulasse.*

⁹² CÆLO VINDICAVERVNT.] *Splendide loquitur, quia Nerua consecratus. Conatus Hadrianus hunc nuncium perferre, de quo ita Spartianus: Traiano à Neruâ adoptato, ad gratulationem exercitus missus, in Germaniam superiorem translatus est. ex quâ festinavit ad Traianum, ut primus excessum Neruæ nunciaret. Quod libentiùs noto, ut sciatur intervallum aliquod inter adoptionem & mortem fuisse (suprà à me notatum:) neu quem fallant hæc Pliniana, auctoremque eius statim consecrandum: & plura, coloratè & oratorie dicta.* ⁹³ ABVNDÉ EXPERTVS.] *Quomodo autem, nisi intervallum fuisset, ut dicimus?* ⁹⁴ SEDERET IMPERIVM.] *Firmiter innixum. Sessio perpetuitatem notat.* ⁹⁵ MAIESTATIS NVMEN.] *An nomen, an magis crimen? nam & hoc ultimum in quibusdam libris. Constat sub Tiberio publicam panè rabiem (loquor cum prisco scriptore) fuisse accusandi: & pleraque crimina omnia, inscripta titulo Maiestatis. Quidquid dictum, factumve, Augustum aut eius stirpem vel leuiter tangeret, crimen dicitur, aut erat, Impietatis, ut Græci, siue Maiestatis, ut Latini.* ⁹⁶ VT IRRIDERET.] *Palam quidem. cum & Boletos, deorum cibum diceret; & plura huic rei in Suetonij Nerone. cap. xxxiii.* ⁹⁷ NON AD METVM.] *Vt Tiberius, sicut de Contumeliâ, quod sequitur, ad Neronem spectat: de Honore, ad Titum & Domitianum.* ⁹⁸ QVIA DEVM CREDIS.] *Et virtutibus calum meruisse. Seneca, de Clem. Deum esse, non tanquam iussi credimus, bonum Principem Augustum.* ⁹⁹ FLAMINE COLAS.] *Proprio sacerdotè. Vide notata nobis ad I. Annalem Taciti.*

NVM ergo tibi ex immortalitate patris aliquid arrogantia accessit? num hos proximos, diuinitate parentum desides ac superbos, potius, quàm illos veteres & antiquos æmularis? qui hoc ipsum imperium peperere, quod modò ¹⁰⁰ hostes inuaserat con-

tempserantque.¹⁰¹* cuius pulsi fugatique, non aliud magis habebatur indicium, quàm¹⁰² si triumpharetur. Ergo sustulerāt animos & iugum excusserant, nec iam nobiscum de suâ libertate, sed de nostrâ seruitute certabāt: ac ne inducias quidem,¹⁰³ nisi æquis conditionibus, inibant, legesque vt acciperent, dabant. At nunc redijt omnibus¹⁰⁴ terror & metus, & votum imperata faciendi.¹⁰⁵ Vident enim Romanum ducem, vnum ex illis veteribus & priscis, quibus Imperatorium nomen addebant contecti cædibus campi, & infecta victorijs maria. Accipimus obsides, ergo,¹⁰⁶ nō eminus, nec¹⁰⁷ ingentibus damnis immensisque muneribus paciscimur, vt vicerimus.¹⁰⁸ rogant, supplicant; largimur, negamus, vtrumque ex imperij maiestate. agunt gratias qui impetrauerunt, non audent queri quibus negatum est. An audeant? qui sciant¹⁰⁹ te adsedisse ferocissimis populis, eo ipso tempore,¹¹⁰ quod amicissimum illis, difficillimum nobis: cum Danubius¹¹¹ ripas gelu iungit, duratusque glacie ingentia tergo bella transportat: cum feræ gentes, non telis magis, quàm¹¹² suo celo, suo fidere armantur. Sed vbi in proximo tu, non secus ac si mutata temporum vices essent, illi quidem¹¹³ latibulis suis clausi tenebantur; nostra agmina percurfare ripas, & alienâ occasione, si permitteres, vti, vltroque¹¹⁴ hiemem suam barbaris inferre gaudebant.

¹⁰⁰ HOSTES INVASERANT.] *Daci, Sarmatæ, Sueui, Catti, sub Domitiano.*

¹⁰¹* CUIUS PULSI.] *Ego verò hiatum esse video, & firmat etiam vetus codex (Io. Liuiæio visus) qui lacunam præfert. Ille tamen mederi se putat, rescribendo: quod modò hostis inuaserat contempseratque. cuius pulsi: nempe, inquit, hostis. Parcite manes, alia mens longè Secundi. Tangit palam Domitianum, cuius hæc demens vanitas, vt cum malè pugnasset ipse aut Legati, tunc denique Roma triumphum instrueret, quasi victor. De Cattis, Tacitus: Proximisque temporibus (Domitiani) triumphari magis, quàm victi sunt. Idem, in Agricola: Decisui fuisse falsum eius (Domitiani) è Germaniâ triumphum. At de Dacis, Orosius: Præuissimâ iactantiâ elarus, sub nomine superatorum hostium, de extinctis legionibus triumphauit. Dio similia habet, & nos aliquid infra. Hæc igitur sententia, & pro eâ reformari posuit: cuius non pulsi. Sed non placet, atque aliquid omnino delinquit.* ¹⁰² SI TRIUMPHARETUR.] *Nempe Roma, à Domitiano. At alij libri, si ab illis triumpharetur: falso, magisque tunc, de illis.* ¹⁰³ NISI ÆQUIS CONDITIONIBVS.] *Hocne ergo adeò iniquum, si æquis? Ita, quia dignatio Romana & potentia maior, quàm vt barbari aquarentur. Neque malè tamen aliterutrâ* vocatâ.

voculâ reiectâ legeris : ac ne inducias quidem æquis conditionibus; vel, inducias quidem, nisi conditionibus. *Dispice. & fateberis fortius sic esse ferri, magisque indignanter.* Atque adeò sequentia dicunt, nec æquas condiciones fuisse, sed quas ijs lubitum imponere. ¹⁰⁴ TERROR ET METVS.] *Quid? utne hostes nos terreant? minimè. sed terror à nobis ad ipsos venit, habentque, & unâ metum. Sic infra iungit* : Neque enim adhuc ignaui cessauimus: terror & metus monebant à rep. animos auerteremus. *Alioquin læbebar legere, omnibus terris & metus &: sed puto, læbebar.* ¹⁰⁵ VIDENT ROMANVM DVCEM.] *Ista & Martialis versibus amplexus, in Traiani popularis sui laudem:*

Terrarum dea gentiumque Roma,
Dixit Præfide gloriosa tali:
Parthorum proceres, ducesque Serum,
Thraces, Sauromatæ, Getæ, Britanni,
Possum ostendere Cæsarem, venite.

¹⁰⁶ NON EMIMVS.] *Factum Domitiano, qui & falsos captiuos emit, ad instrumentum triumphi. Tacitus Agricolâ* : Emptis per commercia, quorum habitus & crines in captiuorum speciem formarentur. ¹⁰⁷ INGENTIBVS DAMNIS.] *Pecuniarijs. Sed hac priora, & subiuncta lucem accipiant à Dionis loco, qui in Fuluius Fragmentis publicatus. At, me vertente* : Domitianus victus à Marcomannis & fugatus, misit illicò ad Decebalum Dacorum regem, eumque ad pacem inuitauit. Quam ille suscepit, nec sic tamen vt ipse ad Domitianum veniret: sed Diegem quendam militi, qui arma pauca & viros, quasi captiuos, traderet. Eoque facto, Domitianus, vt verè victor, diadema Diegi imposuit (*nempe illi, sed in vicem nominèque absentis Decebali*) tanquam & ipse regem Dacis date posset: & militibus coronas, & dona pecuniaria, diuisit. Romam etiam quasi victor, cum alia misit, tum & Legatos, vt à Decebalo, & epistolam ab eodem (quam ipse tamen ferebatur confinxisse:) & pompam triumphalem splendide adornauit. non ex ijs sanè, quæ ipse ab hostibus cepisset (nam omnia aliter erant. atque adeò multam pecuniam ad pacem hanc emendam & statim effudit, & in posterum etiam daturum se promisit, præterea artifices & operarios omne genus, vel paci vel bello viles Decebalo donauit:) non, inquam, ex hostium spolijs, sed ex Principalibus tributis instruxit. *En pacem à Domitiano emptam, en mimicos triumphos! Atque ab his principijs (ò Romani, quò in iustis?) passim postea Barbari auro redempti & adstricti.* Attila rex facere id obiecit & sugillauit, narratiunculâ veteris scriptoris, apud Suidam: Cum Mediolanum, inquit, cepisset, vidissetque ibi in picturâ, Romanos Principes folio aureo insidentes, Scythas autem ijs ad pedes iacentes; ipse contrâ, sese iussit pingi, folio sublimem, Romanos autem Imperatores sacculos humeris baiulare, & aurum effundere ad eius pedes. *Hæc Suidas, in κόρυκος.* ¹⁰⁸ ROGANT, SUPPLICANT.] *Dio in Fragmentis: ὅτι πλείους ὁσαιοπορεύειν πρὸς Τεγαίων ὡς ἐκ βαρβάρων ἀλλοτρῶν ἢ ἰδιῶν ἀφίκοντο* : Quod varij multiq̃ue Legati, cum ab alijs Barbaris,

tum & ab Indis ad Traianum venerint. *Et si hæc magis postea gesta: sicut & illud, quod in Dionis compendio est, Traianum grauatum dare pecuniam, quam Daci annuâ capiebant, ad bellum se parasse, timentem Decebalum: qui rem sibi fore, non cum Domitiano, sed cum populo Romano, & Principe iustitiâ, robore, & militiâ claro videbat. Nam id bellum, anno post hæc Pliniana, capit. Porro similia istis, sed in viro dissimili, Stilicone suo, iactat Claudianus:*

Illi terribiles, quibus otia vendere semper
Mos erat, & scdâ requiem mercede pacifici,
Natis obsidibus pacem, tam supplice vultu
Captiuo quæ rogant, quàm si post terga reuincti
Tarpeias pressis subeant ceruicibus arces.

¹⁰⁹ TE ADSEDISSE.] *Castra & prætenturas habuisse, in fluminum ripâ. Quia enim ibi firmiter & assidue, ipsa castra etiam Sedes posteriore isto ævo dicta.* ¹¹⁰ QVOD AMICISSIMUM ILLIS.] *Claudianus, diligens Plinij lector, & imitator:*

— quod gentibus illis

Frigore consuetis fauet inclementia cæli.

¹¹¹ RIPAS GELV IVNGIT.] *Sic & pontibus iungi dicuntur, cum scilicet commeari licet & adire, ut iunctas. De re ipsâ, & immani hoc frigore, copiosè Herodianus libro vi. quem vide. Ait, inter alia, utrumque fluium, & Rhenum & Danubium, per hiemem sic gelascere, ut camporum in morem perequenter. Esse autem adeo solidam firmamque glaciem, ut non pedibus modò ungulisque hominum & equorum subsistat; sed qui hausturi aquam sunt, non tam urnas aut vasa secum afferant, quàm secures & dolabras, ut excisam aquam, quasi lapidem, sine vlllo vase, asportet. Quæ postrema tangere Catonem in fragmento Originum, quod apud Nonium est, scio: Qui aquatum, ut lignatum, videntur ire. securim atque lorum ferunt, gelum crassum excidunt, eum loro colligatum auferunt. De Rheno, opinor, dixit.* ¹¹² SVO CÆLO.] *In Taciti Germania: Mattiaci, ipso adhuc terræ suæ solo & cælo acrius animantur. Sidus autem, Arctûm certum est capi.* ¹¹³ LATIBVLIS.] *Subterraneis suis specubus, quos contra hiemem aperiunt: Tacitus.* ¹¹⁴ HIEMEM SYAM INFERRE.] *Poëticoëra sunt hæc omnia, & floride iumentia. Dicit, milites paratos uti occasione hiemis & glaciei, ac transire fluium: quod antea illi in nos solent.*

HÆC tibi apud hostes veneratio, quid apud milites? quam admirationem, quemadmodum comparasti? cum ¹¹⁵ tecum incediam, tecum ferrent sitim; cum in illâ ¹¹⁶ meditatione campestri militariibus turmis imperatorium puluerem sudoremque misceres, nihil à ceteris nisi robore ac præstantiâ differens; cum ¹¹⁷ libero Marte nunc cominus tela liberes, nunc ¹¹⁸ vibrata susciperes. alacer virtute militum & letus, quoties aut cassidi turæ aut clypeo

peo grauior ictus incideret: (laudabas quippe ferientes, hortabarisque vt auderent, & audebant iam;) cùm spectator moderatorque ineuntium certamina virorum, arma componeres, tela tentares, ac si quod durius accipienti videretur, ipse vibrares. Quid cùm solatium fessis, ¹¹⁹ agris opem ferres? Non tibi moris tua ¹²⁰ inire tentoria, nisi commilitonum antè lustrasses, nec requiem corpori, nisi post omnes, dare. Hac mihi admiratione dignus Imperator non videretur, si inter Fabricios, & Scipiones, & Camillos talis esset. tunc enim illum imitationis ardor, semperque melior aliquis, accenderet. Postquam verò studium armorum ¹²¹ à manibus ad oculos, ¹²² ad voluptatem à labore translatum est; postquam exercitationibus nostris non veteranorum aliquis, cui decus, muralis aut ciuica, sed ¹²³ Græculus magister assistit; quàm magnum est vnum ex omnibus ¹²⁴ patrio more, patriâ virtute letari, & sine æmulo ac sine exemplo secum certare, secum contendere; ac sicut imperat solus, solum ita esse qui debeat imperare?

¹¹⁵ TECVM INEDIAM.] *Precipit Honorio ita pater Theodosius, apud Claudianum:*

Inuentis vtare cibus. solabere partes

Æquali sudore tuas.

¹¹⁶ MEDITATIONE CAMPESTRİ.] *Exercitio in campo, μελέτη. De istâ eiusque modis, scripsi assatim lib.v. De militiâ. ¹¹⁷ LIBERO MARTE.] Sine cui reuerentiâ. cùm quasi miles in militem esses compositus. ¹¹⁸ NVNC VIBRATA.] Imò librata. ¹¹⁹ AGRIS OPEM.] *Ars Imperatoria, valde ad beniuolentiam parandam. Velleius, de Tiberio:* Per omne belli Pannonici tempus, nemo è militibus, cuiuscumque gradus, imbecillus fuit; cuius salus & valetudo non ita sustentaretur Cæsaris curâ, tanquam distractissimus ille tantorum operum mole, huic vni negotio vacaret animus. Erat desiderantibus paratum iunctum vehiculum, lectica eius publicata: cuius vsum cùm alij, tùm ego sensi. Iam medici, iam apparatus cibi, iam in hoc solum importatum instrumentum balnei, nullus non succurrit valetudini. *At de nostro Traiano, Dio in compendio: cuius tamen verba plura & meliora leguntur in Suidâ, istac:* Γεγονὸς ὁ βασιλεὺς τῆς ἐν πολέμῳ τετραμήνου ἐπερίπρασεν. ἐπιλειπόντων δὲ σφᾶς ἡδὲ ἐπηδέσμων, ἐδὲ ὁ αὐτὸς ἐσθῆτος ἐπέσταν, ἀλλ' εἰς τὰ λαμπράδ' αὐτῷ κατέπεσε πάντα: Traianus Princeps milites in prælio vulneratos curabat. cùm autem fasciæ & volumina deficerent, nec suæ quidem vesti pepercit, sed eam totam in ligamenta & fomenta discidit. *O factum (quid enim altius possum?) verè Traiani: quod tamen & femina simile, ante eum, usurparat Agrippina, Germanici**

nici vxor. in Tacito: Sed fœmina ingens animi, munia ducis pereos dies induit, militibusque, vt quis inops aut saucius, vestem & fomenta dilargita est. Maſte & tu, alio patre & patruo, quàm Tiberio digna. ¹¹⁰ INIRE TENTORIA.] *Aufonius, de Gratiano: Vidite circumire tentoria, Satin' saluæ? quærere, tractare vulnera sauciorum, & vt salutiferæ apponerentur medelæ instare.* ¹¹¹ A MANIBVS AD OCVLOS.] *Quis manus non in pugna, sed in theatris Circisque mouemus. Ibi gladiatores, ibi bestiarios depugnantes oculis vsurpamus: & in Stadiis, athletas.* ¹¹² AD VOLVPTATEM.] *Sine ob causſam iam dictam: siue quia tangit gymnasia, Græcorum ritu vsurpata.* ¹¹³ GRÆCVLVVS MAGISTER.] *Progymnastes, vel aliptes, Græcis item vocibus. Nam proh facinus (ait Seneca in istâ re) ne Romanis quidem vitijs laboramus: nempe in ceromate dediti & haphe. Enimuerò Plutarchus, etsi Græcus, fatetur Palæstram effæminasse corpora, & ad molli- tiem deduxisse specie exercendi.* ¹¹⁴ PATRIO MORE.] *Quid ergo? quid à te disco Plini? Traianum è Romanis aut Italis esse? Victoris epitoma hoc etiam dicat, in quâ scribitur, Vlpivs Traianus, ex vrbe Tudertinâ. Atqui Tuder in Italiæ Vmbriâ est. Si tamẽ hoc, quid fiet Dioni, qui diseritè scribit, ὁ Ἰσπανὸς Τραιανὸς, ὅτε Ἰταλὸς, ὅτε Ἰταλιώτης ἐστὶν: quòd Hispanus esset Traianus, & nec Italus, nec quidem Italicus. Potestne clariùs Hispanum asserere, & nec Italum, nec Italo patre natum? Et addit: μηδεὶς θεός ἐστιν ἀλλοεθνὴς τὸ τῶν Ῥωμαίων κείτος ἐχέμεν: Nemo antea alienigena & exterus Romanum imperium est adeptus. Et pondus lapidis accedit, quod non amoliari, sic inſculpti:*

IMP. CAES. NERVAE. TRAIANO. AVG. GERMANIC.

DACIC. PARTHIC. PONT. MAX. TR. POT. XV. COS. VI. P. P.

DE. ROMANO. IMPERIO. DE. PATERNA. ET. AVITA

HISP. PATRIA. ET. DE. OMNI. HOMINVM. GENERE. MERITISS.

POPVLARES. PROVINC. AREVATVM. OPTIMO. PRINCIPI.

Et verò origine Hispanâ fuisse, patrêmque talem, nihil ambigo: de ipſo, sus- pendit me ipſe lapis, dum scrutor. Nam nominat Hispaniam, paternum & auctam eius patriam: cur non eius simpliciter, si ibi natus? Considera, & mo- mentum hoc est ad inclinandum: sicut & Victor alter ortum dicit Italicâ, non etiam natum. Sed nec Panegyricus satis apertè, qui Theodosio dictus: Hæc (Hispania) Traianum illum, hæc Hadrianum dedit imperio. Imò si ita intellegit datum, vt Hadrianum: profectò origine tantum Hispanus sit, non etiam natiuitate. Nam ille (in partiano) parentes quidem ab Italicâ His- pania habuit, natus tamen Romæ. Hoc iterum si verum: quid Dionis supe- rior assertio, nonne concutitur ab ipſo Dione, qui in Hadriano scribit, τῆς Ἰταλίας Τραιανῆς, id est, ciuem & ex eadem vrbe fuisse? Ergo vterque Romanus. Contrà tamen, liquido Eutropius, & ex eo Eusebius vt solet, natum Italicæ in Hispaniâ, adſirmant. Illustrari me fateor. & quod ad Victorem, parata cor- rectiuncula erat, ex vrbe Turdetanâ: etsi lapis tum etiam turbat, qui Are- uates (Ptolomeo Areuacas) populares Traiani facit, aut certè videtur: illi autem in diuerso Hispaniæ tractu, & prope Cluniam, in eius mediocritate, po- nuntur. O in viro tam illustri pudendas tenebras! Vbi estis Græci Latini quæ,

qui.

qui vitam & res huius Principis scripsistis? supra decem fuisse scio, sed (ô doctor) fuisse Pergamus in Plinio: qui aut verè Romanum cum habet, aut callidè ubique dissimulat Hispanum fuisse.

NONNE incunabula hæc tibi, Cæsar, & rudimenta, cum puer admodum ¹²⁵ Parthicâ lauro gloriam patris augens, nomenque Germanici iam tum mererere? cum ferociam superbiamque Parthorum ex proximo auditus magno terrore cohiberes, Rhenumque & Euphratem admirationis tuæ famâ coniungeres? cum orbem terrarum non pedibus magis, quàm laudibus peragraret, apud eos semper maior & clarior, quibus postea cōtingisses? & necdum Imperator, necdum dei filius eras. ¹²⁶ Germaniamque cum plurimæ gentes, ac propè infinita vastitas interiacentis soli, ¹²⁷ tum Pyrenæus, Alpes, immensique alij montes nisi his compararentur, muniunt dirimuntque. Per hoc omne spatium cum legiones duceres, seu potius (tanta velocitas erat) raperes: ¹²⁸ non vehiculum vnquam, non equum respexisti. levis hic, non subsidium itineris, sed decus, & cum ceteris subsequebatur: ut cuius nullus tibi usus, nisi cum die statiuorum proximum campum alacritate, discursu, puluere attolleret. Initium laboris mirer, an finem? multum est quod perseverasti, plus tamen quod non timuisti, ne perseverare non posses. Nec dubito quin ¹²⁹ ille qui te inter illa Germaniæ bella ab Hispaniâ usque, ut validissimum præsidium, exciuerat, iners ipse alienisque virtutibus tunc quoque invidus Imperator cum ope earum indigeret, tantam admirationem tui non sine quodâ timore conceperit: quantum ille genitus Ioue, post labores duraque imperia, ¹³⁰ regi suo indomitus semper indefessusque referebat, cum alijs super alias expeditionibus ¹³¹ itinere illo dignus inuenireris.

¹²⁵ PARTHICA LAVRO.] *Nihil hac de re lêgi: comitem patri fuisse, id apparet. Mox velim scribi, augeres.* ¹²⁶ GERMANIAMQUE.] *Defectum aliquem video, sed leuem.* ¹²⁷ TVM PYRENÆVS.] *Itâne Pyrenæus inter Germaniæ terminos? ita, sed latè illius sumpta, ut Gallias etiam comprehendat. Nec id nouum est: & sicut Celtas eos præsci Græci communiter vocarunt, sic Latini modo Germanos, modo Gallos alternant. Plura exempla sunt: sed hoc Senecæ huc aptissimum, Consolat. ad Heluiam: Pyrenæus Germanorum transitus non inhibuit: ubi de gentium migratione agit. Ergo Germani in Hispaniam? non, quod sciam: sed Galli, id est Celta, à quibus & Celtiberia nomen habet.* ¹²⁸ NON VEHICVLVM.]

*Nota duritiem & perperionem laboris in Principe. de quâ etiam Dio: Ελάδι-
 ζεν αὖτις μὲν παντός τὸ στρατὸν πεζῶν, τὰς τε πεταμέας, ὅσους γὰρ ἐκείνοι, πεζῶν δὲ
 ἕαυτε: Pedibus ibat, iuxta ac totus exercitus: & quoscumque fluuios illi,
 etiam ipse pedester transibat. At Velleius in Tiberij laudibus ponit, quod
 solus semper equo vectus sit, in bello Germanico: quo colore aut causâ?
 Quod molliores Principes vehiculo semper aut lecticâ, & durior est equus.
 Suetonius de Domitiano: In expeditione & agmine, equo rariùs, lecticâ
 assiduè vectus est. Neque omnes sanè Traiani fuerunt. cuius factum ore
 qui subsannat, animo miretur. ¹²⁹ ILLE QVI TE.] Domitianus, dum bella
 parum prospera cum varijs Germaniæ gentibus habet. Sed accitum ait, ab Hi-
 spaniâ. Vnde nunc ergo, aut quare, illic? Existimo post Consulatum (quem
 gessit sub Domitiano, anno DCCCXLI II.) missum in Hispania aliquam par-
 tem, ut præsideret. Illinc nunc cum legionibus excitum. ¹³⁰ REGI SVO.]
 Eurystheo, qui Italia imperabat. ¹³¹ ITINERE ILLO.] Tam longo, difficili.
 Sed magis arridet, quod libri alij, munere alio habent. Per munera &
 Præfecturas, quas sustinebas, gerendo probabas te alijs maioribusque
 sufficere.*

TRIBVNVS verò, disiunctissimas terras, ¹³² teneris adhuc
 annis, viri firmitate lustrasti: iam tunc ¹³³ præmonente fortunâ,
 ut diu penitus perdisceres, quæ mox præcipere deberes. Neque
 enim prospexisse castra, breuemque militiam quasi transisse con-
 tentus: ita egisti tribunum, ut esse statim dux posses, nihilque di-
 fcendum haberes tempore docendi. Cognouisti ¹³⁴ per stipendia
 decem ¹³⁵ mores gentium, ¹³⁶ regionum situs, opportunitates lo-
 corum, & diuersam ¹³⁷ aquarum calique temperiem, ut patrios
 fontes patriumque sidus, ferre consueuisti. Quoties equos, quo-
 ties emerita arma mutasti? Veniet ergo tempus quo posteri vise-
 re, visendum tradere minoribus suis gestient, quis sudores tuos
 hausit ¹³⁸ campus, quæ ¹³⁹ refectioes tuas arbores, quæ ¹⁴⁰ som-
 num saxa prætexerint, quod denique tectum ¹⁴¹ magnus hospes
¹⁴² impleueris: ut tunc ipsi tibi ingentium ducum sacra vestigia,
 iisdem in locis, monstrabantur. Verùm hæc olim. in præsentia
 quidem, quisquis paulò vetustior miles, hic te commilitone cen-
 setur. quotus enim quisque, cuius tu non antè commilito, quàm
 Imperator? Inde est, quod ¹⁴³ propè omnes nomine appellas;
 quod singulorum fortia facta commemoras: nec habent ¹⁴⁴ ad-
 numeranda tibi pro rep. vulnera, quibus statim laudator & testis
 contigisti.

¹³² TENERIS ADHVC ANNIS.] Nam Tribuni, illo a^{no}, adoleſcentes ſe-
bant. Hadrianus demum inſtituit, neminem Tribunum, niſi plenà bar-
bà, fieri. *Spartianus*. ¹³³ PRÆMONENTE FORTVNA.] *Lego*, præmunien-
te, vel præmoliente. Nam *Deus*, inquit, iam tunc diſpoſuit & præſtruxit,
vt adoleſcens diſceres, quæ exercenda aut iubenda Princeps haberes. ¹³⁴ PER
STIPENDIA DECEM.] Totius militiæ? non puto, ſed Tribunatus. Nam ſi
puer admodum (ita *Plinius*) militiæ Parthica interfuit, ſi à teneris annis
Tribunus militum, ſi denique anno XLII. ad imperium venit: quomodo pro-
babile, decem tantum annos militaſſe? At *Polybius* ita de Equitibus. Scimus:
ſed hoc quoque, licuiſſe & receptum fuiſſe, vt vltià; & denique hoc a^{no}, illa
Polybiana in obliuione & ſitum abiſſe. ¹³⁵ MORES GENTI VM.] Cum illo
Vlyſſe, — ὁς μάλα πολλά Πλάγχθη: & Πολλὰν δ' ἀν' Ὀρώπων ἴδεν
ἄστεα, καὶ νόον ἔγνω: — qui per ſola multa Iactatus —

Multorumque hominum mores atque opida nouit. *Cæſiodorus*:
Interdum expedit patriam negligere, vt ſapientiam quis poſſit acquire-
re. *Vlyſſes* Ithacus niſi hoc feciſſet, in laboribus (*ſcribe*, *laribus*) proprijs
forſitan latuiſſet. ¹³⁶ REGIONVM SITVS.] Quod vtiliſſimum futuro
Duci. *Plutarchum* in *Philopæmene* vide. ¹³⁷ AQUARVM CÆLIQVE.] Cur
de aquis? quia Romani milites aquam aceto mixto, vulgò bibebant.

¹³⁸ CAMPVS.] In quo te exercuiſti. ¹³⁹ REFECTIONES TVAS ARBO-
RES.] Pro Ruſtico & militari item ritu, qui cibos capiebant,

Propter aquæ riuos, ſub ramis arboris altæ.

¹⁴⁰ SOMNVN SAXA.] Credemusne? credamus, & res eſt: duces militēsque
olim, non in culcitis, ſed in terrà aut gramine, & (vt magnum) in antro aut
ſpecu, ſaxo impendente ac tegente, dormiſſe. *Marius* in *Salluſtio*: At illa
multo optima edoſtus ſum, hiemem & æſtatē iuxtà pari, humi requieſci-
cere. ¹⁴¹ MAGNVS HOSPEŠ.] *Claudianus*:

— ſtat pallidus hoſpitem magno Paſtor. ¹⁴² IMPLEVE-
RIS.] Aut magnitudine (nam & corpore talis) aut certè maiestate.

¹⁴³ PROPE OMNES NOMINE APPELLAS.] Mirum, tam hercules quàm
in *Cyro*, qui milites in numeroſo exercitu omnes nomine compellaſſe dicitur.
Sed hoc ſtudium in togà & militiâ Romanis, hac comitate erga inferiores vii,
& ſic denincire. Mox infrà. ¹⁴⁴ ADVNMERANDA TIBI.] Non opus re-
cenſeant, aut ſuggerant: cum tu plerisque factis præclaris interfueris. His re-
bus effectum, vt milites vniçè amarent *Traianum*, neque vnquam (*Dioni*
ſcriptum) contemptus aut ſeditio cum militaris exceperit.

SED tanto magis prædicanda ¹⁴⁵ moderatio tua, quòd innu-
tritrus bellicis laudibus pacem amas: nec quia vel pater tibi
triumphalis, vel adoptionis tuæ die dicata *Capitolino Ioui*
laurus, idcirco ex occasione omni quæris triumphos. Non times
bella, nec prouocas. Magnum eſt, Imperator *Auguſte*, magnum
eſt, ſtare in *Danubij* ripà, ſi tranſcas, certum triumphi, nec decer-

tare cupere cum recusantibus : quorum alterum fortitudine , alterum moderatione efficitur . Nam ut ipse nolis pugnare , moderatio , fortitudo tua præstat , ut neque hostes tui velint . Accipiet ergo aliquando Capitolium , ¹⁴⁶ non inaneis currus , nec falsæ ¹⁴⁷ simulacra victoriæ , ¹⁴⁸ sed Imperatore veram ac solidam gloriam reportante , pacem , tranquillitatem , & tam confessâ hostium obsequia , ut vincendus nemo fuerit . Pulchrius hoc omnibus triumphis . neque enim unquam , nisi ex contemptu imperij nostri factum est , ut vinceremus . Quod si quis ¹⁴⁹ barbarus rex eò insolentiæ furorisque processerit , ut iram tuam indignationemque mereatur ; ne ille , siue inter fuso mari , seu fluminibus immensis , seu ¹⁵⁰ præcipiti monte defenditur , omnia hæc tam prona tamque cedentia virtutibus tuis sentiet , ut subsedisse montes , flumina exaruisse , ¹⁵¹ interceptum mare , illatasque sibi non classes nostras , sed ¹⁵² terras ipsas arbitretur . Videor iam cernere non spolijs prouinciarum , & ¹⁵³ extorto socijs auro , sed hostilibus armis , captorumque ¹⁵⁴ regum catenis , triumphum grauem . Videor ingentia ducum nomina , ¹⁵⁵ nec indecora nominibus corpora noscitare . Videor intueri immanibus ausis barbarorum ¹⁵⁶ onusta ferula , & sua quemque facta ¹⁵⁷ victis manibus sequentem ; mox ipsum te sublimem , instantemque curru domitarum gentium tergo ; ante currum autem clypeos , quos ipse perforderis . Nec tibi opima defuerint , si quis regum venire in manus audeat ; nec modò telorum tuorum , sed etiam oculorum , minarumque coniectum toto campo , totoque exercitu opposito , perhorrescat . Meruisti ¹⁵⁸ proximâ moderatione , ut quodcumque te vel inferre , vel propulsare bellum coegerit imperij dignitas , non ideo vicisse videaris , ut triumphares , sed triumphare , quia viceris .

¹⁴⁵ MODERATIO TVA.] *Item Dioni laudata.* Εἰ δὲ καὶ φιλοπόλεμος ἦν , ἀλλὰ τῇ τε κατ' ὁρθεώσει , καὶ τῇ ἐχθρίσει μὴ κατὰ κρίσει , τὸ οἰκτεῖν δὲ ἀνέχεται ἡρεῖν : *Etsi autem militaris gloriæ cupidus erat , tamen victoriâ contentus , & hostes depreffisse , socios subleuasse , satis habebat.* ¹⁴⁶ NON INANES CURRVS.] *Iterum hæc in Domitianum . Inanes autem , spolijs vacuos.*
Propertius:

Quâ videam spolijs onerato Cæsar axe ,

Ad vulgi plausus sæpe resistere equos .

Passis & vniuersè referre ad currus , qui cum spolijs solent præire , grandi numero.

mero. Vide Plutarchum in Aemilio. ¹⁴⁷ SIMVLACRA VICTORIÆ.] Imagines & iconismi pugarum, quæ in ferculis. ¹⁴⁸ SED IMPERATORE.] Malim, Imperatorem, & mox, reportantem, distinctiunculis mutatis leuiter.

¹⁴⁹ BARBARVS REX.] Decebalus, cum quo bellum iam in opinione, & anno sequenti inchoatum. ¹⁵⁰ PRÆCIPITI MONTE.] Hoc quoque ad ipsum. Nam Dacia montana, & ibi in prærupto arces: Dio Cassius: ὁ δὲ Τριανός ὄρη τε ἀντεχειροῦρα ἔλαβε: Traianus montes (Dacorum) emunitos cepit. Et Statius:

Quæque suum Dacis donat clementia montem.

¹⁵¹ INTERCEPTVM.] E medio sublatum. ¹⁵² TERRAS IPSAS.] Quasi Italia iam (exempli causâ) contigua Africæ aut Illyrico esset. ¹⁵³ EXTORTO SOCIIS AVRO.] Omnia in Domitianum. Aurum porro Coronarium intellegit, quod pretextu victoriæ acerbè exigebant, nec vt collationem (ita olim) sed vt tributum. Vide me in Admirandis, lib. II. ¹⁵⁴ REGVM CATENIS.] Solenne, ad pompam & speciem. Ouidius:

Vinclaque captiuâ reges ceruice gerentes,

Ante coronatos ire videbis equos.

Albinouanus Peto:

Aspiciam regum liuentia colla catenis,

Duraque per sæuas vincula nexa manus.

Vopiscus Aureliano: Incedebat etiam Zenobia gemmis ornata, catenis aureis, quas alij sustentabant. Adèò graues scilicet catenæ istæ, vt sustentanda essent. Vetus planè mos, & Dionysius in triumpho T. Quintij Cincinnati: τὸν τε ἡγεμόνα τῆς πολέμου, καὶ τῆς ἀλλοῖς ἐπιφανεῖς ἀνδρας, ἀλύσει δεδεμῆσσι ἤγε: Ducem hostium, aliosque illustrium, catenis vinctos ante se egit. ¹⁵⁵ NEC INDECORA CORPORA.] Nomina magna, & in famâ omnium, & corpora item magna respondebant. An nomina magna, longa & polysyllaba? vt Decebalus, & Italia Barbarorum. ¹⁵⁶ ONVSTA FERCVLA.] Id est, in ipsis ferculis expressa facinora audacia Barbarorum. Nam ibi flumina, vrbes, pugna, quidquid singulare, populo ostendebatur. Tacitus fi. Annal. de Germanici triumpho: Vecta spolia, captiuum, simulacra montium, fluminum, præliorum. Propertius:

— & titulis opida capta legam. Claudianus:

Hi famulos traherent reges, hi facta metallis

Opida, vel montes, captiuâque flumina ferrent.

Metallis aut facta, id est auro vel argento, sed & ebore, citro, aut siquid aliud carum vel rarum. Vide Suetonium Iulij cap. xxxvii. Dionem xliii. qui hæc Fercula πομπήνια vertit, ἵς, ἡ, imponit ἔργων εἰκόνας, factorum imagines: sed ante omnes Iosephum, in Iudæico triumpho, qui Pegmata ea dicit. ¹⁵⁷ VINCTIS MANIBVS SEQVENTEM.] Nota morem triumphalem. Facta ipsa in ferculis, auctores præcipui eorum iuxta ea sequebantur. Aut etiam in ipso ferculo impositi, sublimes ita monstrabantur. Iosephus clarè: τέτακτο δὲ ἐφ' ἑκάστῳ τῶν πηγμάτων ὁ τ' ἀλίσκομένης πόλεως στρατηγός: Impositus erat in vnoquoque pegmatum dux vrbis captæ. Seneca, De vitâ

*beatâ. In alienum imponar ferculum, exornaturus victoris ferî pompam. Propertius: Et subter captos arma sedere duces. Nam habitus ita ma-
sto & supplice representabantur. ¹⁵⁸ PROXIMA MODERATIONE.] Cùm
ad Danubium sederes, certus victoriæ, si iransisses.*

ALIVD ex alio mihi occurrit. quàm speciosum est enim, quòd disciplinam castrorum lapsam extinctamque refouisti, depulso prioris sæculi malo, inertia & contumaciâ, & ¹⁵⁹ dedignatione parendi? Tutum est reuerentiam, tutum caritatem mereri: nec ducum quisquam, ¹⁶⁰ aut non amari à militibus, aut amari timet. & inde offensæ gratiæque pariter securi, ¹⁶¹ instant operibus, ¹⁶² adfunt exercitationibus, arma, ¹⁶³ mœnia, viros ap-
tant. Quippe non is Princeps, qui sibi imminere, sibi intèdi putet, quod in hostes paretur: quæ persuasio fuit illorum, qui hostilia cùm facerent, timebât. Eodem ergo tempore militaria studia, nec animos modò, sed & corpora ipsa languescere, gladios etiam incuriâ hebetari retundi-
que gaudebant. Duces porrò nostri, non tam regum exterorum, quàm suorum ¹⁶⁴ Principum insidias; nec tam hostium, quàm commilitonum manus ferrumque metuebant. Est hæc natura sideribus, ut parua & exilia validiorum exortus obscuret: similiter Imperatoris aduentu ¹⁶⁵ Legatorum dignitas inumbratur. Tu tamen maior omnibus quidem eras, sed sine vllius diminutione maior. eandem auctoritatem præsentem te quisque, quàm absente retinebat: quin etiam plerisque ex eo reuerentia accesserat, quòd tu quoque illos reuerere. Itaque perinde summis atque infimis carus, sic Imperatorem commilitonemque ¹⁶⁶ miscueras, ut studium omnium laboremque, & tanquam exactor intenderes, & tanquam particeps sociusque releuares. Felices illos, quorum fides & industria, non per internuncios & interpretes, sed ab ipso te, nec auribus tuis, sed oculis probabantur! Consecuti sunt, ut absens quoque de absentibus, nemini magis, quàm tibi crederes.

¹⁵⁹ DEDIGNATIONE PARENDI.] *Quod malum ipsi Principes augebant, quibus nec gratum, nimis audientes Ducibus milites esse. Imò nec tutum erat, ut addit, reuerentiam mereri. ¹⁶⁰ AUT NON AMARI.] Acutè. Securi duces nunc, inquit, vel in odio militum, vel in amore. Cur in odio? quia delationibus non apud te locus. In amore? quia nec tue virtuti ab alienâ times.*

¹⁶¹ INSTANT OPERIBVS.] *Quæ res odia gignere solet, si duces rigidi operum & munium exactores; præsertim auro & militiâ iam molliore. At sub
7: uno faciebant, disciplinam & morem veterem instaurantes. ¹⁶² AD-*

[SVNT EXERCITATIONIBVS.] *Nam & ea sub Tyrannis omisse, aut remissa, cum segnitia pro sapientiâ esset.* ¹⁶³ M O E N I A.] *Castrorum, aut urbium in limitibus. An munia placent legi? Inde Munifices milites, qui facere ea cogebantur; Immunes, qui exempti. Nam quod vir doctus armamentis iunctim hic legit, cui docto probabit?* ¹⁶⁴ P R I N C I P V M I N S I D I A S.] *Qui vel per calumnias in Senatu, vel per submissos percussores in castris tollebant. Ideo subiungit, commilitonum manus timuisse: & est in Tacito, de sublato Ciuicâ, struente Domitiano, exemplum. Quid, quod ipse Agricola veneno sublatus à suspicioso atque inuido Principe putabatur? At Traianus noster liber purusque horum scelerum: qui, ut Dio ait, ἔτε ἐφ' ὅροι, ἔτε καὶ ἔπει πῶς, ἀλλὰ καὶ πάντων πῶς ἀγαθὸς ἐτίμα καὶ ἐνεργάων: neque inuidit cuiquam, neque occidit, sed planè omnes bonos & honestabat, & dignitate augebat.* ¹⁶⁵ L E G A T O R V M.] *Hic Consulares intellegit, & prouincijs copijsq; præfectos. Nam Legati isto auctore duplices: Consulares, iam dicti, loco Præsidum; & Prætorij, minores, qui sub illis singulis legionibus Præfecti. Sunt ista ab ordinatione Augusti, quæ Dioni optimè expressa in Oratione Mæcenatis, lib. LII.* ¹⁶⁶ M I S C E R A S.] *Auctoritate, & comitate, tum etiam, quod exigebas opera sue exercitia, & idem obibas.*

I A M te ciuium desideria reuocabant, amoremque castrorum superabat caritas patriæ. Iter inde placidum ac modestum, ut planè à pace redeuntis. Nec verò ego in laudibus tuis ponam, quod aduentum tuum ¹⁶⁷ non pater quisquam, non maritus expauit. affectata alijs castitas, ¹⁶⁸ tibi ingenita & innata, interque ea ¹⁶⁹ quæ imputare non possis. Nullus in ¹⁷⁰ exigendis vehiculis tumultus, nullum circa hospitia fastidium; ¹⁷¹ annonæ, quæ ceteris. Ad hoc comitatus ¹⁷² accinctus, & parens. diceres magnū aliquem ducē, ac te potissimū, ad exercitus ire: adeò nihil aut certè parum intererat, inter Imperatorem factum, & futurum. Quam dissimilis nuper alterius Principis transitus? si tamen transitus ille, non populatio fuit, cum ¹⁷³ abactus hospitum exerceret, omniaque dextrâ læuâque perusta & attrita, ut si ¹⁷⁴ vis aliqua, vel ipsi illi Barbari, ¹⁷⁵ quos fugiebat, inciderent. persuadendum prouincijs erat illud iter Domitiani fuisse, non Principis. Itaque nō tam pro tuâ gloriâ, quàm pro vtilitate communi, ¹⁷⁶ edicto subiecisti, quid in vtrumque vestrū esset impensum. Adsuescat Imperator cum imperio calculum ponere; sic exeat, sic redeat, tanquam rationem redditurus; edicat quid absumperit. ita fiet ut non absumat, quod pudeat edicere. Præterea futuri Principes velint nolint, sciant. ¹⁷⁷ tanti tuum constat:

propo-

propositisq; duobus exemplis, meminerint perinde coniecturam de moribus suis homines esse facturos, prout hoc vel illud elegerint. Nónne his tot tantisque meritis, nouos aliquos honores, nouos titulos, merebare? Attu etiam nomen Patris patriæ recusabas. Quàm longa nobis cum modestiâ tuâ pugna? quàm tardè vicimus? Nomen illud quod ¹⁷⁸ alij primo statim principatus die vt Imperatoris & Cæsaris receperunt, tu vsque eò distulisti, donec tu quoque beneficiorum tuorum parcissimus æstimator, iam te mereri fatereris. Itaque soli omnium contigit tibi, vt Pater patriæ esses, antè quàm fieres. eras enim in animis, in iudicijs nostris, nec publicæ pietatis intererat quid vocare; nisi quòd ingrata sibi videbatur, si te Imperatorem potius vocaret & Cæsarem, cùm patrem experiretur. Quod quidem nomen quâ benignitate, quâ indulgentiâ exerces? vt cum ciuibus tuis, quasi cum liberis parens, viuus? Vt reuersus Imperator, qui priuatus exieras, ¹⁷⁹ agnoscis, agnosceris? eosdem nos, eundem te putas, par omnibus, & hoc tantum ceteris maior, quò melior.

¹⁶⁷ NON PATER.] *Qui filia sua timeret: NON MARITVS, qui uxori.*

¹⁶⁸ CASTITAS TIBI INENITA.] *Excipe, quòd &c. νεῖκαία ἐπαύδαται, vt ait ille: circa puerorum amores hæsit.* ¹⁶⁹ QVÆ IMPVTARE NON POSSIS.] *Vt bene facta, aut virtutes. Vix enim iudicio vsurpas, sed nature instinctu.* ¹⁷⁰ EXIGENDIS VEHICVLIS.] *Quæ etsi publica per vias disposita: non tamen comitatu Principis sufficiebant. Erat itaque Palatinum munus in hanc rem, vt in lapide: M. VLPIVS. AVG. L. CRESCENS. AB. VEHICVLIS: fueritq; profectò huius Vlpij Traiani. Est & in Neruæ nummis inscriptio: VEHICVLATIONE. ITALIÆ. REMISSA: sed ea ad publicum cursum spectat, cuius onus in se transtulit (quod ad Italiam attinet) Princeps.* ¹⁷¹ ANNONA, QVÆ CETERIS.] *Spartianus in Hadriano: Libenter cibus castrensibus in propatulo utebatur, hoc est, larido, caseo, poscà, exemplo Scipionis Æmiliani, & Metelli, & auctoris sui Traiani. Auctorem vocat, quia Hadrianum Principem fecit, & quasi condidit: ipse eius (vt hodie loquimur) creatura.* ¹⁷² ACCINCTVS.] *Metaphora. non fluens aut solutus, verè adstrictus, & vt milites tuos decebat.* ¹⁷³ ABACTVS HOSPITVM.] *Quomodo? hospites abegit, an res atque animantes eorum? fortasse & seruos, aut liberos, hostilem in morem.* ¹⁷⁴ VIS ALIQUA.] *Hostilis, an & caelestis?* ¹⁷⁵ QVOS FUGIEBAT.] *Adde quæ suprà, de falsis eius victorijs. Acerbe enim & hæc in Domitianu, totâ hac oratione materiem i Tibus Plinianis, & sagittis scopum.* ¹⁷⁶ EDICTO SVBIECISTI.] *Quod edictum reuersus proposuit in publico, de hostibus pacatis, limite defenso: &*

denique

denique in imo (hoc est, subiecisti) de impendijs via. ¹⁷⁷ TANTI TVVM.] Rectum est, nec patienter audio qui conantur, tanti itum. Quis finis Critice pruriginis? Rectum & clarum est, ut dixi. sciant, inquit, posteri, tanti tuum iter constituisse, tanti, alterius. ¹⁷⁸ ALII PRIMO STATIM.] Non omnes, ne hoc persuasurum te puta, Plini. Nam nec Augustus quidem, nisi serò recepit, & Tiberius oblatum, per modestiam distulit; Nero, per atatem. quæ singula in Suetonio ita leges. Quin tamen plerique alij statim, non imus negatum, aut Plinio hoc creptum. An non tamen Capitolinus, qui sic in Pertinace? Primus sanè omnium, eà die quâ Augustus est appellatus, etiam Patris patriæ nomen recepit. Aperit, ut videtur, & nostri * *ὁ δὲ πατὴρ hic obhaeret.* Ex-pediam, fauete. Aio totum locum & concipiendum aliter, & ordinandum, *Amatores antiquita-tum.* hoc modo: Eàdem die quâ Augustus est appellatus, & Flavia Titiana eius vxor Augusta est appellata, eis horis quibus ille in Capitolio vota soluebat: prima sanè omnium eà die, quâ Augustus est appellatus. Etiam Patris patriæ nomen recepit. Quàm leui aut nullâ mutatiunculâ, sententiam totam mutamus? & verè, quamvis audacter dico. Non de Augusto, sed Augustâ hoc adfirmat, primam eodem die hoc nomen sumpsisse, quo & maritus. Examina priorem historiam, ita reperies. Liuiâ illa, post mortem denique mariti, testamento in nomen Augustæ adsumpta: quod Tacitus & Dio adfirmant. Agrippina Claudij, longulè post nuptias augetur cognomento Augustæ: Tacitus. & Domitianus ille superbus, tamen suam altero denique anno consalutauit Augustam: Suetonius. Antoninus Pius, aliquamdiu post imperium, Faustina Augustam appellari à Senatu permisit. Notes igitur hoc postea, & serè à Senatu factum. neque aliud Capitolinus voluit, quàm hunc gratificandi studio properum, dum Pertinax in Capitolio est, eum titulum accensuisse uxori. ¹⁷⁹ AGNOSCIS, AGNOSCERIS.] Nihil in factum mutatus, comiter appellas, salutas cines; & ab ijs vicissim idem ille agnosceris, quod ad mores. Imperium accepsit, modestia non abscissit.

Ac primùm, ¹⁸⁰ qui dies ille, quo expectatus desideratusque urbem tuam ingressus es? Iam hoc ipsum, quod ingressus es, quàm mirum lætumque? nam priores inuehi, & importari solebant, non dico quadrijugo curru, & albertibus equis, sed ¹⁸¹ humeris hominum, quod arrogantius erat. Tu solâ corporis proceritate elatior alijs & excelsior, non de patientiâ nostrâ quendam triumphum, sed de superbiâ Principum egisti. Ergo non ætas quenquam, non valetudo, non sexus retardauit, quò minus oculos insolito spectaculo impleret. Te paruuli noscere, ostentare iuuenes, mirari senes. ægri quoque neglecto, medentium imperio, ad cōspectum tui, quasi ad salutem sanitatemque proropere. Inde alij se satis vixisse te viso, te recepto; alij, nunc magis esse viuendum, prædicabant. Feminas etiam tunc ¹⁸² fe-

cunditatis suæ maxima voluptas subijt, cum cernerent cui Principi ciues, cui Imperatori milites peperissent. Videres¹⁸³ referta tecta, ac laborantia, ac ne cum quidem vacantem locum, qui non nisi¹⁸⁴ suspensum & instabile vestigium caperet; oppletas vndique vias, angustumque tramitem relictum tibi; alacrem hinc atque inde populum, vbique par gaudium paremque clamorem. Tam æqualis ab omnibus ex aduentu tuo letitia percepta est, quam¹⁸⁵ omnibus venisti: quæ tamen ipsa cum ingressu tuo creuit, ac prope¹⁸⁶ in singulos gradus adaucta est. Gratum erat cunctis, quod¹⁸⁷ Senatû osculo exciperes, vt¹⁸⁸ dimissus osculo fueras. gratum, quod¹⁸⁹ equestris ordinis decora honore nominum,¹⁹⁰ sine monitore, signares. gratum, quod tantum non vltro clientibus salutatis, quasdam familiaritatis notas adderes.¹⁹¹ gratius tamen, quod sensim & placidè, & quantum¹⁹² resistentium turba pateretur, incederes: quod occursantium populus te quoque, te imò¹⁹³ maximè astaret; quod primo statim die latus tuum crederes omnibus. Neque enim stipatus satellitum manu, sed circumfusus vndique nunc Senatus, nunc equestris ordinis flore, prout alterutrum frequentia genus inualuisset,¹⁹⁴ silentes quietosque lictores tuos subsequere. nam¹⁹⁵ milites¹⁹⁶ nihil à plebe habitu, tranquillitate, modestiâ differebant.

¹⁸⁰ QVI DIES.] *Quem votis aduocat Martialis lib. x. epigr. vi. & vii.*

¹⁸¹ HYMERIS HOMINVM.] *Succollati in lecticis. Imitatur Pacatus, in Theodosianâ laude, vt plerisque eminentiores (semel monitum esto) locos: Quin si quando in lucem venire, & diem ferre potuissent, lecticis thensisque subuecti, & densissimâ suprà circumque coöpti virorum armorumque testudine, sensim atque ad numerum mouebantur: & plura, sodes, adde vel cum Plinianis argutijs & Venere certantia. Porro à nostro Domitianum præcipuè tangi, certum est.* ¹⁸² FECUNDITATIS SVÆ.] *Seneca, de felicitate sub bono Principe: Tollere filios cupiunt, & publicis malis indicta sterilitas recluditur.* ¹⁸³ REFERTA TECTA.] *Suprema adium partes, vicina tectis. An & ipsa tecta propriè capis, quæ plana & confrata sæpe olim, idèoque apta in fisis? Claudianus, Stiliconis ingressu:*

Nónne vides, & plebe vias, & tecta latere

Matribus?

Iterum, in Honorij:

— quantum licuit consurgere tectis

Vna replet turbæ facies, vndare videres

Ima viris, altis effulgere matribus ædes.

Itaque altiora adium feminis, in his spectaculis, dicata: ut & in theatris.

¹⁸⁴SVSPENSVM ET INSTABILE.] *Vt in suggestiis aut proiecturis parietum.* ¹⁸⁵OMNIBVS VENISTI.] *Nempe, equaliter venisti. cuique ordini bonus, & benignus.* ¹⁸⁶IN SINGVLOS GRADVS.] *Tuos, nec aliter acceperis. Te procedente, magis magisq; ipse placuisti, & spectantium letitia auxit. Nam semper aliqui radij virtutis aut comitatus sparsi:* ¹⁸⁷SENATVM OSCVLO.] *Pacatus, de Theodosio: Ille cohonestatus affatu, ille mensa beatus, ille osculo consecratus est. Et digniores igitur osculo solent excipere: cisi pravi aut superbi Principes fastidierunt. De Caligula Dio: Paucissimos osculatus est, plerisque autem, etiam Senatorum, vel manum vel pedem præbuit osculandum. De Nerone, Tranquillus: Neque adueniens, neque proficiscēs, quemquam osculo impertiuit. Quid Domitianus? ille, necdum Princeps, Cænidī patris concubinæ, osculum, ut solet, offerenti, manum præbuit. Cogita, quid in Principatu. Nempe his talibus illud, apud Arrianum (lib. III. rerū Alexandri) insederat: τὸ μὲν ἀνθρώποις φιλεῖν, πρὸς τὸ ἀνταρξομένων τὸ θεῶν δὲ ἀνὰ πρὸς ἰσχυρόν, καὶ δὲ ψάυσαι αὐτὸς θύμης, ὅτι τὰς αἰετῆς θεωτυώητες γαράρει:]* *Hominibus osculū à salutantibus dari; at numina in alto posita, quia contingere non licet, adoratione coli. Et isti profecto inter numina se censebant. De toto ritu pluscula ego. II. Electorum, suo capite.* ¹⁸⁸DIMISSVS OSCVLO.] *Adhuc illis par, & pro communi more.*

¹⁸⁹EQUESTRIS ORDINIS DECORA.] *Nota. non verò totū ordinē (multa in eo millia) sed decora & apices. Et satis mirum de Nerone scribi, à Tranquillo: Omnes ordines subinde, ac memoriter salutauit. Trésne omnes ordines? populum, equitem, Senatum: infinitum sit, & nulla memoria fecerit. Sine ca- uillo igitur aut calumniā acceperis, Omnes, quasi esset, singulos ordines, cum res ferret, salutauit: aut ut expressius dicā, omnes quidem ordines, sed non qui in ordinibus. Mens est, nec plebem quidem in salutationibus omissem. Sed vel sic magna & rara memoria. qua in Augusto etiam laudabilis, quòd patres in curiā salutauerit, sedentes, & quidem nominatim singulos, nullo submouente. Ita Suetonius de illo: sed Patres tantum, qui ad sexcentos tunc, aut circā. Lusi igitur aliquando in priore loco, & sentauit: Omnes S. ordine subinde, quod esset, omnes Senatores, & ordine vii sedebant, Augusti exemplo. Sed, ut dixi, lusi, ipsius Traiani nōne insigne exemplum, qui omnes prope milites nomine appellabat: ita suprā noster.* ¹⁹⁰SINE MONITORE.] *Nomenclatore, qui inter necessaria officia claris olim viris apparebat.* ¹⁹¹GRATIVS QVOD SENSIM.] *Similes affectus aperit Panegyristes Constantini: Felices, qui te propius aspicerent, longius positi nominabant; quos præteriteras, loci quem occupauerant, pœnitebat. Et statim: Ausi etiam quidam ut resisteres poscere, & pueri tam citò accessisse palatium: & plura.* ¹⁹²RESPECTANTIVM TVRBA.] *Qui te antecedeabant, per officij speciem, sed & ij cupidi videndi, identidem respectabant, & ut solet, gradum suum tuumque vnā, tardabant.* ¹⁹³MAXIME ADSTARET.] *Adisteret in propinquo. Nam describit cupide & improbè occurrentes; qui propinqui gradum tunc firmabāt, & vtrinque Principi imminebant.* ¹⁹⁴SILENTES

QUIETOSQUE.] *Duo lictorum officia: Clamore & Virgâ monebant, aut submouebant. De illo, infra etiam: Sollemnis ille lictorum & prænunciator clamor. Quid prænunciator? Consulē aut magistratū venire, sollemni verbo, Animaduertite. De virgâ, quâ pellebant aut pulsabant, Panegyricus Theodosio: Tum longè populus abigebatur, nec otiosa viatoris manus plebem verberare abigebat. Plura in 1. Electorum, Capite De Lictoribus.* ¹⁹⁵ *NAM MILITES.*] *Itaque quoque stipabant Principem, & ferociter solent submouere. Non fecit Traianus: nec Pertinax quidem, de quo Herodianus: Εὐέλδοσε τις ἐσθπώτας παύσαντες ἡ δὲ αὐτοῦ δόμοις ἔβρισκε, καὶ μήτε παύειν πνὰ: ἢ παύοντων: Milites iussit abstinere ab omni contumeliâ in populum, & nec pulsare aliquem aduentum.* ¹⁹⁶ *NIHIL A PLEBE HABITV.] Quâne togati erant? Capitolinus, in M. Antonino: In Italiam veniens togam & ipse sumpsit, & togatos iussit esse milites: nec vnquam sagati fuerunt sub eo. Quod honori Italiae & urbis datum. in quâ ipsa custodia Principis togata. Tacitus: Nec vna cohors togata defendere nunc Galbam, sed detinet.*

VBI verò cœpisti¹⁹⁷ Capitolium ascendere, quàm læta omnibus adoptionis tuæ recordatio? quàm peculiare gaudium eorum, qui te primi eodem loco salutauerant Imperatorem? quin etiam deum ipsum tunc præcipuam voluptatem operis sui percepisse crediderim. Vt quidem¹⁹⁸ iisdem vestigijs institisti, quibus parens tuus ingens illud decorum prolaturus arcanum, quæ circumstantium gaudia?¹⁹⁹ quàm recens clamor? quàm similis illi dies, qui hunc genuit diem? vt plena altaribus,²⁰⁰ augusta victimis cuncta? vt²⁰¹ in vnus salutem collata omnium vota? cùm sibi se ac liberis suis intelligerent precari, quæ pro te precarentur. Inde tu in Palatium quidem, sed eo vultu, sed eâ moderatione, vt si priuatam domum peteres: ceteri ad penates suos quisque, irraturus gaudij fidem, vbi nulla necessitas gaudendi est. Onerasset alium huiusmodi introitus, tu quotidie admirabilior & melior: talis denique, quales alij Principes futuros se tantum pollicentur. Solum ergo te commendat augetque temporis spatium. iunxisti enim ac miscuisti²⁰² res diuersissimas, ²⁰³ securitatem olim imperantis, & incipientis pudorem. Non tu ciuium amplexus²⁰⁴ ad pedes tuos deprimis, nec osculum²⁰⁵ manu reddis. manet Imperatori²⁰⁶ quæ prior humanitas, dexteræ verecundia. Incedebas pedibus? incedis. lætabaris labore? lætaris.²⁰⁷ eademque omnia illa circa te, nihil ipso te fortuna mutauit. Liberum est ingrediente per publicum Principe subsistere, occurrere, comitari, præterire. Ambulas inter nos,²⁰⁸ non quasi contingas: & copiam

copiam tui,²⁰⁹ non vt iniputes, facis.²¹⁰ Hæret lateri tuo quisquis accessit, finemque sermoni²¹¹ suus cuique pudor, non tua superbia facit. Regimur quidem à te, & subiecti tibi, sed quemadmodum legibus sumus. nam & illæ cupiditates nostras, libidineque moderantur, nobiscum tamen, & inter nos, versantur. Emines, excellis, vt honor, vt potestas, quæ super homines quidem, hominum sunt tamen. Ante te Principes, fastidio nostri & quodam æqualitatis metu, vsum pedum amiserant. illos ergo²¹² humeri, ceruicesque seruatorum²¹³ super ora nostra; te fama, te gloria, te ciuium pietas, te libertas super ipsos Principes vehunt: te ad sidera tollit humus,²¹⁴ ita communia & confusa Principis vestigia.

¹⁹⁷ CAPITOLIVM ASCENDERE.] *Priscâ pietate & ritu; Dijs in abitu vota nuncupare, in reditu soluere.* ¹⁹⁸ IISDEM VESTIGIIS.] *In suggestu aut editiore loco, vt ex Cedreno dixi in adoptione à Neruâ factum. Sed cur ille, hoc clarum: cur nunc Traianus? neque enim ibi concio. Puto alterutrum. siue vt Iouem eminentior, & conspicuus omnibus, saluaret; siue vt populum ipsum. Nam & hunc venerari in publico Principes solent.* ¹⁹⁹ QVAM RECENS CLAMOR.] *An repens & subitus? Sed nil muto. totâ nempe viâ clamauerant fauerantque; tamen nunc alacriter & fortiter iterum, quasi recentes.* ²⁰⁰ AVGVSTA VICTIMIS.] *Vt moris in aduentu & auspicijs noui Principis, quem Dijs commendabant. Tacitus 11. Histor. Exstructis altaribus, cæsisque victimis, regium in morem: Vitellio scilicet aduentante. Quid, quod in Caligula, optatissimi (heu vana spes!) Principis iniitijs, supra centum sexaginta millia victimarum cæla? Suetonius tradit: & ego plura, ad Taciti dictum locum.* ²⁰¹ IN VNIVS SALVTEM.] *Infrâ: Non distinguimus te (Iupiter) votis. simplex, cunctaque ista complexum, vnum omnium votum est, Salus Principis.* ²⁰² RES OLIM DIVERSISSIMAS.] *Phrasi parâ & acumine, Tacitus de Neruâ: Res olim dissociabiles miscuit, Principatum & Libertatem. Pacatus de sese: Res diuersissimas iunxi, metum & remeritatem.* ²⁰³ SECVRITATEM.] *Qui diu imperarunt, fidunt iam sibi, ac potentiæ suæ sunt securi: qui incipiunt, metum aliquem & pudorem, vt in re nouâ & arduâ, habent. At tu, inquit, vtrumque iungis & temperas: securus, vt vetus regnandi; verecundus modestusque, vt tiro.* ²⁰⁴ AD PEDES.] *Vt Caligula, & eiusmodi monstra.* ²⁰⁵ MANV REDDIS.] *Infrâ: Cùm velut affixi curulibus suis, manum tantum, & hanc cunctanter, & impulantibus similes, promerent.* ²⁰⁶ QVÆ PRIOR.] *Aliquid hic alioris vulneris aut defectus, sed ex Cuspiniani libro supplendi. In illo est: quæ prioris humanitas dexteræ verecundia. Planè legendum: quæ prior oris humanitas, dexteræ verecundia. Ad antecedentia hoc refer. Ore osculum reddis; humanitas est: dexteram osculandam non offers; verecundia est.* ²⁰⁷ EADEMQUE OMNIA ILLA.] *Vide ne argutius veriusque: eademque omnia.*

*Sine etiâ,
prius.

Ita circa te, nihil in ipso te fortuna mutauit. ¹⁰⁸ NON QUASI CONTINGAS.] *Iterum melius: inter nos, nos quasi contingas: quasi unus sis & nobis.* ¹⁰⁹ NON UT IMPUTES.] *Vt quasi beneficium inscribas, in rationibus nostris ponas. Id est, ita hoc facis, tamquam faciendum sit: non quasi nouum aliquid aut magnum.* ¹¹⁰ HÆRET LATERI TVO.] *Quo nomine laudatur & Marcus Imp. ab Herodiano: Παρέχει δὲ καὶ τοῖς ἀρχαῖοις ἐαυτὸν ἐπεικῆν, μέγιστον βασιλεῖα, τοῖς τε προσέχουσιν ἀξιοέμελτος, καὶ πωλὺν τοῖς ὄφει ἀπὸν δορυφόροις ἀποσσεῖν τοῖς ἐντυγχάνουσας: Exhibuit se subditis commem & commodum Principem, cum quousvis accedentes exciperet, & vetaret stipatores quemquam aduenientem à se repellere.* ¹¹¹ SVVS CVIQVE PVDOR.] *Qui sermonem magnum breuēque faciat, ut ipse talis.* ¹¹² HVMERI CERVICESQVE.] *Nempe in lecticis. Sed quid? nonne vulgò ea in usu? nonne, non dicam Senatores, sed equites, & omnes paulò honestiores ijs vecti? Factum, & docui I. Electorum. Quæ igitur hic superbia culpa? Quod ubi Princeps, & maior illa persona; itēque in publicis conuentibus, aut pompis; alij abstinere à lecticis, & pedibus graderentur. At illi, ut eminere, assumebant, & quod hic addit, super ora & capita aliorum ferebantur.* ¹¹³ SVPER ORA NOSTRA.] *Iuuenalis:*

— turba cedente vehetur

Diues, & ingenti curret super ora Liburno. Seneca: Quos supra capita hominum lectica suspendit. ¹¹⁴ ITA COMMVNIA.] *Iam olim emendauimus: ita communis: de humo scilicet, quam tu Traiane nobiscum calcas, & vestigia cum nostris misces.*

NEC vercor P.C. ne longior videar, cum sit maximè optandum, ut ea pro quibus aguntur Principi gratiæ, multa sint: quæ quidem reuerentius fuerit integra illibataque cogitationibus vestris referuari, quàm carptim, breuiterque perstringi. quia ferè sequitur ut illa quidem, de quibus taceas, tanta quanta sunt, effice videantur. Nisi verò leuiter attingi placet, locupletatas tribus, datumque ¹¹⁵ congiarium populo, & datum totum, ¹¹⁶ cum donatiui partem milites accepissent. An mediocris animi est his potius ¹¹⁷ repræsentare, quibus ¹¹⁸ magis negari potest? Quanquam in hac quoque diuersitate, æqualitatis ratio seruata est. æquati sunt enim populo milites, eo quòd partem, sed priores: populus militibus, quòd posterior, sed totum statim accepit. Enimuerò quæ benignitate diuisum est? quantæ curæ tibi fuit, ne quis expers liberalitatis tuæ fieret? Datum est his qui post ¹¹⁹ edictū tuum, ¹²⁰ in locum erasorum, subditi fuerant: æquatiq; sunt ceteris illi etiam, quibus nō erat promissum. Negotijs aliquis, valetudine alius, hic mari, ille fluminibus distinebatur; expectatū est profusumque,

ne quis æger, ne quis occupatus, ne quis denique longè fuisset. veniret quisque cùm vellet, veniret quisq; cùm posset. Magnificum Cæsar, & tuū, disiunctissimas terras munificentiae ingenio ²²¹ velut adinouere, immensaque spatia liberalitate contrahere, intercedere casibus, occurfare fortunæ: atque omni ope adniti, ne quis è plebe Romanâ dante congiarium te, hominem magis sentiret fuisse, quàm ciuem. Aduentante congiarij die, obseruare Principis egressum in publicum, in fidere vias examina infantium, futurisque populus solebat: labor parentibus erat ostentare paruulos, impositosque cervicibus adulantia verba blandasque voces edocere: reddebant illi quæ monebantur. ac plerique irritis precibus furdas Principis aures adstrepebant; ignarique quid rogassent, quid non impetrassent, donec ²²² planè scirent, differebantur. Tu ne rogari quidem sustinuisti. & quanquam lætissimum oculis tuis esset, conspectu Romanæ sobolis impleri, omnes tamen antequàm te viderent, adirentve, recipi, ²²³ incidi iussisti: vt iam inde ab infantiâ parçtem publicum munere educationis experirentur. cresceret de tuo, qui crescerent tibi; alimentisque tuis ad stipendia tua peruenirent; tantumque omnes vni tibi, quantum parentibus suis quisque, deberent.

²²¹ CONGIARIVM POPVLO.] *Id est plebi, nec nisi illi parti ferè (ita obserues) quæ frumentum è publico capiebat. Martialis:*

Dat populus, dat gratus eques, dat thura Senatus.

Ita Popularia in theatris, plebis loca: & Populares, homines è plebe. Suetonius voce Populi crebrò sic vititur, vel assidue. ²¹⁶ CVM DONATIVI PARTEM.] *Hæc res ita fuit. Promiserat congiarium plebi, donatiuum militi, eodem tempore (nam sic ferè solet) Traianus. At cùm ararium utrique largitioni simul non sufficeret, dimidium promissi militibus statim dedit: populo, totum, sed paullo serius. Ita illi in tempore prælati, hi in summâ.* ²¹⁷ REPÆSENTARE.] *Totum in præsentem soluere.* ²¹⁸ MAGIS NEGARI IOTEST.] *Quidni? aut quid à populo, præter vovulas & querelas, timeas? Sed miles & facta addere potest: tamen illi totum datum, huic negatum aut dilatum: quod magnitudinem animi iure interpretatur.* ²¹⁹ EDICTVM TVVM.]

Quo proscriptisti, & pronunciaſti publicè, te daturum. ²²⁰ IN LOCVM ERASORVM.] *In tabulis ciuium nomina, qui frumentum capiebant. Siqui morerentur, vel migrarent, erasís nominibus alijs substituebantur, vel per Annona Præfectum, vel per eius diuidendæ Curatores. Nunc igitur dicit, Siqui substituti postea & subscripti, iure non ijs debebatur, neque enim promissum erat, nisi qui tunc essent. at Traianus tamen benignè, etiam hos admisit. Aliter atque Augustus, qui, cùm congiario* propoſi-

proposito multos manumissos insertosque ciuium numero comperisset, negauit accepturos, quibus promissum non esset. ²²¹ VELVT ADMOVERE.] *Quia absentes habiti pro presentibus. & mox intercedere easibus, ad agros spectat vel occupatos.* ²²² DONEC PLANE SCIRENT.] *Quousque igitur? ad vndecimum annum, ex his Suetonij, in Augusto: Congiaria populo frequenter dedit, ac ne minores quidem pueros praterijt, quamuis antè non nisi ab vndecimo ætatis anno accipere consueissent. Maiores igitur pueri, sed tamen adhuc pueri capiebant.* ²²³ INCIDI.] *In tabulas. Seneca IIII. De Benefic. Frumentum publicum tam fur quàm periurus accipiunt, & sine discrimine morum, quisquis ciuis est. Aliquot ibi scripti libri, quisquis incisus est.*

RECTE Cæsar, quòd spem Romani nominis sumptibus tuis suscipis. nullum est enim magno Principe, immortalitatemque merituro, impendij genus dignius, quàm quod erogatur in posteros. Locupletes ad tollendos liberos ²²⁴ ingentia præmia, & pares pœnæ, cohortantur; pauperibus educandis vna ratio est, bonus Princeps. Hic fiducia sui procreatos, nisi largâ manu fouet, auget, amplectitur; occasum imperij, occasum Reipublicæ accelerat. frustra que proceres Princeps, plebe neglectâ, vt defectum corpore caput, nutaturumque instabili pondere, tuetur. Facile est coniectare, quod perceperis gaudium, cum te parentum, liberorum, senum, infantium, puerorum clamor exciperet. Hæc prima paruulorum ciuium vox aures tuas imbuat, quibus tu ²²⁵ daturus alimenta, hoc maximum præstitisti, ne rogarent. Super omnia est tamen, quòd talis es, vt sub te liberos tollere libeat, expediat. Nemo iam parens filio, nisi fragilitatis humanæ vices horret, nec inter insanabiles morbos Principis ira numeratur. Magnum quidem est educandi incitamentum, tollere liberos in spem alimentorum, in spem congiariorum, maius tamen in spem libertatis, in spem securitatis. Atque adeò nihil largiatur Princeps, dum nihil auferat; non alat, dum non occidat: nec deerunt, qui filios concupiscant. Contrâ, largiatur & auferat, alat & occidat; nã ille in tam breui tempore effecerit, vt omnes non posterorum modò, sed sui parentumque pœniteat. Quocircà nihil magis in tuâ totâ liberalitate laudauerim, quàm quòd congiarium das de tuo, alimenta de tuo: neque à te liberi ciuium, vt feratum catuli, sanguine & cædibus nutriuntur. quodque gratissimum est accipientibus, sciunt dari sibi, quod nemini est

est ereptum; locupletatisque tam multis, pauperiorem esse factum Principem tantum. quanquam nec hunc quidem: nam cuius est quidquid est omnium, tantum ipse, quantum omnes habet.

²²⁴ INGENITIA PRÆMIA.] *Ex lege Iuliæ & Papiæ: de quibus affatim*
^{111.} *Annalium Taciti.* ²²⁵ DATVRVS ALIMENTA.] *Atqui de Congiar-*
rio dixit tantum, quod sanè diuersum ab istis: & infra bis terq. disiungit: In
spem congiariorum, in spem alimentorum. Iterum: Congiarium das de
tuo, alimenta de tuo. Diuersa hac igitur. sed opinari licet, quòd qui ad con-
giaria admissi, idem ad frumenta. Nam sic Alimenta interpretari Capitoli-
nus videtur in Antonino: Pueros & puellas nouorum hominum frumen-
tariæ perceptioni adscripsit: ut puto, exemplo isto Traiani, sed & Hadria-
ni, de quo Spartianus: Pueris ac puellis, quibus etiam Traianus alimenta
detulerat, incrementum liberalitatis adiecit. Et si haud negem, potuisse
& in pecunie modo hac alimenta finire. Sed hac nunc à Traiano Roma:
postea per Italiam hanc liberalitatem sparsit. Quæ in eo tam benigna (verba
Dionis) ὡς καὶ ταῖς πόλεσι ταῖς ἐν Ἰταλίᾳ πόλεσι τῶν παίδων ἑορῶν πολλὰ χαρί-
σι δαῖ: ut etiam opidis Italiæ multa, ad puerorum alimenta, contulerit.
Hoc nummi ita edunt: IMP. TRAIANO. AVG. GER. DAC. P. M. TR. P.
COS. V. PP. S. P. Q. R. OPTIMO. PRINCIPI: parte versâ, ALIM.
ITAL. cum figurâ viri alimenta in pueros distribuentis. Mansit institutum;
& Cura alimentorum in Italiâ, inter honestissima munera fuit, atque adeò
post regimen Prouinciæ suscepta. Vide in vitâ Pertinacis, & Iuliani.

ALIO me vocat numerosa gloria tua. aliò autem? quasi verò iam satis veneratus miratusque sim, quòd tantam pecuniam profudisti, non ut flagitij tibi conscius ab insectatione eius ²²⁶ auerteres famam; nec ut tristes hominum mœstosque sermones lætiore materiâ detineres. Nullam congiario culpam, nullam alimentis crudelitatem redemisti; nec tibi benefaciendi fuit caussa, ut quæ malè feceras, impunè fecisses: amor impendio isto, non venia quæsitæ est, populusque Rom. obligatus à tribunali tuo, non exoratus recessit. Obtulisti enim congiarium gaudentibus gaudens, securusque securis: quodque antea Principes ad odium sui leniendum timentibus plebis animis obiectabant, id tu tam innocens populo dedisti, ²²⁷ quàm populus accepit. Paullò minus P. C. ²²⁸ quinque millia ingenuorum fuerunt, quæ liberalitas Principis nostri conquisiuit, inuenit, adsciuit. hi subsidium bellorum, ornamentum pacis, publicis sumptibus aluntur; patriamque non ut patriam tantum, verum ut altricem amare cōdiscunt.

G

Ex

Ex his castra, ex his tribus replebuntur, ex his quandoque nascuntur, quibus alimentis opus non sit. Dent tibi Cæsar ætatem dii, quam mereris, seruentque animum quem dederunt, & quanto maiorem infantium turbam iterum atque iterum iubebis incidi? Augetur enim quotidie & crescit, non quia cariores parentibus liberi, sed quia Principi ciues. dabis congiaria si voles, præstabis alimenta, si voles: illi tamen ²²⁹ propter te nascuntur.

²²⁶ AVERTERES FAMAM.] *Vt Nero, qui sublato Britannico, potissimos amicorum largitione auxit, ait Tacitus; & post cadem matris, donatina, congiaria, ludos dedit, frigerando rumori.* ²²⁷ QVAM POPVLVS ACCEPIT.] *Nam vt Claudianus cecinit:*

Non tibi vanales captant æraria plausus
Corruptura fidem. meritis offertur inemptus,
Purâ mente, fauor.

At in noxâ populus videtur, cum noxioso, lucelli causâ, blanditur & fauet.

²²⁸ QVINQUE MILLIA INGENVORVM.] *Numerus haud grandis (pro opibus Romanis, aut copiâ aliâ frumentantium:) sed notandum, quod ingenuorum dicit. Non passim acquisiuit liberos aut libertos; sed ingenuos dumtaxat, & sanguinis purioris. ex quibus miles, & alibi viles ciues, legerentur.*

²²⁹ PROPTER TE NASCVNTVR.] *Inuitante fecunditatem virtute & liberalitate tuâ. sic supra: Fiduciâ tui procreatos: itemq; fiduciâ boni status.*

²³⁰ * IN STAR ego perpetui congiarij reor affluentiam annonæ. ²³¹ Huius aliquando cura Pompeio non minus addidit gloriæ, quàm ²³² pulsus ambitus campo, exactus hostis mari, Oriens triumphis, Occidensque lustratus. Nec verò ²³³ ille ciuium, quàm parens noster, auctoritate, consilio, fide, reclusit vias, portus patefecit, itinera terris, ²³⁴ litoribus mare, litora mari reddidit, diuersasque gentes ita commercio miscuit, vt quod genitum esset vsquam, id apud omnes natum esse videretur. Nonne cernere datur, vt sine vllius iniuriâ omnis vsibus nostris annus exuberet? quippe non vt ex hostico raptæ, peritureque ²³⁵ in horreis messes, nequidquam quiritantibus socijs auferuntur. Devehunt ipsi quod terra genuit, quod sidus aluit, quod annus tulit, nec ²³⁶ nouis indictionibus pressi, ad vetera tributa deficiunt. Emit fiscus, quidquid ²³⁷ videtur emere. inde copiarum, inde annonæ, de quâ inter licentem, vendentemque conueniat: inde hæc satietas, nec fames vsquam.

²³⁰ * IN STAR EGO.] *Sufficor de hiatu aliquo, nec satis hærent. est fætor*

facior tamen appositè Congiarijs Annonam subtexi, ut quæ pariter liberalitatem tangit: sed verba aliqua absunt, quibus decorè eò transferit.

²³¹ **HVIVS CVRA POMPEIO.]** *Cn. Pompeius, anno urbis DCXCVI. Praefecturam annonæ in quinquennium accepit, cum xv. Legatis attributis, & imperio in maria, portus, insulas, ut bello Piratico habuerat. Id Sc. factum in sententiam Ciceronis, recenter ab exilio reducti, cūm plebem timerent, annonæ prætexit, motus turbāsque daturam.* ²³² **PVLVS AMBITVS.]** *In tertio eius Consulatu, cūm legem de Ambitu pertulit, & iudicia ea seueriter exercuit.* ²³³ **ILLE CIVILIS.]** *Diligentiā enim & auctoritate, non armis, copia annonæ parta. Factum eius, quod laudem plausumque meruit, scriptores ita narrant. Missis Legatorum alijs alio, ipse in Siciliam, Sardiniam, Africam iuit. ac magnā iam vi frumenti, naues conscendit, soluique iussit. Timentibus & cunctantibus gubernatoribus, ob vim venti (turbido ita atque infesto mari:) ipse primus oram soluit, & animosè exclamauit, Nauigare necesse est, viuere necesse non est. Nauigauit, appulit, horrea frumento, omnes gaudio impleuit.* ²³⁴ **LITORIBVS MARE.]** *Quia terræ videbantur sine mari iam esse, cuius usum fructumque non habebant. Nihil enim inferrebantur.* ²³⁵ **IN HORREIS.]** *Quæ Romani in prouincijs passim habebant, ubi frumenta conderent, & militares annonas. Sed & Roma horrea, per omnes regiones urbis sparsa (ut in Victore videas) ad publicum hoc frumentum.* ²³⁶ **NOVIS INDICATIONIBVS.]** *Propriè. Aconius: Omne genus pensitationum in hoc capite positum est, Canonis, Oblationis, Indictionis. Et Canon, est ordinarium tributum; Oblatio, voluntarium; Indictio, nouum & superadditum.* ²³⁷ **VIDETVR EMERE.]** *Vera, & non imaginaria emptio est fisci. Quomodo imaginaria? Apronius ille Tullianus docuerit, Frumētariā in Verrem. Cogebāt socios alteras Decumas addere, sed emendas ex Sc^{to}. Ipsis pecunia cedebat, socijs ludibrium, & titulo emendi rapiebāt. Vide, sodes, Oratorem dictum. Nihil hic tale, ait noster: fides ubique & veritas. Aberrant mente (Plinij, dico) qui iubetur hic emendari.*

ÆGYPTVS, ²³⁸ *alendis augendisq; feminibus, ita gloriata est, ut* ²³⁹ *nihil imbribus* ²⁴⁰ *cæloq; deberet. siquidē proprio semper amne perfusa, nec alio genere aquarū solita pinguescere, quā quas ipsa deuexerat, tantis segetibus* ²⁴¹ *induebatur, ut cum feracissimis terris quasi nunquam cessura certaret. hæc inopinā siccitate vsque in iniuriam sterilitatis exaruit: quia* ²⁴² *piger Nilus cunctanter alueo sese ac languidè extulerat, ingētibus quoq; tunc quidem ille fluminibus, fluminibus tamen, cōferendus. Hinc pars magna terrarū, mergi palanti amne cōsueta, alto puluere incanduit. Frustra tūc Ægyptus nubila optauit,* ²⁴³ *cælumq; respexit, cūm ipse fecūditatis parēs contractior & exilior, iisdem vberratē eius anni angustijs, quibus abundantia suam cohibuisset. Neq; enim solū vagus*

ille, ²⁴⁴ expanditor amnis, intra vsurpata semper collium substat
 terat atque hæserat, sed ²⁴⁵ supino etiam ac detinenti solo non
 placido se molliq̃ue lapsu refugum abstulerat, & necdum satis
 humentes terras addiderat arentibus. Igitur inundatione, id est,
 vbertate, regio fraudata, sic opem Cæsaris inuocauit, vt solet am-
 nem suum: nec longius illi aduersorum fuit spatium, quàm dum
 nunciat. Tam velox Cæsar potentia tua est, tamq̃ue in omnia
 pariter intenta bonitas & accincta: vt tristius aliquid sæculo tuo
 passis, ad remedium salutemq̃ue sufficiat, vt scias. Omnibus e-
 quidem gentibus fertiles annos, grataq̃ue terras precor: credide-
 rim tamen, per hunc Ægypti statum, tuas fortunam vires expe-
 riri, tuamq̃ue vigilantiam ²⁴⁶ expectare voluisse. Nam cum om-
 nia vbique secunda merearis, nonne manifestum est, si quid
 aduersi cadat, tuis laudibus, tuisq̃ue virtutibus, materiem cam-
 pumq̃ue præsterni? cum secunda felices, ²⁴⁷ aduersa magnos
 probent.

²³⁸ ALENDIS AVGENDISQVE.] *Duo in Ægypto laudat, quòd benè alat
 & producat semina, alterum, quòd augeat, & cum centesimo sæpe (ita alter
 Plinius) fructu reddat.* ²³⁹ NIHIL IMBRIIVS.] *Notum, hodieq̃, certum,
 in eâ regione non pluere, stillare interdum roris instar, cetera fluuiio irriganti
 deberi. Claudianus in Epigrammatis:*

Ægyptus sine nube ferax, imbresq̃ue serenos
 Sola tenet, secura poli, non indiga venti,
 Gaudet aquis quas ipsa vehit, Niloq̃ue redundat.

*Vbi imbres serenos dicit ipsam irrigationem fluuialem, qua sereno, & in
 aestate.* ²⁴⁰ CAELOQVE.] *Neque enim hic, vt ille canit, pluuiio supplicat
 herba Ioui. & vt alter:*

Terra suis contenta bonis, nihil indiga mercis
 Aut Iouis. in solo tanta est fiducia Nilo.

²⁴¹ INDVEBATVR.] *Audacter satis & poetice, terra segetibus regi, &
 quasi vestiri videtur.* ²⁴² PIGER NILVS.] *Non assurgens & exspatians, vt
 solet. cuius iustum incrementum Plinius esse scribit, cubitorum XVI. Mi-
 nores aquas, non omnia rigare; ampliores, detineri tardius recedendo.
 Diodorus, atque alij videndi.* ²⁴³ CAELVMQVE RESPEXIT.] *In Ægypto
 (ait Seneca) nemo aratorum aspicit cælum.* ²⁴⁴ EXPANDITOR AMNIS.]
*Vim verbi capio, ipsum vix admitto. Nouum durumq̃, est: & an non magis
 exspatiator? aut si quis Vulcanus magis affabrè aliquid effingit.* ²⁴⁵ SVPI-
 NO ETIAM AC DETINENTI.] *Supinum solum dicit, molliter altum pendu-
 lumq̃, & fortasse aptius cum eâ voce, detumenti hic iungas. Etsi detinen-
 ti capere licet, solum iacens aut planum, quod solet aquas diutius tenere.*

²⁴⁶ EXSPECTARE VOLVISSE.] *Vide an, spectari.* ²⁴⁷ ADVERSA MAGNOS.] *Seneca De Providentiâ: Magnus es vir. sed unde scio, si tibi fortuna non dat facultatem exhibendæ virtutis? & toto eo libello (certè autore) argumentum hoc pertractat.*

²⁴⁸ PERCREBVERAT antiquitus, urbem nostram, nisi opibus Ægypti ali sustentarique non posse. Superbiebat ²⁴⁹ ventosa & insolens natio, quod victorem quidem populum, pasceret tamen; quodque in suo flumine, in suis manibus, vel abundantia nostra, vel fames esset. Refudimus Nilo suas copias, recepit frumenta quæ miserat, deportatasque messes reuexit. Discat igitur Ægyptus, credatque experimento, non alimenta se nobis, sed tributa præstare: sciat se non esse populo R. necessariam, ²⁵⁰ & tamen seruiat. Post hæc, si volet, Nilus amet alucum suum, & fluminis modum seruet: nihil hoc ad urbem, ac ne ad Ægyptum quidem. nisi ut inde navigia inania & vacua, & similia redeuntibus, hinc plena & onusta, & qualia solent venire, mittantur: ²⁵¹ conuersoque munere maris, hinc potius ²⁵² venti ferentes, & brevis cursus optentur. Mirum Cæsar, videretur, si desidem Ægyptum, cessantemque Nilum, ²⁵³ non sensisset urbis annona. quæ tuis opibus, tuâ curâ usque illuc redundauit, ut simul probaretur, & nos Ægypto posse, & nobis Ægyptum carere non posse. Actum erat de fecundissimâ gente, si libera fuisset. pudebat sterilitatis insolitæ, nec minùs erubescere fame, quàm torquebatur; cum pariter à te necessitatibus eius pudori que subuentum est. Stupebant agricolæ plena horrea, quæ non ipsi referisissent; quibusque de campis illa subuecta messis, quæ in Ægypti parte ²⁵⁴ alius amnis. Ita beneficio tuo ²⁵⁵ nec maligna tellus, & obsequens Nilus, Ægypto quidem sæpe, sed ²⁵⁶ gloriæ nostræ nunquam largior fluxit. Quàm nunc iuuat prouincias omnes in fidem nostram ditionemque venisse, postquam contigit Princeps terrarum, qui fecunditatem nunc huc, nunc illuc; ut tempus & necessitas posceret, transferret referretque! qui diremptam mari gentem, ut partem aliquam populi plebisque Romanæ, aleret ac tueretur! Et cælo quidem nunquam benignitas tanta, ut omnes simul terras vberet, foueatque: hic omnibus pariter, si non sterilitatem, at mala sterilitatis exturbat. hic si non fecunditatem, at bona fecunditatis importat. hic ²⁵⁷ æternis comineatibus Orientem Occi-

deumque connectit: ut quæ ubique feruntur, quæque expectantur, omnes gentes inuicem capiant; & discant, quanto ²⁵⁸ libertate discordi feruientibus sit utilius, vnum esse, cui feruiant. Quippe discretis quidem bonis omnium, sua cuiusque ad singulos mala: sociatis autem atque permixtis, singulorum ²⁵⁹ mala ad neminem, ad omnes omnia bona pertinent. Sed siue ²⁶⁰ terris diuinitas quædam, siue aliquis ²⁶¹ omnibus Genius; & solum illud & flumen ipsum precor, ut hac Principis benignitate contentum, molli gremio semina recondat, multiplicata restituat. Non equidem reposcimus fœnus, putet tamen esse soluendum: fallacemque vnius anni fidem, omnibus annis, omnibusque postea sæculis, tanto magis, quia non exigimus, excuset.

²⁴⁸ PERCREBVERAT ANTIQVITAS.] Et sanè benè antiquitas, opem illinc à Romanis reperio petitam. In Polybianis fragmentis: Οἱ Ρωμαῖοι ἀπεστέλλουσιν Ἐκαστὸν αὐτοῦ πρὸς τὸν Πτολεμαῖον, βασιλεὺς οὖν τῆς ἡγεμονικῆς, δὲ τὸ μεγαλύτερον παρ' αὐτοῖς ἀνδρῶν: Romani legatos ad Ptolomæum miserunt, petentes frumenti sibi copiam fieri, cuius inopiâ premebatur. Hoc factum bello Punico secundo, cum Italia tota vasta ab Annibale fuit. Factum & aliàs: sed Plinij tamen hic dictio, spectat Augusti tempora maximè, & deinceps, cum publica instituta frumentatio fundum & fundamentum haberet in Africâ & Ægypto. ²⁴⁹ VENTOSA NATIO.] Ipso illo verbo Vopiscus, in Saturnino: Ægyptij, viri ventosi, furibundi, iactantes, iniuriosi, vani. Atque alij passim, haud splendide super ipsâ gente loquuntur, etsi de terrâ. ²⁵⁰ ET TAMEN SERVIAT.] Ingeniose Liuius, tantum seruiat. ²⁵¹ CONVERSO QUE MVNERE.] Quia mare iam non adfert plenas illinc naues, sed nos illuc mitimus. ²⁵² VENTI FERENTES.] A puppe, & qui impellunt prouehuntque. Seneca: Sic illum afficiunt diuitiæ, ut nauigantem secundus ac ferens ventus. Virgilius:

Exspectet facilemque fugam, ventosque ferentes.

²⁵³ NON SENSISSET VRBIS ANNONA.] Quia, ut Iosephus lib. II. Excidij notat, Ægyptus quattuor mensium annonam vrbi suppeditabat, Africa autem octo. ²⁵⁴ ALIUS AMNIS.] Nilus, secunditatis auctor. Sed verior lectio, annus: alius alibi prouentus, & messis. ²⁵⁵ NEC MALIGNA TELLVS.] Tu fecisti videri terram fertilem, & Nilum euagantem. nam habuerunt quæ illa & ille dare solent, sed beneficio tuo. ²⁵⁶ GLORIÆ NOSTRÆ.] Traianus sanè hoc in suâ posuit, & nummos cudis, qui exstant: IMP. CAES. NERVA. TRAIANVS. AVG. parte in alterâ: S. P. Q. R. OPTIMO. PRINCIPI. NILVS. Picta effigies Nili recubantis, cum crocodilo suo & hippopotamo. ²⁵⁷ ÆTERNIS COMMEATIBVS.] An, alternis etiam. & deinde, seruntur malim. ²⁵⁸ LIBERTATE DISCORDI SERUIENTIBVS.] Pugna in verbis videtur. si enim in libertate, quomodo seruiunt: Sed nempe vel

sic regimen aliquod & imperium paucorum, vel plurium: & semper subiectio ac parientia. Libertas dumtaxat respectu magis arcte seruitutis dicitur. Non tamen displicuit aliquando, seruientibus legi: quod ferè assiduum in libertate, ut pars partem premat, & pellant inter se aut seuiant. ²⁵⁹ MALA AD NEMINEM.] *Intellege, neminem alium: manent apud eum, quem primò premunt & tangunt. Totius periodi acumen hoc est: in magno & communi imperio, bona fiunt communia, & quidquid usquam est, ubique est, translatione & commercio: non ita in malis, quæ manent apud possessorem.* ²⁶⁰ TERRIS DIVINITAS.] *A quâ opinione Terra mater, siue Ops, & Rhea, inter deas: sed & singulas regiones, ut Galliam, Aegyptum, Italiam, pingebant habebantque deas.* ²⁶¹ AMNIBVS GENIVS.] *Item opinio prisca, fluvios & fontes minores Deos, id est Genios, censentium.*

SATIS factum, quâ ciuium, quâ sociorum vtilitatibus. visum est spectaculum inde non enerue, nec fluxum, nec quod animos virorum molliret & frangeret, sed quod ad ²⁶² pulchra vulnera contemptumque mortis accenderet: cum in ²⁶³ seruorum etiam noxiorumque corporibus amor laudis, & cupido victoriæ cerneretur. Quam deinde ²⁶⁴ in edendo liberalitatem, quam ²⁶⁵ iustitiam exhibuit, ²⁶⁶ omni affectione, aut intactus, aut maior. Impetratum est ²⁶⁷ quod postulabatur, oblatum quod non postulabatur: ²⁶⁸ institit vltro, & ut concupisceremus, admonuit. Ac sic quoque plura inopinata, plura subita. Iam quàm libera ²⁶⁹ spectantium studia, quàm securus fauor: ²⁷⁰ Nemini impietas, ut solebat, obiecta, quod ²⁷¹ odisset gladiatorē, nemo spectator ²⁷² spectaculum factus, miseras voluptates ²⁷³ vnco & ignibus expiauit. Demens ille, verique honoris ignarus, qui crimina maiestatis in arenâ colligebat, ac se despici & contemni, nisi etiam gladiatores eius veneraremur; sibi maledici in illis, suam diuinitatem, suum numen violari interpretabatur: cum se ²⁷⁴ idem quod deos, idem gladiatores quod se putabat.

²⁶² PVLCHRA VVLNERA.] *Gladiatores intellegit, quibus delectatum Traianum fuisse, Dio scribit. Hic autem color, quo tuebantur Gladiatores: quasi ea spectatio ad militiam ac robur faceret, & vulnera assidue visa ac mortes, contemptum inducerent viriusque. Cicero ita dixit, fortissimam hanc esse contra dolorem & mortem disciplinam.* ²⁶³ SERVORVM ETIAM NOXIORVMQUE.] *Duo enim genera hominum ad hos ludos, Serui aut Noxij. Illi, vel bello capti, vel pretio à laniis empti: isti, qui ob facinus aut scelus damnati in hos ludos. Ego fusiùs de viris, II. Saturn. cap. III.*

²⁶⁴ IN EDENDO LIBERALITATEM.] *Refersue ad copiam & numerum largiter præbitum?*

prebitum? an ad misilia & dona interiecta? Vtrumque potest. Traianus quidem ita largus in istis, ut aliquando ad decem millia (Dionis assertio est) gladiatorum dederit, in vnis ludis, etsi hoc post victorias de Barbaris paratas, & ex ijs plerosque fuisse opinamur. De misilibus autem, nimis etiam res nota: quæ in cuneos spectatorum spargebant, ingenti pecuniarum iacturâ.

²⁶⁵ IUSTITIAM.] *Ut leges Arene servaret: iternâ præmia promissa fideliter præstaret: sed nec in hos aut illos (ita subdit) affectum inclinaret.*

²⁶⁶ OMNI AFFECTIONE.] *Vide. rarum est, ubi certamen & commissio, ut editor aut spectator non det se in partes. Hac est inclinatio humani ingenij, pugnare, aut pugnantibus favere. Itaque non dicam vulgus, sed Principes ipsi huic aut illi generi (puta Threcibus, aut Myrmillonibus) fauebant, & vincere illos iure vel iniuriâ volebant: atque fraude adeo, vel imperio, rem eò trahabant. Suetonius in Tito, cap. VIII. ostendit, & in Domitiano, ut dicam.*

²⁶⁷ QVOD POSTVLABATVR.] *Liberalitas laudata est, & iustitia: addit comitatem. Quidquid turba petebat, fiebat, & eorum voluntati sese aptabat. Volebant hos & illos notos, vel Aulicos, gladiatores? veniebant. Illos dimitti, hunc ingulari: impetrabant. Adi me, de Postulatiis gladiatoribus, lib. I. cap. XVI. & de Populi petitionibus, cap. XXII.*

²⁶⁸ INSTITIT VLTRO.] *Planè, ut olim Titus, de quo Tranquillus: Populum tantâ comitate tractavit, ut propositio gladiatorio munere, non ad suum, sed ad spectantium arbitrium, se editurum professus sit. Et planè ita fecit. nam neque negavit quidquam petentibus; & ut quæ vellent peterent, vltro adhortatus est. Sunt non gemina, sed eadem, his nostris.* ²⁶⁹ SPECTANTIVM STVDIA.] *Quæ metu, clamore, sponsione indicabant. Vide me, II. Satur. cap. XXIII.* ²⁷⁰ NEMINI IMPIETAS.] *Quod sub Caio, & Domitiano, factum ibidem notavi. Quare autem impietas? quia contra studium Principis fauebant: atque ita læsa maiestas, quod Impietatem appellant (& Græci πασιμ ἀρεβειν) quia publicus ille parens violatus; vel quia & diuinitas, quam sibi duo iam dicti vindicabant.* ²⁷¹ ODISSET GLADIATOREM.] *Tale genus, Principi carum.*

²⁷² SPECTACVLVM FACTVS.] *Qui spectabat, spectandus datus, & in Arenam productus. Id quoque duo dicti: ego, loco dicto.*

²⁷³ VNCO ET IGNIBVS.] *Nam occisi aut læsi graviter gladiatores, vnco impacto in Spoliarium trahebantur. In acclamationibus Senatorijs, post Commodi mortem: Gladiatoris cadaver vnco trahatur. Gladiatoris cadaver in spoliario ponatur: ubi vulgus & pueri illudebant. De Ignibus autem ita habuit. adhibebant eos, vel in principio pugna, cum timidius in ferrum irent, & à tergo flagellis aut facibus exstimulabant: vel in fine, cum mortui iam, aut iacentes in mortuum, ignibus & ferro explorabantur. Simulabant enim quidam mortem, ut sic efferrentur, & subducerentur morti. Tertullianus: Risimus inter meridianorum crudelitates, Mercurium mortuos cauterio examinantem. Quod scilicet aptatum ad poëticam etiam fabulam fuit. Subit & de Ignibus posse accipi, ut ipsi ad stipitem affixi arserint in arenâ: quod item scimus factum.* ²⁷⁴ IDEM QVOD DEOS.] *Palam de Domitiano, qui Deus censeri & audire voluit.*

AT tu Cæsar, quàm pulchrum spectaculum pro illo nobis execrabili reddidisti? vidimus delatorum ²⁷⁵ agmen inductum, quasi grassatorum, quasi latronum. non solitudinem illi, non iter, ²⁷⁶ sed templum, sed forum infederant. ²⁷⁷ nulla iam testamenta secuta, ²⁷⁸ nullius status certus, non orbitas, ²⁷⁹ non liberi proderant. Auxerat hoc malum Principum auaritia. Aduertisti oculos, atque vt ²⁸⁰ antè castris, ita postea pacem foro reddidisti: excidisti intestinum malum, & prouidâ seueritate cauisti, ne fundata legibus ciuitas, ²⁸¹ euerfa legibus videretur. Licet ergo cùm fortuna, tum liberalitas tua visenda nobis præbuerit, vt præbuit, nunc ingentia robora virorum, & pares animos; nunc immanitatem ²⁸² ferarum, ²⁸³ nunc mansuetudinem incognitam, nunc secretas illas & arcanas, ac sub te primùm ²⁸⁴ communes opes: nihil tamen gratius, nihil sæculo dignius, quàm quod contigit ²⁸⁵ desuper intueri delatorum ²⁸⁶ supina ora, retortasque ceruices. Agnoscebamus & fruebamur, cùm velut ²⁸⁷ piaculares publicæ sollicitudinis victimæ, supra sanguinem ²⁸⁸ noxiorum, ad lenta supplicia ²⁸⁹ grauiorésque pœnas ducerentur. Congesti sunt in nauigia ²⁹⁰ raptim conquisita, ac tempestatibus dediti. abirent, fugerentq; vastatas delationibus terras: ac si quem fluctus ac procellæ scopulis reseruassent, hic nuda saxa & inhospitale litus incoleret: ageret duram & anxiam vitam, relictaque post tergum totius generis humani ²⁹¹ securitate, mœreret.

²⁷⁵ AGMEN INDUCTVM.] *In Amphitheatrum, & per arenam mediam traductum: exemplo Titi, de quo Suetonius: Delatores mandatoresque in foro fustibus & flagellis cæsos, nouissimè traductos per Arenam, partim subijci ac vœnire imperauit, partim in asperrimas insularum auchi.*

²⁷⁶ SED TEMPLVM.] *Quod illud? Curiam? an ærarium? De isto magis placeat, quod in ade Saturni; & circa pecuniam, grandis vel præcipua materia calumniarum.* ²⁷⁷ NULLA IAM TESTAMENTA.] *Dixit de pecunijs? en exempla. Delationes aut calumnie circa testamenta primùm: & audi Suetonium, in Domitiano. Confiscabantur alienissimæ hereditates, vel existente vno qui diceret, audisse ex defuncto cùm viueret, heredem sibi Cæsarem esse.* ²⁷⁸ NULLIUS STATUS CERTVS.] *Et hic calumnia, cum lucro. nam liberi in seruitutem, ingenui in libertinitatem trahebantur, bono fisci.* ²⁷⁹ NON LIBERI.] *Ex legibus Papijs, orbitas damnosa: at liberi prodesse debebant, præsertim terni. Omnia autem nunc sub vnâ, quod dicitur, Myconum: & crimen, ubi opes.* ²⁸⁰ ANTE CASTRIS.] *Disciplinâ correptâ* ²⁸¹ EVERSA LEGIBVS.] *Tacitus, de Papiâ hac ipsâ, semper calumnia-*

rum segete: Omnes domus delatorum interpretationibus subuertebantur, utq; antehac flagitijs, ita tunc legibus laborabatur. ²⁸² FERARVM.] Venationes. quas ipsas ita largiter præbuit, ut aliquando (in Dione) mille feræ casæ, interdum ad decem millia fuerint. Ego, cum talia ista, & sæpius sub vno Principe, assidue sub varijs lego: admiratione cunctos & hareo, unde hæc copia ferarum parari potuerit? nec videtur una aut triplex Africa, cum Asiâ & Europâ, suffecisse. ²⁸³ NVNC MANSVETVDINEM.] Nam & ea spectaculo. atque assuefaciebant feras, præter ingenium, vel parcere parata prædæ, vel iugum ferre, ac talia, quæ per naturam vetabantur. Ita in Martiali pluscula epigrammata de Leone in Arenâ, qui lepulos ferebat, non dicam prætercurrentes, sed insultantes, sed in apertum es, ut in caueam, se condentes. Sic & vno epigrammate feras aliquot domitas, ac verè subiuges, comprehendit, lib. 1.

Picto quod iuga delicata collo
Pardus sustinet, improbaque tigres
Indulgent patientiam flagello:

& adiungit Cernos, Leones, Apros, Bifontes: quid nisi, ut ipse dicit, spectacula deorum? Ac plura eiusmodi nouitia assidue in Arenam producta.

²⁸⁴ COMMVNES OPES.] Opes Palatinas. quas theatris vulgauit, & tem-
plis dedicauit Traianus. Idem Martialis lib. XII.

Quidquid Parrhasiâ nitebat aulâ,
Donatum est oculis, deisque nostris.
Miratur Schyticas virentis auri
Flammas Iupiter, & stupet superbas
Regis delicias, grauesque luxus.
Omnes cum Ioue nunc sumus beati:
At nuper, pudet ac piget fateri,
Omnes cum Ioue pauperes eramus.

Est ipsum hoc, quod tangit Plinius. sed primo scilicet in ludis hæc ostensa, tum denique consecrata. ²⁸⁵ DESUPER INTVERI.] E spectaculorum gradibus, cum ij per arenam ducerentur, ²⁸⁶ SUPINA ORA. Ut conspici ab omnibus, & agnosci possent. Sic milites Vitellium erigere os, & præbere contumelijs coegerunt, ut breuiter Tacitus: ut Suetonius quasi interpretans, reducto comâ capite, ceu noxij, solent, atque etiam mento mucrone gladij subrecto, ut visendam præberet faciem. Nam in ignominia & supplicio, naturâ os oculosque submittimus: erigebant igitur, reducto comâ capite (ut Suetonius) id est, capillo manu arrepto, & retrorsum cum capite tracto.

²⁸⁷ PIACVLARES.] Victimæ sic dicuntur, quæ ob culpam, & ad piandum purgandumq; dantur. Noster lib. III. epist. IX. Ne potentissimi, vilissimo quoque quasi piaculari dato, elaberentur. Plautus: Men' piacularem oportet fieri ob stultitiam tuam? Victimæ igitur tales aliena mala excipiebant, & in pœnam succedebant. Ita isti, ad expianda scelera præterita, & detergendam sollicitudinem omnium, in mare mittebantur. ²⁸⁸ NOXIORVM.] Super cadauera aut vestigia gladiatorum. ²⁸⁹ GRAVIORESQUE POENAS.]

Nam

Nam gladiatores breui morte defuncti; ipsi intabescere pœnis suis destinati.
²⁹⁰ RAPTIM CONQVISITA.] *Ergo parua aut praua.* ²⁹¹ SECVRITATE.]
Quæ sub bonis Principibus. & ideo num ni plures inscripti, SECVRITAS. PV-
BLICA. Abeant igitur, & ceteris securis quos inquietabant, soli mereant.

MEMORANDA facies, delatorum classis permixta omnibus ventis, coactaque vela tempestatibus pandere, iratosque fluctus sequi, quoscunque in scopulos detulissent. Iuuabat prospectare statim à portu sparsa nauigia, & apud illud ipsum mare agere Principi gratias, qui clementiâ suâ saluâ, vltionem hominum terrarumque dijs, quædam commendasset. Quantum diuersitas temporum posset, tum maximè cognitum est: cùm iisdem quibus antea ²⁹² cautibus innocentissimus quisque, tunc nocentissimus adficeretur, cumque insulas omnes, quas modò Senatorum, iam delatorum turba compleret. quos quidem non in præsens tantum, sed in æternum repressisti mille pœnarum ²⁹³ indagine inclusos. Ereptum alienas pecunias eunt? perdant quas habent. expellere penatibus gestiunt? suis ²⁹⁴ exturbentur. neque, vt antea, ²⁹⁵ ex sanguinem illam & ferream frontem, ne quidquam conuulcerandam præbeant ²⁹⁶ punctis, & ²⁹⁷ notas suas rideant: sed spectent paria præmio damna, nec maiores spes quàm metus habeant, timeantque quantum timebantur. Ingenti quidem animo diuus ²⁹⁸ Titus securitati nostræ vltionique prospexerat, ideoque numinibus æquatus est: sed quanto tu quandoque dignior cælo, qui tot res ²⁹⁹ illi adiecisti, propter quas illum ³⁰⁰ deum fecimus? Id hoc magis arduum fuit, quòd Imperator Nerua te filio, te successore dignissimûs, perquam magna quædam ³⁰¹ edicto Titi adstruxerat, nihilque reliquisse tibi videbatur: qui tam multa excogitasti, vt si ante te nihil esset inuentum. Quæ singula quantum tibi gratiæ dispensata adiecissent? at tu simul omnia profudisti: ³⁰² vt sol & dies non parte aliquâ, sed statim totus, nec vni aut alteri, sed omnibus in cômune profertur.

²⁹² CAVTIBVS.] *Scopulis, siue insulis saxosis; vt Gyarus, Seriphus, similes: quibus exsules solent includere.* ²⁹³ INDAGINE INCLVSOS.] *Variarum legum laqueis retibusque, cinctos, vt feras, ne possint perumpere.* ²⁹⁴ EX. TVRBENTVR.] *In exsilium pellantur. Marialis: Et delator habet, quod dabat, exsilium. Apparet ex istis, parem pœnam delatoribus positam, quam ibant irrogatum. Quod Theodosius & Honorius statuerunt, vel restituerunt, lege latâ: Quisquis crimen intendit, non impunitâ fore nouerit licetiam*

mentiendi, cum calumniantes ad vindictam poscat similitudo supplicij. *Origo autem ab Augusto videtur. qui diuturnorum reorum nomina aboluit, conditione propositâ, ut si quis quem repetere vellet, par periculum pœnæ subiret: Suetonius, cap. XXXII. ²⁹⁵ EXSANGVEM.] Sine rubore, cuius causa sanguis. ²⁹⁶ PUNCTIS.] Litteris, stigmate inustis. Nam vetus pœna calumniatorum à lege Rheminiâ fuit, frontem inuri K. litterâ, quæ Kalumniam (ita olim scribebant) notat. Cicero pro Roscio Amerino aperire: & Papiriano, homo integræ frontis, opponitur calumnia damnato.*

²⁹⁷ NOTAS SVAS.] Stigmata, ut dixi. An eadem nota intellecta Capitolino, cum scribit in M. Antonino: Calumnijs quadruplatorum intercessit, appositâ falsis delatoribus notâ? an infamia notam magis est accipi? Nam & ea delatores sequebatur, ut Valens ac Valentinianus Impp. rescribunt.

²⁹⁸ TITVS] Tangit Suetonius in Tito, cap. VII. ²⁹⁹ ILLI ADIECISTI.] Commodius, illis ³⁰⁰ DEVM FECIMVS.] Atqui antè dixit à Domitiano Deum factum, ut ipse Dei frater videretur: hic à Senatu. Pro insigni pugna hæc habet vir doctus: quam ego nullam video, aut stili huius breui motu componam. Domitianus Deum dici voluit & curauit, sed ob suum finem: Senatus censuit & libens paruit, quia meritis erat, & maxime ob securitatem hanc Senatui bonisq; pariam. ³⁰¹ EDCITO.] De calumniatoribus. Apud Dionem aliquid in Neruâ: Seruos cum & libertos punisse, qui dominis aut patronis periculum fecissent; neve in posterum liceret. Item nequis impietatis aut ritus Iudaici (Christianismi etiam, opinor) accusaretur. ³⁰² VT SOL.] Aptâ imago, & similis in Symmachi epist. I. libri IX. Sicut omnibus in hac vitâ positis ac locatis communis est cæli spiritus, lux diei: ita clementiam maximi Principis sentiant. vota & facta cunctorum.

QVAM iuuat cernere ærarium ³⁰³ silens & quietum, & quale ante delatores erat? nunc ³⁰⁴ templum illud, nunc verè ³⁰⁵ deus, non ³⁰⁶ spoliarium ciuium, cruentarumque ³⁰⁷ prædarum sæuuum receptaculum: ac roto in orbe terrarum adhuc ³⁰⁸ locus vnus, in quo, optimo Principe, boni malis impares essent. Manet tamen honor legum, nihilque ex publicâ utilitate conuulsum: nec pœna cuiquam remissa, sed ³⁰⁹ addita est ultio, solumque mutatum quòd iam non delatores, sed leges timentur. At fortasse non eadem seueritate fiscum, quàm ærarium cohibes. imò tanto maiore, quanto plus tibi licere de tuo, quàm de publico credis. Dicitur ³¹⁰ aëtori atque etiam ³¹¹ Procuratori tuo, in ius veni, sequere ad tribunal. nam tribunal quoque ³¹² excogitatum ³¹³ cruciatus est ³¹⁴ par ceteris, nisi illud ³¹⁵ litigatoris amplitudine metiaris. ³¹⁶ Sors & vrna fisco iudicem assignat. Licet ³¹⁷ reijcere, licet exclamare, hunc nolo, timidus est, & ³¹⁸ bona sæculi parua

parum intelligit: illum volo, quia Cæsarem ³¹⁹ fortiter amat. Eodem foro vtuntur, Principatus & libertas. ³²⁰ Quæ præcipua tua gloria est, sæpius vincitur fiscus: cuius ³²¹ mala causa nunquam est, nisi sub bono Principe. Ingens hoc meritum, maius illud, quod eos Procuratores habes, ut plerumque ciues tui non alios iudices malint. liberum est autem disceptanti dicere, nolo eum eligere: neque enim ullam necessitatem ³²² muneribus tuis addis, ut qui scias hanc esse beneficiorum Principalium summam gratiam, si illis & ³²³ non uti licet.

³⁰³ SILENS.] *Sine strepitu, sine litibus. Nam & apud Præfectos ararij querela, & causa.* ³⁰⁴ TEMPLVM.] *Ergo supra bene interpretatus sum, Templum in sedisse delatores: nempe hoc ipsum.* ³⁰⁵ DEVS.] *Saturnus, in cuius tutelâ ararium.* ³⁰⁶ SPOLIARIVM.] *Locus in Amphitheatri parte, ubi vestes occisorum & arma deponebantur, atque alia ornamenta. Vide Saturnalia nostra, lib. I. cap. XVIII.* ³⁰⁷ PRÆDARVM.] *Quæ ciuibz occisis: partæ. Claudianus similia in Honorij laudibus:*

Nullæ nobilium cædes, non crimina vulgò:

Texuntur, patriâ mæstus non truditur exul.

Non infelices tabulæ, non hasta refixas.

Vendit opes, auidusque emptor non voce citatur,

Nec tua priuatis crescunt araria damnis.

³⁰⁸ LOCVS VNVS.] *Mirifica laudatio, & arguta. In toto orbe vnum hoc ararium est, sub bono Principe, in quo boni à malis vincuntur. Quid hoc est? istud, qui boni & iusti sunt, voluntque patrocinari arario, impares sunt malis & fraudatoribus, aut etiam tricornibus: quia, ut mox addit: sæpius vincitur fiscus. Sanè salubris imperij signum, licentem hunc in corpore non crescere. Nisi hac sententia loci, alius me aliòsque doceat.* ³⁰⁹ ADDITA EST.] *Pæna manet, si quis in leges fiscales peccat; sed additum hoc (ne temere exigatur) ut ulcisci liceat delatores. Quomodo? talione, ut opinor. Ereptum meas pecunias eunt? perdent, quas habent: supra. Itaque vltio addita in calumniantes, pæna tamen manente in fontes.* ³¹⁰ ACTORI.] *Actor in familijs, qui res rationesque heri administrat: idem in republicâ, qui & Actor publicus Tacito dicitur II. Annalium, atque ibi explicauit. Actor Cæsaris, de quo hic, differt ab illo, & in lapidibus etiam nominatur: qui res & patrimonium Cæsaris curat.* ³¹¹ PROCVRATORI.] *Nondum autem Aduocatus fisci, quem primus instituit Hadrianus.* ³¹² EXCOGITATVM.] *Ab ipso te. nouitatem ostendit.* ³¹³ CRUCIATV.] *Obiter olim dixeram, curatûa: sed neque tunc perplacuit, & nunc sperno. In melioribus libris, cruciatui: puto verum, Principatui. Ita statim: Eodem foro vtuntur Principatus & libertas.* ³¹⁴ PAR CETERIS.] *In quo eadem omnia alijs iudicijs. Ammianus lib. xxv. Iulianum sic laudat, quod sub eo æquata fisci iurgia cum priuatis.* ³¹⁵ LITIGATORIS.] *Cæsaris, nam eius ibi res, sed & nomen, versatur.*

³¹⁶ SORS ET VRNA.] Quod iam olim in omnibus fere iudicijs. Itaque nemo subornatus, & fautor Caesaris. Quid si talis? licet inquit ³¹⁷ REICERERE.] Nam & id moris prisca, ut sortitione facta, & cum iudices iam sedissent, accusator & reus, quisque sibi suspectos, possent reicere, & iubere surgere. In eorum locum alios subfortiebantur. Lex Pompeia huic rei modum & numerum dedit. ³¹⁸ BONA SÆCVLI.] Quanta libertas sit sub optimo Principe. ³¹⁹ FORTITER.] Non tenere aut timide, ut aduantes, aut metuentes offendere. Seneca De Providentiâ: Patrium habet Deus erga bonos viros animum, & illos fortiter amat. ³²⁰ QUÆ PRÆCIPVA.] Malim, quæque præcipua. ³²¹ MALA NVNQVAM.] Transcripsit Castiodorus, lib. i. epist. xxii. ad Fiscii aduocatum: Tunc fama nostra proficit, quando se commoditas iniusta subducit. Quapropter fit interdum causa mala fisci, ut bonus Princeps esse videatur. ³²² MVNERIBVS.] Inter quæ, & boni Administrari. ³²³ NON VTI.] Quod haud ita sub Tyranno: qui munus suum fastidire te (ait Seneca) iniuriam iudicaturus est.

ONERA imperij pleraque vectigalia institui, ut pro utilitate communi, ita ³²⁴ singulorum iniurijs coegerunt. ³²⁵ His ³²⁶ Vigesima reperta est, tributum ³²⁷ tolerabile & facile heredibus dumtaxat ³²⁸ extraneis, domesticis graue. Itaque illis irrogatum est, his remissum. videlicet quod manifestum erat, quanto cum dolore laturi seu potius non laturi homines essent, destringi aliquid & abradi bonis, quæ sanguine, gentilitate, ³²⁹ sacrorum denique societate meruissent; quæque nunquam ut aliena & speranda, sed ut sua semperque possessa, ac deinceps proximo cuique transmittenda cepissent. Hæc mansuetudo legis ³³⁰ veteribus ciuibus seruabatur: ³³¹ noui, seu ³³² per Latium in ciuitatem, seu ³³³ beneficio Principis venissent, nisi simul ³³⁴ cognationis iura impetrassent, alienissimi habebantur quibus coniunctissimi fuerant. Ita maximum beneficium vertebatur in grauissimam iniuriam, ciuitasque Romana instar erat odij, & discordiæ, & ³³⁵ orbitatis, cum carissima pignora, saluâ ipsorum pietate, distraheret. Inueniebantur tamen, quibus tantus amor nominis nostri inesset, ut Romanam ciuitatem non Vigesiinæ modò, verum etiam affinitatum damno bene compensari putarent: sed his maximè debebat gratuita contingere, à quibus tam magno æstimabatur. Igitur pater tuus sanxit, ut quod ex matris ad liberos, ex liberorum bonis peruenisset ad matrem, etiam si cognationû iura non recepissent, cum ciuitatem adipiscerentur, eius Vigesiinam ne darent. Eandem immunitatem in paternis bonis filio tribuit, si modò

modò ³³⁶ reductus esset in patris potestatem: ratus improbè & insolenter, ac pœnè impiè, his nominibus inseri ³³⁷ publicanum, nec sine piaculo quodam sanctissimas necessitudines velut intercedente Vigestimâ scindi. nullum esse tanti vectigal, quod liberos ac parentes faceret extraneos.

³³⁴ SINGVLORVM INIVRIIS.] *Id est, in commune bonum, sed cum noxâ & detrimento priuatorum. Aufertur enim ijs aliquid & abraditur: quæ iniuria aut eius species, utilitate publicâ rependitur.* Dissolutio enim imperij sequitur (verba Taciti) si fructus quibus res publica sustinetur, diminuantur: quid, si tollantur? ³³⁵ HIS.] *Oneribus.* ³³⁶ VIGESIMA.] *Vulgo & plenè dicta, Vigesima hereditatium: cui Augustus inuentor ad Aerarium militare. De quâ ego in Admirandis nuper, lib. II. cap. IIII. & olim ad XIII. Annalem Taciti.* ³³⁷ TOLERABILE.] *Quidni? cum gaudio enim semper fructûque iunctum. Et ubi largiter, sæpe inopinatò, acquirebas; quid acerbi aliquid detrahi? Mihi sæpe mirum hodie, cum tam multa queruntur, odiosa magis, fructuosa minus; hoc tam promptum & obuium vsque adhuc neglectum.* ³³⁸ EXTRANEIS.] *Nam Augustus ipse etiam exceperat τὸν πᾶν οὐρανόν, ἢ τοὺς πάντας, planè coniunctos sanguine, aut pauperes.* ³³⁹ SACRORVM SOCIETATE.] *Nam & sacra priuata sua familijs erant, atque ea pro notâ, & vinculo. Inde Transire in gentem & sacra: itemq̃, Hereditas cum sacris, aut sine sacris in Plauto. Sine inquam, cum in gentem adoptione non transiit.* ³⁴⁰ VETERIBVS.] *Qui, tempore eius tributi inuecti, fuissent.* ³⁴¹ NOVI.] *Deinceps facti.* ³⁴² PER LATIVM.] *Quibus Latinitas data, ut plerisque colonys, ij plenè ciues fieri poterant tribus ferè modis. vel si magistratum domi gefissent; siue stirpe domi relictâ, Romam migrassent; siue denique naue, pistrino, edificio. Nam de lege Seruiliâ, ut euentu iâ raro, omitto. Qui igitur, inquit Plinius, ex Latio ciues facti erant, ij non fruebantur hoc indulto.* ³⁴³ BENEFICIO PRINCIPIS.] *Nam iam olim liberâ rep. Imperatores ciuitatem dabant, sed ut populus firmaret: qui nō magis nunc Princeps? Crebrū erat, & Plinij aliquot epistolæ sunt lib. X. quibus ciuitatem amicis aut clientibus suis petit à Traiano, impetratq̃.* ³⁴⁴ COGNATIONIS IVRA.] *Quia illâ transiitione in ciuitatem diuulsi à suis videbantur, qui nondum ciues: atque ita alieni extraneiq̃, habebantur, nisi Princeps seorsim tribuisset.* ³⁴⁵ ORBITATIS.] *Quia pater à filijs, filij à patre abiungebantur, nec cognati censebantur.* ³⁴⁶ REDUCTVS ESSET.] *Exierat enim, si ipse donatus ciuitate, siue etiam, si pater. Nam deminutione hac capitis, id est status, ciuilis illa potestas soluebatur. Festus: Deminutus capite appellatur, qui ciuitate mutatus est.* ³⁴⁷ PVBLICANVM.] *Nota per eos igitur exactum collectumq̃, hoc vectigal.*

HACTENVS ille, parciùs fortasse quàm decuit optimum Princepem, sed non parciùs quàm optimum patrem. qui optimum adoptaturus, hoc quoque parentis indulgentissimi fecit, quòd

quòd delibasse quædam seu potiùs demonstrasse contentus, largam ac propè intactam benefaciendi materiam filio reseruauit. Statim ergo muneri eius liberalitas tua astruxit, vt quemadmodum in patris filius, sic in hereditate ³³⁸ filij pater esset immunis, nec eodem momento quo pater esse desisset, hoc quoque amitteret ³³⁹ quod fuisset. Egregiè Cæsar, quòd lacrymas parentum ³⁴⁰ vectigales esse non pateris. Bona filij pater sine diminutione possideat, nec socium hereditatis accipiat, ³⁴¹ qui non habet luctus: nemo recentem & attonitam orbitatem ad computationem vocet, cogatque patrem quid reliquerit filius scire. Augeo P. C. Principis munus, cùm ostendo liberalitati eius inesse rationem: ambitio enim, & iactantia, & effusio, & quiduis potiùs quàm liberalitas existimanda est, cui ratio non constat. Dignum ergo Imperator mansuetudine tuâ, minuere orbitatis iniurias, nec pati quemquam filio amissò in super affici alio dolore. Sic quoque abundè misera res est, pater filio solus heres: quid si coheredem non ³⁴² à filio accipiat? Adde, quòd cùm diuus Nerua sanxisset, vt in paternis bonis liberi necessitate Vigessimæ soluerentur, congruens erat eandem immunitatē parentes in liberorum bonis obtinere. Cur enim posteris amplior honor, quàm maioribus haberetur? cūrve non retrò quoque recurreret æquitas eadem? Tu quidem Cæsar illam exceptionem renouisti, si modò filius in potestate patris fuisset, intuitus opinor vim legemque naturæ, quæ ³⁴³ semper in ditione parentum esse liberos iussit, nec vt inter pecudes, sic inter homines potestatem & imperium valentioribus dedit. Nec verò contentus primum cognationis gradum abstulisse Vigessimæ, secundum quoque exemit, cavitque vt in sororis bonis frater, & contra in fratris soror, vtque auus, auia in neptis nepotisque, & inuicem illi, seruarentur immunes. His quoque, quibus ³⁴⁴ per Latium ciuitas Romana patuisset, idem indulgit: omnibusque inter se cognationum iura cominifit, simul & pariter, & more naturæ; quæ ³⁴⁵ priores Principes à singulis rogari gestiebant, non tam præstandi animo, quàm negandi. Ex quo intelligi potest quantæ benignitatis, quanti spiritus fuerit ³⁴⁶ sparsas, atque, vt ita dicam, laceras gentilitates colligere atque connectere, & quasi renasci iubere: deferre quod negabatur, atque id præstare cunctis, quod sæpe singuli

guli non impetrassent: postreimò ipsum sibi eripere tot beneficiorum occasiones, tam numerosam obligandi ³⁴⁷ imputandi que materiam. Indignum credo ei visum, ab homine peti, quod dii dedissent. Sorores estis & frater, auus & nepotes: quid est ergo, ³⁴⁸ curegeis? ut sitis, vobis estis. ³⁴⁹ Qui pro ceterâ suâ moderatione, non minùs inuidiosum putat ³⁵⁰ dare hereditatem, quàm auferre. Læti ergo ³⁵¹ adite honores, capeffite ³⁵² ciuitatem, neminem hoc necessitudinis ³⁵³ abruptum, ³⁵⁴ velut truncum amputatum que destituet: ijsdem omnes quibus antè pignoribus, sed ³⁵⁵ honestiores perfruentur. Ac ne remotus quidem iam que deficientis affinitatis gradus, ³⁵⁶ à qualibet quantitate Vigessimam inferre cogetur. Statuit enim communis omnium parens summam, quæ publicanum pati possit. Carebit onere Vigessimæ parua & exilis hereditas: & si ita gratus heres volet, tota sepulchro, tota funeri feruetur. nemo obseruator, nemo castigator adsistet. ³⁵⁷ Cuiuscumque modi ea pecunia ex hereditate alicuius obuenerit, securus habeat quietus que possideat. Ea lex Vigessimæ dicta est, ut ad periculum eius perueniri, nisi opibus non possit. conuersa est iniquitas in gratulationem; iniuria in votum: ³⁵⁸ optat heres ut Vigessimam debeat. Additum est, ut qui eiusmodi ex causis in diem edicti Vigessimam deberent, nondum tamen intulissent, non inferrent. At in præteritum subuenire, ³⁵⁹ ne dii quidem possunt. tu tamen subuenisti caustique, ut desineret quisque debere, quod non esset ³⁶⁰ postea debiturus. ³⁶¹ Idem fecisti ne malos Principes habuissimus: quo ingenio, si natura pateretur, quàm libenter tot spoliatis, tot trucidatis sanguinem & bona refudisses? Vetuisti exigi, quod deberi ³⁶² non tuo sæculo cœperat. Alius, ut contumacibus, irasceretur, tarditatem que ³⁶³ soluendi dupli, vel & quadrupli irrogatione mulctaret: tu nihil referre iniquitatis existimas, exigas quod deberi ³⁶⁴ non oportuerit, an constituas, ut debeatur.

³³⁸ FILII PATER.] *Cur non autem hoc etiam Nerva? ille natura ordinem vidit secutusque est, ex quâ magis instum, certè votiuum, filium patri succedere, quàm contrâ. Itaque quia hoc & rarius, nec ita ex natura ordine, id neglexit.* ³³⁹ QVOD FVISSET.] *Traianus natura vinculum intuitus, quod putauit civili constitutione non solui. Itaque etsi civiliter desinebat pater esse, attamen quia antè civiliter fuerat, & nunc quoque naturaliter erat, habuit*

luit immunem. ³⁴⁰ VECTIGALES.] *Subiectas vectigali, obnoxias Viceſima.*

³⁴¹ QVI NON HABET.] *An, quem non habet? Nam poteſt ſanè in filij morte conſortes habere luctus, eſi non Fiſcum.* ³⁴² A FILIO.] *Nec teſtamento eius datum, nec ei iunctum. qualis eſt Fiſcus, quem lex ingerit.*

³⁴³ SEMPER.] *Etiã grandes & adultos, etiã patre digniores, potentiores. Huc enim ſequens comparatio ſpectat.* ³⁴⁴ PER LATIVM.] *Non ſolum, qui beneficio Principis. An hoc dicit, qui tantum Latini ciues?* ³⁴⁵ PRIORES

PRINCIPES.] *Suetonius in Tito: Cùm ex inſtituto Tiberij, omnes dehinc Principes beneficia à ſuperioribus conceſſa Principibus, non aliter rata haberent, quàm ſi eadem iſdem & ipſi dediſſent; primus præterita omnia vno cõfirmavit edicto, nec à ſe peti paſſus eſt.* ³⁴⁶ SPAR. AS.] *Transſitione hac in ciuitatem.* ³⁴⁷ IMPVTANDI.] *Vi ſuprà, inſcribendi beneficij. demerendi.* ³⁴⁸ CVR EGRETIS.] *Omnino verum, cur rogetis, Liuiſcio quoque viſum. Diſtingue autem, cur rogetis, vt ſiſis vobis eſtis. Quasi dicat,*

& eſtis fratres, & vobis eſtis tantum; non fiſco, qui nil iam decerpit. ³⁴⁹ QVI PRO.] *Lego, QUIN.* ³⁵⁰ DARE.] *Non à petitione, quam ſuſtulit, & ſemel vniuerſè dedit.* ³⁵¹ ADITE HONORES.] *In coloniſ veſtris. Hoc enim ad Latinos pertinet, qui (vt dixi) ciuitatem Romanam adipiſcebantur, domi honoribus geſtis.* ³⁵² CIVITATEM.] *Noſtram.* ³⁵³ ABRVPTVM.] *Abruptio & diſiunctio. Diſſociabantur enim, qui ciuitatem mutabant.* ³⁵⁴ VELVT TRVNCVM.] *Tanquam à patre iam abſciſum, aut contrà à filio patrem. Harent & manent tales, interpretatione Traiani.* ³⁵⁵ HONESTIORES.] *Ciuitate aucti.*

³⁵⁶ A QUALIBET.] *Aliqua moderatio Traiani, qui non in gradibus ſolum diſpenſauit, ſed in modo Hereditatis. Si ea modica, & intra talem ſummam (non eſt expreſſa. uſpiam:) nihil deliberatur.* ³⁵⁷ CVIVSCVMQUE MODI.] *Quidam libri, Cuiuſcumque modica pecunia. quod amplector, ſtatim tamen legendo alicui, pro alicuius. Sententia eſt: Cuiuſcumque ea parua pecunia fuerit, agnati vel extranei, non reſert: nihil pendit.*

³⁵⁸ OPTAT.] *Nec enim dabit, niſi diues.* ³⁵⁹ NE DII QVIDEM.] *Plinius auunculus: Ne Deum quidem poſſe omnia. namque nec reuocare defunctos, nec facere vt qui vixit, non vixerit; qui honores geſſit, non geſſerit: nullumque habere in præterita ius, præterquam obliuionis. Agathon Comicus, apud Ariſtotelem:*

Μόρε γὰρ αὐτῶν καὶ θεὸς στείλονταί,
 Ἀγόντα ποιεῖν ὅας' αὖτ' ἡ πτωχευμύη:

Vnum hoc nec ipſe præpotens habet Deus,

Quæ facta ſunt, infecta poſſe reddere.

³⁶⁰ POSTEA.] *Post diem tui edicti.* ³⁶¹ IDEM.] *Liuiſcius, id eſt: rectè, eſi ſequentia non bene ordinat.* ³⁶² NON TVO SÆCVLO.] *Vno verbo, remiſiſ reliqua eius vectigalis, in cauſis dictis. Hoc eſt, quod Auſonius in Laudatione Gratiani tangit: Vel illud vnum cuiuſmodi eſt, de condonatiſ ſiſdus tributorum? Quis vnquam Imperatorum hoc prouincijs ſiſis vberiore te indulgentiã dedit? Fecerat & Traianus olim: ſed partibus retentis. Non habebat tantam oblectationem conceſſi debiti portio, quanta ſuberat*

suberat amaritudo seruati. *Omnino huc faciunt, nec de aliâ Traiani remissione legas. Qui enim è nummis adferunt: RELIQUA. VETERA. HS. NOVIES. MILL. ABOLITA: falli credo, nec Traiani, sed Traiani Hadriani (ita coniunctim dicitur) nummos istos ego vidi. Ita enim exstant hodièque in Consulatu eius III. Et inscriptio Romæ: IMP. CAESARI. DIVI. TRAIANI. PARTHICI. F. TRAIANO. HADRIANO. AVG. PONT. MAX. TR. POT. II. COS. II. QVOD. OMNIUM. PRINCIPVM. ET. SOLVS. REMITTENDO. HS. NOVIES. MILLIES. CENTENA. MILLIA. N. DEBITVM. FISCII. NON. PRAESENTES. MODO. SED. ET. POSTEROS. SVOS. PRAESTITIT. HAC. LIBERALITATE. SECVROS. Ea remissio grandis, & nostra estimatione & locutione valeat, viginti duos miliones Philippicorum & semis. At Traiani liberalitas minor, & in partibus tantum, ut dixit Ausonius. ³⁶⁵ SOLVENDI DVPLI.] Ita. nam pœna etiam mora solet adijci. quo sensu Victor, de Neruâ: Quidquid antea pœnæ nomine tributis accesserat, indulgit. Itaque exemplum aliquod à paternâ indulgentiâ habuit, etsi superavit. ³⁶⁴ NON OPORTVERIT. Illud vetus, in causis quas abrogasti edicto. Aequè iniquum censeres, exigere talia iam debita, & constituere ut debeantur.*

FERES Cæsar curam & sollicitudinem ³⁶⁵ Consularem. nam mihi cogitanti eundem te ³⁶⁶ collationes remisisse, donatium reddidisse, congiarium obtulisse, delatores abegisse, vectigalia ³⁶⁷ temperasse, interrogandus videris, sat sine computaueris imperij redditus? an tantas vires habeat frugalitas Principis, ut ³⁶⁸ tot impendijs, tot erogationibus sola sufficiat? Nam quid est causæ, cur alijs quidem cum omnia ³⁶⁹ raperent, & rapta retinerent, ut si nihil rapuissent, nihil detinuissent, defuerint omnia? tibi cum tam multa largiaris, & nihil auferas, omnia supersint? Nunquam Principibus defuerunt, qui fronte graui & tristi supercilio, vtilitatibus fisci contumaciter adessent: & erant Principes ipsi suâ sponte auidi & rapaces, & qui magistris non egerent: plura tamen semper à nobis contra nos didicerunt. sed ad tuas aures, cum ceteris omnibus, tum vel maximè auaris adulationibus obstructus est aditus. Silent ergo & quiescunt, & postquam non est cui suadeatur, qui suadeant non sunt. quò euenit, ut tibi cum plurimum pro tuis, plus tamen pro ³⁷⁰ nostris moribus debeamus. Locupletabant & fiscum & ærarium non tam ³⁷¹ Voconia & ³⁷² Iulia leges, quàm Maiestatis singulare & ³⁷³ vnicum crimen eorum, qui crimine vacarent. huius tu metum penitus sustulisti, contentus magnitudine: quâ nulli magis caruerunt, quàm qui sibi maiestatem vindicabant.

Reddita est ³⁷⁴ amicis fides, ³⁷⁵ liberis pietas, obsequium ³⁷⁶ seru-
uis: verentur, & parent, & dominos habent. non enim iam serui
Principis nostri amici, sed nos sumus; nec pater patriæ alienis se
mancipijs cariorum, quàm civibus suis credit: omneis accusa-
tore domestico liberaſti, vnoque ³⁷⁷ salutis publicæ ³⁷⁸ signo il-
lud, vt sic dixerim, ³⁷⁹ seruile bellum sustulisti. In quo non mi-
nus seruis, quàm dominis praestitisti: hos enim securos, illos bo-
nos fecisti. Non vis interea laudari, ³⁸⁰ nec fortasse laudanda
sint; grata sunt tamen recordantibus ³⁸¹ Principem illum in ca-
pita dominorum seruos subornantem, monstrantemque crimi-
na, quæ tanquam delata puniret. magnum & inuitabile, ac to-
ties cuique experiri dum malum, quoties quisque similes Principi
per seruos haberet.

* Vide II.
Admir.
cap. IX.

³⁶⁵ CONSVLAREM.] Quia ego iam Consul, curare reip. debeo. ³⁶⁶ COL-
LATIONES REMISISSE.] Spectat cùm alia prouincialium in auspicijs Imperij
donatum* Coronarium aurum maximè, quâ specie Collationis exhaurie-
bantur. Itaque boni Principes remittebant. vt hic Traianus: vt Iulianus,
inter cuius liberalitatis testimonia Ammianus recenset, Coronarium indul-
tum, & remissa debita multâ diuturnitate congesta. ³⁶⁷ TEMPERASSE.]
Istud Vigesima. ad modum iam dictum. ³⁶⁸ TOT IMPENDIIS.] In mili-
tes, magistratus, ludos, opera: atque alia, quorum specimen in nostris Admi-
randis, libro II. ³⁶⁹ RAPERENT.] Ad Domitianum pertinent. Adi Suetoni-
um, cap. XII. ³⁷⁰ NOSTRIS MORIBVS.] Qui bonos nos facis, qui ab adu-
lationibus sic arces. ³⁷¹ VOCONIÆ.] Lex Voconia vetus, nequis heredem
feminam, vel unicam etiam filiam faceret, ultra quadrantem hereditatis.

³⁷² IULIÆ LEGES.] Multa sunt ab Augusto, hoc nomine: sed nunc Iu-
liam de maritandis ordinibus, quæ Papiæ iungi aut cum eâ misceri solet,
ipsasq; Papias intellegi clarum est. Nam has Augustus, vt Tacitus loquitur,
æratio augendo sanxerat, ob multiplices ibi multas. ³⁷³ VNICVM CRI-
MEN.] In Tacito passim docetur. vbi quibus nihil obijci potest, Maiestatis cri-
men impingitur. Nero etiam statuit, vt lege maiestatis, omnia dicta facta-
que, quibus modò delator non deesset, tenerentur. ³⁷⁴ AMICIS.] Qui
nunc amicum non deferunt. ³⁷⁵ LIBERIS.] Qui & ipsi armabantur in pa-
rentes. ³⁷⁶ SERVIS.] Passim in dominos insurgabant, & terruabant accusa-
tori Maiestatis. ³⁷⁷ SALVTIS PVBL.] Velut formula erat, in laudem bona-
rum Principum: & in nummis passim insculpitur, SALVS. PVBLICA.

³⁷⁸ SIGNO.] Quasi hac tessera datâ & editâ. ³⁷⁹ SERVILE BELLVM.]
Allusum ad vetera Seruilia bella, cùm manus in Dominos armarunt: at hic
linguas. Traianus autem hæc ista sustulit, aut sublata à Nervâ patre compro-
bavit. Nam de eo Dionis compendium: τῶν τε βαλοῦς καὶ τῶν εὐχελοῦ θέγου τῶν
τοῦ δαυοῦ τοῖς σφάν ὅτι ἐβλάσαντας, πάντας ἀπέκτεινε καὶ τοῖς μὲν τοῖς ἐστὶν ἔδ',
ἀλλο

ἀλλὸ πᾶν κλημα ἐπὶ τοῖς δεσπόταις ἐφύκει: Seruos & libertos, qui-
cumque insidiati dominis fuissent, omnes interfecit; atque ijs nec aliud
quoduis crimen inferre, aut accusare dominos permisit. ³⁸⁰ NEC FOR-
TASSE.] *Extra culpam enim dumtaxat sunt, at laudis finem non attingunt.*
³⁸¹ PRINCIPEM.] *Domitianum.*

IN eodem genere ponendum est, quòd testamenta nostra se-
cura sunt: nec vnus omnium ³⁸² nunc, quia scriptus heres. Non
tu ³⁸³ falsis, non tu ³⁸⁴ iniquis tabulis aduocaris: nullius ad te
³⁸⁵ iracundia, nullius ³⁸⁶ impietas, nullius ³⁸⁷ furor confugit: nec
quia offendit alius nuncuparis, sed quia ipse meruisti. Scribe-
ris ³⁸⁸ ab amicis, ab ignotis præteritis: nihilque inter priuatum
& Principem interest, nisi quòd nunc ³⁸⁹ à pluribus amaris:
nam & plures amas. Tene Cæsar hunc cursum, & probabitur
experimento, sitne feracius & vberius non ad laudem modò, sed
ad pecuniam Principi: si herede illo mori homines velint, quàm
si cogantur. Donauit ³⁹⁰ pater tuus multa, & ipse donasti: ³⁹¹ ces-
serit ³⁹² parum gratus; manent tamen ij, qui ³⁹³ bonis eius
fruantur, nihilque ex illis ad te nisi gloria redit. nam liberalita-
tem iucundio rem debitor gratus, clario rem ingratus facit. Sed
quis ante te laudem istam pecuniæ prætulit? quotusquisque
Principum ne id quidem in patrimonijs nostris suum duxit,
quod esset de suo? nonne vt regum, ita Cæsarum munera, illi-
tos cibus hamos, opertos prædâ laqueos, æmulabantur? cùm
priuatis facultatibus velut ³⁹⁴ hausta & multiplicata, retrò secum
quidquid attigerant referrent.

³⁸² NUNC QVIA SCRIPTVS.] *Obscura, nec mihi recta. Inspecto: nec vnus
omnium, nunquam scriptus heres. Acute & verè, aut fallor. Non tu, in-
quit, omnium heres nunc es, vt ille Domitianus; qui falsò talem se gerebat
nec cogitatum, nec scriptum.* ³⁸³ FALSIS.] *Mendacibus & confictis.*

³⁸⁴ INIQUIS.] *Vbi propior aut suus heres est.* ³⁸⁵ IRACUNDIA.] *Putat
liberti, qui patrono offensus. & vt illum iure successionis priuaret, Principem
scribebat.* ³⁸⁶ IMPIETAS.] *Patris, aut filij. Nam, vt Tacitus in Agricola,*
à bono patre non scribitur heres, nisi malus Princeps. ³⁸⁷ FVRORE.]
Aliquis parum sane mentis, qui spretis suis ad Principem vertit. ³⁸⁸ AB
AMICIS.] *Pro more, & iure. Atque ita Augustus professus, viginti prox-
mis annis, quaterdecies millies HS. ex testamentis amicorum percepit.* * *Sunt tri-*
gintaquin-
qu: milie-
ces, nobis.

³⁸⁹ A PLVRIBVS.] *Ergo & à pluribus scriberis,* ³⁹⁰ PA-
TER TVVS.] *Nepua. Qui & bona omnia, quæ exstabant, & Domitiani's*
iniquè abstulerat, dominis reddidit: & plebi Romanæ agros emit, ac de

uifit: Dio. Factum eiusdem liberale & memorabile, in Zonara & Philo-
strato scriptum. Reppererat Herodes Atticus, Sophista pater domi sua
ingentem thesaurum. Calumnias veritus, ad Principem scripsit, & indica-
uit. Ille rescripsit, Vtere. Sed Atticus nec sic securus, iterum scripsit:
At enim thesaurus priuati hominis conditionem superat. Nerva iterum
animosè, Ergo abutere. ¹⁹¹ CESSERIT.] Lego, ceperit, & ententia li-
quet. Nisi vis tamen pro Decefferit accipere: id esset, Ag, mortuus
ex illis aliquis parùm gratus. ¹⁹² PARVM GRATVS.] Qui te heredem non
fecerit. Nam quos promouissent aut ditassent, ab is suo iuri gratitudi-
nem exigebant. Ita Caligula (in Suetonio) Primpilarium testamenta,
qui neque Tiberium, neque se, heredem fecissent, vt ingata, rescidi-
dit: quia nempe Principum beneficio ad gradum opèsque venissent.

¹⁹³ BONIS EIVS.] Nerva. quia tamen & de ipso Traiano prauit, me-
lius fortasse, bonis eis. ¹⁹⁴ HAVSTA.] Legendum aucta, si tamen sequens
vox multiplicata sedeat. Pro quâ alij libri, implicita: & mihi non displici-
ceat, aptiusque ita ad Hamos Laqueosque referas. Bona illa Caesaris ve-
lut hausta & absorpta (vt piscibus hami) priuatis facultatibus, isdemque
implicita & innexa (vt feris laquei:) trahuntur vnâ cum istis ad Principem,
specie illâ gratitudinis in testamentis.

Q V A M vile est, ad vsum secundorum ¹⁹⁵ per aduersa ve-
nisse? Vixisti nobiscum, periclitatus es, timuisti: ¹⁹⁶ quæ tunc erat
innocentium vita. scis & expertus es, quantò pere detestentur ma-
los Principes, etiam qui ¹⁹⁷ malos faciunt. meministi quæ optare
nobiscum, quæ sis queri solitus. Nam ¹⁹⁸ priuato iudicio Principem
geris, meliorem imò te præstas, quàm tibi ¹⁹⁹ alium preca-
bare. Itaque sic imbuti sumus, vt quibus erat summa votorum,
melior pessimo Princeps: iam non possumus, nisi optimum, fer-
re. Nemo est ergo ⁴⁰⁰ tam tui, ⁴⁰¹ tam ignarus sui, vt locum istum
post te concupiscat. facilius est, vt esse aliquis successor tuus pos-
sit, quàm ⁴⁰² vt velit. Quis enim curæ tuæ molem sponte sub-
eat? quis comparari tibi non reformidet? Expertus & ipse es,
quàm sit onerosum succedere bono Principi: & afferebas excu-
sationem, ⁴⁰³ adoptari. An prona paruaque sunt ad æmulan-
dum, quòd nemo incolumitatem ⁴⁰⁴ turpitudine rependit? Sal-
ua est omnibus vita, & ⁴⁰⁵ dignitas vitæ: nec iam ⁴⁰⁶ considera-
tus ac sapiens, qui ætatem ⁴⁰⁷ in tenebris agit. Eadem quippe
sub Principe virtutibus præmia, quæ in libertate: nec benefactis
tantùm ⁴⁰⁸ ex conscientia merces. Amas constantiam ciuium,
rectosque ac ⁴⁰⁹ viuidos animos non, vt alij, contundis ac de-
primis;

primis; sed foues & attollis. Prodest bonos esse, cum sit fati abundeque, si non nocet. His honores, his sacerdotia, his provincias offers: hi amicitia tuâ, hi iudicio florent: ⁴¹⁰ acuntur isti integritatis & industriae pretio: similes, dissimiles alliciuntur. nam ⁴¹¹ praemia bonorum malorumque, bonos ac malos faciunt. Pauci adeo ⁴¹² ingenio valent, ut non turpe honestumque, prout bene ac secus cessit, expetant fugiantve: ceteri, ubi laboris inertiae, vigilantiae somno, frugalitatis luxuriae merces datur, eadem ista, quibus alios artibus affecutos vident, consecretantur: qualesque sunt illi, tales esse & videri volunt; & dum volunt, fiunt.

³⁹¹ PER ADVERSA.] *Pindarus enim verè: ὁ πόντος τε νόσος καὶ θεομά-
Deus & pes: qui animo exercitus fuit & laborauit, prudentiam fructum
tulit.* ³⁹⁶ QUAE TVNC.] *Sub Domitiano.* ³⁹⁷ MALOS FACIUNT.] *Adulantes, & subseruientes.* ³⁹⁸ PRIVATO.] *Clarius, si, priuati, legas.
Sed sensus ille; Tu ita geris Principem, ut priuatus indicabas esse geren-
dum. Quod plerumque aliter. & qui extra fortunam, bene de ea iudi-
camus; cum in ipsâ, abripimur & ferenti vento nos damus.* ³⁹⁹ ALIVM
PRECABARE.] *Tacitus in oratione Galba: Vtilissimus idem ac bre-
uissimus bonarum malarumque rerum dilectus, cogitare quid aut no-
lueris sub alio Principe, aut volueris.* ⁴⁰⁰ TAM TVI.] *Virtutis sum-
ma tua, & Prudentia.* ⁴⁰¹ TAM SVI.] *Quid ad te non potest accedere.*
⁴⁰² VT VELIT.] *Sapiens quidem. nam succedere aliquis potest, &
debet: par esse, aut similis etiam, non potest.* ⁴⁰³ ADOPTARI.] *Id est,
excusatio tibi successio, quia non sponte neque vltro venisti, sed adoptione
adscitus, & quasi coactus. At qui se ingerit, minus excusatur, nisi pa-
rem se praebeat.* ⁴⁰⁴ TVRPITVDINE REPENDIT.] *Id est, nemo
hoc ipso saluus, quod virtutem non habeat saluam. Sub malis, ea in odio; &
qui grati aptique Aula esse volunt, eiurant probitatem. Exempli etiam,
ubi obscenitas & professâ turpitudine saluti fuerint: in Suetonii Nerone, cap.
XXIX. & Domitiani X.* ⁴⁰⁶ DIGNITAS VITAE.] *Licet etiam in di-
gnitate & luce viuere.* ⁴⁰⁶ CONSIDERATVS.] *Quod sub improbis
Principibus; & sapientia tum, latere. Seneca, de Vitiâ: In hac villâ ille
Prætorius diues, nullâ re aliâ quàm otio notus, consenuit: & ob hoc
vnum felix habebatur. Nam quoties aliquos Asinij Galli amicitia, aut
Seiani odium, deinde amor, merferant; exclamabant homines, O Va-
tia, solus scis viuere.* ⁴⁰⁷ IN TENEBRIS.] *Ouidij monito:*

Viuet tibi, quantumque potes prælustrata vita,

Suum prælustrum fulmen ab arce venit.

⁴⁰⁸ EX CONSCIENTIA.] *Ut virtutem habeas, sine fama aut honoris præ-
mio. Et sanè eò Philosophi, atque etiam poeta iste vocat, Theognis:*

Εὖ ἔρδων, εὖ φράττε. τί δ' ἀγγελον ἄλλοι ἰάλλεις;

Τῆς εὐεργεσίας ἐν δὲ ἀγγελῶν.

Si benè agis, benè sit tibi. quid præconia quæris?

Virtuti facilis promptaque fama venit.

⁴⁰⁹ VIVIDOS.] *Altius spirantes. quod genus non dicam minutis, sed modicis Principibus parum grati sunt: qui pares rebus querunt, non qui ultra sint.* ⁴¹⁰ ACVVNTVR ISTI.] *Imò isto, meo iudicio. & sententia est, qui vident sic attolli à te virtutem, magis acuiuntur & stimulantur, boni quidem eam persequi; & qui non boni, flectere se & sequi.* ⁴¹¹ PRÆMIA.] *Sallustius: Gloriâ industria alicur. vbi eam dempseris, ipsa per se virtus amara atque aspera est. Idem: Vbi malos præmia sequuntur, haud facilè quisquam gratuito bonus est. Linius: Nihil non aggressuri sunt homines, si magna conatis magna præmia proponantur.* ⁴¹² INGENIO VALENT.] *Tam validâ solidâque mente sunt; ut virtutem aut vitium à sese, non à successu aut mercede pendant.*

ET priores quidem Principes, excepto patre tuo, præterea ⁴¹³ vno aut altero (& ⁴¹⁴ nimis dixi) virijs potius ciuium, quàm virtutibus lætabantur. primum, quòd in alio sua quemque natura ⁴¹⁵ delectat; deinde, quòd ⁴¹⁶ patientiores seruitutis arbitrabantur, quos non decreet esse nisi ⁴¹⁷ seruos. ⁴¹⁸ Horum in sinum omnia congerebant: bonos autem otio aut situ abstrusos, & quasi sepultos, non nisi delationibus & ⁴¹⁹ periculis in lucem ac diem proferebant. Tu amicos ex optimis legis: & hercule æquum est esse eos carissimos bono Principi, qui inuisi malo fuerint. scis, vt sicut ⁴²⁰ diuersa natura dominatio & Principatus; ita non alijs esse Principem gratiorem, quàm qui maximè dominum grauentur. Hos ergo prouehis & ostentas, quasi specimen & exemplar, quæ tibi secta vitæ, quod hominum genus placeat: & ideò non ⁴²¹ Censuram adhuc, non ⁴²² Præfecturam morum recepisti: quia tibi ⁴²³ beneficijs potius, quàm remedijs, ingenia nostra experiri placet. & alioquin, nescio an plus moribus conferat Princeps, qui bonos ⁴²⁴ esse patitur, quàm ⁴²⁵ qui cogit. Flexibiles quacumque in partem ducimur à Principe: atque, vt ita dicam, sequaces sumus. huic enim cari, huic probati esse cupimus: quod frustra sperauerint dissimiles. eoquæ obsequij continuatione peruenimus, vt propè omnes homines ⁴²⁶ vnus moribus viuamus. porrò non tam sinistrè constitutum est, vt qui malum Principem possumus, bonum non possumus imitari. Perge modò Cæsar, & vim effectumque Censuræ,

furæ, tuum propositum, tui actus obtinebunt. Nam vita Principis, Censura est: eaque perpetua. ad hanc dirigimur, ad hanc conuertimur: ⁴²⁷ nec tam imperio nobis opus est, quàm exemplo. quippe ⁴²⁸ infidelis recti magister est metus. melius homines ⁴²⁹ exemplis docentur, quæ in primis hoc in se boni habent, quòd ⁴³⁰ approbant, quæ præcipiunt fieri posse.

⁴¹³ VNO AVT ALTERO.] *Augusto & Tito.* ⁴¹⁴ NIMIS DIXI.] *Corrigit se, nec frustra fortasse in Augusto: qui recta aut certè erecta non nimis amabat. Suos etiam ludis & voluptatibus molliri atque inflecti, in bono tutoque habebat.* ⁴¹⁵ DELECTAT.] *Ex notissimo verbo, Simile amicum simili.* ⁴¹⁶ PATIENTIORES.] *Malos & molles, quibus honesti aequi, nec amor, nec cura est.* ⁴¹⁷ SERVOS.] *Nam mali dignissimi servitute, & qui meliorum imperijs coercerantur, aut emendentur.* ⁴¹⁸ HORVM IN SINVM.] *Iuuenalis:*

Criminibus debent hortos, prætoria, mensas.

⁴¹⁹ PERICVLIS.] *Noti, non nisi per mala sua, fiebant.* ⁴²⁰ DIVERSA NATVRA.] *Tiberij dictum eâ mente: Dominum se servorum, Imperatorem militum esse, Principem ceterorum. Princeps igitur, liberorum.*

⁴²¹ CENSVRAM.] *Vt Claudius, ut Vespasianus, Domitianus.* ⁴²² PRÆFECTVRAM.] *Quo titulo C. Caesar, si memini, usus. & Augustus (in Suetonio) recepit morum & legum regimen perpetuum, sine honore Censuræ.* ⁴²³ BENEFICIIS.] *Leniter ad bona ducere, & bene faciendo; potius quàm censendo, multando, puniendo.* ⁴²⁴ ESSE PATITVR.] *Inopinata & mirâ sententia: sed, ut hic multa, ex abditis prudentia & naturæ. Seneca huic assertor & interpres, De Clementiâ l. cap. XXII. Constituit bonos mores ciuitati Princeps, & vitia eius facilius compescit, si patiens eorum est. non tanquam probet, sed tanquam inuitus, & cum magno tormento ad castigandum veniat.* ⁴²⁵ QVI COGIT.] *Panegyricus Pacati, ad Theodosium: Vitijs corrigendis curam adiecisti, idque moderatè; ut suadere potius honesta, quàm cogere videreris.* ⁴²⁶ VNIVS MORIBVS.] *Principis, quem omnes, ut Solem, spectant, & ab eo colorantur.* ⁴²⁷ NEC TAM IMPERIO.] *Idem Pacatus: Sic est enim, sic est. exasperat homines imperata correctio, blandissimè iubetur exemplo. Plura huic rei ego, in Politicis, lib. II.* ⁴²⁸ INFIDELIS.] *Simili gnome Tullius: Malus diuturnitatis custos, est metus.* ⁴²⁹ EXEMPLIS DOCENTVR.] *Fabius: Quantum Græci præceptis valent, tantum Romani (quod est maius) exemplis.* ⁴³⁰ APPROBANT.] *Re ostendunt.*

ET quis terror valuisset efficere, quod reuerentia tui effecit? ⁴³¹ Obtinuit aliquis, ut spectaculū ⁴³² pantomimorum populus Ro. tolli pateretur? sed non obtinuit ⁴³³ ut vellet. Rogatus es tu, quod cogebat alius: cœpirque esse beneficium, quod necessitas

fuerat. neque enim à te minore ⁴³⁴ concentu, vt tolleres pantomimos; quàm à patre tuo, vt restitueret, exa&u. m. est. Vtrumque rectè. nam & restitui oportebat, quos sustulerat ⁴³⁵ malus Princeps; & ⁴³⁶ tolli restitutos. In his enim quæ à malis benè fiunt, hic tenendus est modus, vt appareat ⁴³⁷ auctorem, non displicuisse factum. Idem ergo populus ille, aliquando ⁴³⁸ scænici Imperatoris spectator & applausor, nunc in pantomimis quoque auersatur & damnat effeminatas artes, & indecora ⁴³⁹ sæculo studia. Ex quo manifestum est, Principum disciplinam capere etiam vulgus: cum rem, si ⁴⁴⁰ ab vno fiat, seuerissimam, fecerint omnes. Maeste hac grauitatis gloriâ Cæsar, quâ consecutus es, vt quod antea vis & imperium, ⁴⁴¹ nunc mores vocarentur. Castigauerunt vitia sua ⁴⁴² ipsi, qui castigari merebantur: iidemque emendatores, qui emendandi fuerunt. Itaque nemo de seueritate tuâ queritur, & liberum est queri. Sed cum ita comparatum sit, vt de nullo minùs Principe querantur homines, quàm de quo maximè licet: ⁴⁴³ tamen in sæculo nihil est, quo non omne hominum genus lætetur & gaudeat. Boni prouehuntur, mali (qui est tranquillissimus status ciuitatis) ⁴⁴⁴ nec timent, ⁴⁴⁵ nec timentur. Mederis erroribus, sed ⁴⁴⁶ implorantibus: omnibusque, quos bonos facis, hanc astruis laudem, ⁴⁴⁷ ne coëgisse videaris.

⁴³¹ **OBTINUIT ALIQUIS.**] *Et Tiberius olim, qui histriones Italiâ pepulit: & Nero, qui factiones Pantomimorum vnà cum ipsis relegauit: & Domitianus denique, qui interdixit histrionibus scænam, intra domum quidem exercendi artem iure concessio. De isto cum sentire, sequentia docent.* ⁴³² **PANTOMIMORVM.**] *Qui gestu, & saltatione motuque corporis, omnia exprimunt & imitantur: vnde Græcum nomen. Latini Histriones, & Saltatores, & Gesticulatores reddunt.* ⁴³³ **VT VELLET.**] *Animo non assensit, etsi factis Principi non dissensit.* ⁴³⁴ **CONCENTV**] *Harmonico clamore, vt suprâ notauit: an hic magis verum Consensu?* ⁴³⁵ **MALVS.**] *Domitianus.* ⁴³⁶ **TOLLI.**] *Atte iterum.*

⁴³⁷ **AUCTOREM.**] *Vt Lacedæmonij, qui bonam sententiam ab improbo homine in Senatu dictam, iusserunt à bono iterum dici, eiq; inscribi: Agellius, & Plutarchus.* ⁴³⁸ **SCAENICI.**] *Neronis.* ⁴³⁹ **SAECVLO.**] *Huic tuo virili, & honesto.* ⁴⁴⁰ **AB VNO.**] *Principe.* ⁴⁴¹ **NUNC MORES.**] *Seneca: Definit esse remedio locus, vbi quæ fuerant vitia, mores sunt. Mores autem, id est, peruulgata iudicia aut facta, & vno verbo, Sæculum.*

⁴⁴² **IPSI, QVI.**] *Nempe, ipse populus. Non enim Caius, aut Nero, vt quidam explicat.* ⁴⁴³ **TAMEN.**] *Linicius tum, ex veteri libro: fortasse, tuo.*

⁴⁴⁴ **NEC**

⁴⁴⁴ NEC TIMENT.] *Hocne probas Plini? malos solutos metu esse? Ita, sed nempe magno metu, qui ad res novas facile impellit. Tutius meliusq., ubi iam multi mali, paulatim pati emendare & ad frugem se recipere, quam acriter is pœnis concitare. Ut in humano corpore vitiosi humores non impetu purgantur, nisi cum periculo: ita in republicâ. Significat igitur, bonis amicis & bonum Traianum fuisse; nec malis quidem nimis asperum, & meliores exemplo & morâ fecisse.* ⁴⁴⁵ NEC TIMENTVR.] *A bonis, quia vires non habent.* ⁴⁴⁶ IMPLORANTIBVS.] *Cum ipsi qui emendandi, volunt emendari. Qui festinat, & qui aliter; quid nisi intempestiuis remedijs delicta accendit?* ⁴⁴⁷ NE COEGISSE.] *Ita Agricola, apud Tacitum, cum Britannia præfideret, rarissimâ moderatione maluit videri inuenisse bonos, quàm fecisse. Denique quid in totâ hac res sit, pulchrè Apuleius: Neminem Proconfulem prouincia Africa magis reuerita est, minùs verita: nullo, nisi tuo, anno ad coercenda peccata plus pudor valuit, quàm timor. Nemo te alius, pari potestate, sapiùs profuit, rariùs terruit.*

Q V I D vitam? quid mores iuuentutis? quàm ⁴⁴⁸ principaliter formas? quem honorem ⁴⁴⁹ dicendi magistris? quam dignationem sapientiæ doctoribus habes? vt ⁴⁵⁰ sub te spiritum, & sanguinem, ⁴⁵¹ & patriam receperunt studia: quæ priorum temporum immanitas exsilijs puniebat: cum sibi vitiorum omnium conscius Princeps, inimicas vitij artes, non odio magis, ⁴⁵² quàm reuerentiâ, relegaret. At tu easdem artes in complexu, oculis, auribus habes. præstas enim quæcumque præcipiunt, tantumque eas diligis, quantum ab illis ⁴⁵³ probaris. An quicquam studia humanitatis professus, non cum omnia tua, tum vel in primis laudibus ferat ⁴⁵⁴ admissionum tuarum facilitatem? Magno quidem animo parens tuus, hanc ⁴⁵⁵ ante vos Principes arcem, ⁴⁵⁶ publicarum ædium nomine inscripserat: frustra tamen, nisi adoptasset, qui habitare vt in publicis posset. Quàm bene cum titulo isto moribus tuis conuenit? quamque omnia sic facis, tanquam ⁴⁵⁷ non alius inscripserit? Quod enim forum, quæ templa, tam referata? non Capitolium, ipsaque illa adoptionis tuæ sedes, magis publica, magis omnium. Nullæ obices, nulli ⁴⁵⁸ contumeliarum gradus: superatisque iam ⁴⁵⁹ mille liminibus, vltra semper aliqua dura & obstantia. Magna ante te, magna post te, iuxta tamen maxima quies. ⁴⁶⁰ tantum vbique silentium, tam altus pudor, vt ad paruos penates & larem angustum, ex domo Principis, modestiæ & tranquillitatis exempla referantur.

⁴⁴⁸ PRINCIPALITER.] *Sive, ut decet Principem; sive eximie, & ἑξαιρετικῶς.* Habes hanc curam inter principes. ⁴⁴⁹ DICENDI MAGISTRIS.] *Rhetoribus. Victor de Traiano: Eruditissimos, quamvis ipse parca esset scientiæ, moderateque eloquens, diligebat. Et Dio: παιδείας μὲν γὰρ ἀνεύχετο, δὲ ἐν λόγοις, ἡ μαίεσσι, τὸ γὰρ μέν ἐπ' αὐτῆς καὶ ἐκείνῳ καὶ ἐπὶ τοῖς: Doctrinæ accuratæ, quæ in verbis consistit, particeps non fuit: at quæ præcipiuntur, ea & nouit & fecit. Summa est, summè doctum in litterarijs artibus non fuisse; at in Philosophicis & moralibus, maximè. Quis enim hoc negauerit, qui vel Plutarchum cogitauerit, eius doctorem? Exstat epistola viri, quam misit ad Traianum iam recenter Principem, digna quæ apud ipsum legatur.* ⁴⁵⁰ SUB TE SPIRITVM.] *Hanc laudem & alij tribuunt Traiano. Iuuenalis:*

Et spes & ratio studiorum in Cæsare tantum.

In epistolis, noster: Studijs, quæ propè extincta refouentur. Argumentum & à viris doctis, quibus æuum illud claruit: & à Bibliothecâ Vlpia, quam ijs liberaliter struxit, atque instruxit. ⁴⁵¹ ET PATRIAM.] *Nam exsulare- rant, ut addit. & Suetonius de Domitiano: Philosophos omnes vrbe Italiaque submouit.* ⁴⁵² QUAM REVERENTIA.] *Vi Tacitus, in eodem Domitiani factò, nequid vsquam honesti oculis occurreret. Et qui illud non amant, aut non habent: quomodo has ament, fama aut infamie publicas turbas?* ⁴⁵³ PROBARIS.] *Nam sermonibus aut scriptis honestant & laudant te totum hoc genus.* ⁴⁵⁴ ADMISSIONVM.] *Officium erat Palatinum, Ab- admissionibus, & Admissionales: per quos aditus ad Principem erat. Ipsæpe duri, molles mitescq, sub miti hoc Traiano.* ⁴⁵⁵ ANTE VOS.] *Tu & Neruam. Sententia est, Palatium hoc antea arx quadam & velut regia: sub vobis facta est communis quadam domus, atque adeò à Neruâ sic inscripta.*

⁴⁵⁶ PUBLICARVM ÆDIVM.] *Factum Neruæ causam etiam aliam habuit (imò primitus aliam) ab hac quam Orator tangit. Nam Principes Romani, quatenus Pontifices Maximi, in publico habitare debebant. Dio in Augusto notat, lib. LV. cum domum ædificasset, totam eam publicasse, quòd Pontifex max. esset. Ipsum hoc dicit, libro LIIII. post Lepidi mortem: vide. Facit huc quod in Dionis M. Antonino est: ἡμεῖς γὰρ, ἐπὶ τοῦ τοῦ βυλὴ λέγων, ἔπος ἐδὲν ἰδιὸν ἔχομεν, ὥστε καὶ ἐν τῇ ἡμετέρῳ οἰκίᾳ οἰκῶμεν: Nos, inquit Antoninus ad Senatum, adeò nihil proprij habemus, ut etiam in vestris ædibus habitemus. Ergo palatium iam ab Augusto publicum: & iterum fecit scripsitq, Neruæ.* ⁴⁵⁷ NON ALIVS.] *Ipse tu, non Neruæ. adeò elogium hoc verum præstas.* ⁴⁵⁸ CONTVMELIARVM GRADVS.] *Ut alij primo ostio admitterentur, interioribus excluderentur: alij, nec primo. Sive, quòd agrè & superbè excepti à ianitoribus, iterum iterumque (ut plura erant limina) hæ contumelia subeunda.* ⁴⁵⁹ MILLE LIMINIBVS.] *Satis hoc laxum, de mille liminibus: sed oratoriâ nempe, an poetica superlatione. Tamen multa hæc ostia, ex more, diuitibus. Seneca, De Benef. VI. cap. XXXIII. Ut gradum intra domum ponas, in quâ deinceps multa sunt ostia, quæ receptos quoque excludunt: de istis istis salutationibus.* ⁴⁶⁰ TANTVM VBIQUE

SILENTIVM.] *O pulchrè ! & hoc nomine barbara illa Turcarum natio laudanda, quibus in suâ Portâ, inter mille Ianitzaros aliûmq; confluxum, silentium est panè solitudinis.*

IPS E autem vt excipis omnes, ⁴⁶¹ vt expectas ? vt magnam partem dierum, inter tot imperij curas, ⁴⁶² quasi per otium transigis ? Itaque non ⁴⁶³ vt aliàs attoniti, nec vt periculum capitis adituri ⁴⁶⁴ tarditate, sed securi & hilares, cum commodum est, convenimus : & admittente Principe, interdum est aliquid, quod nos domi quasi magis necessarium teneat. excusati semper tibi, nec vnquam excusandi sumus. Scis enim ⁴⁶⁵ sibi quemque præstare, quod te videat, quod te frequenter : ac tanto liberalius ac diutius voluptatis huius copiam præbes. Nec ⁴⁶⁶ salutationes tuas ⁴⁶⁷ fuga & vastitas sequitur. remoramur, resistimus, vt in communi domo : quam nuper illa inmanissima ⁴⁶⁸ bellua plurimo terrore munierat. cum velut quodam specu inclusa, nunc ⁴⁶⁹ propinquorum sanguinem lamberet, nunc se ad clarissimorum ciuium stitages cædesque proferret. Obuersabantur foribus horror & minæ, & par metus ⁴⁷⁰ admissis & ⁴⁷¹ exclusis. Ad hæc, ipse occursum quoque ⁴⁷² visuque terribilis. superbia in fronte, ⁴⁷³ ira in oculis, fæmineus pallor in corpore, in ⁴⁷⁴ ore impudentia multo rubore suffusa. Non adire quisquam, non adloqui audebat, tenebras semper ⁴⁷⁵ secretumque captantem : nec vnquam ex solitudine suâ prodeuntem, nisi vt ⁴⁷⁶ solitudinem faceret. Ille tamen, quibus sibi ⁴⁷⁷ parietibus & muris salutem suam tueri videbatur, ⁴⁷⁸ dolum secum & insidias, & ultorem scelerum Deum iaculavit. dimouit perfregitque custodias pœna, ⁴⁷⁹ angustosque per aditus & obstructos, non secus ac per apertas fores & inuitantia limina, irruit : ⁴⁸⁰ longeque tunc illi diuinitas sua, longè arcana illa cubilia ⁴⁸¹ sæuique secessus, in quos timore, & superbiâ, & odio hominum, agebatur. Quanto nunc tutior, quanto securior eadem domus, ⁴⁸² postquam eius non crudelitatis, sed amoris excubijs, non solitudine & claustris, sed ciuium celebritate defenditur ? Ecquid ergo discimus experimento, fidelissimam esse custodiam, Principis ipsius innocentiam ? hæc arx inaccessa, hoc ⁴⁸³ inexpugnabile munimentum, munimento non egere. Frustra se terrore succinxerit, qui ⁴⁸⁴ septus caritate non fuerit. ⁴⁸⁵ armis enim arma irritantur.

⁴⁶¹ VT EXPECTA?] Non excipis solùm comiter, sed in limine velut ob-
 iurium te das: aut certè inuitas, & vacuum te ostentas. ⁴⁶² QVASI PER-
 OTIVM.] Vulgando te, audiendo, alloquendo, vt solent feriat. ⁴⁶³ VT
 ALIAS.] Antè, sub malis Principibus. Sed quidam libri, non alij & attoniti:
 quod magis probo. Id est, non colore vultus, alio, & à prioribus demutantes:
 vt est facies metus. ⁴⁶⁴ TARDITATE.] Quasi periclitaturi, si tardè veni-
 remus. Ideò Satyricus: — raptà properabat abollâ Pegasus. Sic explicant:
 at mihi rescribi placeat, tardè ad te. Non, inquit, trepidè & cunctanter te
 adimus: sed hilares & securi, quia libet, & cùm libet. ⁴⁶⁵ SIBI QVEM-
 QVE.] Non tuâ causâ, nec vt velut officium præstemus: sed in nostram vo-
 luptatem, & vt te fruamur. ⁴⁶⁶ SALVTATIONES TVAS.] Illas sollennes
 & matutinas, quas & Principi ferebant. Tacitus: Cn. Nouius, in cœtu sa-
 lutantium Principem. ⁴⁶⁷ FUGA ET VASTITAS.] Quia inuisi statim rece-
 dere, nec subsistere ibi fas, aut morari. ⁴⁶⁸ BELLVA.] Seneca: Non, tâquam
 malum aliquod aut noxium animal è cubili profilicrit, diffugiunt.
⁴⁶⁹ PROPINQVORVM.] Nam Flauius Clementem, & Arretinum, patruales
 suos occidit. ⁴⁷⁰ ADMISSIS.] Ne verbo aut gestu offenderent. ⁴⁷¹ EXCLV-
 SIS.] Ne iam offendissent. ⁴⁷² VISQVE TERRIBILIS.] Tacitus: Cùm tot
 hominum palloribus denotandis sufficeret sæuus ille vultus. ⁴⁷³ IRA IN
 OCVLIS.] Nihil Suetonius. tantùm, grandibus oculis fuisse. ⁴⁷⁴ ORE IM-
 PVDENTIA.] Tacitus: Rubor, quo se contra pudorem muniebat. Appare-
 bat igitur verecundus, non erat. ⁴⁷⁵ SECRETVMQVE.] Cottidie horarium,
 vt Suetonius cap. III. scribit. etsi malè ibi distinctû, quasi inter initia Prin-
 cipatus tantùm. Ille verò assiduè hoc fecit: & ea verba ad superius Caput
 ac periodum pertinent, de Tito. Qui legis, attende. ⁴⁷⁶ SOLITVDINEM.] Oc-
 cidendo, pellendo, nam ad scuitiam exercendam prodibat. Non displiceat ta-
 men solitudinem legi, aptâ allusione, & sententiâ veriore. ⁴⁷⁷ PARTIETI-
 BVS.] Quos etiam Phengite lapide distinxit, vt quidquid à tergo fieret,
 peruideret, insidiarum metu: Suetonius. ⁴⁷⁸ DOLVM SECVM.] Insidiato-
 res ipsos domesticos, & è cubiculo. ⁴⁷⁹ ANGVSTOSQVE.] Aedificij ratione
 tales, an custodum frequentia? ⁴⁸⁰ LONGEQVE TVNC ILLI.] Latij quidam
 idiotismus, quo significatur, hoc aut illud nil inuare aut prodesse. Nam qua
 presentia, auxilio esse solent: longinqua, frustrâ implores. Itaque & Adesse
 dixerunt, pro inuare & patrocinari. Illa phrasis, in Virgilio: Longè illi dea
 mater erit. In Cesare: Longè ijs fraternum nomen populi Rom. futu-
 rum. In Floro: Longè illi triplex murus, totidemque arces. ⁴⁸¹ SÆVI-
 QVE SECESSVS.] Vbi seua & tristia machinabatur. Tacitus: Quodque sæ-
 uæ cogitationis indicium erat, secreto suo satiat. ⁴⁸² POST QVAM
 EIVS.] Legendum, postquam ea: aut vocula deest, dominus eius, talisve: an
 placet, herus legi? ⁴⁸³ INEXPUGNABILE.] Seneca: Vnum est inexpug-
 nabile munimentum, amor ciuium. ⁴⁸⁴ SEPTVS CARITATE.] Ex Cice-
 rone, in Antonium: Caritate & beniuolentiâ ciuium septum oportet ef-
 se, non armis. ⁴⁸⁵ ARMIS ENIM.] Homerus hoc voluit: — ἔλακε δὲ τὰ δὲ
 ὄψα σιδήρεα: — visusque virum trahit ensis.

NVM autem ⁴⁸⁶ serias tantum partes dierum, in oculis nostris cœtuque, consumis? num ⁴⁸⁷ remissionibus tuis eadem frequentia, eademque illa socialitas, interest? Non tibi semper in medio cibis, semperque mensa communis? non ex cōiuctu nostro mutua voluptas? non ⁴⁸⁸ prouocas reddisque sermones? non ipsum tempus epularum tuarum, cum ⁴⁸⁹ frugalitas contrahat, extendit humanitas? Non enim ⁴⁹⁰ ante medium diem distentus ⁴⁹¹ solitaria cœnâ, spectator ⁴⁹² adnotatorque conuiuiis tuis ⁴⁹³ immines: nec ieiunis & inanibus plenus ipse ⁴⁹⁴ eructans, non tam apponis quàm obijcis cibos, quos dedigneris attingere, ægreque perpeffus superbam illam conuictus simulationem, rursus te ad clandestinam ganeâ, occultumque; luxum, refers. Ergo nō aurum nec ⁴⁹⁵ argentum, nec exquisita ingenia cœnarum, sed suauitatē tuam iucunditatemque; miramur. quibus nulla satietas adest; quando sincera omnia, & vera, & ⁴⁹⁶ ornata gravitate. Neque enim aut ⁴⁹⁷ peregrinæ superstitionis mysteria, aut ⁴⁹⁸ obscœna petulātia mensis Principis ⁴⁹⁹ oberrat: sed benigna ⁵⁰⁰ inuitatio, & liberales ioci, & ⁵⁰¹ studiorum honor. Inde tibi parcus & ⁵⁰² brevis somnus, nullumque; amore nostri angustius tēpus, quàm quod sine nobis agis.

⁴⁸⁶ SERIAS TANTVM.] *Matutinas, & meridianas. nam postea exercitijs & curæ corporis se dabant.* ⁴⁸⁷ REMISSIONIBVS TVIS.] *Dio Cassius, super istis: Αγαπητός μὲν πᾶσι, φοβερὸς δὲ μηδενὶ, πᾶσι πολέμοις. καὶ γὰρ θήρας, καὶ συμποσίων, ἔργων τε καὶ βυλδολμάτων, σκωμμάτων τε συμμετείχεσθαι, καὶ πολλὰ καὶ τετάρτος ὡχέειτο: Amabilis omnibus, nulli, præterquam hostibus, formidandus. Venationibus, conuiuijs, deliberationibus actionibusque amicorum intererat, atque etiam iocis & diſterijs: & sæpe vel quartus vehebatur. Eutropius planè eadem: Gloriam militarem ciuitate & moderatione superauit: Romæ, & per prouincias, æqualem se omnibus exhibens: amicos salutandi causâ frequentans, vel ægrotantes, vel cum festos dies habuissent. Conuiuia cum ijsdem indiscreta vicissim habens: sæpe in vehiculis eorum sedens: nullum Senatorum lædens. Atque hic quod de Vehiculis ait, consonat & explicat illud Dionis, quartum vectum esse, id est cum pluribus: etsi Principes & magnates soli ferè solerent.*

⁴⁸⁸ PROVOCAS.] *Suetonius, de Augusto: Cœnam præbebat, ut non nimio sumptu, ita summa comitate. Nam & ad communionem sermonis tacentes, vel submissim fabulantes, prouocabat.* ⁴⁸⁹ FRUGALITAS.] *Hoc & in epistolis adserit lib. vi. epist. xxxi. Adhibebamur cottidie cœnæ. erat môdica, si Principem cogites. interdum acroamata audiebamus, interdum iucundissimis sermonibus nox ducebatur. Nota in noctem ducta, quod hic est Extensa fuisse.* ⁴⁹⁰ ANTE MEDIUM.] *Vt Domitianus.*

de qua

de quo Suetonius: Lauabat de die, prandeatque ad satietatem: vt non temerè super cœnam, præter Matianum mialum, & modicâ (sic lego) in ampullâ potiunculam sumeret. ⁴⁹¹ SOLITARIA.] Ipsum illud plenum prandium, cœnam appellat: quia eius loco. ⁴⁹² ADNOTATORQUE.] Quid dicant, edant, bibant, innuant. ⁴⁹³ IMMINES.] Auidè spectando. Catullus: Vir tuus, Tyrio in toro, Totus immineat tibi. ⁴⁹⁴ ERUCTANS.] Apicius videbatur, irructans: quasi in os ijs ructans. ⁴⁹⁵ ARGENTVM.] Ministeriale, scitum & multiplex. ⁴⁹⁶ ORNATA.] Nescio quid subolet vel virij, vel defectus. An fuit, ornata comigravitate? ⁴⁹⁷ PEREGRINÆ.] Referrunt ad sacerdotes, quos in monte Albano instituit. Sed cur ea peregrina superstitio? aut quid ad mensas? Malim accipere Isiacos, Bellonarios, Gallos matris deum, qui cum cœtu aut choro domos & conuiuia solent irrumperere. Iuuenalis Sat. vi. dicet, & describet. An & de Iudæis vis accipi? ⁴⁹⁸ OBSCÆNA.] Psalteriarum, cinædorum, puellarum à Gadibus: de quibus scriptores sparsim. ⁴⁹⁹ OBERRAT.] Plinius lib. ix. epist. xvii. Quereris tibi tædio fuisse quamuis lautissimam cœnam, quod scurræ, cinædi, moriones mensis inerrabant. ⁵⁰⁰ INVITATIO.] Ad loquendum, edendum, an & bibendum? ita, ex ingenio Traiani. Nam vini cupidiorum fuisse Dio notat: & Spartianus, Hadrianum vino indulgisse, Traiani moribus obsequentem. Id maximè factitabat, & quasi sollemniter, post secundam mensam. Lampri- dius in Alexandro: Cùm militares amicos habuisset, vt vsum Traiani, quem ille post secundam mensam potandi vsque ad pocula instituerat, referuaret, vnum tantum poculum exhibebat in honorem Alexandri Magni. Numerus poculorum deest, & video quosdam legisse, vsque ad quinque pocula. Si è libris, bene est: si à sese, malimego, vsque ad pocula iii. qui numerus ex initialibus litteris vocis sequentis. Vinosus igitur aliquantulum Traianus: sed & viri alij magni, cum excusatione iustissimâ, ad diluendas curas. De quo Seneca in extremo De Tranquill. videndus. Eutropius & cautionem ei in vino suggerit: Vinolentiam, quo vitio, vt Nerua, tangebatur, prudentiâ molliuerat, curari vetans iussa post longiores epulas. ⁵⁰¹ STUDIORVM.] De quibus sermo. Nec enim librum lectum super mensam arbitror: etsi id quoque viri magni, & in dignitate, tunc faciebant. Alij comœdum aut lyristen audiebant, iucundo fructu. Plinius lib. iii. de Spurinnâ: Frequenter comœdis cœna distinguitur, vt voluptates quocumque studijs coniantur. At Traiani sermones, Philosophici fuerunt, aut Politici: nec ambigo. ⁵⁰² BREVIS SOMNVS.] Ex Homérico precepto:

Οὐ γὰρ παντὶ χρόνῳ δίδειν βραχυρότερον ἀνδρα:

Dedecus est totam rectorem stertere noctem.

SE D cùm rebus tuis vt participes perfruemur, quæ habemus ipsi, quàm propria, quàm nostra sunt? Non enim exturbatis prioribus dominis, ⁵⁰³ omne stagnum, omnem lacum, omnem etiam saltum, immensâ possessione circumuenis: nec vnus

oculis

oculis ⁵⁰⁴ flumina, fontes, maria deseruiunt. Et quid Cæsar non suum videat? ⁵⁰⁵ tandemque imperium Principis, quàm patrimonium maius est. multa enim ex patrimonio refert in imperium, quæ priores Principes occupabant, non ut ipsi fruerentur, sed ne quis alius. Ergo in vestigia sedesque nobilium immigrat ⁵⁰⁶ pares domini, nec iam clarissimorum virorum ⁵⁰⁷ receptacula habitatore ⁵⁰⁸ seruo teruntur, aut fœdâ ⁵⁰⁹ vastitate procumbunt. Datur intueri pulcherrimas ædes, deterfo situ, ⁵¹⁰ auctas ac vigentes. Magnum hoc tuum non erga homines modò, sed erga tecta ipsa meritum, sistere ruinas, solitudinem pellere, ingentia opera, ⁵¹¹ eodem quo exstructa sunt animo, ab interitu vindicare. Muta quidem illa & animâ carentia: sentire tamen & lætari videntur, quòd niteant, quòd frequententur, quòd aliquândo cœperint esse ⁵¹² donum scientis. Circumfertur, sub nomine Cæsaris, ⁵¹³ tabula ingens rerum vœnaliũ. ⁵¹⁴ quò sit detestanda auaritia ⁵¹⁵ illius, qui tam multa concupiscebat: cùm haberet superuacua tam multa. tamen exitialis erat apud Principem, huic laxior domus, illi ⁵¹⁶ amœnior villa. Nunc Princeps in hæc eadem dominos ⁵¹⁷ quærit, ipse inducit, ipsos illos ⁵¹⁸ magni aliquando Imperatoris hortos, illud ⁵¹⁹ nunquam nisi Cæsaris suburbanum, licemur, eminus, ⁵²⁰ implemus. Tâta benignitas Principis, tanta securitas temporum est, ut ille nos Principalibus rebus existimet dignos; nos non timeamus, quòd digni esse videmur. Nec verò emendi tantum ciuibus tuis copiam præbes, sed amœnissima quæque largiris & donas. ⁵²¹ Ita inquam, donas in quæ electus, in quæ adoptatus es: transfers quod iudicio accepisti, ac nihil magis tuum credis, quàm quod ⁵²² per amicos habes.

⁵⁰³ OMNE STAGNUM.] *Loquitur de villis priorum Principum, qui eâ specie immensum agrorum tractum occupabant.* ⁵⁰⁴ FLUMINA.] *Quid mirum? cùm tunc opes priuata ita magnæ, ut flumina haberent in suo orientia & cadentia. Seneca epist. LXXXIX. Illustrium fluminum per priuatum decursus, & amnes magni, magnarumque gentium termini, vsque ad ostium à fonte, vestri sunt: & plura huic rei, vix credendæ & admirandæ, quæ subiungit. Ideoque & in Admirandis dixi lib. 11. cap. ult. Non audio, qui hæc ad Neronis domum referunt: planissime contra Plinij verba & mentem.* ⁵⁰⁵ TANDEMQUE IMPERIUM.] *Quasi olim Principum possessiones per totum imperium sparsæ, & illi penè æquales. Nam errant, qui in alium*

hæc sensum trahunt, quasi idè maius imperium, quia ciues dicto audientes sunt. Nuge. ⁵⁰⁶ PARES DOMINI.] *Item nobiles.* ⁵⁰⁷ RECEPTACULA.] *Villa & Prætoria olim illustrium.* ⁵⁰⁸ SERVO.] *Qui villicus ibi vel æfor sit.* ⁵⁰⁹ VASTITATE.] *Desolata, nec culta. Sed vnde, inquires, tam multa hæc ad Principem? Ex iniquis damnationibus cadibusque nobilium, quorum bona ad fiscum.* ⁵¹⁰ AVCTAS.] *Restitutas nisi cui arridet, lautas.*

⁵¹¹ EODEM.] *Magno, & locorum amante.* ⁵¹² DONVM SCIENTIS.] *Libris alijs, domini non seruientis: id esset quod supra dixit, non habitatore seruo teruntur. Ego negationem reiecerim, scribamque, domini fruientis.*

⁵¹³ TABULA.] *Villarum fundorumque v. analium, qui Principis fuissent. Nam Nerua iam antè vendiderat (in Dione) pecuniæ egens, vestes, vasa, suppellectilem, & quidquid non necessarium in Aulâ esset. At Traianus igitur ex ipso patrimonio Principali imminuit: quod immensum creuerat.*

⁵¹⁴ QVO SIT.] *Odoror hiatum aliquem, sed leuism.* ⁵¹⁵ ILLIVS.] *Domitiani palam, malè qui ad Neronem trahunt.* ⁵¹⁶ AMOENIOR VILLA.] *Si, mile in Triumvirali proscriptione Appianus notat, & quemdam conspecto nomine suo in Tabulâ, exclamasse; Heu, villa Albana me perdidit!*

⁵¹⁷ QUÆRIT.] *Publicâ venditione.* ⁵¹⁸ MAGNI.] *Veteris alicuius Luculli, Pompeij, aut similis.* ⁵¹⁹ NVNQVAM NISI.] *Assidue possessum Cæsaribus. Talia autem multa, nec opus ad vnum Albanum Domitiani confugere.* ⁵²⁰ IMPLEMV5.] *Nostris rebus, seruis, nobisipsis.* ⁵²¹ ITA INQVAM.] *Fortasse, Ista: tua nempe propria, & in qua, vt heres, Nerua successisti.* ⁵²² PER AMICO.] *Regis illius nota vox, Vbi thesauri? amicos ostendens.*

I D E M tam parcus in ⁵²³ ædificando, quàm diligens in tuendo. Itaque non ⁵²⁴ vt antè, immanium transuersione ⁵²⁵ saxorum urbis tecta quatuntur: stant securæ domus, nec iam templa nutantia. Satis est tibi nimiumque, cùm successeris frugalissimo Principi, magis. reijcere aliquid & amputare ex his, quæ Princeps tanquam necessaria reliquit. Præterea pater tuus vsibus suis detrahebat, quæ fortuna imperij dederat, ⁵²⁶ tutius quod pater. At quàm magnificus ⁵²⁷ in publicum es? hinc ⁵²⁸ porticus, inde delubra occultâ celeritate properantur, vt non ⁵²⁹ consummata, sed tantùm ⁵³⁰ commutata videantur. Hic ⁵³¹ immensum latus Circi templorum pulchritudinem prouocat, digna populo victore gentium sedes, nec minùs ipsa visenda, quàm quæ ex illâ ⁵³² spectabuntur. visenda autem, cùm ceterâ specie, tū quòd æquatus plebis, ac Principis locus. Siquidem per omne spatium vna facies, omnia continua & paria, nec magis proprius spectandi Cæsaris ⁵³³ suggestus, quàm propria quæ scet. Licebit ergo ciuibus tuis inuicem contueri, dabitur non ⁵³⁴ cubiculum Prin-

cipis.

cipis, sed ipsum Principem cernere, in publico, in populo sedentem: populo, cui locorum ⁵¹⁵ quinque millia adiecisti. auxeras enim numerum eius congiarij facilitate, ⁵¹⁶ maioremque in posterum suscipi liberalitatis tuæ fide iusseras.

⁵¹³ AEDIFICANDO.] *Privatim scilicet, & in tuos usus. nam publicè contrà, ut subdet.* ⁵¹⁴ VT ANTE.] *Sub Domitiano, aulam illam suam Parrhasiam edificante.* ⁵¹⁵ SAXORVM.] *Columnarum, obeliscorum. Iuvenalis satyrà III.*

Nam si procubuit qui saxa Ligustica portat
Axis, & eversum fudit super agmina montem,
Quid superest de corporibus?

Seneca in Epistolis: In hunc usum pinus aut abies deferebatur, longo vehiculorum ordine, vicis intrementibus? ⁵¹⁶ TVTIVS QVOD.] *Olim emendavimus & scripto communicavimus cum amico: tu tuis, quod pater. Ille detraxit sibi ab imperio relicta, tu magis propriè tua, quæ à patre: id est Neruà.*

⁵¹⁷ IN PVBLICVM.] *Multa enim publicè edificavit, aut reparavit. Entropius magnificè de illo: Orbem terrarum ædificasse. Victor: Castra suspectioribus atque opportunis locis exstructa, ponsque Danubio impositus, ac deductæ coloniarum pleræque. Adhuc, Romæ à Domitiano cœpta fora, atque alia multa, plusquam magnificè coluit ornauitque. Sed & Dio Cassius, exstruxisse plurima, & maximè necessaria in vijs, portibus, publicis ædificijs. Exstant hodièque aliqua inprimis vestigia admirandi illius in Danubio pontis, super humana ingenia atque opes. Item alter egregius in Hispaniâ, quem Alcantaræ, vocant, Tago impositus: & plura, monumenta vera laudis. Quam dicterio tamen carpsit & libavit, qui Herbam parietariam Traianum dixit, quòd nomen ubique inscriberet operibus vel novis, vel novatis. Quid mali? faciant alij Principes: faciant, & inscribant.* ⁵¹⁸ PORTICVS.] *Quæ, nescio. nec tamen suspitioni Catanei accedo, Portus suggerenti. Nam hæc de ipsâ vrbe.* ⁵¹⁹ CONSUMMATA.] *Novâ structiōne.*

⁵²⁰ COMMUTATA.] *Reparatione.* ⁵²¹ IMMENSVM.] *Sanè immensum, & longitudine stadiorum trium, ut Plinius scribit, latitudine unius.*

⁵²² SPECTABVNTVR.] *Circenses siue curules ludi inprimis, sed etiam Gladiatores, Venationes, & omne genus solet interim hic dari.* ⁵²³ SUGGESTVS.] *Editior locus, in quo ipse spectet. Cui honori origo à Iulio Cesare. quem Suetonius natus, inter nimios honores, recepisse Suggestum in orchestrâ. Vide me De Amphitheatro, cap. XI.* ⁵²⁴ CVBICVLVM.] *ubi velut clausus, tutusq, ab iniuriâ celi, sedebat. Populariter Traianus hoc spreuit, & spectavit ipse, spectatusque est.* ⁵²⁵ QVINQVE MILLIA.] *Hic numerus mihi suspectus, & minutus est. Quid magni, ubi tot millia, quinque dumtaxat adiecisse? At enim suprâ dixit: quinque millia ingenuorum conquesta. Ita, sed ad alendum (quod aliud valde est) non ad spectandum. Denique illi ingenui, spectans verò & libertini. Moueor etiam, quòd in Plinio legam, Circum à Cæsare Dictatore structum, ad sedem CCLX. millium. At postea, in Victore, cepisse*

scribitur loca CCCLXXXV. millia: siue ut verius in Notitiâ imperij, & integris vocibus perscriptum, quadringenta octogintaquinque. Igitur post Cæsarem, largiter sanè ei adiectum, & panè duplum. Ac fateor alios Principes potuisse augere, sed publica testimonia inclinant eximium aliquid Traianum patrassè. Basis Romæ exstat huic inscripta: TRIBVS. XXXV. QVOD. LIBERALITATE. OPTIMI. PRINCIPIS. COMMODA. EARVM. ETIAM. LOCORVM. ADIECTIONE. AMPLIATA. SINT. Etsi ea posita in Consulatu eius v. diutule post ipsum factum: dum decernitur, dum paratur statua, ut solet. In Dionis etiam compendio: ἔτιω γάρ περ καὶ μεγαλόθεν καὶ μεγαλοχρόμων ἔφυ, ὥστε καὶ τὰ ἰπποδρόμου ἐπὶ γὰρ αἶψα, ὅτι ἐξαρκάντα αὐτὸν τὰ ἔργα ῥωμαίων δῆμος ἵποιντο, ἐπειδὴ δὲ αὐτὸν ἐτάπη καὶ μείζω καὶ περικαλλέστερον ἐχειρῶν ἔστη: Aded autem & magni animi & conceptus erat, ut Circo inscripserit, Quod capacem populi Romani struxisset: quia scilicet corruptum, & maiorem, & elegantiozem fecerat. Ex his, talibusq; inclino legere: quinquaginta millium, aut ultra, si quis * ἡλιπορωγός, velit. Ad hanc autem Circi reparationem Suetonij illa spectant, Domitiani cap. v. Fecit Odeum, & Naumachiam. è cuius postea lapide maximus Circus, deustis vtrisque lateribus, exstructus est. Postea, nempe à Traiano. ³³⁶ MAIOREM QVE.] Ergo non ad solum illud augmentum quinque millium ampliudo accommodata.

* Romano-
rū amans.

HORVM vnum si præstitisset alius, illi iamdudum ³³⁷ radiatum caput, ³³⁸ & media inter deos ³³⁹ sedes, auro starer, aut ebo-
re, augustioribusque aris, & ³⁴⁰ grandioribus victimis, inuocaretur. Tu delubra non nisi ³⁴¹ adoraturus intras, tibi maximus honor ³⁴² excubare pro templis, postibusque ³⁴³ prætexi. Sic fit ut ³⁴⁴ dei summum inter homines fastigium serues, cum deorum ipse non adeptus. Itaque tuam statuam in vestibulo Iouis optimi maximi vnâ alterâve, & hanc æream cernimus: at paullo antè aditus omnes, ³⁴⁵ omnes gradus, totaque area, ³⁴⁶ hinc auro, hinc argento relucebat, seu potius polluebatur: cum ³⁴⁷ incesti Principis statuis permixta deorum simulachra ³⁴⁸ sorderent. Ergo istæ quidem æræ & pauca manent, manebuntque quamdiu templum ipsum: illæ autem aureæ & ³⁴⁹ innumerabiles, ³⁵⁰ strage & ruinâ, publico gaudio litauerunt. Iuuabat illidere solo superbissimos vultus, instare ferro, sæuire ³⁵¹ securibus, ut si singulos ictus sanguis dolorque sequeretur. Nemo tam temperans gaudij ³⁵² feræque lætitiæ, quin instar vltionis videretur, cernere laceros artus, truncata membra, postremo ³⁵³ truces horrendasque imagines ³⁵⁴ abiectas excoctasque flammis: ut ex illo terro-

re &

te & minis, in vsum hominum ac voluptates, ignibus mutarentur. ⁵⁵⁵ Simili reuerentiâ Cæsar, non apud ⁵⁵⁶ Genium tuum bonitati tuæ gratias agi, sed ⁵⁵⁷ apud numen Iouis optimi maximi pateris: illi debere nos quidquid debeamus, illius quod bene facias ⁵⁵⁸ muneris esse, qui te dedit. Antè quidem ingentes hostiarum greges per ⁵⁵⁹ Capitolinum iter, magnâ sui parte velut ⁵⁶⁰ intercepti, ⁵⁶¹ diuertere viâ cogebantur: cùm sæuissimi domini atrocissima effigies, tanto victimarum cruore coleretur, quantum ipse humani sanguinis profundebat.

⁵³⁷ RADIATVM.] *Qui habitus Deorum, aut Diuorum. Lucanus:*

Fulminibus manes, radijs ornabit, & astris.

Nam hac insignia Principibus consecratis apposta, ut Nymmi etiam docent.

⁵³⁸ ET MEDIA.] *Honoris causâ, vel mixtus Diis; vel etiam inter duos medius. Ut Caligula inter fratres Deos (Castores) medium se adorandum aduentibus exhibuit.* ⁵³⁹ SEDES.] *Nam Iupiter, & isti maiorum gentium, sedentes sæpe pingebantur.* ⁵⁴⁰ GRANDIORIBVS.] *Nam Hostie duplices, Maiores Minoresque: atque illa dijs maioribus.* ⁵⁴¹ ADORATVRVS.] *Non adorandus ibi in statuâ.* ⁵⁴² EXCVBARE.] *Cùm vice custodis aut satellitis, statuæ tuæ ponuntur in vestibulis templorum: at non in ipsis.*

⁵⁴³ PRÆTEXI.] *Apponi, vel opponi ianuarum postibus: quod decorè solet.* ⁵⁴⁴ DEI SVMMVM.] *Sententia est. ita efficitur, ut dij colantur, ut de. cet, ab hominibus, summumque sibi honorem vindicent: quia ipse non te ijs misces, & sacros sanctosque profanas. Hæc, inquam, è verbis istis sententia. sed quæ ego leuiter refingam: serues, cùm Deorum ipse non adoptes. Eo ipso quod fugis Deus haberi, pro Deo te habemus, aut certè, vices eius in terris gerente. Tertullianus pro hac sententiâ, ad Scapulam: Sic enim omnibus maior est (Imperator) dum solo vero Deo minor est. Idem in Apologetico: Idèd Imperator magnus est, quia cælo minor est. Pulchrè etiam Athenienses, inter monastica, quæ aduentanti Pompeio gratabundi scripserant:*

ΕΦ' ὅσον ὢν ἀνθρώπος οἶδ' αὖ, ὅτι τοῦ εἶναι τοῦ θεοῦ;

Quatenus te censes hominem, eatenus nobis es Deus.

⁵⁴⁵ OMNES GRADVS.] *Hui! atqui centum gradibus adibatur.* ⁵⁴⁶ HINC AVRO.] *Suetonius, Domitiano: Statuas sibi in Capitolio, non nisi aureas & argenteas, poni permisit: easque ponderis certi. ut ne paruas scilicet, tam magno Deo. Eutropius idem.* ⁵⁴⁷ INCESTI.] *Iuliâ, Titi fratris filiâ, compressâ, & quam uxorem habebat.* ⁵⁴⁸ SORDERENT.] *Aliquid faciat pro lectione vulgarâ suprà, Dei summum inter homines fastigium seruent: sed leuiter & aliquid.* ⁵⁴⁹ INNUMERABILES.] *Nec enim in urbe tantum, sed totus orbis, ait Dio, statuus eius post victos, ut aiebat, Dacos impletus est.*

⁵⁵⁰ STRAGE ET RVINA.] *Initio à Senatu ipso factò, qui auditâ morte eius (Suetonius) adèd lætatus est, ut scalas etiam inferri, clypeosque &*

imagines eius coram detrahi, & ibidem solo adfigi iuberet. Dio hoc amplius, in Neruâ: Μίσει δὲ τῇ Δομιτιανῆς αἱ εἰκόνες αὐτῆς, πολλὰ μὲν ἀργυρεῖ, πολλὰ δὲ καὶ χρυταῖ ὅσαι συνεχονόθησαν, καὶ ἔξ αὐτῆς μεγάλα χεῖματα συνελέγη. Odio Domitiani, statuæ eius multæ argentæ, multæ & aureæ, conflatæ sunt, atque ingens pecunia ex ijs facta. ⁵⁵¹ SECVRIBVS. Ita statuas frangebant. Iuuenalis:

— rotas bigarum impacta securis

Cædit, & immeritis franguntur crura caballis.

⁵⁵² SERÆQUE LÆT.] Quæ etsi serò, & diu optata, tamen venit. ⁵⁵³ TRV-
CES.] An quia superbia in vultu, ira in oculis, ut prædixit? an & in habi-
tuum militarem ac minantem, ut triumphales ille, formata? ⁵⁵⁴ ABIECTAS.]
Siue, obiectas. ⁵⁵⁵ SIMILI REVERENTIA.] Illi, quâ stare inter deos recu-
sas. ⁵⁵⁶ GENIVM.] Singulis hominibus Genium assignavit antiquitas: at-
que is maius & sanctius aliquid ipso homine. Itaque vulgò, per Genium ali-
cuius solent orare, obtestari, iurare. Sed quanto magis Principis? quibus etiam
modestis, passim statua, ara, templa, cum inscriptione GENIO. CÆSARIS: quod
lapides nummiquæ docent, & Suetonius in Aug. cap. LX. Hunc ergo colebant, si
non ipsum Principem: & Caligula quosdam interfecit (apud Suetonium)
quod numquam per Genium eius deierassent. Minutius Felix: Cæsarum
numen inuocant, ad imagines supplicant, Genium, hoc est dæmonem,
implorent: & est eis tutius per Iouis Genium peierare, quàm regis. Adde
Tertullianum Apolog. cap. XXVIII. ⁵⁵⁷ AERD NVMEN.] In Capitolio.

⁵⁵⁸ MVNERIS. Piæ, sicut Homerus Odyss. v.

Ζεύς δ' ἀρετῇ ἀνδρῶσιν ὀρέλλει τε μιν ἔδει τε,

ὅπως κεν ἐθέλωσι:

Virtutem Deus in nobis auget minuitque,

Vt voluit.

⁵⁵⁹ CAPITOLINVM ITER.] Cum per forum in Capitolium irent. ⁵⁶⁰ IN-
TERCEPTI.] Abducti, priusquam venirent quò destinati erant. ⁵⁶¹ DIVER-
TERE.] Deflectere. quò? siue ad Domitiani statuam, quæ in foro equestri sta-
bat; Statio curiosè descripta: siue etiam ad alias.

OMNIA P. C. quæ de alijs Principibus à me aut dicuntur,
aut dicta sunt, eò pertinent, ut ostendam quàm longâ consuetu-
dine corruptos deprauatosque mores Principatus parens noster
reformat & corrigat. alioquin nihil non parum gratè sine ⁵⁶² com-
paratione laudatur. Præterea hoc primum erga optimum Impe-
ratorem piorum ciuium officium est, insequi dissimileis. neque
enim satis amarint bonos Principes, qui malos satis non oderint.
Adjice, quòd Imperatoris nostri non aliud amplius ac diffusius
meritum est, quàm quòd insectari malos Principes tutum est.
An excidit ⁵⁶³ dolori nostro modò vindicatus ⁵⁶⁴ Nero? permit-
teret

teret credo famam, vitamque eius carpi, qui mortem vlcifcebat-
tur: nec vt in se dicta interpretaretur, quæ de simillimo diceren-
tur. Quare ⁵⁶⁵ ego te Cæsar muneribus omnibus tuis, omni-
bus comparo, multis antepono, quod licet nobis & in præte-
ritum de malis Imperatoribus quotidie vindicari; & futuros
sub exemplo præmonere, nullum locum, nullum esse tem-
pus, quo funestorum Principum manes à posteriorum ex-
ecrationibus conquiescant. Quo constantius P. C. & dolo-
res nostros & gaudia ⁵⁶⁶ perferamus, ingemiscamus illis quæ
patiebamur. Simul vtrumque faciendum est, sub bono Princi-
pe. Hoc secreta nostra, hoc sermones, hoc ipse gratiarum actio-
nes agant; meminerintque sic maximè laudari incolumem Im-
peratorem, si priores secus meriti, reprehendantur. Nam cum
de malo Principe posteri tacent, manifestum est eadem facere
præsentem.

⁵⁶¹ COMPARATIONE.] *Quæ, vt Fabius in hac ipsâ re laudationum ait,*
duplicat materiam, & virtutum vitiorumque non tantum naturam, sed
etiam modum tractat. ⁵⁶³ DOLORI.] *Dolentibus nobis. quid si tamen dolo-*
re scribas? esset, cum dolore nostro vindicatus. ⁵⁶⁴ NERO.] *Nam Domitia-*
nus Epaphroditum occidit, adiutorem illi in adipiscendâ nece. Adi Sueto-
nium cap. XIII. Domitiani. ⁵⁶⁵ EGO TE.] *Illud, te, mihi superfluit: &*
esse ne è notis natum Tr? quod interpretare, Traiane. ⁵⁶⁶ PERFERAMVS.]
An? proferamus?

ET quis iam locus miseræ adulationis manebat, cum laudes
⁵⁶⁷ Imperatorum ludis etiam & ⁵⁶⁸ comestationibus celebraren-
tur, ⁵⁶⁹ saltarenturque, atque in omne ludibrium. ⁵⁷⁰ effæminatis
vocibus, modis, gestibus, frangerentur? Sed illud indignum,
quod eodem tempore in Senatu & in scænâ, ab histrione & ⁵⁷¹ à
Consule, laudabantur. Tu procul à tui cultu ludicras artes remo-
uisti. Seria ergo te carmina, honorque ⁵⁷² æternus Annalium, non
hæc ⁵⁷³ brevis & ⁵⁷⁴ pudenda prædicatio colit: quinetiam tanto
maiore consensu in venerationem tui ⁵⁷⁵ theatra ipsa ⁵⁷⁶ confur-
gent, quanto magis de te scænæ filebunt. Sed quid ego istud ad-
miror, cum eos quoque honores, qui tibi ⁵⁷⁷ à nobis offeruntur, aut
⁵⁷⁸ delibare parcissimè, aut omnino solæas recusare? Nihil antè
tam vulgare, tam paruum in Senatu agebatur, vt non laudibus
Principum immorarentur, quibuscumque censendi ⁵⁷⁹ necessitas
accidisset.

accidisset. De ⁵⁸⁰ ampliando numero gladiatorum, aut de instituendo collegio ⁵⁸¹ fabrorum consulebamur: & quasi prolatis imperij finibus, nunc ingentes ⁵⁸² arcus, ⁵⁸³ excessurosque templorum fastigium titulos, nunc ⁵⁸⁴ menses etiam, nec hos singulos, nomini Cæsarum dicabamus. patiebantur illi, & quasi meruissent, lætabantur. At nunc quis nostrum, tanquam oblitus eius de quo refertur, censendi officium Principis honore consumit? ⁵⁸⁵ Tuæ moderationis hæc laus, ⁵⁸⁶ constantia nostra, & tibi obsequimur, quod in curiam non ad certamen adulationum, sed ad usum munusque ⁵⁸⁷ iustitiæ convenimus, hanc simplicitati tuæ, ⁵⁸⁸ veritati que gratiam relaturi, ut te quæ vis vellet, quæ non vis nolle credamus. Incipimus inde, desinimus ibi, à quo incipi, in quo desini, sub alio Principe ⁵⁸⁹ non posset. Nam plerosque ex decretis honoribus & ⁵⁹⁰ alij non receperunt, nemo ante ⁵⁹¹ tantus fuit, ut crederetur ⁵⁹² noluisse decerni. Quod ego titulis omnibus speciosius reor, quando non ⁵⁹³ trabibus, aut saxi nomen tuum, sed ⁵⁹⁴ monumentis æternæ laudis inciditur. Ibit in sæcula, fuisse Principem, cui ⁵⁹⁵ florenti & ⁵⁹⁶ incolumi, nunquam nisi modici honores, sæpius nulli decernerentur. Et sanè si velimus cum priorum temporum necessitate ⁵⁹⁷ certare, ⁵⁹⁸ vincemur: ⁵⁹⁹ ingeniosior est enim ad excogitandum simulatio veritate, seruitus libertate, metus amore. Simul cum ⁶⁰⁰ iam pridem novitas omnis adulatione consumpta sit, non alius erga te novus honor superest, quam si aliquando de te ⁶⁰¹ tacere audeamus.

⁵⁶⁷ IMPERATORVM.] *Neronis & Domitiani. Tamen de uno isto hic agi, verius est: atque ita singulariè, Imperatoris, scribendum.* ⁵⁶⁸ COMESTATIONIBVS.] *Olim monui, commissionibus legi posse. Nam eo nomine ludi, & ubicumque certamen de palmâ. Tamen posse, non debere. nam Comestationes retinere licet & tueri, quia comædi, citharædi, & id genus in mensâ etiam dabatur. Et quidni carmina ibi in laudem Principis, cui hæc placerent?*

⁵⁶⁹ SALTARENTVR.] *A Pantomimis.* ⁵⁷⁰ EFFÆMINATIS.] *Sunt sanè, & quidquid ad histriones. quos ideo molles viros Linius alibi appellat.*

⁵⁷¹ A CONSVLE.] *Ipsâ Gratiarum sollenni actione, qualem Plinius nunc habet.* ⁵⁷² AETERNVS.] *Ita est, scitote hoc Principes. Quos Annalium ille honor honestavit, iam ab orbe condito honesti sunt, & ad desinentem erunt.*

⁵⁷³ BREVIS.] *Quæ cum voce & plausu perit. Et tamen talem, sunt qui hodie etiam (ô vera fama imperitiâ!) præ magnâ & diuturnâ petant.* ⁵⁷⁴ PV-DENDA.] *Ab illis propudij.* ⁵⁷⁵ THEATRA.] *Theatrici spectatores.*

⁵⁷⁶ CONSVRGENT.] *De more. Tacitus, aut Fabius in Dialogo: Populus, auditis*

auditis in theatro Virgilij versibus, surrexit vniuersus, & fortè præsentem spectantemque Virgilium veneratus est, sic quasi Augustum. *Nota, honor inquam iste (illo æuo) ferè Principum, ideòque Augustus, Caio & Lucio, adhuc prætextatis, assurrectum ab vniuersis in theatro, & à stantibus plausum, grauissimè questus est: quia iuuenes, & quia nimis honos.* ¹⁷⁷ A NOBIS.] *Senatoribus, decreto vel acclamatione.* ¹⁷⁸ DELIBARE.] *Quosdam ex his decerpere.* ¹⁷⁹ NECESSITAS.] *Quos ordo primo loco sententiam dicere inberet. nam alijs manu, aut pedibus assensiebantur.* ¹⁸⁰ AMPLIANDO.] *Vt plures habere & dare liceret, quàm Senatusconsultis antè cantum. Nam Principes, coercendo luxui & seuitiæ, certo numero paria incluserant, & ipsas editiones. Vide me Saturnalium I. cap. XII.* ¹⁸¹ FABRORVM.] *Iam olim hac collegia & corpora artificum: sed sepe abolita, & restituta. Tale sub Domitiano fortasse, aut nouum aliquod etiam adiectum. Nam plura erant, cognominibus distincta: vt Fabri Ferrarij, Argentarij, Automatarij, Tignarij, in lapidibus priscis reperiendi.* ¹⁸² ARCVS.] *Fornices triumphales. quos per omnes regiones vrbs sibi struxit. Suetonius Domit. cap. XIII.* ¹⁸³ EXCESSVROSQUE.] *Altitudine super ipsa templa. Nam hoc est, quod ingentes premisit: & in Suetonio, arcus tantos ac tot struxit: tantos, ad magnitudinem. Describitur vnus talis Martiali, libro VIII. epig. LXV.* ¹⁸⁴ MENSES.] *Duos, Septembrem & Octobrem, à se transnominauit Germanicum & Domitianum: Suetonius, cap. XIII. Martialis:*

Dum Ianus hiemes, Domitianus Autumnos,
Augustus annis commodabit æstates,
Dum grande famuli nomen asseret Rheni
Germanicarum magna lux Kalendarum.

Adde Macrobium I. Saturn. cap. XII. ¹⁸⁵ TVÆ MODERAT.] *Quam & in Theodosio Pacatus laudat: Non enim iam coacta laudatio, & expressæ metu voces, periculum silentij redimunt. Fuerit abieritque illa tristis facundiæ ancillantis necessitas, cum trucein dominum, auras omnes plausuum publicorù captantem, mendax assentatio titillabat.* ¹⁸⁶ CONSTANTIA.] *Id est, quod nos constantes simus, tuæ præcognita modestiæ debetur. Nisi hoc esset, iremus (vt olim) in laudes. Quidam tamen libri, constantiæ nostræ, ex quo aliquis, negatione additâ, non constantiæ, fortasse legerit. Tuæ, inquit, modestiæ hac laus est, qui reuicis: non nostræ constantiæ aut gratitatis, qui & antè fecimus, & faciamus nisi nolles.* ¹⁸⁷ IUSTITIÆ.] *Vt iniusta illic decreta, & vsui publico, faciamus.* ¹⁸⁸ VERITATIQUE.] *Toti huic rei Epigramma Martialis, lib. X.*

Frustrâ blanditiæ venitis ad me,
Attritis miserabiles labellis.
Dicturus Dominum Deumque non sum,
Iam non est locus hac in vrbe vobis.
Non est hic Dominus, sed Imperator,
Sed iustissimus omnium Senator,
Per quem de Stygiâ domo reducta est

Siccis rustica veritas capillis.

⁵⁸⁹ NON POSSET.] *Quia semper aliquid, extra ordinem, ad honores eorum in sententiâ addendum: vel in fine, inquam, vel in capite.* ⁵⁹⁰ ALII.] *Tiberius, Claudius, Vespasianus: in Tranquillo.* ⁵⁹¹ TANTVS.] *Tam magni animi firmi q̃.* ⁵⁹² NOLVISSE.] *Vt non putarent saltem delectari eum & titullari oblatione.* ⁵⁹³ TABIBVS AVT.] *Aedificijs, quæ trabibus saxiisq̃ constant. Posit & diuissim capi, de Tabulis & Lapidibus, in quibus etiam tituli incisi: etsi tabule iste magis ares.* ⁵⁹⁴ MONVMENTIS.] *Annalibus, & libris.*

⁵⁹⁵ FLORENTI.] *Gratiâ & fortunâ.* ⁵⁹⁶ INCOLVMI.] *Vina. nam mortuos neglegere, facile & tutum est.* ⁵⁹⁷ CERTARE.] *Titulis & laudibus.* ⁵⁹⁸ VINCEMVR.] *Nam vt Seneca epist. xlv. adulatio amicitiam non imitatur tantum, sed vincit & præterit.* ⁵⁹⁹ INGENIOSIOR.] *Vera causa. qui simulant, magis connituntur & ingenium intendunt. Ideo delectant nos simulata ira, tristitia, & similia: quæ tamen in respectata, angunt. Vide Plutarchũ Quæst. Conuual. v. cap. i.* ⁶⁰⁰ IAMPRIDEM.] *Tot nouis Principibus, nouisq̃ honoribus.* ⁶⁰¹ TACERE.] *Pacatus, de Theodosio: Quàm promptum laudare Principem, tam tutum siluisse de Principe.*

AGE, siquando pietas nostra silentium rupit, & ⁶⁰² verecundiam tuam vicit, quæ qualiaq̃ decernimus nos, tu non recusas? vt appareat, non superbiâ & fastidio te amplissimos honores repudiare, qui minores non dedigneris. Pulchrius hoc Cæsar, quàm si recusares omnes. nam recusare omnes, ⁶⁰³ ambitionis; moderationis est, eligere parcissimos. Quo temperamento & ⁶⁰⁴ nobis & ⁶⁰⁵ ærario prodes: quòd sumptibus eius adhibes modum, vt qui exhaustum non sis innocentium bonis repleturus. Stant igitur effigies tuæ, quales olim ob egregia in Reimp. merita priuatis dicabantur: visuntur eadem è ⁶⁰⁶ materiâ Cæsaris statuae, quâ ⁶⁰⁷ Brutorum, quâ ⁶⁰⁸ Camillorum. Nec discrepat causa. illi enim reges hostemq̃ victorem mœnibus depulerunt: hic ⁶⁰⁹ regnum ipsum, quæq̃; alia ⁶¹⁰ captiuitas gignit, arcet ac submouet: sedemq̃ obtinet Principis, ne sit domino locus. Ac mihi intuenti sapientiam tuam minùs mirum videtur, quòd mortales istos caducosq̃ titulos, aut ⁶¹¹ deprecæris, aut ⁶¹² temperes. Scis enim ⁶¹³ vbi vera Principis, vbi sempiterna sit gloria: vbi sint honores, in quos nihil flammis, nihil senectuti, nihil ⁶¹⁴ successoribus liceat. Arcus enim & statuas, aras etiam templaq̃, ⁶¹⁵ demolitur & obscurat obliuio; negligit ⁶¹⁶ carpitq̃ posteritas: contrà contemptor ambitionis, & infinitæ potestatis domitor ac frænator animus, ipsâ vetustate florescit, nec ab

vllis magis laudatur,quàm quibus minimè ⁶¹⁷necessè est. ⁶¹⁸Non ergo perpetua Principi fama,quæ inuitum manet, sed bona concupiscenda est. ea porrò non ⁶¹⁹imaginibus & statuis, sed virtute ac meritis prorogatur. Quinetiam leuiora hæc, formam Principis figuramque, non aurum meliùs, vel argentum, quàm fauor hominum ⁶²⁰exprimat, teneatque: quod quidem prolixè tibi cumulateque contingit, cuius lætissima facies, & amabilis vultus in omnium ciuium ore, oculis, animo sedet.

⁶⁰² VERECVNDIAM.] *Quæ dedignatur laudes, præsertim nimias. Euripides:*

Ανέμφοι γὰρ οἱ ἀγαθοὶ, ἔσονται πρὸς

Μισῆτι τοῖς ἀνθρώποις, ἐὰν αἰνῶσι ἀγὰρ:

Laudari enim viri boni, quodammodo

Laudantem odio habent, laudet ille si nimis.

⁶⁰³ AMBITIONIS.] *Præpostera. & quæ fugâ famæ, famam captat.* ⁶⁰⁴ NOBIS.] *Vel quia veras esse pateris liberos; vel quia non periclitamur accusari aut confiscari.* ⁶⁰⁵ AERARIO.] *Quia è publico statuae, arcus, & talia.*

⁶⁰⁶ MATERIA.] *Non auro aut argento, sed ere.* ⁶⁰⁷ BRVTORVM.] *M. Iulius Brutus qui reges eiecit, inter illos medios positus in Capitolio fuit, dextrâ gladium tenens. Plutarchus in Bruto.* ⁶⁰⁸ CAMILLORVM.] *Camilli, qui Gallos Româ expulit, statua sine tunicâ in Rostris: Plinius.* ⁶⁰⁹ REGNVM.]

Vt Brutus. ⁶¹⁰ CAPTIVITAS.] *Quam Camillus depulit.* ⁶¹¹ DEPRECE-

RIS.] *Prece amoliaris.* ⁶¹² TEMPERES.] *Modicos recipiendo.* ⁶¹³ VBI.] *In animis hominum, in monumentis & predicatione posterorum.* ⁶¹⁴ SVCCES-

SORIBVS.] *Nam & alij Principes aliorum honores aut tollunt, aut minuunt.* ⁶¹⁵ DEMOLITVR ET.] *Improprie nec rectè Obliuio dicatur demoliri. Tabescere patitur, & ignorantia sepeliri. Itaque legam, & mēbrum expleam: demolitur ætas, obscurat obliuio.* ⁶¹⁶ CARPITQVE.] *Si non meriti.*

⁶¹⁷ NECESSE.] *Alius Panegyristes imitatur: Neminem magis laudari Imperatorem decet, quàm quem minùs necesse est.* ⁶¹⁸ PERPETVA.] *Nam eunt statim in Annales, & capita hæc mundi, mundo ostenduntur.*

⁶¹⁹ IMAGINIBVS.] *In clypeis, ex auro, argento, ere: quos solent celeberrimis locis suspendere.* ⁶²⁰ EXPRIMAT.] *In alio Panegyrico: Hic vultus vniuersorum pectoribus infixus est, nec commendatione ceræ aut pigmentorum fucis renitet, sed desiderio efflorescit animorum.*

ADNOTASSE vos credo P. C. iamdudum me ⁶²¹non eligere quæ refectam: propositum est enim mihi ⁶²²Principem laudare, non Principis facta. nam laudabilia multa etiam mali faciunt; ipse laudari, nisi ⁶²³optimus, non potest. Quare non alia maior, Imperator Auguste, gloria tua, quàm quòd agentibus tibi gratias nihil velandum est; nihil omittendum est. Quid est

enim in Principatu tuo, quod cuiusquam prædicatio vel transire, vel præteruehi debeat? quod momentum, quod imò temporis punctum, aut ⁶²⁴ beneficio sterile, aut vacuum laude? non omnia eiusmodi, ut is optimè te laudasse videatur, qui narrauerit fidelissimè? Quo fit, ut propè in immensum diffundatur oratio mea: & necdum ⁶²⁵ de biennio loquor. Quàm multa dixi de moderatione, & quanto plura adhuc restant? ut illud, quod ⁶²⁶ secundum Consulatum recepisti, quia Princeps & pater deferbat. at postquam ad te imperij summam, & cum omnium rerum, tum etiam ⁶²⁷ tui potestatem dii transfulerint; tertium Consulatum recusasti, ⁶²⁸ cum agere tam bonum Consulē posses. Magnum est differre honorem: gloriam maius. ⁶²⁹ Gestum Consulatum mirer, an non receptum? Gestus non in hoc urbis otio, & intimo sinu pacis: sed iuxta ⁶³⁰ barbaras gentes, ut ⁶³¹ illi solebāt, quibus erat moris, ⁶³² paludamento mutare prætextam, ignotæque terras victoriā sequi. Pulchrum imperio, gloriosum tibi, cum te socij atque amici, ⁶³³ suā in patriā, suis in sedibus adierunt. Decora facies Consulis. multa ⁶³⁴ post sæcula ⁶³⁵ tribunal viridi ⁶³⁶ cespite exstructum, nec ⁶³⁷ fascium tantum, sed ⁶³⁸ pilorum ⁶³⁹ signorumque, ⁶⁴⁰ honore circumdatū. Augēbant maiestatem præsentis, diuersi postulantium ⁶⁴¹ habitus, ac dissonæ ⁶⁴² voces, raraque sine ⁶⁴³ interprete oratio. Magnificum est ciuibus iura, quid ⁶⁴⁴ hostibus reddere? speciosum certam fori ⁶⁴⁵ partem; quid immanes campos fellæ Curuli, victorisque ⁶⁴⁶ uestigio, premere? imminere minacibus ⁶⁴⁷ ripis tutum quietumque; quid spernere barbaros fremitus, hostilemque terrorem, non armorum magis, quàm ⁶⁴⁸ togarum ostentatione, compescere? Itaque non te apud ⁶⁴⁹ imagines, sed ipsum præsentem audientemque consalutabant Imperatorem: ⁶⁵⁰ nomenque, quod alij domitis hostibus, tu ⁶⁵¹ contemptis merebare.

⁶²¹ NON ELIGERE.] Cum omnia laudanda sint in nostro. ⁶²² PRINCIPEM.] Ipsum hominem, undique bonum. ⁶²³ OPTIMVS.] Adspicit ad cognomen Traiani. ⁶²⁴ BENEFICIO STERILE.] Quæ præcipua laus, & materies virtutis, in Principe. Tū illud innotuit, recordati se nihil eo die benignè fecisse, Amici diē perdidit: Traiani quæ nō maior gloria, nec momentum vacuū à beneficio habentis? Ausonius hunc locum æmulatus est, de Gratiano: Neque verò vnum aliquod bonū vno die præstas, sed indulgentias sacularcs,

lares, per singula horarum momenta multiplicas. ⁶²⁵ DE BIENNIO.] *Tempus vel hinc liquet Consulatus Pliniani, & dictæ orationis.* ⁶²⁶ SECVNDVM.] *Nam primum Consulatum sub Domitiano gessit, collegâ M'. Acilio Glabrigone, anno urbis DCCCXLIII. & hunc secundum, adoptatus à Neruâ, DCCCL. Itaque benè Tacitus, De moribus Germanorum. Cimbrorum arma audita sunt, Cæcilio Metello, ac Papirio Carbone Coss. Ex quo si ad alterum Imp. Traiani Consulatum computemus, ducenti fermè & decem anni colliguntur. Nam illi Consules, anno urbis DCXL.* ⁶²⁷ TVI POSTESTATEM.] *Qui iam sub patre & Principe Neruâ non esses.* ⁶²⁸ CVM AGERE.] *Melius (me iudice) hæc cum sequenti periodo continuari: recusasti. Cum agere tam bonum Consulem posses, magnum est. Nam hoc laudat. iam experimentum tui ceperas & dederas, in duplici Consulatu: cum ergo sic pro spe, aut supra spem fuerit, quid renuis tertium, paratâ nouâ segere gloria?* ⁶²⁹ GESTVM.] *Secundum.* ⁶³⁰ BARBARAS.] *Germanas.* ⁶³¹ ILLI.] *Veteres Consules.* ⁶³² PALVDAMENTO.] *Qui prætextam Consularem ponebant, & votis nuncupatis, paludati proficiscebantur ad bellum. Paludamentum autem, chlamys (in statu nummisq; Imperatorum apparet) ab humeris dependens, colore cocci, id est sanguinis belliq; notâ. Ego De Miluiâ, lib. II. Dial. ultimo.* ⁶³³ SVA IN PATRIA.] *In finibus Germaniæ. intellegit Vbios, Batauos, & limitaneas eas gentes, quæ sociæ potiùs, quàm subditæ erant: aut dubiæ adhuc fidei.* ⁶³⁴ POST SÆCVLA.] *Vix in Principatu visum.* ⁶³⁵ TRIBVNAL.] *In quo Consul sederet, ius diceret, querelas audiret aut preces.* ⁶³⁶ CESPITE.] *Planè pro more prisco. Nec enim è lapide aut ligno suggestum hunc in castris struebant, sed militari & rudi opere, è terrâ. Notauit & firmaui satis, ad Taciti Annalem I. verbis, Simul aggerunt cespites, construunt tribunal.* ⁶³⁷ FASCIVM.] *Vt in pace. cum lictores apparitorésque tantum circumstabant.* ⁶³⁸ PILORVM.] *Hastarum. Claudianus:*

Dictis antè tamen Princeps confirmat ituros,

Aggere conspicuus. stat circumfusa iuuentus,

Nixa hastis, pronasque ferox accommodat aures.

⁶³⁹ SIGNORVMQVE.] *Ammianus: Tribunal insistens, signisq; ambitus & aquilis. Nummi sæpe hoc exprimunt, cum verbo, ALLOCVTIO.* ⁶⁴⁰ HONORE.] *Vellem, hoitoric.* ⁶⁴¹ HABITVS.] *In veste variâ.* ⁶⁴² VOCE S.] *In linguâ variâ.* ⁶⁴³ INTERPRETE.] *Qui Latine explicaret.* ⁶⁴⁴ HOSTIBVS.] *Qui fuissent, & recenter tui metu compositi ad obsequium essent.*

⁶⁴⁵ PARTEM.] *Alij libri, pacem. Ego cum verba video, partem veriùs pronuntiabo. Nam exiguâ fori parte ius dicere, confert cum magnis vaslisque illis campis, qui pro foro. Si pacem tamen vis: tum sententia, Pulchrum est in togâ Romæ, & togatis ius dicere: quid inter ipsa arma, & hostes?* ⁶⁴⁶ VESTIGIO.] *Pede tuo, victoris.* ⁶⁴⁷ RIP. S.] *Rheni, vel Danubij.* ⁶⁴⁸ TOGARVM.] *Quas in iurisdictione sumebant, saltem aduocæ, i. causidici, & id genus. Florus, de Germanis, quibus Quinctilius Varus ius dicere tentabat. At illi, vt primum togas, & scruiora armis iura viderunt.* ⁶⁴⁹ IMAGES.] *Nam Principum imagines in signis, & effigies etiam in castris. Atque ad eas*

exteri ducebantur, & obsequij signum, venerabantur vel adorabant. Tacitus xv. Annal. Medio tribunal, & tribunal effigiem Neronis sustinebat. ad quam progressus Teridates, cælis de more victimis, sublatum capite diademata imagini subiecit. Itaque nota, velut presentem Imperatorem, in tribunali cultum per imaginem fuisse. 650 NOMENQUE.] Imperatorium. 651 CONTEMPTIS.] Vincere enim poteras, noluisisti.

H A E C laus ⁶⁵² acti Consulatus; illa ⁶⁵³ dilati, quòd adhuc ⁶⁵⁴ initio Principatus, ut ⁶⁵⁵ iam excusatus honoribus & expletus, Consulatum recusasti: quem noui Imperatores ⁶⁵⁶ destinatum alijs, in se transferbant. ⁶⁵⁷ Fuit etiam, qui in Principatus sui fine, Consulatum quem dederat, ipse magnâ ex parte iam gestum, extorqueret & raperet. Hoc ergo honore, quem & incipientes Principes, & desinentes adeò concupiscunt, ut auferant; tu otioso ac vacante, priuatis cecidisti. Inuidiosusne erat, aut tibi terrius Consulatus, aut Principi primus? nam secundum Imperator quidem, sub Imperatore tamen inisti: nihilque ⁶⁵⁸ imputari in eo vel honori potest, vel ⁶⁵⁹ exemplo, nisi obsequium. Ita verò, quæ ciuitas quinquies atque etiam sexies Consules vidit, ⁶⁶⁰ non illos qui exspirante iam libertate per vim ac tumultum creabantur, sed quibus sepositis & absentibus, ⁶⁶¹ in rura sua Consulatus ferebantur; in hac ciuitate tertium Consulatum Princeps generis humani, ut prægrauem, recusasti? Tantòne ⁶⁶² Papirii etiam & Quintiis moderator, Augustus, & Cæsar, & Pater patriæ? At illos resp. ciebat. quid te non eadem Resp.? non Senatus, non Consulatus ipse? qui sibi ⁶⁶³ tuis humeris attolli, & augescere videtur. Non te ad exemplar ⁶⁶⁴ eius voco, qui continuis Consulatibus fecerat ⁶⁶⁵ longum quemdam, & sine discrimine annum: ⁶⁶⁶ his te confere, quos certum est, quoties Consules fuerunt, ⁶⁶⁷ non sibi præstitisse. Erat in Senatu ⁶⁶⁸ ter Cōsul, cū tu tertium Consulatum recusabas. ⁶⁶⁹ Onerosum nescio quid verecundiæ tuæ consensus noster indixerat, ut Princeps totiens Consul esses, quotiens Senator tuus. nimîa modestiâ istud, ⁶⁷⁰ etiam priuatus, recusasses. An Consularis viri triumphalisque filius, cū terriò Consul creatur, ascendit? non debitum hoc illi? non vel solâ generis claritate promeritum? Contigit ergo ⁶⁷¹ priuatis ⁶⁷² aperire annum, ⁶⁷³ Fastosque referare: & hoc quoque redditæ libertatis indicium fuit, quòd Consul alius quàm Cæsar esset. Sic exactis regibus cœ-

pit

absens censetur, in Curia non nisi praesens. Sed reuera pars hac Fastorum in suspectis Consulibus tenebrosa, nec acie ingenij (absque monumentis sit) facile illustranda. ⁶⁶⁹ ONEROSVM.] Ironia. ⁶⁷⁰ ETIAM PRIVATVS.] Si nempe Senatus petijisset.

⁶⁷¹ PRIVATIS.] C. Sosio, & A. Cornelio. ⁶⁷² APERIRE ANNUM.] Hoc dicitur, quia nouo anno isti inibant, & nomina praescribebantur. Cassiodorus: Felix à Consule sumat annus auspiciū, portamque dierum tali nomine dicatum tempus introeat. Itaque alibi, Consules dicantur incolare, & pandere annum: scilicet vnā cum Iano, de quo Ouidius:

Ergo vbi Iane biceps longum reseraueris annum.

⁶⁷³ FASTOSQUE RESERARE.] Causā eādem. quia nouis Fastis praescribuntur. Ausonius, de Iano:

— Roma illa, domusque Quirini,

Hoc capite æternis signat sua nomina Fastis.

Hæc autem omnia ad primos & Ordinarios Consules spectant (in quo maior honos:) non ad illos suspectos, à quibus anni auspiciū non erat. Seneca, De Ira: Dedit duodecim fasces, sed non fecit Ordinarium consulem. A me numerari voluit annum, sed deest mihi ad sacerdotium. ⁶⁷⁴ LIVOR.] Ita & Ausonius interpretatur, ad Gratianum: Scis septem & decem Consulatus Domitiani, quos ille, inuidiā alteros prouehendi, continuando conferuit. ⁶⁷⁵ PURPURE.] Quia Consules in togā prætextā, id est cui limbus purpureus adtextus esset. Eadem & alijs magistratibus quidem: sed ideo addit summum decus, quia isti summi inter illos. ⁶⁷⁶ PRÆCERPTVM.] Delibatum initio anni. Nam Domitianus atque alijs, annum ferè aperiabant: & tunc sufficiebant. ⁶⁷⁷ PER ALIOS.] Quomodo? nam & ipse nihilominus in Senatum veniebat, & omnia publica munia usurpabat, etsi non Consul. Itaque Consulatum quasi gerebat, eoq; fruebatur, in alijs. Subibat tamen, an non pati alios, legendum esset.

SED iam tempus est te ipsi Consulatu præstare, vt maiorem cum suscipiendo gerendoq; facias. Nam sæpius recusare, ⁶⁷⁸ ambiguum ac potius illam interpretationem habet, tamquam minorem putes. Tu quidem vt maximum recusasti, sed hoc persuadere nemini poteris, nisi aliquando & non recusaueris. Cum arcus, cum trophæa, cum statuas deprecaris; tribuenda est verecundiæ tuæ venia: illa enim sanè tibi dicantur: ⁶⁷⁹ cum verò postulamus, vt futuros Principes doceas inertiae renunciare, paulisper delicias differre, paulisper & saltem ad breuissimum tempus, ex illo felicitatis somno velut excitatos, induere ⁶⁸⁰ prætextam, quam cum dare possent, ⁶⁸¹ occuparint; ascendere ⁶⁸² curulem, quam ⁶⁸³ detineant; esse denique quod concupierunt, nec ideo tantum velle Consules fieri ⁶⁸⁴ vt fuerint. Gessisti alterum Consulatum,

fulatum, scio: illum exercitibus, illum prouincijs, illum etiam ceteris gentibus poteris imputare, non potes nobis. Audiuimus quidem te omne munus Consulis obijisse, sed audiuius. Diceris iustissimus, humanissimus, patientissimus fuisse: sed diceris. æquum est aliquando nos iudicio nostro, nostris oculis, non famæ semper & rumoribus credere. Quousque absentes de absente gaudebimus? liceat experiri, an aliquid superbiæ tibi ille ipse secundus Consulatus attulerit. Multum in commutandis moribus hominum, ⁶⁸⁵ medius annus valet, in Principum plus. ⁶⁸⁶ Didicimus quidem, cui virtus aliqua contingat, omnes inesse; cupimus tamen experiri, an nunc quoque una eademque res sit, bonus Consul, & bonus Princeps. Nam ⁶⁸⁷ præter id quod est arduum, duas, easque summas, simul capere potestates: tum inest utrique nonnulla diuersitas, cum Principem, quam ⁶⁸⁸ dissimillimum Consuli deceat.

⁶⁷⁸ AMBIVAM.] *Recuses per modestiam, an per factum spernas.* ⁶⁷⁹ CVM VERO.] *Textus requirit.* Nunc verò. ⁶⁸⁰ PRÆTEXTAM.] *Consularem.*

⁶⁸¹ OCCUPARINT.] *Non passi alios uti.* ⁶⁸² CURULEM.] *Nam Consules in Senatu, sublimiori suggestu, in sella curuli præsidebant. Inde Cassiodoro, Infula curules, pro Consulatû; Iuuenali,*

— summas donare curules, *idem.* Et Lucanus:

Lentulus è celsâ sublimis fede profatur.

Idèò in Plinio hic, ascendere: & adde, si lubet, notata mihi ad 1111. *Annalem Taciti, in verbis, Consules sede vulgari, per speciem mæstitiæ, sedentes.* ⁶⁸³ DETINEANT.] *Nequis alius ascendat. Omnia eò spectant, ut ostendat alios titulo Consules; hunc re fuisse, & fore.* ⁶⁸⁴ UT FVERINT.] *Dicantur scribanturque fuisse.* ⁶⁸⁵ MEDIVS ANNVS.] *Qui iam effluxit à tuo Consulatû. Quid sibi velint, qui hic tricantur de quinque tantum mensibus, inter Traiani adoptionem & Neruæ mortem, nescio. In totâ re errant, nec quidquam hic de illo tempore, sed de Consulatû, ut iam dixi. Certum autem, Kalendis Ianuarij inisse secundum Consulatû, deposuisse de more post duos menses: atque ita paullo plus quam annus medius, ad hoc tempus.*

⁶⁸⁶ DIDICIMVS.] *Philosophatur, imò Stoicissat. quorum hoc dogma: Τὰς ἀρετὰς ἀντακολουθεῖν ἀλλήλαις, καὶ τὸν μίαν ἔχοντα, πᾶσας ἔχειν: Virtutes inter se consequi, & qui unam habeat, omnes habere.* ⁶⁸⁷ PRÆTER ID.] *Deleam hoc, id: legamque, Præter quod. Breuiter ita & politè, pro eo quod vulgò, Præterquam quod.* ⁶⁸⁸ DISSIMILLIMVM CONSULI.] *Trunca sunt. Cuspiniani editio rescit: Principem quam simillimum esse priuato, Consulemque quam dissimillimum deceat. Approbo. Principis laus est, submittere se, & ciuilitè gerere: at Consulis aliter; attollere se & habitum animosque sumere pro magistratu.*

AT QV E ego video proximo anno Consulatus recusandi hanc præcipuam fuisse rationem, quod eum absens gerere ⁶⁸⁹ non poteras. sed iam vrbi ⁶⁹⁰ votisque publicis redditus: quid est, in quo magis sis approbaturus, quæ quantaque fuerint quæ desiderabamus? Parum est vt in curiam venias, nisi & ⁶⁹¹ conuocas: vt intersis Senatui, nisi & ⁶⁹² præsides: vt censentes audias, nisi & ⁶⁹³ perrogas. Vis illud augustissimum Consulum aliquando tribunal, maiestati suæ reddere? ascende. Vis constare reuerentiam magistratibus, legibus auctoritatem, modestiam ⁶⁹⁴ petulantibus? ⁶⁹⁵ adi. Quod enim interesset Reipub. si priuatus esses, ⁶⁹⁶ Consulem te haberet tantum, an & Senatorem; hoc nunc scito interesse, Principem te habeat tantum, an & Consulem. His tot tantisque rationibus, quauquam multum reluctata verecundia Principis nostri, tandem tamen cessit. At quemadmodum cessit? non se vt ⁶⁹⁷ priuatis, sed vt priuatos pares sibi faceret. Recepit enim tertium Consulatum, vt daret. Nouerat moderationem hominum, nouerat pudorem, qui non sustinerent tertio Consules esse, nisi cum ⁶⁹⁸ ter Consule. Bellorum istud ⁶⁹⁹ socijs olim, periculorum consortibus, parçẽ tamen tribuebatur; quod tu ⁷⁰⁰ singularibus viris, ac de te quidem bene ac ⁷⁰¹ fortiter præstitisti, sed in togâ meritis. Vtriusque curâ, vtriusque vigilantia obstrictus es Cæsar: sed in Principe rarum, ac propè insolitum est, vt se putet obligatum, aut si putet, ⁷⁰² amet. Debes ergo Cæsar, & soluis. Sed cum ter Consules facis, non tibi magnus Princeps, sed non ingratus amicus videris. Quin etiam perquam modica quædam ciuium merita, ⁷⁰³ fortunæ tuæ viribus in maius extollis. efficis enim, vt tantum tibi quisque præstitisse videatur, quantum à te recipit. Quid isti benignitati precer? nisi vt semper obliges, obligeris, incertumque facias, vtrum magis expediat ciuibz tuis ⁷⁰⁴ debere tibi, an præstitisse.

⁶⁸⁹ NON POTERAS.] *Poteras quidem, per exempla. & multi ita Principes, imò priuati: sed inire absentem, gerere, & finire, hoc indecorum, & præter veterum instituta. Non poteras igitur, id est recte & ex iuâ mente.* ⁶⁹⁰ VOTISQVE.] *Quæ sollenniter concepta Fortunæ reduci, aut Ioui ipsi, vt solet. Desiderium autem hoc populi exprimit Martialis lib.x.epigr. vi.*

Quan-

Quando erit ille dies, quo campus, & arbor, & omnis

Lucebit Latia culta fenestra nuru?

Quando moræ dulces, longusque à Cæsare pulvis?

Totaque Flaminia Roma videnda via?

⁶⁹¹ CONVOCAS.] *Nam hoc officium Consulare, Senatum habere & vocare, cum opus. Que potestas etiam Principi tributa, inter singulares. Tabula de imperio Vespasiani: VTIQUE. EI. SENATVM. HABERE. RELATIONEM. FACERE. LICEAT. ITA. VTI. LICVIT. DIVO. AVGVSTO.* ⁶⁹² PRAESIDES.] *In sublimi sellâ, ut dixi, Senatus rector.* ⁶⁹³ PERROGAS.] *Nam Consul sententias ordine rogabat, & perrogabat.* ⁶⁹⁴ PETVLANTIBVS.] *Alij libri, postulancibus. nec male. nam litigatores & causidici (immodestum sape genus) tribunalia Consulium adibant, ius petitori.* ⁶⁹⁵ ADI.] *Atqui tamantè dixit, ascende. Frigidum schema sit, & malim, audi. magis quidem, si postulantibus legamus.* ⁶⁹⁶ CONSULEM TE.] *Vir doctus hæc ait nugas esse, nec quemquam Consulem posse esse, qui non Senator. Itaque se rescribere, Consulem habere te, an tantum Senatorem. Ego subsisto, imò resisto. Nam Plinij verba examinata ostendunt, comparationem sub hypothese hanc esse. Sicut veteri rep. si esses, non Consulem te solum appeterent (cisi sumus ea dignitas) sed etiam Senatorem, ut in sententijs dicendis utilior reip. esses: ita nunc, cisi tu Princeps, id est summa potestas, tamen cupiunt & Consulem, ut in Senatu munia obeas, quæ tam decorè & utiliter potes. Atquin, ait, nemo olim Consul, nisi Senator. Nihil ad rem, ut dem ita esse: quia conditionalis modo est sermo. Sed non do, & priscis temporibus, ante annales leges, etiam iuvenes, nec Senatores, ad Consulatam electi.* ⁶⁹⁷ PRIVATIS.] *Ita sub Principibus dicuntur, quicumque non Principes: ipsi etiam magi. tratus.* ⁶⁹⁸ TER CONSULE.] *Ipsa Principe. ne aliter viderentur super eum scandere.* ⁶⁹⁹ SOCIIS.] *Vipsanius Agrippa intelligitur, de quo totidem verbis & Seneca apud Tacitum (Annali XIII) Quorum alter bellorum socius.* ⁷⁰⁰ SINGVLARIBVS.] *Alter innotuit M. Cornelius Fronto, oratoriâ laude clarus: quem collegam sibi Traianus assumpsit. Alter qui designatus in Kal. Martias fuit, ignotus nobis: nisi quod Onufrius dininat de Sex. Pompeio Collegâ.* ⁷⁰¹ FORTITER.] *Sanè vox repetenda, quæ mox subicitur, fortiter meritis præstitisti.* ⁷⁰² AMET.] *Princeps potens beneficiorum omnium, ipse extra sortem capiendi videtur. quid. si tamen ceperit, aut cepisse putet? non amat, inquit: id est, odit eos quibus putat se debere. Nam destrui per hæc fortunam suam arbitrantur, (ait quispiam:) & talium auctores, quasi exprobrantes cernuntur.*

⁷⁰³ FORTVNAE TVAE.] *Nam tu magna retribuendo, efficias ut magna videantur quæ tribuere.* ⁷⁰⁴ DEBERE TIBI.] *Acuè. id est, utrum utilius sit nobis, cepisse à te beneficium (quod est debere:) an dedisse, quia hoc præsentem mox fructum & remunerationem trahit. Deditse autem, hic est præstitisse.*

E QVIDEM illum ⁷⁰⁵ antiquum Senatū contueri videbar, cū ter Consule ⁷⁰⁶ assidente, tertio Consulem ⁷⁰⁷ designatum ⁷⁰⁸ rogari sententiam cernerem. quanti tunc illi, quantusque tu? Accidit quidem, ut corpora quamlibet ardua & excelsa, procerioribus admota decrescant; item ut altissimæ civium dignitates, collatione fastigij tui, quasi deprimantur, quantoque propius ad magnitudinem tuam ascenderint, tantò etiam à suâ descendisse videantur. Illos tamen tu, quanquam non potuisti tibi æquare ⁷⁰⁹ cū velles, adeò in edito collocasti, ut tantum super ceteros, quantum infra te cernerentur. Si vnus tertium Consulatum ⁷¹⁰ eundem in annum, in quem tuum, contulisses: ingentis animi specimen haberetur. ut enim felicitatis est, ⁷¹¹ quantum velis posse; sic magnitudinis, velle quantum possis. Laudandus quidem & ille, qui tertium Consulatum meruit: sed magis, sub quo meruit. Magnus memorandusque, qui tantum præmium ⁷¹² cepit: sed maior, qui capienti dedit. Quid? quòd duos pariter tertio Consulatu ⁷¹³ collegas tui sanctitate decorasti? ut sit nemini dubium, hanc tibi præcipuam causam fuisse ⁷¹⁴ extendendi Consulatus tui, ut duorum Consulatus amplecteretur, & collegam te ⁷¹⁵ vni daret. Vterque nuper Consulatum alterum gesserat à patre tuo, id est, quanto minus quàm à te datum: vtriusque adhuc oculis paullò antè dimissi fasces oberrabant: vtriusque solennis ille liكتورum & ⁷¹⁶ prænuncijs clamor auribus infederat: cū rursus curulis, rursusque purpura. ut olim, cū hostis in proximo, & in summum discrimen adducta Respub. expertum honoribus virum posceret, ⁷¹⁷ non Consulatus hominibus ijsdem, sed ijsdem homines Consularibus reddebantur. Tanta tibi benefaciendi vis, ut indulgentiam tuam ⁷¹⁸ necessitas ⁷¹⁹ æmuletur. Modò prætextas exuerant, resumant. modò liectores abire iusserant, reuocent. modò gratulantes amici recesserant, reuertantur. ⁷²⁰ Homini sue istud ingenium est? hominis potestas? renouare gaudia, redintegrare lætitiā, nullamque requiem gratulationis dare: neque alia repetendis Consulatibus interualla permittere, nisi ⁷²¹ dum finiuntur? Facias ista semper, nec vnquam in hoc opere, aut animus tuus aut fortuna lassetur: des quàm plurimis tertios Consulatus, & cū plurimis tertios

tios Consulatus dederis, semper tamen plures quibus debeas dare, supersint.

⁷⁰⁵ ANTIQVVM.] *Ante Principes. cū multi Consulatus sic aucti.*

⁷⁰⁶ ASSIDENTE.] *Iuxta tuam sellam.* ⁷⁰⁷ DESIGNATVM.] *Pompeium Collegam, ut iam dixi, aut alium.* ⁷⁰⁸ ROGARI.] *A te ter Consule. Primi autem rogari solent Consules designati.* ⁷⁰⁹ CVM VELLES.] *Ter Consules tecum faciendo.* ⁷¹⁰ EVMDEM IN ANNUM.] *Non etiam menses, quod fecisti.* ⁷¹¹ QVANTVM VELIS.] *Quod Principi euenit: qui Iupiter alter in terris. Seneca in personā eius: Qualem quisque sortem statumque habeat, in meā manu positum est. quid cuique mortalium Fortuna datum velit, meo ore pronunciat.* ⁷¹² CEPIT.] *Capax eius, & dignus fuit.*

⁷¹³ COLLEGAS.] *Melius, cerē apertius, collegij tui.* ⁷¹⁴ EXTENDENDI.] *Ecce. pro more, post duos menses debuisset cedere Consulatu Traianus: nunc non fecit, sed gessit Consulatum & produxit in Kal. Maias, atque ita collegam habuit, in Frontonis abeuntis locum, Pompeium collegam.* ⁷¹⁵ VNI DARET.] *Iam nunc daret uni, in te: nempe Frontoni. alteri daturus, cū is abisset.*

⁷¹⁶ PRÆVNCIVS CLAMOR.] *Quo significant Consules venire, darent locum. Clamor erat, Animaduerte. Supra, silentes quietosque lictores dixit.* ⁷¹⁷ NON CONSVLATVS.] *Sic in omni munere deberet, non illud hominibus, sed homines ipsi dari. id est, non ut ij per officium auctiores: sed ut illi prospectum cautionem, per ipsos. Simili sententiā Seneca scripsit, Consol. ad Heluiam, cap. xlii. Quis M. Catonis ignominiam putet fuisse, duplicem in petitione Præturæ & Consulatus repulsam? ignominia illa Præturæ & Consulatus fuit, quibus ex Catone honor habebatur.* ⁷¹⁸ NECESSITAS.] *Qua necessitas olim erat, & iubebat Consules sæpe eosdem creare, rerum expertos: at nunc ea nulla est, sola benignitas tua hoc facit & inducit.*

⁷¹⁹ AEMVLETVR.] *Imitetur. non quod illi prisci potuerint scire quid Traianus facturus, minùs imitari: sed dictum voluit, Quod tua benignitas facit, hoc idem apud alios necessitas. non tam imitatur, quam paria vsurpat.*

⁷²⁰ HOMINISNE.] *An alicuius dei?* ⁷²¹ DVM FINIVNTVR.] *Hand verē omnino. nam annus, & ultra, interfuit: Onusfrum vide. Sed oratoriē hac dicuntur.*

OMNIVM quidem beneficiorum, quæ merentibus tribuuntur, non ad ipsos gaudium magis quàm ad similes redundat: præcipuè tamen ex horum Consulatu, non ad partem aliquam Senatus, sed ad totum Senatum tanta lætitia peruenit, ut eundem honorem omnes sibi & dedisse, & accepisse videantur. Nempe enim hi sunt, quos Senatus, cū ⁷²² publicis sumptibus minuendis optimum quemque præficeret, elegit & quidem primos. ⁷²³ Hoc est igitur, hoc est quod penitus illos animo Cæsaris insinuauit. An parum sæpe experti sumus, hanc esse rerum

conditionem, ut Senatus fauor apud Principem aut profit, aut noceat? Nónne paullò antè nihil magis exitiale erat, quàm illa Principis cogitatio? hunc Senatus probat, hic Senatui carus est. Oderat quos nos amaremus, sed & nos ⁷²⁴ quos ille. Nunc inter Principem Senatumque dignissimi cuiusque caritate certatur, ⁷²⁵ demonstramus inuicem, credimus inuicem, quodque maximum amoris mutui signum est, eosdem amamus. Proinde P. C. faucte apertè, diligite constanter. Non iam dissimulandus est amor, ne noceat; non premendum odium, ⁷²⁶ ne profit. Eadem Cæsar, quæ Senatus, probat improbatque: vos ille præfentes, vos etiam absentes in consilio habet. Tertiò Consules fecit, quos vos ⁷²⁷ elegeratis: & fecit hoc ordine, quo electi à vobis erant. Magnus ⁷²⁸ vterque vestrum, siue eosdem maximè diligit, quos scit vobis esse carissimos; siue illis neminem præfert, quamuis aliquem magis amet. Proposita sunt senioribus præmia, inuenibus exempla: ⁷²⁹ adeant, frequentent securas tandem ac patentes domos. quisquis probatos Senatui viros suspicit, hic maximè Principem promeretur. Sibi enim accrescere putat quod cuique adstruatur: nullamque in eo gloriam ponit, quòd sit omnibus maior, nisi ⁷³⁰ maximi fuerint quibus maior est. Persta Cæsar in istà ratione propositi, talesque nos crede, ⁷³¹ qualis fama cuiusque est. Huic aures, huic oculos intende. ne respexeris ⁷³² clandestinas existimationes, nullisque magis, quàm audientibus insidiates susurros. Melius omnibus, quàm singulis creditur. singuli enim decipere & decipi possunt: nemo omnes, neminem omnes scellerunt.

⁷²⁴ PUBLICIS SVMPTEBVS.] *Quia per Domitianum exhausto arario, par non erat ijs Respublica. Itaque factum hoc statim sub Neruà. de quo Dio: Καὶ πολλὰς καὶ θυσιὰς, πολλὰς δὲ ἱποδρομίας, ἅλλας τε πινὰς θύας κατέλυσε, συνέλλων ὥς οἶόν τε δαπανήματα: Multa sacrificia, multos Circenses, atque alia spectacula, dissoluit & sustulit, contrahens quantum poterat impendia publica.* ⁷²⁵ HOC EST.] *Talis illa electio, & quòd probati Senatui,*

⁷²⁶ QVOS ILLE.] *Domitianus. nam mali Principes semper Senatum oderant, ut recti bonique; præceptorem, & frenum aut obicem consilijs factisque, prauis: vicissim autem, & Senatus talem.* ⁷²⁷ DEMONSTRAMVS.] *Qui digni honore & prouectione sint.* ⁷²⁸ NE PROSIT.] *Sensus. non amorem erga bonos iam dissimulemus, ne apertus, illis noceat apud Principem: non odium erga malos, ne contrà profit. Nam si aperimus hoc odium & reuelamus, eo ipso prouehemus, & inuauimus. quia Princeps malus, quos nos odimus, amat, quos amamus, odit.* ⁷²⁹ ELEGERATIS.] *Ad publicos sumptus tolerandos.*

dos. ⁷²⁸ VTERQUE VESTRVM.] *Quasi ad Frontonem & Collegam: quod non probo, nec sententia satis connexa. Quidam libri: Magnus uterque honor vester, ex quibus legam, utique honor: ad Senat. m. Enimvero, inquit, magnus hic honor, quem Caesar vobis defert. siue & amat, quos vos, siue cum non amat, tamen iudicio vel officii vestro cedit, & honorat quos, ipsi amatis.* ⁷²⁹ ADEANT.] *In salutationibus, in officiis cultus, alio ostendunt se tales reuereri & amare. Hoc autem inuidiosum, imò perniciosum sub malis, insignem aliquem virum frequentari aut coli. Itaque Seneca, hoc metu, apud Tacitum, instituta prioris vitæ commutat, prohibet cæteris salutantium, vitæ comitantes.* ⁷³⁰ MAXIMI EVERINT.] *Aureum item dogma. Tyrannus vilis & prauus imperare cupit, securitatis causâ; Princeps bonus, optimis & honestissimis gloriæ: QVALIS FAMA.] Quæ publica quidem, raro mentitur. Idèò Alexander Seuerus Imp. ubi aliquos voluisset vel Rectores prouinciis dare, vel Præpositos facere, vel Procuratores ordinare, nomina eorum proponebat, hortâs populum, ut si quis quid haberet criminis, probaret manifestis rebus.* ⁷³² CLANDESTINAS.] *Delatorum, aut paucorum, quibus magno suo periculo Principes credunt.*

⁷³³ REVERTOR iam ad Consulatatum tuum; etsi sunt quædam ad Consulatatum quidem pertinentia, ante Consulatatum tamen. in primis, quòd comitijs tuis interfuisti, candidatus non Consulatus tantum, sed ⁷³⁴ immortalitatis, & gloriæ, & exempli, quod sequerentur boni Principes, mali mirarentur. Vidit te populus R. in illâ ⁷³⁵ vetere potestatis suæ sede: perpeffus es longum illud ⁷³⁶ carmen comitiorum, nec iam ⁷³⁷ irridendam moram: Consulque sic factus es, ut vnus ex nobis, ⁷³⁸ quos facis Consules. Quotusquisque Principum antecedentium, honorem istum aut Consulatui habuit, aut populo? Non alij marcidi somno hesterinaque cœnâ redundantes, comitiorum suorum nuncios operiebantur? Alij sanè peruiigiles & insomnes, sed intra cubilia sua illis ipsis Consulibus, à quibus Consules renunciabantur, exilia & cædem machinabantur. O praua & inscia veræ maiestatis ambitio, concupiscere honorem quem dedigneris; dedignari quem concupieris: cumque ex proximis ⁷³⁹ horris campum & comitia prospectes, sic ab illis abesse, tanquam Danubio Rhenoque dirimare! Auerferis tu honori tuo sperata suffragia, renunciarique te Consulem iussisse contentus, liberæ ciuitati ⁷⁴⁰ ne simulationem quidem serues? abstineas denique comitijs, abstrusus atque abditus, quasi illic tibi non Consulatus datur, sed abrogetur imperium? Hæc persuasio superbissimis dominis

nis erat, vt sibi viderentur Principes esse desinere; & quid facerent tanquam Senatores. Plerique tamen non tam superbiâ, quàm metu quodam subinouebantur. An stuprorum sibi ⁷⁴¹ incestarumque noctium conscij, ⁷⁴² auspicia polluere, ⁷⁴³ sacratumque campum nefario auderent contaminare vestigio? non adeo deos hominesque contempserant, vt in illâ ⁷⁴⁴ spatiosissimâ sede hominum ⁷⁴⁵ deorumque, coniectos in se oculos ferre ac perperiti possent. Tibi contrâ, & moderatio tua suavit, & sanctitas: vt te & religioni deorum, & iudicijs hominum exhiberes. alij Consulatum antè quàm acciperent, tu & dum accipis, meruisti.

⁷³³ REVERTOR.] *Nam antè cæpit dicere de tertio eius Consulatu, apertè. Non ergo audio veterem aliquem codicem, qui Prauertor.* ⁷³⁴ IMMORTALITATIS.] *Metaphora. vt in Tertulliano, de Christianis: Candidati æternitatis, & restitutionis. De iisdem, Candidati angelorum: qui honorem locumque ambiunt angelorum.* ⁷³⁵ VETERE.] *Comitium intellegit, vel ipsa in ijs Septa. Sedem autem potestatis, idè: quia olim ibi suffragijs magistratus liberè creati, leges rogata vel abrogata, pax & bellum iussa.* ⁷³⁶ CARMEN COMIT.] *Haud dubie precatio præiuit in re magnâ & publicâ, vt in plerisque talibus olim. Et mox ipse tanget.* ⁷³⁷ IRRIDENDAM.] *Postquam tu eam passus es, & subisti.* ⁷³⁸ QVOS FACIS.] *Ergo Princeps facit Consul? facit, atque ipse destinât siue designat. Quid igitur de suffragijs Senatores, & Comitij populi, quod hic atque infra legas? Respondeo, quod ad Consules ipsos, videri rem totam hoc æu à Principibus pendisse. qui nominabant siue destinabant, hos illòsque, in hos & illos menses. Et tamen, vt Patres viderentur ius aliquod habere, in Senatu proponebantur; atque ij suffragabantur: quæ omnia initio anni, aut circâ gesta. Tum deinde, quæque paria producebantur in Comitium, & dicis causâ populus cõibat: ibique renunciabantur, iurabant, & mox suo quisque mense inibant. Hac è Plinio ferè, de Consulibus. In Prætoribus, Tribunis, atque alijs plusculum iuris Senatus habuit: ad quem à populo comitia translata, sub Tiberio. Me vide, sodes, ad l. Annal. Taciti.* ⁷³⁹ HORTIS.] *Quibus? Horti Agrippina, quos Caius item coluit, vicini campò Martio: & credam hos intellegi, etsi alij etiam Caesarum horti propinqui esse potuerunt.* ⁷⁴⁰ NE SIMVLATIONEM.] *Vt ipse venias, & dicis causâ populo te sistas.* ⁷⁴¹ INCESTARVM QVE.] *De Domitiani incesto, supra.* ⁷⁴² AVSPICIA.] *Quia comitia non nisi auspicato habebantur; vt omnis actio cum populo.* ⁷⁴³ SACRATVM QVE.] *Marti.* ⁷⁴⁴ SPATIOSISSIMA.] *Campus sanctè magnus, atque adeo Septa in eo comitorum magna. Ex Ciceronis epistola quadam lib. IIII, ad Atticum colligas: in quâ narrat Casarem destinasse Septa marmorea facere, eaque excelsâ porticu cingere, mille passuum*

suum

suum spatio. *Nam è porticu ambiente, vides spatium campi includendi.*

⁷⁴⁵ DEORVMQVE.] *Quia templa ibi passim: eratque vel ornatissima pars (Strabone auctore) totius urbis.*

PER ACTA erant solennia comitiorum, si Principem cogitares, iamque se omnis turba ⁷⁴⁶ commouerat: cum tu, mirantibus cunctis, accedis ad ⁷⁴⁷ Consulis sellam, adigendum te præbes ⁷⁴⁸ in verba Principibus ignota, nisi cum iurare cogerent ⁷⁴⁹ alios. Vides quàm necessarium fuit Consulatum non recusare? non putassemus istud facturum te fuisse, si recusasses. Stupeo P. C. necdum satis aut oculis meis, aut auribus credo, atque identidem me, an audierim, an viderim interrogo. Imperator ergo, & Cæsar, & Augustus, Pontifex maximus, stetit ante gremium Consulis? seditque Consul, Principe ante se stante: & sedit inturbatus, interritus & tanquam ita fieri soleret? quinetiam sedens ⁷⁵⁰ præbuit iusiurandum, & ille iurauit. expressit explanauitque verba, quibus caput suum, domum suam, ⁷⁵¹ si scien- ter fefellisset, deorum ⁷⁵² iræ consecraret. Ingens, Cæsar, & par gloria tua, siue fecerint istud postea Principes, siue non fecerint. Vllane satis prædicatio digna est, idem teriò Consulem fecisse, quod primò? idem Principem, quod priuatum? idem Imperatorem, quod sub Imperatore? Nescio iam, nescio pulchriusne sit istud, quòd ⁷⁵³ præeunte nullo, an hoc, quòd alio præeunte iurasti. ⁷⁵⁴ In Rostris quoque, simili religione ipse te ⁷⁵⁵ legibus subiecisti: legibus Cæsar, quas nemo Principi scripsit. Sed tu nihil amplius vis tibi licere, quàm nobis: sic fit, vt nos tibi ⁷⁵⁶ plus velimus. ⁷⁵⁷ Quod ego nunc primùm audio, nunc primùm disco: non est Princeps supra leges, sed leges supra Principem. Idem Cæsari Consuli, quod ceteris non licet: iurat ⁷⁵⁸ in legem attendentibus dijs: nam cui magis quàm Cæsari attendant? iurat ⁷⁵⁹ obseruantibus his, quibus idem iurandum est. non ignarus alioquin, nemini religiosius quod iurauerit custodiendum, quàm cuius maximè ⁷⁶⁰ interest non peierari. itaque & ⁷⁶¹ abiturus Consulatu iurasti, te nihil contra leges fecisse. Magnum hoc erat cum ⁷⁶² promitteres, maius postquam præstitisti. Iam totiens procedere ⁷⁶³ in Rostra, ⁷⁶⁴ inascensumque illum superbix Principum locum terere, hinc suscipere, hinc ponere magistratus: quàm dignum te, quàmque diuersum consuetudine illorum, qui

⁷⁶⁵ pauculis diebus gestum Consulatam, imò ⁷⁶⁶ non gestum, abijciebant per ⁷⁶⁷ edictum? Hoc ⁷⁶⁸ pro concione, pro Rostris, pro iurciurando: scilicet ut primis extrema congruerent; utque hoc solo intelligerentur ipsi Consules fuisse, quòd alij non fuissent.

⁷⁴⁶ COMMOVERAT.] *Abitura, te declarato.* ⁷⁴⁷ CONSVLIS.] *Qui prae-sidebat comitijs.* ⁷⁴⁸ IN VERBA.] *Sollennis videlicet iuramenti. Cassiodorus lib. VIII. epist. III. de hoc facto, ubi populo Romano Athalaricus rex scribit: Ecce Traiani vestri, clarum saeculis, reparamus exemplum. Iurat vobis, per quem iuratis; nec potest ab illo quisquam falli, quo inuocato non licet impunè mentiri.* ⁷⁴⁹ ALIOS.] *A se factos Consules. Nam vetus hoc iuramentum Consulare, & duplex erat. Vnum initio magistratus, de quo hic, cum iurabant se leges seruatueros: alterum cum abirent, iurabantque seruasse. De illo, pauciora testimonia sunt: sed hoc Linij insigne, lib. XXXI. C. Valerius Flaccus, quia Flamen Dialis erat, iurare in leges non poterat magistratum autem plus quinque dies, nisi qui in leges iurasset, non licebat gerere.* ⁷⁵⁰ PRÆVIT.] *Multo melius alij, praeiit: quod sequentia dicent. Moris enim, ut sollenniter iurarent, alio verba praeunte.* ⁷⁵¹ SCIENTER.] *Fortasse, si sciens. Nam haec iuramenti clausula & sanctio ferè erat: Si sciens fallo, tum Iupiter diique omnes mihi, meaque domui, irati sunt.*

⁷⁵² IRÆ CONSECR.] *Plautus Amphitruone: Si fallo, tum te summe Iupiter Queso, Amphitruoni ut semper iratus sis. Brissonius lib. VIII. De formulis videtur.* ⁷⁵³ PRÆVNT NULO.] *Hoc ad Principes trahendum, non ad verba iuranda. Captat igitur acumen in verbo. & mirum laudandumque, quod nullo Principum exemplo praeunte, iurasti: & hoc quoque, quod alio verba praeunte, quasi illo iubente, iurasti.* ⁷⁵⁴ IN ROSTRIS.] *Ergo & hic iterum iuratum: sed illud à designato Consule; hoc cum iam inisset, primo illo & auspicali die.* ⁷⁵⁵ LEGIBVS.] *Verba enim iurandi erant, seruaturum leges* ⁷⁵⁶ PLUS VELIMVS.] *Ambiguit. plus licere videlicet: an, plus te nos amemus. Nam velle alicui ἀπλῶς, bene velle & favere significat Latinis.* ⁷⁵⁷ QVOD EGO.] *Vegeta magis oratio, si Quid ego legas, & interrogando acuas post, disco?* ⁷⁵⁸ IN LEGEM.] *Palam, in leges.*

⁷⁵⁹ OBSERVANTIBVS.] *Senatoribus, & aliquando Consulibus futuris.*

⁷⁶⁰ INTEREST.] *Nam Principum status & salus iuramento nitebatur, quod quotannis, ipsis Kalendis Ianuarijs, Senatus praeſtabat. Scripsi de hoc ritu ad XVI. Annalium, in verba: Principio anni, vitare Thraſeam ſollenne iusiurandum. Itaque ſi fides ſolvitur, labat eorum poteſtas.* ⁷⁶¹ ABITVRVS.] *Huius moris multa exempla, in Cicerone, Dione, Plutarcho. Bona & provida institutio, religione iusiurandi incipere magistratum, & finire.*

⁷⁶² PROMITTERES.] *Initio magistratus. ſuprà.* ⁷⁶³ IN ROSTRA.] *Iurandi cauſa. nam ibi occipiebant magistratum, ibi deponebant: & cum iuramento, ut dixi.* ⁷⁶⁴ INASCENSVMQVE.] *Mallet, inaccessumque.* ⁷⁶⁵ PAV-

CVLIS DIEBVS.] *In Domitianum. de quo Tranquillus: Omnes Consulatus pænè titulo tenus gessit, nec quemquam vltra Kalendas Maij, plures ad Idus vsq; Ianuarias. Si ad Idus, ecce XII. aut XIII. dies.* ⁷⁶⁶ NON GESTVM.] *Nihil enim publicè fecerant, nulla eius munia obierant.* ⁷⁶⁷ EDICTVM.] *Quo publicè significabant se abire eo magistratu, alios sufficere, tales & tales.*
⁷⁶⁸ PRO CONCIONE.] *Quam more prisco habere solent ad Quirites.*

⁷⁶⁹ NON transfiliui Patres Con. Principis nostri Consulat-
tum: sed eundem in locum contuli, quidquid de iureiurando
dicendum erat: neque enim vt in sterili, ieiunaq; materiâ ⁷⁷⁰ ean-
dem speciem laudis diducere ac spargere, atque identidem tra-
ctare debemus. Illuxerat primus Consulatus tui dies, quo tu cu-
riam ingressus, nunc singulos, nunc vniuersos adhortatus es re-
sumere libertatem, capeßere quasi communis imperij curas, in-
uigilare publicis vtilitatibus, & ⁷⁷¹ insurgere. ⁷⁷² Omnes ante te
eadem ista dixerunt, nemini tamè ante te creditum est. Erant sub
oculis ⁷⁷³ naufragia multorum, quos ⁷⁷⁴ insidiosâ tranquillitate
⁷⁷⁵ prouectos, improuisus turbo perculerat. Quod enim tam in-
fidum mare: quàm blanditiæ Principum illorum, quibus tanta
leuitas, tanta fraus, vt ⁷⁷⁶ facilius esset iratos, quàm propitios ha-
bere? Te verò, securi & alacres, quò vocas sequimur, iubes esse li-
beros? erimus. iubes, quæ sentimus, promere in medium? profe-
remus. Neque enim adhuc ignauîâ quadam & insito torpore
cessauimus: terror & metus, & misera illa ex periculis facta pru-
dencia monebat, vt à rep. (erat autem omnino ⁷⁷⁷ nulla resp.)
oculos, aures, animos ⁷⁷⁸ auerteremus. At nunc tuâ ⁷⁷⁹ dexterâ
tuisque promissis freti & innixi, obsepta diutinâ seruitute ora re-
feramus, frænataque tot malis linguam resoluimus. Vis enim
tales esse nos, quales iubes: nihilque exhortationibus tuis fuca-
tum, nihil subdolum, denique quod credentem fallere paret,
non sine periculo fallentis. neque enim vnquam ⁷⁸⁰ deceptus est
Princeps, nisi qui priùs ipse decepit. Equidem hunc parentis pu-
blici sensum, cum ⁷⁸¹ exhortatione eius, tum pronunciatione
ipsâ perspexisse videor. Quæ enim illa grauitas sententiarum,
quàm inaffectata veritas verborum, quæ adseueratio in vo-
ce, quæ affirmatio in vultu, quanta in oculis, habitu, gestu,
toto denique corpore fides? Tenebit ergo semper, quod suase-
rit: scietque nos, quotiens libertatem quam dedit experiemur,

sibi parère. nec verendum est ne incautos putet, si fidelitate remporum constanter utamur, quos meminit sub malo Principe aliter vixisse.

⁷⁶⁹ NON TRANSILIVI.] Oratoriè se reuocat. quia enim de iuramento dixerat, quod abeuntes præstant: quid ergo? iam abiit? iam de fine, nihil de ipso Consulatu dicis? Dicam, inquit: sed in vnum locum conuuli, quod de iuramento dicendum erat. ⁷⁷⁰ EANDEM SPECIEM.] *Ut iurisiurandi.* ⁷⁷¹ INSVRGERE.] *Animis iterum erectis, quos seruitus deprefferat.* ⁷⁷² OMNES.] *Nero etiam, de quo Tacitus initio XIII. Annalium.* ⁷⁷³ NAVFRAGIA.] *Opum & vite.* ⁷⁷⁴ INSIDIOSA.] *Blandis fallacibusq; Principum dictis.* ⁷⁷⁵ PROVECTOS.] *Longius in remp. liberiusq; se immittentes.* ⁷⁷⁶ FACILIVS.] *Friget sententia: animabitur, si legas, felicius. Inopinatum dictum, nam omnes amant volentes habere Principes: at istorum ea fraus vel leuitas, ut inuaret affligere subito amicos aut propinquos. Spectant in Domitianum, de cuius callidâ inopinataq; sæuitiâ (ita loquitur) Suetonium, sodes, cap. XI. vide, & hæc cape. Vniuersè autem etiam verum est, ὁρῶν Διὸς τε καὶ νεφελοῦ: Proculâ Ioue & fulmine.* ⁷⁷⁷ NULLA RESPUBLICA.] *Sed vnius res priuata.* ⁷⁷⁸ AVERTEREMVS.] *In quâ nihil honestè, nihil libere, fas esset dicere, aut facere.* ⁷⁷⁹ DEXTERA.] *Quam fidei tesseram dedisti.* ⁷⁸⁰ DECEPTVS EST.] *A nobis. neque alios repperit, nisi cùm alium ipse se gessit.*

⁷⁸¹ EXHORTATIONE.] *Putarem, ex oratione.*

NUNC V PARE ⁷⁸² vota & pro æternitate imperij & pro salute ⁷⁸³ ciuium, imò pro salute ⁷⁸⁴ Principum, ac propter illos pro æternitate imperij solebamus. Hæc pro imperio nostro, in quæ sint verba suscepta, operæpretium est adnotare. ⁷⁸⁵ SI BENE REMP. ET EX VTIIITATE OMNIUM REXERIS. Digna vota, quæ semper suscipiantur, semperq; soluantur. Egit cum dijs, ipso te auctore Cæsar, ⁷⁸⁶ resp. ut te sospitem incolumemq; præstarent, si tu ceteros præstitisses: si contrà, illi quoque à custodiâ tui corporis oculos dimouerent, teq; relinquerent votis, quæ ⁷⁸⁷ non palàm susciperentur. Alij se ⁷⁸⁸ superstites reip. optabant, faciebantq;: tibi salus tua inuisa est, si non sit cum reip. salute coniuncta. nihil pro te pateris optari, nisi expediat optantibus: omnibusq; annis ⁷⁸⁹ in consilium de te deos mittis, exigisque ut sententiam suam mutent, si talis esse desieris, ⁷⁹⁰ qualis electus es. Sed ⁷⁹¹ ingenti conscientiâ Cæsar ⁷⁹² pacisceris cum dijs, ut te si mereberis seruent: cùm scias, an merearis, neminem magis, quàm deos scire. Nónne vobis P. C. hæc diebus ac noctibus agitare secum videtur? Ego quidem in me; si

omnium.

omnium utilitas ita posceret, etiam ⁷⁹³ Præfecti manum armaui: sed ne deorum quidem aut iram, aut negligentiam, deprecor. quæso imò & obtestor, ne vnquam pro me vota resp. ⁷⁹⁴ inuita suscipiat; aut si suscepit, inuita ⁷⁹⁵ ne debeat. Capis ergo Cæsar salutis tuæ gloriosissimum fructum, ex consensu deorum. nam cum excipias, ut ita demum te dei seruent, Si bene remp. et ex utilitate omnium rexeris: certus es te bene remp. gerere, cum seruent. Itaque securus tibi, & lætus ⁷⁹⁶ dies erit, qui Principes alios curâ & metu distinebat: cum suspensi & attoniti, parumque confisi patientiâ nostrâ, ⁷⁹⁷ hinc atque inde publicæ feruitutis ⁷⁹⁸ nuncios expectarent; ac si fortè aliquos flumina, niues, venti præpedissent, statim hoc illud esse credebant, quod merebantur. nec erat discrimen vllum pauoris: propterea quod cum à malo Principe tanquam successor timeatur, quisquis est dignior, cum sit nemo non dignior, omnes timentur. Tuam securitatem non mora nunciorum, non litterarum tarditas differt. scis tibi vbique iurari: cum ipse ⁷⁹⁹ iuraueris omnibus. Nemo hoc ⁸⁰⁰ sibi non præstat. amamus quidem te, in quantum mereris: istud tamen non tui facimus amore, sed nostri. nec vnquâ illucescat dies, quo pro te nuncupet vota, ⁸⁰¹ non utilitas nostra, sed fides, Cæsar. Turpis tutela Principis, ⁸⁰² cui potest imputari. Queri libet, quod in ⁸⁰³ secreta nostra non inquirant Principes, nisi ⁸⁰⁴ quos odimus. Nam si eadem cura bonis & malis esset; quam ⁸⁰⁵ vbique admirationem tui, quod gaudium exultationemq; deprehenderes? quos omnium cum coniugibus ac liberis, quos etiam cum domesticis ⁸⁰⁶ aris focusque ⁸⁰⁷ sermones? scires ⁸⁰⁸ mollissimis istis auribus parci. & alioquin cum sint odium amorque contraria, hoc perquam simile habent, ⁸⁰⁹ quod ibi ⁸¹⁰ intemperantiùs amamus bonos Principes, vbi liberaliùs malos odimus.

⁷⁸² VOTA.] *Quæ tertio Nonas Ianuarias publicè suscipi moris erat, festâ omnium latitiâ. De ijs scripsi, nec repeto, xvi. Annalium Taciti.* ⁷⁸³ CIVIVM.] *Ait aliquis ineptam hanc lectionem esse, & fidenter rescribendum Principum. At mihi non probat. & puto Plinium dicere antiqui instituti fuisse, ut vota pro imperio & ciuibus susciperentur; at nunc pro salute Principum. Res sanè ita fuit. & olim Consules Vota nuncupabant. ut Linius xxi. de Varrone Capitolium, & sollennem votorum nuncupationem, fugisse: quid autem nisi pro rep. & imperio s. p. q. r.?* ⁷⁸⁴ PRINCIPVM.]

Corrigit dictum, quia illi priores de sua salute satagebant, securi publicae. Et alioqui verba ipsa erant de Principe. Tacitus IIII. Annalium: Pontifices, eorumque exemplo ceteri sacerdotes, cum pro incolumitate Principis vota susciperent. *Paullus Iurisconsultus:* Post Kalendas Ianuarias, die tertio, pro salute Principis vota suscipiuntur. *Plinius, in epistolâ ad Traianum:* Sollennia vota pro incolumitate tuâ, quâ publica salus continetur, & suscepimus Domine, & pariter soluiamus: precati Deos, ut velint ea semper solui, semperque signari. ⁷⁸⁵ SI BENE.] *Clausula est, Traiani iussu addita, ut ex Plinio apparet: clausula, ô Deus, egregia, & magno ac salubri illo Principe digna.* ⁷⁸⁶ RESPVBLICA.] *Quae vota illa suscipit.* ⁷⁸⁷ NON PALAM.] *Id est, malis noxijsq. votis. Nam in tyrannos tacite passim execrationes, mortem & exitum precantium.* ⁷⁸⁸ SUPERSTITES.] *Cum perditum eam irent & euersum.* ⁷⁸⁹ IN CONSILIVM.] *A iudiciis sumptum. qui in consilium à Pratore mittebantur, causâ cognitâ, sententias laturi.* ⁷⁹⁰ QVALIS ELECTVS.] *Bonus, utilisq.* ⁷⁹¹ INGENTI.] *Egregijs consilijs factisque subnixâ.* ⁷⁹² PACISERIS.] *Sub pacto & conditione seruari petis, Si merearis.* ⁷⁹³ PRAEFECTI.] *Factum insigne & immortale tangit: & miror ab Oratore, qui minora diducit, tangi tantum. Dio, Zonaras, Suidas, Victor ita referunt. Cum Praefecto Praetorii gladium traderet, quo accingi cum moris est, strinxit, & nudatum tenens, ait, Cape istum, & si rectè imperauero, pro me; sin aliter, contra me vtere. Hic campus, in quo exsultares Plini. decebâtne tam auream vocem & sensum, tam arido & propero stilo stringi tantum?* ⁷⁹⁴ INVITA.] *Si malè me in eam gesserò.* ⁷⁹⁵ NE DEBEAT.] *Si vel me mutem, cum iam susceperit.* ⁷⁹⁶ DIES ERIT.] *Placet quod in veteri, exit.* ⁷⁹⁷ HINC ATQVE INDE.] *Nam in omnibus prouincijs & iurabatur Principi, & vota item fiebant.* ⁷⁹⁸ NVNCIOS.] *Quos Praefides aut Proconsules illicò mittebant, significantes iurasse, vouisse. In Plinij epistolâ ad Traianum, tales istae nuntiatoriae leguntur. Vide.*

⁷⁹⁹ IURAVERIS.] *Vel in Consulatu, vel in istâ deorum obestatione.* ⁸⁰⁰ SIBI PRAESTAT.] *Sua causâ facit, non tuâ.* ⁸⁰¹ NON UTILITAS.] *Sensus. nunquam sit ille dies, ut vota nostra nuncupemus, solâ fide inducti, quam Principibus debemus; sed magis utilitate propriâ suasi, quam à te capimus. & ideo diuturnum aeternumque, si possit, esse te velimus.* ⁸⁰² CUI POTEST.] *Cui, nempe Principi. hoc argutè dicit: Turpis est defensio, aut nuncupatio pro salute eius Principis, cui hanc possis imputare. id est, quam ei us causâ suscipias, & quam velut beneficium inscribas. At illa tutela pulchra & gloriosa, quam suâ causâ subditi suscipiunt.* ⁸⁰³ SECRETA.] *Sermones occultos, aut sensus.* ⁸⁰⁴ QVOS ODIMVS.] *Nisi mali, nam hi, consciëntiâ suggerente, sciunt malos de se sermones esse. Quid boni? bonos, eâdem teste.* ⁸⁰⁵ VBIQVE ADMIR.] *Domi, in foro, circulis, conuiuijs. O optabiles fidasq. istas priuatas, super publicas omnes laudationes! Ac Senecam de his affectibus audiamus: Quid pulchrius est, quàm viuere optantibus cunctis, & vota non sub custode nuncupantibus; si paullum valetudo titubauit, non spem hominum excitari, sed metum? nihil esse cuiquam tam pretiosum; quod non pro salute praesidis*

præsidis sui commutatum velit? omne quod illi euenit, sibi quoque euenire deputer? ⁸⁰⁶ ARIS FOCISQUE.] *Apud Lares siue Deos Penates.*
⁸⁰⁷ SERMONES.] *Laudes gratesq; de te dicentiū, vota pro te concipientium.*
⁸⁰⁸ MOLLISSIMIS.] *Verecundissimis.* ⁸⁰⁹ QVOD IBI.] *Domi & in secreto.* ⁸¹⁰ INTEMPERANTIVS.] *Utrumque ibi liberè & effusè, & amor, & odium se prodit atque erumpit.*

C E P I S T I tamen & affectus nostri, & iudicij, experiinentum, quantum maximum præsens capere potuisti, illo ⁸¹¹ die, quo ⁸¹² sollicitudini ⁸¹³ pudoriquè candidatorum ita consuluisti, ne vllius gaudium alterius tristitia turbaret. alij cum ⁸¹⁴ lætitiâ, alij ⁸¹⁵ cum spe recesserunt: multis gratulandum, nemo consolandus fuit. Nec ideo segniùs iuuenes nostros exhortatus es, ⁸¹⁶ Consulatum circumirent, Senatui supplicarent: atque ita à Principe sperarent honores, si à Senatu ⁸¹⁷ petissent. Quo quidem in loco, si quibus opus exemplo, adiecisti, vt te imitarentur. Arduum, Cæsar, exemplum, & quod imitari non magis quisquam candidatorum, quàm Principum possit. Quis enim vel ⁸¹⁸ vno die reuerentior Senatus candidatus, quàm tu cum omni virâ, tum illo ipso tempore, quo ⁸¹⁹ iudicas de candidatis? An aliud à te, quàm Senatus reuerentia, obtinuit, vt iuuenibus clarissimæ ⁸²⁰ gentis, debitum generi honorem, sed ⁸²¹ antequàm deberetur, offerres? Tandem ergo nobilitas non obscuratur, sed illustratur à Principe: tandem illos ingentium virorum nepotes, illos ⁸²² posteris libertatis, nec ⁸²³ terret Cæsar nec pauet, quinimò ⁸²⁴ festinatis honoribus amplificat atque auget, & maioribus suis ⁸²⁵ reddit. siquid vsquam stirpis antiquæ, siquid residuæ claritatis: hoc amplexatur & refouet, & in vsum reip. promit. Sunt in ⁸²⁶ honore hominum, & in honore famæ, magna nomina, ex tenebris obliuionis, indulgentiâ ⁸²⁷ Cæsaris: cuius est, vt nobiles & conferuet, & ⁸²⁸ efficiat.

⁸¹¹ DIE QVO.] *Ambigo leuiter, an non hic defectio aliqua, & perierint quæ de affectus notis. Et si postea tamen aliquid, sed post hæc tardè.* ⁸¹² SOLICITVDINI.] *Dum fit designatio, & dum pendet.* ⁸¹³ PVDORIQUE.] *Pot' repulsam.* ⁸¹⁴ LÆTITIA.] *Quod designati.* ⁸¹⁵ CVM SPE.] *Quod designandi* ⁸¹⁶ CONSVLATVM.] *Ineptè. cum veteri libro, Senatum, lego.* ⁸¹⁷ PETISSENT.] *Vt is commendaret.* ⁸¹⁸ VNO DIE.] *Quo ambit quisque & humiliter petit.* ⁸¹⁹ IVDICAS.] *Designas, & eligis, quia nōpe sententys nostris tuâ aptas.* ⁸²⁰ GENTIS.] *Magis velim cū libris alijs, clarissimè genitis.*

genitis. ⁸¹¹ ANTEQUAM.] *Non ad annales leges aut aetatem refero, sed quòd in honorem solum nobilitatis eos crearet. Generi eorum hoc das, inquit, & quia tali stirpe nati, quæ meruit, etsi nondum ipsi.* ⁸²² POSTEROS LIBERT.] *Reliquam illam prolem aut liberi, & illorum qui in libertate magni fuerunt: è Cæsij, Iunij, Fabij natos.* ⁸²³ TERRET.] *Nam ut ille ait, iam olim monstrum est in nobilitate senectus.* ⁸²⁴ FESTINATIS.] *Etiā ante aetatem, aut cerè maturitatem & merita.* ⁸²⁵ REDDIT.] *Dignos ijs facit, titulis & imaginibus suis æquat.* ⁸²⁶ HONORE.] *Ego velim legere, in ore famæ. Sallustius: In ore agens gentibus, populo, ciuitati. Pluſcula ego ad III. Histor. Taciti, verbis: Non in ore vulgi agere.* ⁸²⁷ CÆSARIS.] *Satis fractè hoc dicitur: videaturque vox deesse, extracta, aut similis.* ⁸²⁸ EFFICIAT.] *Iure annulorum dato, ingenuos facit; cumulat is honoribus, nobiles.*

P R A E F V E R A T prouinciæ Quæstor vnus ex ⁸²⁹ candidatis: ⁸³⁰ in quem ea ciuitas amplissima, redditus egregiâ constitutione fundauerat. hoc Senatui allegandum putasti. Cur enim te Principe, qui generis tui claritatem virtute superasti, deterior esset conditio eorum, qui posteros habere nobiles ⁸³¹ mererentur, quàm eorum qui parentes habuissent? O te dignum, qui de magistratibus nostris semper hæc nuncios: nec pœnis malorum, sed bonorum præmij, bonos facias! Accensa est iuuentus, erexitque animos ad æmulandum, quod laudari videbat: nec fuit quisquam, quem non hæc cogitatio subiret, cum sciret quidquid à quoque in prouincijs beneficeret, omnia te scire. Vtile est, Cæsar, & salutare Præsidibus prouinciarum, hanc habere fiduciam: paratum esse sanctitati, industriæ suæ, maximum præmium, iudicium Principis, ⁸³² suffragium Principis. Adhuc autem quamlibet sincera rectaque ingenia, & si non detorquebat, hebetabat tamen misera, sed vera reputatio: ⁸³³ Vides enim, siquid benè fecero nesciet Cæsar; aut si scierit, testimonium non reddet. Ita eadem illa seu negligentia, seu malignitas Principum, cum malè consultis impunitatem, rectè factis nullum præmium polliceretur: nec illos à crimine, & hos deterrebat à laude. At nunc, si benè aliquis prouinciā rexit, huic quæſita virtute dignitas offertur. patet enim omnibus honoris & gloriæ campus. ex hoc quisque, quod cupit, petat; & assecutus, ⁸³⁴ sibi debeat. Prouincijs quoque in posterum, & iniuriarum metum, & accusandi necessitatem, remisisti. Nam si ⁸³⁵ profuerint quibus gratias egerint, de nullo queri cogentur. ⁸³⁶ & alioquin nihil magis prodest candi-

candidato, ad sequentes honores, quàm peractus optimè magistratus. Magistratus magistratu, honore honor petitur. Volo ego qui prouinciam rexerit, non tantùm ⁸³⁷codicillos amicorum, nec ⁸³⁸urbanâ coniuratione eblanditas preces: sed decreta coloniarum, decreta ciuitatum alleget. ⁸³⁹Næ suffragijs ⁸⁴⁰consularium virorum, vrbes, populi, gentes inferuntur. efficacissimum pro candidato genus est rogandi, gratias agere.

⁸²⁹ CANDIDATIS.] *Præture, an Consulatus.* ⁸³⁰ IN QVEM EA.] *Alius videbit. me hic luscitosum confiteor, aut cecum. Legerem: inque cā ciuitatis amplissimæ. Præfuerat prouinciæ, & in eā reditus ac vectigalia amplissimæ vniuersi ciuitatis, pulchrè & prudenter fundauerat.* ⁸³¹ MERERENTVR.] *Virtute propriâ.* ⁸³² SVFFRAGIVM.] *Ad honores.* ⁸³³ VIDES ENIM.] *Ethopæia, quam vocant.* ⁸³⁴ SIBI DEBEAT.] *Sua industrie & virtuti, quam Princeps honoribus remuneratur.* ⁸³⁵ PROFVERINT.] *Si prouinciarum iudicia bona & honesta, honori vsuique fuerint apud Cæsarem: nulle querelæ expectandæ à prouincialibus, quia quisque placere ijs studebit, & demereri hæc eadem benè agendo: vt Cæsarem amicum habeat, & per eum honores.* ⁸³⁶ ET ALIOQVIN.] *Iterum cecuti, neque hæc inter se vineta. Lego omnia: & liquebit nihil magis prodesse candidato ad sequentes honores, quàm peractus. Optime magistratus magistratu, honore honor petitur. Sententiam dedi, fortasse & verba. Scient omnes, inquit, ad futuros honores, priores prodesse: & si y benè gesti in vrbe aut in prouincijs, gradum ad alios esse.* ⁸³⁷ CODICILLOS.] *Præuatas laudatiunculas. qualis illa Martialis, ad hunc Traianum, lib. XII.*

Palma regit nostros, mitissime Cæsar, Iberos,

Et placido fruitur pax peregrina iugo.

Ergo agimus lati tanto pro munere grates,

Misit mores in loca nostra tuos.

⁸³⁸ VRBANA CONIVRATIONE.] *Paucorum aliquot ciuium. Quâ in re peccatum sepe, Thraseas apud Tacitum. xv. Annalium queritur: & censet, vt laus falsa, ac precibus expressa, proinde cohibeatur, quàm malitia, quàm crudelitas. Et decretum mox interpositum: Nequis ad concilium sociorum referret, agendas apud Senatum Proprætoribus Prouince consiliis grates, neu quis eâ legatione fungeretur. Et fraudes veteri, bonum est: reuera illa iudicia sperni aut supprimi, non bonum.* ⁸³⁹ NÆ SVFFRAG.] *Assentior Liuiæ, vt suffragijs: & statim, inserantur. Et si possit etiam legi: Benè suffragijs.* ⁸⁴⁰ CONSVLARIVM.] *Qui in Senatu nominant, ac commendant candidatos. Tamen dubito, an non è notus error, veriusque: Clarissimorum virorum, de toto Senatu. Nec enim soli Consulares suffragiabant.*

I AM quo ad sensum Senatus, quo gaudio exceptum est, cum candidatis, ut quicumque ⁸⁴¹ nominaveras, ⁸⁴² osculo occurreres? ⁸⁴³ deexus quidem in planum, & quasi unus ex gratulantibus. Te mirer magis, an improbem illos, qui effecerunt, ut istud magnum videretur? cum velut affixi curulibus suis, ⁸⁴⁴ manum tantum, & hanc cunctanter & pigre, & ⁸⁴⁵ imputantibus similes, promerent. Contigit ergo oculis nostris insolita facies, Princeps & candidatus ⁸⁴⁶ æquales & simul stantes: intuerique parem accipientibus honorem, qui dabat. Quod factum tuum à cuncto Senatu, quam verâ acclamatione, celebratum est? ⁸⁴⁷ TANTO MAIOR, TANTO AVGVSTIOR. Nam cui nihil ad augendum fastigium superest, hic vno modo crescere potest si se ipse submittat, securus magnitudinis suæ. Neque enim ab ullo periculo fortuna Principum longius abest, quam ab humilitatis. Mihi quidem non tam humanitas tua, quam ⁸⁴⁸ intentio eius admirabilis videbatur. quippe cum ⁸⁴⁹ orationi oculos, ⁸⁵⁰ vocem, manum commodares: ut si ⁸⁵¹ alij. eadem ista mandasses, omnes comitatus numeros obibas. atque etiam, cum ⁸⁵² suffragatorum nomina, honore quo solent, exciperentur: tu quoque inter excipientes eras, & ex ore Principis ille senatorius assensus audiebatur. quodque apud Principem perhibere testimonium merentibus gaudebamus, perhibebatur à Principe. Faciebas ergo, cum diceres, ⁸⁵³ OPTIMOS: nec ⁸⁵⁴ ipsorum modo vita à te, sed ⁸⁵⁵ iudicium Senatus comprobabatur: ⁸⁵⁶ ornarique se, non illos magis quos laudabas, lætabatur.

⁸⁴¹ NOMINAVERAS.] *Designaveras palam.* ⁸⁴² OSCULO.] *Ut solet in gratulatione, & fausta precatione.* ⁸⁴³ DEVEXVS.] *Inclinans, & penè descendens è tuo tribunali. Seneca De Tranquillitate: Tutiores erunt, superbiam detrahendo, & fortunam suam in planum deferendo.* ⁸⁴⁴ MANVM.] *Superbia, ut antè monui: & vide 11. Electorum, cap. proprio De osculis.* ⁸⁴⁵ IMPUTANTIBVS.] *Quasi beneficium darent eo ipso, quod liceret contingere.* ⁸⁴⁶ AEQVALES.] *Hoc mihi placeat, & est pro sensu. At libri tamen plerique, equitis, vel equitus simul, habent: ut omnino censeam fuisse, & candidatus eius, simul stantes. Erant enim candidati Caesaris, & ita in lapidibus nominantur: quos is produceret & commendaret. Nam de candidato equitis, id est, equestri ordinis (quod quidam suggerunt) alienum, & ineptum est.*

⁸⁴⁷ TANTO MAIOR.] *In adhortatione & comprobatione formula. Sic in Senecâ, Multoq; audire mavult Tanto melior, quam, Tanto felicior: & alibi in eodem.* ⁸⁴⁸ INTENTIO.] *Expressio, cum veritate & acrimoniâ.*

⁸⁴⁹ ORATIONI.] *Quā gratulaberis honorem candidatis.* ⁸⁵⁰ VOCEM, MANVM.] *Seneca, epist. viii.* In Senatu candidato vocem & manum commodare. ⁸⁵¹ ALII EADEM.] *Privato, qui tibi obsequeretur. Sed puto rectius lectum iri, ut si alius eadem ista mandasset. Tu, inquit, omnia ita comiter & benignè faciebas; tanquam si non à te hoc beneficium, sed ab alio acceptum gratulareris. Nemo enim nimis gaudet aut exsultat in eo, quod ipse confert.* ⁸⁵² SUFFRAGATORVM.] *Hoc intellegi potest ex epistolâ xx. lib. i. i. eiusdem Plinij, ubi rationem hanc comitalem ita explicat: Citato nomine candidati, silentium summum. dicebat ipse pro se, vitam suam explicabat, testes & laudatores dabat. Addebat quosdam ex suffragatoribus. illi grauitur & paucis loquebantur. Plus hoc quàm preces proderat. Itaque suffragatores prodibant, & loquebantur: apparetq; cum plausu & fauore (ut tunc mores ad leuitatem vel adulationem inclinabant) exceptos. Apparet, inquam, ut hæc est lectio. quam mihi immutare tamen suadeat animus, ac scribere: cum suffragatores nomina, honore quo solent, exciperent, tu quoque. Ipsi dico suffragatores nomina excipiebant: quorum? nempe candidatorum, qui nomine & ordine (ex verbis iam Plinij) citabantur. Princeps igitur ipse, mirâ comitate, quasi inter suffragantes laudantesq; erat.* ⁸⁵³ OPTIMOS.] *Notetur ritus, adhuc inobseruatus. Candidati, boni vel optimi acclamabantur, ad nomen. Seneca hinc lux, epist. i. i. i. Itaque verbo illo quasi publico vsus es, & sic amicū dixisti, quomodo omnes candidatos viros bonos dicimus.* ⁸⁵⁴ IPSORVM.] *Candidatorum. Itaque ex his palam est, superiora, ut dixi, legenda.* ⁸⁵⁵ IUDICIUM.] *Quia Senatus tales elegerat.* ⁸⁵⁶ ORNARIQUE SE.] *Ipsū Senatum, cui sic credebatur.*

NAM quòd precatus es, ut illa ipsa ⁸⁵⁷ ordinatio comitiorum BENE AC FELICITER EVENIRET NOBIS, REIP. ⁸⁵⁸ Nōne tibi tale est, ut nos hunc ordinem votorum conuertere debeamus? deos denique obsecrare, ut omnia quæ facis, quæque facies, prosperè cedant tibi, reip. nobis? vel si breuius sit optandum, ut ⁸⁵⁹ vni tibi? in quo & resp. & nos sumus. ⁸⁶⁰ Fuit tempus, ac nimium diu fuit, quo ⁸⁶¹ alia aduersa, alia secunda, Principi & nobis. nunc cōmunia tibi nobiscum tam læta, quàm tristia: nec magis sine te nos esse felices, quàm tu sine nobis potes. An si posses, in fine ⁸⁶² votorū adiecisses, UT ITA PRECIBVS TVIS DII ANNVERENT, SI IUDICIUM NOSTRVM MERERI PERSEVERASSES? Adeò nihil tibi amore ciuiū antiquius; ut antè à nobis, deinde à dijs; atq; ita ab illis amari velis, si à nobis ameris. Et sanè priorū Principum ⁸⁶³ exitus docuit, ne à dijs quidē amari, nisi quos homines ament. arduum erat, has preces tuas laudibus adæquare: adæquauimus tamen. Qui amoris ardor, qui

stimuli, quæ faces illas nobis exclamaciones subiecerunt? Non nostri, Cæsar, ingenij, sed tuæ virtutis tuorumque meritorum voces fuerunt: quas nulla vnquam adulatio inuenit, nullus cuiusquam terror expressit. Quem sic timuimus, vt hæc fingere-mus? quem sic amauimus, vt hæc fateremur? ⁸⁶⁴ Nosti necessi-tatem seruitutis. quando simile aliquid audisti, & quando dixi-sti? Multa quidem excogitat ⁸⁶⁵ metus, sed quæ appareant quæsi-ta ab inuitis. aliud sollicitudinis, aliud securitatis ingenium est; alia tristitium inuentio, alia gaudentium: neutrum ⁸⁶⁶ simulatio-nes exprefferint. habent sua verba miseri, sua verba felices: vtque iam maximè eadem ab vtrifque dicantur, ⁸⁶⁷ aliter dicuntur.

⁸⁵⁷ ORDINATIO.] *Sollennis & vetus illa precatio, quam vsurpabat is qui comitijs præerat & moderabatur. Cicero, pro Murenâ: Quæ precatus sum à dijs immortalibus, more institutoque maiorum, illo die quo L. Mure-nam consullem renunciaui, vt ea res mihi, magistratuique mee, populo plebæque Romanæ benè atque feliciter eueniret. Et appellat max Sollenne-m comitorum precationem. Ordinatio hic igitur, dispositio & creatio magistratuum in hunc annum.* ⁸⁵⁸ NONNE TIBI.] *Plauisimè transpositâ voce legendum: tibi, nonne tale. Nam hæc formula erat, Senatui, reip. mi-hi. Seseipso in eâ comprecatione semper includebant: vt in Ciceronis illis verbis, & alibi. Occurrit hoc Ennij:*

— ea vt mi,

Reiique & fidei, regno, vobisque Quirites

Se fortunatim, feliciter, ac benè vortant.

⁸⁵⁹ VNI TIBI.] *Infra: Simplex, cunctaque ista complexim, vnum omnium votum est, Salus Principis. Adde Messallæ verba, in Suetonij Aug. cap. LVIII. ⁸⁶⁰ FVLTEMPVS.] Sub malis Principibus. ⁸⁶¹ ALIA AD-VERSA.] Disidebant enim. & Princeps Senatum minui vel perire, ipsi Prin-cipem optabant. ⁸⁶² VOTORVM.] Publicorum, de quibus suprà? an quæ ipse Traianus in Senatu nunc concepit? ⁸⁶³ EXITVS.] Violentus aut fædus. ⁸⁶⁴ NOSTI.] Nam & ipse paullo antè inter seruientes. ⁸⁶⁵ METVS.] Dogma pulcherrimum est in Plutarchi Demetrio, Non fidendum honoribus istis, qui decernuntur sic vulgò; Tà δὲ ἰσχυρὰ, inquit, καὶ δεδιότες τοῦ φόβου, καὶ φιλοῦντες: eadem enim & timentes decernunt, & amantes. At vnum argumentum esse veræ beniuolentiæ, si ij quibus dantur, contij sibi sint, factis & virtute meruisse. ⁸⁶⁶ SIMVLATIONES.] Tibullus:*

— difficile est imitari gaudia falsa,

Difficile est tristi fingere mente iocum.

Nazarius: Fingit quidem timor gaudium, sed ita intimos mentis affectus proditor vultus enunciat, vt in speculo frontij imago exster animorum.

⁸⁶⁷ ALITER DICVNTVR.] *Aliâ asseueratione, intentione, & vltu.*

TESTIS

TESTIS ipse es, quæ in omnium ore lætitia. ⁸⁶⁸ non amittus cuiquam, non habitus ⁸⁶⁹ quem modò extulerat. inde resultantia vocibus ⁸⁷⁰ testat: nihilque ⁸⁷¹ tantis clamoribus satis clausum. Quis tunc non è vestigio suo exiit? quis exiuisse sensit? Multa fecimus sponte, plura ⁸⁷² instinctu quodam & imperio. nam gaudio quoque cogendi vis inest. Num ergo modum ei tua fultem modestia imposuit? nam quanto magis à te reprimebatur, exarsimus. non contumaciâ Cæsar: sed ut in ⁸⁷³ tuâ potestate est, an gaudeamus; ita in quantum, ⁸⁷⁴ nec in nostrâ. Comprobasti & ipse acclamationum nostrarum fidem, lacrymarum tuarum ⁸⁷⁵ veritatē. Vidimus humescentes oculos tuos, ⁸⁷⁶ demissumque gaudio vultum, tantumque sanguinis in ore, quantum in animo pudoris. Atque hoc magis incensi sumus, ut precaremur, nequando tibi non eadem causa lacrymarum, ⁸⁷⁷ utque nunquam frontem tuam abstergeres. ⁸⁷⁸ Hoc ipsum has sedes nos, quasi responsuras, interrogemus, ⁸⁷⁹ viderintne vnquam Principis lacrymas? at Senatus sæpe viderunt. Onerasti futuros Principes, sed & ⁸⁸⁰ posteros nostros. nam & hi à Principibus suis exigent, ut eadem audire mereantur: & illi quòd non audiant, indignabuntur. Nihil magis possum propriè dicere, quàm quod dictum est à cuncto Senatu: O TE FELICEM! quod cum diceremus, non opes tuas, sed animum mirabamur. Est enim demum vera felicitas, felicitate ⁸⁸¹ dignum videri. Sed cum multa illo die dicta sunt sapienter & grauitè, tum vel in primis, ⁸⁸² CREDE NOBIS, ⁸⁸³ CREDE TIBI. Magnâ hoc fiducia nostri, maiore tamē tui diximus. alius enim fortasse alium: ⁸⁸⁴ ipsum se nemo deceperit. Introspeciat modò vitam, seque quid mereatur interroget. Proinde ⁸⁸⁵ dabat vocibus nostris fidem apud optimum Principem, quod apud malos detrahebat. quamuis enim faceremus, quæ amantes solent: illi tamen non amari se, credebant sibi. Super hæc precati sumus, ut SIC TE AMARENT DII, QVEM ADMODVM TV NOS. quis hoc aut de se, ⁸⁸⁶ aut Principi diceret mediocriter amanti? Pro nobis ipsis quidem hæc fuit summa votorum: ut nos sic amarent dii, quomodo tu. Estne verum quod inter ista clamauimus, O NOS FELICES! Quid enim felicius nobis, quibus non iam illud optandum est ut nos diligat Princeps: sed

dij, quemadmodum Princeps? Ciuitas religionibus dedicata, semperque deorum indulgentiam ⁸⁸⁷ piè merita, nihil felicitati suæ putat astrui posse, nisi ut dij Cæsarem imitentur.

⁸⁶⁸ NON AMICTVS.] *Mamertinus, Iuliani laudatione: Nimia lætitiæ decoris sunt & grauitatis immemores. Illa iactatio togarum, illa exultatio corporum, nescientibus penè hominibus excitabatur.* ⁸⁶⁹ QVEM MODO.] *Fortè, quem domo.* ⁸⁷⁰ TECTA.] *Curia.* ⁸⁷¹ TANTIS CLAMORIBVS.] *Pone sexcentos unà clamantes: & adde Actuarios, & Laticlauios, quibus ius veniendi in Senatum.* ⁸⁷² INSTINCTV QVODAM.] *Nam animus in gaudio emicans & subsultans, corpus ignarum & penè inuitum eò ducit.* ⁸⁷³ TVA POTESTATE.] *Qui materiem dare potes, non potes.*

⁸⁷⁴ NEC IN NOSTRA.] *Quia à vi gaudij auferimur, ut à subito torrente.* ⁸⁷⁵ VERITATE.] *Non enim ficta illa, aut expressa. Quid si tamen, vbertate?* ⁸⁷⁶ DEMISSVMQVE GAUDIO.] *Si sic legas, ad pudorem mistum gaudio referendus hic gestus. nam ille in laude, qua titillat & suauiter afficit, vultum tamen submittit. At si de gaudio solo, legerem remissumque, id esset, hilarem & diffusum gaudio vultum. cuius proprium scilicet dilatare, unde & lætitia: sicut contrahere, & angustare doloris, unde angor.* ⁸⁷⁷ VTQVE NVNQVAM.] *Hac clausula inter mutilas aut corruptas. nam meliores libri illud, abstergeres, mox non habent: nec verò eò facit. Quid enim abstergeat? lacrymas? ea in genas delabuntur, non in frontem ascendunt. Pudorè, inquires. non solet abstergeri, nec potest: velari in eo frons aut vultus solet, nec aliter.*

⁸⁷⁸ HOC IPSVM.] *Pariter corruptum. tentabam, hoc templum. Sed explicet etiam aliquis: Hoc ipsum nos rogemus has sedes: quid hoc ipsum? nempe quod dico de lacrymis.* ⁸⁷⁹ VIDERINTNE VNQVAM.] *Ita, & quidem Augusti ipsius, in causâ simili, cum Pater patria dictus. Vide Suetoniū, cap. LVIII.* ⁸⁸⁰ POSTEROS NOSTROS.] *Senatores, qui post nos erunt.* ⁸⁸¹ DIGNVM VIDERI.] *Id est, non est felix, qui in magnâ fortunâ est, sed qui habetur & est (ob virtutes) eâ dignus.* ⁸⁸² CREDE NOBIS.] *Serio te laudantibus.* ⁸⁸³ CREDE TIBI.] *Cui animus dicit, laude dignum esse.* ⁸⁸⁴ IPSVM SE NEMO.] *Nam simulata virtus alteri imponit, non autem simulanti.* ⁸⁸⁵ DABAT VOCIBVS.] *Quid dabat? nempe, conscientia ipsius Principis, meriti & non meriti testis.* ⁸⁸⁶ AVT PRINCIPI.] *Malim, Principe, & mox, amante.* ⁸⁸⁷ P I E MERITA.] *Suspicio, an non pietate fuerit: deprauatum compendio scriptura. Cicero: Deorum numine tantum hoc imperium & natum est, & auctum, & retentum. addit, omnes gentes pietate & religione superatas.*

S E D quid singula confector & colligo? quasi verò aut oratione complecti, aut memoriâ consequi possim, quæ vos P. C. ne qua interciperet obliuio, & in ⁸⁸⁸ publica acta mittenda, & incidenda in ære censuistis. ⁸⁸⁹ Antè, orationes Principum tantum, eiusmodi genere monumentorum mandari æternitati solebant:

lebant: acclamationes quidem nostræ parietibus curiæ clauderantur. Erant enim, quibus nec Senatus gloriari, nec Princeps possent. Has verò, & ⁸⁹⁰ in vulgus exire, & ⁸⁹¹ posteris prodì, cum ex utilitate, tum ex dignitate publicâ fuit. Primum, ut orbis terrarum pietatis nostræ adhiberetur testis & conscius. deinde, ut manifestum esset, audere nos de bonis malisque Principibus, non tantum ⁸⁹² post ipsos, iudicare. postremo, ut experimento cognosceretur & ante ⁸⁹³ nos gratos, sed miseros fuisse: quibus esse nos gratos, probare antea non licuit. At quâ contentione, quoniam, quibus clamoribus expositum est: ne affectus nostros, ne tua merita ⁸⁹⁴ supprimeres: denique ut in posterum exemplo prouideres? Discant & Principes acclamationes veras falsasque discernere: habeantque muneris tui, quod iam decipi non poterunt. Non instruendum illis iter ad bonam famam: sed non deferendum. non submouenda adulatio: sed non reducenda est. certum est & quæ facere, & quæ debeant audire, si faciant. Quid nunc ego super ea, quæ sum cum toto Senatu precatus, pro Senatu precer? nisi ut hæreat animo tuo gaudium, quod tunc ⁸⁹⁵ oculis protulisti. Ames illum diem, & tamen ⁸⁹⁶ vincas. noua merearis, noua audias: eadem enim dici, nisi rob eadem facta, non possunt.

⁸⁸⁸ PUBLICA ACTA.] *Quid? nonne igitur omnia Senatus decreta, aut seria magis dicta, in Acta mittebantur? certe. & erant huic rei Actuarij, & Acta Senatus in Tacito alijsq; crebro leguntur. Sed nota, quod ait Publica acta: ea autem sunt Populi, quæ alio nomine Urbana. Nempe decretum, ut vulgus quoque ea sciret, & in publicis illis Actis scripta legerentur, præter morem.*

& Vide me
in v. Ann.
Taciti.

⁸⁸⁹ ANTE ORATIONES.] *Imò ea non in æ tantum, sed aurum argentumq; incise, & lectione publicâ repetita. Vide me, si lubet, super hoc more ad XIII. Annalem Taciti, haud procul initio.* ⁸⁹⁰ IN VVLGVS.] *Quod factum, in Acta publica mittendo.* ⁸⁹¹ POSTERIS.] *Nempe in æ incidendo, & perpetuando.*

⁸⁹² POST IPSOS.] *Cum iam mortui, etsi, ô bone Plini, libertas ea tantum sub bonis, & de bonis, in malis, iudicia quidem, sed non libera aut publicata.*

⁸⁹³ NOS GRATOS.] *Placeat, non ingratos: etsi nec aliter sententiâ valde dissidente, sed sic clariore.* ⁸⁹⁴ SUPPRIMERES.] *Quia nolebas publicari vel incidi.* ⁸⁹⁵ OCVLIS PROTULISTI.] *Lacrymando, supra.* ⁸⁹⁶ VINCAS.] *Maiores faciendo, maiores audiendo.*

I A M. ⁸⁹⁷ quàm antiquum, quàm consulare, quòd triduum totum Senatus, sub exemplo tui, sedit? cum interea nihil, præter

Consu-

Consulem, ageres. Interrogauit quisque quod placuit; dissentire,⁸⁹⁸ discedere, & copiam iudicij sui reip. facere tutum fuit; consulti omnes, atque etiam⁸⁹⁹ dinumerati sumus: vicitque sententia⁹⁰⁰ non prima, sed mellior. At quis antea loqui, quis hiscere audebat, præter miseros illos qui primi interrogabantur? ceteri quidem defixi & attoniti, ipsam illam mutam ac⁹⁰¹ sedentariam assentiendi necessitatem, quo cum dolore animi, quo cum totius corporis horrore, perpetiebantur? Vnus solusque censebat quod sequerentur omnes, & omnes improbarent; in primis ipse, qui censuerat. Adeo nulla magis omnibus displicent, quam quæ sic fiunt, tanquam omnibus placeant.⁹⁰² Fortasse Imperator in Senatu ad reuerentiam eius componebatur: ceterum egressus, statim se recipiebat in Principem, omniaque consularia officia abigere, negligere, contemnere solebat. Ille verò ita Consul, ut sit tantum Consul foret: nihil infra se putabat, nisi quod infra Consulem esset. Ac primum, ita⁹⁰³ domo progrediebatur, ut illum nullus apparatus arrogantiae Principis: nullus⁹⁰⁴ præcursorum tumultus detineret. vna erat in limine mora,⁹⁰⁵ consultare aues, reuereri que numinum monitus. nemo proturbabatur, nemo⁹⁰⁶ submouebatur. tanta victoribus quies, tantus pudor fascibus, ut plerumque⁹⁰⁷ aliema turba subsistere & Consulem & Principem cogeret. Ipsius quidem⁹⁰⁸ officium tam⁹⁰⁹ modicum, tam temperatum, ut antiquus aliquisque magnus Consul, sub bono Principe incedere wideretur.

⁸⁹⁷ QVAM ANTIQVVM.] *De eadem re, epistolâ XI. lib. II. Iam hoc ipsum, quam pulchrum & antiquum, Senatum nocte dimitti, triduo vocari, triduo contineri? Ideo autem antiquum, quia olim assidue Senatus habitus, & res omnes in eo agitata, decreta. at sub Principibus, variores conuentus; quia illi ad se trahebant præcipua rerum, & Patres in speciem conuocabant interdum. Atque Augustus dies certos habendo Senatui definit: de quibus Tranquillus, cap. XXXV.* ⁸⁹⁸ DISCEDERE.] *Non quidem à Curiâ: sed pedibus ire in hanc illamve sententiam. Cui libertati mox opponit sedentariam assentiendi necessitatem.* ⁸⁹⁹ DINUMERATI.] *Vtra pars præpolleret. Neque enim hoc ad infrequentiam Senatus retulerim, cum ad impediendum decretum dicebatur, Numera Senatuum: Festus, in ijs vocibus.*

⁹⁰⁰ NON PRIMA.] *Vide tyrannos. quibus Senatus pro imagine aut umbrâ erat. vnum dicere ex composito iubeant, & quod ipsi vellent: atque vnum tantum.* ⁹⁰¹ SEDENTARIAM.] *Cum nec interrogarentur, nec surgerent ad dicendum: sed nec (ut in pluribus sententijs) discessio fieret. Seden-*

tes igitur assentiebantur. quomodo? manu, aut voce. Nempe illa sublatâ, & hanc in unum verbum soluentes, Assentio; aut, Idem. ⁹⁰² FOR- TASSE.] Syllabam retraham, At fortasse. ⁹⁰³ DOMO.] Palatio.

⁹⁰⁴ PRÆCURSORVM.] Apparitorum, & antecambulonum. ⁹⁰⁵ CON- SVLTARE.] Notetur. an de more publico, an Traiani priuato? Nihil sane rei maioris, nisi auspiciatò Romani aggrediebantur: quòd tamen in domus egressu id semper factum, haud subeunt nunc exempla. Nisi istuc facit, quòd Victor in regione Palatii, Auguratorium ponit. At potuit priuatim, & ex more suæ gentis deditus huic superstitioni esse. nam in Alexandro Lampridij legas: Ορροσχόμε (augur) magnus fuit, vt & Valcones, & Hispanorum, & Pannoniorum augures vicerit. ⁹⁰⁶ SYBMOVEBATVR.] A liëtoribus, vel ab ipsâ officij turbâ. Lucanus, seu quis alius, ad Pisonem:

— nec enim tibi dura clientum

Turba rudisq̃ue placet, misero quæ freta labore,
Nil nisi summoto nouit præcedere vulgo.

⁹⁰⁷ ALIENA.] Occurrentis diuitis alicuius, aut magistratus. ⁹⁰⁸ OFFI- CIIVM.] Ipsi, qui deducunt, aut comitantur. Ouidius:

Substitit hîc, agmenq̃ue suum, turbæq̃ue sequentis
Officium, placido visus dimittere vultu.

Suetonius, Seneca, alij. ⁹⁰⁹ MODICVM.] Non frequens aut magnum: vt diuites illi agmina tota solent trahere.

ITER illi sæpius ⁹¹⁰ in forum, frequenter tamen & in campum. nam comitia Consulum obiibat ipse, & tantum ex renunciatione eorum voluptatis, quantum prius ex ⁹¹¹ destinatione capiebat. Stabant candidati ante curulem Principis, vt ipse ante Consulis steterat: adigebanturq̃ue in verba, in quæ paullo antè ipse iurauerat Princeps: qui tantum putat esse in iureiurando, vt illud & ab alijs exigat. Reliqua pars diei tribunali dabatur. Ibi verò quanta religio æquitatis? quanta legum reuerentia? Adibat aliquis vt Principem? respondebat, se Consullem esse. Nullius ab eo magistratus ius, nullius auctoritas imminuta est: aucta etiam. siquidem pleraque ad Prætores remittebat: atque ita, vt ⁹¹² collegas vocaret. non quia popolare gratumq̃ue audientibus: sed quia ita sentiebat. Tantum dignationis in ipso honore ponebat: vt ⁹¹³ non amplius esse censeret, quòd aliquis collega appellaretur à Principe, quàm quòd Prætor esset. Ad hæc, tam ⁹¹⁴ assiduus in tribunali, vt labore refici ac reparari videretur. Quis nostrum idem curæ, idem sudoris sumit? quis adeò expetitis honoribus, aut ⁹¹⁵ de-

Q

seruit,

seruit, aut ²¹⁶ sufficit? Et sanè æquum est, tantum ceteris præstare Consulibus ipsum, qui Consules facit, quippe etiam fortunæ videbatur indignum, si posset honores dare, qui gerere non posset. Facturus Consules, ²¹⁷ doceat; accepturisque amplissimum honorem persuadeat, scire se quid sit quod daturus sit. sic fit, ut illi quoque sciant, quid acceperint. Quò iustius Senatus ut susciperes quartum Consulatum, & rogauit, & iussit. Imperij hoc verbum, non adulationis esse, ²¹⁸ obsequio tuo crede: quod non aliâ in re magis aut Senatus exigere à te, aut tu præstare Senatui debes. Ut enim ceterorum hominum, ita Principum, illorum etiam qui dii sibi videntur, æuum omne & breue & fragile est. Itaque optimum quemque niti & contendere decet, ut post se quoque reipublicæ prosit; moderationis scilicet iustitiæque monumentis, quæ prima statuere Consul ²¹⁹ potest. Hæc nempe intentio tua, ut libertatem reuocares ac reducas. Quem ergo honorem magis amare? quod nomen usurpare sapius debes, quàm quod primum inuenit recuperata libertas? Non est minùs ²²⁰ ciuile, & Principem esse pariter, & Consulem: quàm tantum Consulem. Habe etiam rationem verecundiæ collegarum tuorum. Collegarum inquam: ita enim & ipse loqueris, & nos loqui vis. Onerosa erit modestiæ illorum tertij Consulatus sui recordatio, donec te ²²¹ Consulem videant. Neque enim potest non nimium esse priuatis, quod Principi satis est. Annuas Cæsar optantibus, quibusque apud deos ²²² esse consuesti, quorum potes ipse, votorum compotes facias. Fortasse sufficiat tibi tertius Consulatus, sed nobis tanto minùs sufficit. ²²³ Ille nos instituit & induxit, ut te iterum iterumque Consulem habere cupiamus. Remissiùs illud contenderemus, si adhuc non sciremus, qualis esses futurus. Tolerabilius fuit, experimentum tui nobis, quàm ²²⁴ vsum negari. Dabitur ne rursus videre Consulem illum? ²²⁵ audiet, reddet, quas proximè voces? præstabitque gaudium, quantum ipse percipiet? præsidebit lætitiæ publicæ, auctor eius & causa? tentabitque affectus nostros, ut solet, cohibere; nec poterit? ²²⁶ pietati Senatus, cum modestiâ Principis, felix speciosumque certamen: seu fuerit victa, seu vicerit? Equidem incognitam quandam, proximamque

que maiorem, præsumo lætitiā. Quis enim est tam imbecilli ingenio, qui non tanto meliorem Consulē speret, quanto sæpius fuerit? Alius labores, si non ⁹²⁷ continuos desidīæ ac voluptati dedisset, otio tamen & quiete recreasset. hic consularibus curis exolutus, principales resumpsit: tam diligens temperamenti, ut nec Consulis officium, Princeps; nec Principis, Consul appeteret. Videmus ut prouinciarum desiderijs, ut singularum etiam ciuitatum precibus occurrat. nulla in ⁹²⁸ audiendo difficultas, nulla in respondendo mora: adeunt statim, diimittuntur statim: ⁹²⁹ tandemque Principis fores exclusæ legationum turba non obsidet.

⁹¹⁰ IN FORVM.] *Ad ius dicendum.* ⁹¹¹ DESTINATIONE.] *Designatione. nam Princeps faciebat: & nunc Traianus, ut Consul, ipse renunciabat.* ⁹¹² COLLEGAS.] *Messallæ verba vide apud Agellium, lib. XIII. cap. XIII. quibus docet, Collegam esse Prætorem Consuli, quod eodem auspicio creantur.* ⁹¹³ NON AMPLIUS.] *Id est, tanti faciebat honorem Prætura, ut non pluris æstimaret Collegam Principis dici, quàm Prætorem.* ⁹¹⁴ ASSIDVVS.] *Prisco more, & Augusti exemplo, de quo Suetonius: Ipse ius dixit assidue, & in noctem nonnunquam: si parum corpore valeret, lecticâ pro Tribunali collocatâ, vel etiam domi cubans. Mos in Principe nunquam satis laudandus.* ⁹¹⁵ DESERVIT.] *Vacat, & se impendit.* ⁹¹⁶ SVFFICIT.] *Par est.* ⁹¹⁷ DOCEAT.] *Exemplo suo, Consules agere.* ⁹¹⁸ OBSEQVIO TVO.] *Crede, inquit, nos iubere, non adulari; quomodo? obsequendo. Si facis & suscipis, ostendis te credere serio nos sic velle: & volumus certè.* ⁹¹⁹ POTEST.] *Malim, potes.* ⁹²⁰ CIVILE.] *Moderatum, equabile, & ciue dignum.* ⁹²¹ CONSULEM.] *Quartò. & fortasse is numerus excidit.* ⁹²² ESSE CONSVESTI.] *Corrigebam, adesse consuesti: quod & alijs placuit. Sententia est, Tu Caesar, qui adesse nobis apud Deos precantibus soles, & vota nostratuis iuvare: ecce nunc concede, quod à te, non à Dijs, petimus, & à te pendet.* ⁹²³ ILLE NOS.] *Tam laudabiliter gestus.* ⁹²⁴ VSYM.] *Utilitatem iam notam.* ⁹²⁵ AVDIET.] *A Senatu acclamationes similes: atque ipse respondebit.* ⁹²⁶ PIETATI.] *Omnino renovanda vox, è fine prioris: erit pietati: & interrogatione efferenda clausula.* ⁹²⁷ CONTINVS.] *Scribe, continuò se.* ⁹²⁸ AUDIENDO.] *Fortasse ad eundo: etsi illud quoque similem habere potest sensum.* ⁹²⁹ TANDEMQUE.] *Ut sub Domitiano solet, sese includente.*

QVI D, in omnibus cognitionibus, quàm mitis seueritas, quàm non dissoluta clementia? Non ⁹³⁰ locupletando fisco ⁹³¹ sedes, nec aliud tibi sententiæ tuæ pretium, quàm benè iudicasse.

dicasse. Stant ante te litigatores, non de fortunis suis, sed de tuâ²³² existimatione solliciti; nec tam verentur, quid de causâ suâ, quàm quid de moribus sentias. O verè Principis, atque etiam Consulis, reconciliare²³³ æmulas ciuitates; tumentesque populos non imperio magis, quàm ratione, compescere;²³⁴ intercedere iniquitatibus magistratuum, infectumque reddere, quidquid fieri non oportuerit; postremò, velocissimè²³⁵ sideris more, omnia inuifere, omnia audire, & vndecunque inuocatum statim, veluti numen, adesse & assistere. Talia esse crediderim, quæ ipse mundi parens temperat nutu,²³⁶ si quando oculos demisit in terras, & facta mortalium inter diuina opera numerare dignatus est. quibus nunc per te liber solutusque,²³⁷ cælo tantum vacat: postquam te dedit, qui erga omne hominum genus²³⁸ vice suâ fungeris. Fungeris enim, sufficisque mandanti: cum tibi dies omnis, summâ cum vtilitate nostrâ, cum tuâ laude, condatur.

²³⁰ LOCUPLETANDO.] *Non, ut tyranni, idè iudicas ut damnes, & bona ad fiscum tuum trahas. non fructus, sed equitas sola tibi finis.* ²³¹ SEDDES.] *Pro tribunali.* ²³² EXISTIMATIONE.] *Tam te scilicet reuerentur, tuamque virtutem: ut malint opum iacturam, quàm fama apud te facere.* ²³³ AEMULAS CIVITATES.] *Qui morbus, etsi in publicâ illâ seruitute, ciuitates tenebat: queriturque de suâ Graciâ Plutarchus. Sed & Tacitus notat, quasdam ad exitium inter se discordes.* ²³⁴ INTERCEDERE.] *Irrita iniqua decreta facere, & nulla.* ²³⁵ SIDERIS MORE.] *Solem intellige.* ²³⁶ SI QUANDO OCULOS.] *Ille verò semper ô Plini; & tu hic cum auunculo tuo Epicurissas, cui irridendum videtur, agere curam rerum humanarum illud, quidquid est, summum. Sed prudentiam, eloquentiam, & omnia alia à vobis haurimus, quàm pietatem.* ²³⁷ CAELO TANTVM.] *Vt poëta: Iupiter in cælis, Cæsar regit omnia terris.* ²³⁸ VICE SUA.] *Seneca De Clemen. ubi Nero: Ego ex omnibus mortalibus placui electusque sum, qui deorum vice funger in terris.*

QVOD si quando cum²³⁹ influentibus negotijs paria fecisti, instar refectionis existimas mutationem laboris. Quæ enim remissio tibi, nisi²⁴⁰ lustrare saltus, excutere cubilibus feras, superare immensâ montium iuga, & horrentibus scopulis gradum inferre, nullius manu,²⁴¹ nullius vestigio adiutum: atque inter hæc, piâ mente²⁴² adire lucos, & occurfare numinibus?

941 Olim hæc experientia iuuentutis, hæc voluptas erat : his artibus futuri duces imbuebantur, certare cum fugacibus feris cursu, cum audacibus robore, cum callidis astu : nec medio-cre pacis decus habebatur, submota campis irruptio ferarum, & 944 obsidione quadam liberatus agrestium labor. Vsurpabant gloriam istam illi quoque Principes, qui obire non poterant : vsurpabant autem, vt domitas fractasque claustris feras, ac deinde in ipsorum quidem ludibrium emissas, 945 mentitâ sagacitate colligerent. Nunc par capiendi quærendique sudor, summusque & idem gratissimus 946 labor, inuenire. Enimvero si quando placuit idem corporis robor in maria proferre, non ille fluitantia vela, aut 947 oculis sequitur, 948 aut manibus : sed nunc gubernaculis assidet, nunc cum valentissimo quoque 949 sodalium certat 950 frangere fluctus, domitare ventos reluctantes, remisque transire obstantia freta. Quantum 951 dissimilis illi, qui non Albani lacus otium, Baiani que torporem & silentium ferre, non pulsum saltem fragoremque remorum perpeti poterat, quin ad singulos ictus turpi formidine horresceret. itaque procul ab omni sono, inconcussus ipse & immotus, religato reuinctoque nauigio, non secus 952 ac piaculum aliquod, trahebatur. Fœda facies, cum populi Romani Imp. alienum cursum, alienumque rectorem, velut 953 captâ naue, sequeretur. Nec deformitate ista saltem flumina carebant, atque amnes. Danubius ac Rhenus tantum illud 954 nostri dedecoris vehere gaudebant, non minore cum pudore imperij, quod hæc Romanæ aquilæ, Romana signa, Romana denique ripa, quàm quod hostium prospectarent. hostium, quibus moris est, eadem illa nunc rigentia gelu flumina, aut campis superflua, nunc liquida ac 955 deferentia, lustrare nauigijs, nandoque superare.

99 INFLVENTIBVS NEGOTIIS PARIA.] *Idest, si exhausti omnia negotia, quæ magnâ copiâ velut inundant. Paria facere, est reliqui nihil habere: à ratiocinjs sumptum.* 940 LVSTRARE SALTVS.] *Venationis in eo studium commendat: quidquid mox dices, rarum tamen, nec in magno, prisca Romanis. At alia gentes amarunt, & ab Hispanis suis traxit Traianus. Ab eo Hadrianus, qui vsque ad insaniam & periculum eo detentus scribitur. Sed & M. Antoninus, piscando & venando multum se oblectauit. Quis carpere possit? vsum habet, si modum: & Plato, Xenophon,*

phon, alij laudantur. ⁹⁴¹ NULLIVS VESTIGIO.] *Præcuntis, opinor, & viam facientis aut monstrantis.* ⁹⁴² ADIRE LVCOs.] *Veterum opinione sacros.* ⁹⁴³ OLIM HAEC EXPERIENTIA.] *Dubito an non, experientia. Sed quando olim? vix sanè veteres Romanos factitasse legas, qui à primâ adolescentiâ in militiâ, aut eius exercitijs, erant. Sed & Sallustius, agrum colere, & venari, seruilibus officijs adscribit. Licet tamen opinari, haud neglexisse prorsus, etsi in laude aut curâ non habuisse. Postea inualuisse haud nego, adeò ut Maximinus (sed Thrax ille, & barbarus) solis venationibus legiones frequenter exerceret: in eius vitâ.* ⁹⁴⁴ OBSIDIONE QVADAM.] *Vine ipsi obsederint, & indagare feras cinxerint? an vt liberarint ferarum obsidione agrestes?* ⁹⁴⁵ MENTITA SAGACITATE.] *Quò hac specteni, quæro. Domitianum scio, sagittarum vel præcipuo studio tentum, & centenas varij generis feras sæpe in Albano secessu confecisse: ex Suetonio. An igitur vult Plinius, feras istas claustris caneijs, emissas, & rum quasi sagacitate eius indagatas percussasq; esse? potest: sed magis credam, apros, ceruos, aut id genus emissos: & captos deinde, quasi verâ venatione & sagacitate quæstos.* ⁹⁴⁶ LABOR, INVENIRE.] *Quasi dicat, Tu quærebas reuera feras, & caipsâ quæstione delectabaris (ita est in venatoribus:) finisq; tum erat præcipuus inuenisse. Quis enim vir magnus ob prædam querit?* ⁹⁴⁷ OCULIS SEQVITVR.] *Quietus & sedens, ac pulchrè à moribus & ingenio nautigantium sumptum: quia reuera oculi eò feruntur.* ⁹⁴⁸ AVT MANIBVS.] *An demonstrando, huc aut illuc, ecce, fert ventus? an, nauibus, legi verius? Mihi verius: & ignavia tangitur illorum, qui ne remos strepitûsque alios nauticos audirent, naue aliâ religati nauem præducentem sequebantur. Mox palam dicit.* ⁹⁴⁹ SODALIVM.] *Qui Socij nauales dicuntur.* ⁹⁵⁰ FRANGERE.] *Remis.* ⁹⁵¹ DISSIMILIS ILLI.] *Domitiano.* ⁹⁵² AC PIACVLVM.] *Hostia, quâ scelera piabant, siue purgabant. Ea procul, nequis deuotam & malis publicis onustam tangeret, trahebatur, & in mare deuotam mergebant. Grecorum ὑδάριον ὑβόλιον.* ⁹⁵³ CAPTA NAV E.] *Is erat ritus, Liuso expressus libro xxi. Romani naues omnes (captas) religatas puppibus in altum extrahere.* ⁹⁵⁴ NOSTRI.] *Liber scriptus, monstri dedecus: quod nescio an edito præferam.* ⁹⁵⁵ DEFERENTIA.] *Prono & suo cursu euntia. Quidam libri, deferentia: quod esset, in se redeuntia, omisissis campis. Possit & deferuentia, legi.*

NEC verò laudauerim per se magnopere duritiam corporis ac lacertorum: sed si his validior toto corpore animus imperiter, quem non fortunæ indulgentiæ molliant; non copiarum Principales ad segnitiam luxumque detorqueant; tunc ego, seu mōtibus, seu mari exerceatur, & lætum opère corpus, & crescentia laboribus membra, mirabor. Video enim iam inde antiquitus, maritimos dearum, ac deorum liberos, nec dignitate ⁹⁵⁶ nuptiarum magis, quàm his artibus inclaruisse. Simul cogito, cum sint ista ludus

dus & auocamentum huius, quæ quantæque sint illæ⁹⁵⁷ seriæ & intentæ, & à quibus se in tale otium recipit, voluptates. Sunt enim voluptates quibus optimè de cuiusque grauitate, sanctitate, temperantiâ creditur. Nam quis adeo dissolutus, cuius non occupationibus aliqua species feueritatis insidat? otio⁹⁵⁸ prodimur. An non plerique Principes hoc idem tempus in aleam, stupra, luxum conferebant? cùm seriarum laxamenta curarum, vitiorum⁹⁵⁹ contentione supplerent. Habet hoc primum⁹⁶⁰ magna fortuna, quod nihil tectum, nihil occultum esse patitur: ⁹⁶¹ Principum verò non modò domus, sed cubicula ipsa intimosque secessus recludit, omniaque arcana nòscenda famæ proponit, atque explicat.

⁹⁵⁶ NVPTIARVM.] *Pars membri altera deest, & natalium: ac pluscula hic obseruo hinc, aut fædata.* ⁹⁵⁷ SERIÆ ET INTENTÆ.] *Sequitur mox voluptates: & nisi litterarias aut illas animi interioris intellegat, quid velit ignoro. Imò placebat legere: quæ quantaque sint illæ seriæ & intentæ, & à quibus se in tale otium recipit. Voluptates sunt enim, voluptates, quibus: oratoriâ & efficaci repetitione.* ⁹⁵⁸ PRODIMVR.] *Mens retegitur: quæ neque per remissiones intenta est ad velandum; & ipsas naturæ aptas moribusque appetit.* ⁹⁵⁹ CONTENTIONE.] *Laxabant se à curis, ut in vitia animi intenderent. Quo sensu nec malè, contentiones.* ⁹⁶⁰ MAGNA FORTVNA.] *Iuuenalis: — secretum diuitis vllum. Esse putas? homines taceant, iumenta loquentur.* ⁹⁶¹ PRINCIPVM.] *Seneca pulcherrimè, ad Neronem: Tibi non magis, quàm Soli, latère contingit. multa contra te lux est: omnium in istam conuersi sunt oculi. Prodire te putas? oris. loqui non potes, nisi ut vocem tuam, quæ vbique sunt gentes, excipiant.* Claudianus, ad Honorium, patris nomine:

Hoc te præterea crebro sermone monebo,
 Ut te totius mediò telluris in orbe
 Viuere cognoscas: cunctis tua gentibus esse
 Facta palàm: nec posse dari regalibus vsquam
 Secretum vitij. nam lux altissima fati
 Occultum nihil esse finit.

S E D tibi, Cæsar, nihil accommodatius fuerit ad gloriam, quàm⁹⁶² penitus inspicì. Sunt quidem præclara, quæ in publicum profers; sed non minora ea, quæ⁹⁶³ limine tenes. est magnificum, quod te ab omni contagione vitiorum reprimis ac reuocas; sed magnificentius, quod tuos. Quanto enim magis
 arduum

arduum est, alios præstare, quàm se; tanto laudabilius, quòd cum ipse sis optimus, omnes ⁹⁶⁴ circa te ⁹⁶⁵ similes tui effecisti. Multis illustribus dedecori fuit, aut ⁹⁶⁶ inconsultius vxor, assumpta, aut retenta ⁹⁶⁷ patientius. ita foris claros domestica destruebat infamia: & ne maximi ciues haberentur, hoc effiebat, quòd mariti minores erant. Tibi ⁹⁶⁸ vxor in decus & gloriam cedit. quid enim illâ sanctius? quid antiquius? Nónne si ⁹⁶⁹ Pontifici maximo deligenda sit coniunx, aut hanc, aut similem (vbi est autem similis?) elegerit? Quàm illa nihil sibi ex fortunâ tuâ, nisi gaudium vindicat? quàm constanter, non potentiam tuam, sed ipsum te reueretur? Idem estis inuicem quod fuistis, probatis ex æquo: nihilque vobis felicitas addidit, nisi quòd scire cœpistis, quàm benè vterque vestrûm felicitatem ferat. Eadem quàm modica cultu? quàm parca comitatu? quàm ciuilis incessu? mariti hoc opus, qui ita imbuit, ita instituit: nam vxori sufficit ⁹⁷⁰ obsequij gloria. An cum videat, quàm te nullus terror, nulla comitetur ambitio: non & ipsa cum silentio incedat, ingredientemque pedibus maritum, inquantum patitur ⁹⁷¹ sexus, imitetur? Decuerit hoc illam, etiam si diuersa tu facias. Sub hac verò modestiâ viri, quantam debet verecundiam vxor marito, ⁹⁷² fœmina sibi? ⁹⁷³ Soror autem tua, vt se sororem esse meminit? vt in illâ tua simplicitas, tua veritas, tuus candor agnoscitur? vt si quis eam vxori tuæ conferat, dubitare cogatur, vtrum sit efficacius ad rectè viuendum benè ⁹⁷⁴ institui, aut feliciter ⁹⁷⁵ nasci. Nihil est tam proum ad similitates, quàm ⁹⁷⁶ æmulatio, in fœminis præsertim. eâ porro maximè nascitur ex ⁹⁷⁷ coniunctione, alitur ⁹⁷⁸ æqualitate, exardescit inuidiâ, cuius finis est odium. Quo quidem, admirabilius existimandum est, quòd mulieribus duabus in vnâ domo, parique fortunâ, nullum certamen, nulla contentio est: suspiciunt inuicem, inuicem cedunt; cumque te vtraque effusissimè diligit, nihil suâ putât interesse, vtram tu magis ames. idemque vtrique propositum, idem tenor vitæ, nihilque ex quo sentias duas esse. Te enim imitari, te subsequi student. ideo vtraque mores eosdem, quia vtraque tuos habet. Inde moderatio, inde etiam perpetua securitas. neque enim vnquam periclitabuntur esse priuatæ, quæ ⁹⁷⁹ non desierunt. Obtulerat illis Senatus

cogno-

cognomen Augustarum, quod certatim deprecata sunt, quamdiu appellationem Patris patriæ tu ⁹⁸⁰ recusaffes: seu quòd plus esse in eo iudicabant, si vxor & soror tua, quàm si Augustæ dicerentur. Sed quæcumque illis ratio tantam modestiam suasit; hoc magis dignæ sunt, quæ in animis nostris & sint & habeantur Augustæ, quia non vocantur. Quid enim laudabilius fæminis, quàm si verum honorem non in splendore titulorum, sed in iudicijs hominum reponant; magnisque nominibus pares se faciant, etiam dum recusant?

⁹⁶² PENITVS INSPICI.] *Proprium omni vera virtuti, quæ vult tractari.* ⁹⁶³ LIMINE.] *Domestica & penetrales tue virtutes, pares publicis aut publicatis.* ⁹⁶⁴ CIRCA TE.] *Domesticos & familiares.* Suetonius Iulio: Omnibus circa eum obstrictis. In Domitiano: Omnes circa se largissimè profecutus. ⁹⁶⁵ SIMILES.] *Martiales:*

Nemo suos (hæc est aulæ natura potentis)

Sed domini mores Cæsarianus habet.

⁹⁶⁶ INCONSVLTIVS.] *Parum exploratâ pudiciâ eius.* ⁹⁶⁷ PATIENTIVS.] *Iam infamis.* ⁹⁶⁸ Vxor.] *Plotina, cuius memoria in lapidibus & nummis. Vel vno factò integritas & modestia comprobetur. Nam primò Palatium ingressura, conuertit se ad populum, iam stans in gradibus: καὶ τοιαύτη, inquit, ὁ δὲ θεὸς εὐσεργουμένη, οὐδέποτε καὶ ἔξελθὲν αὐτὴν ἐχρήσθη:* Talis huc ingredior, qualem & exire me optauerim. Liberos non peperit optimo viro: sed faulrix Hadriano ad imperium fuit, condigno item successori. Is eam consecrauit, post maritum mortuam, & Basilicam miro opere, Nemausi in memoriam eius struxit. ⁹⁶⁹ PONTIFICI.] *Qualis ipse Traianus, & omnes Cæsares à Iulio fuerunt. At uxores eorum nec castæ semper, nec inter probas: atque adeò nescio an leges aliquæ de Pontificis toro. Scio Tertullianum tale scribere, bis tæque: sed viri docti de Flamine rectè interpretati sunt, quem ille Pontificem maximum appellat. At curiosè hæc nunc non quæro: mentem Plinij arbitror, Si Pontifici, pro sacrorum reuerentiâ, condigna vxor legenda sit; hanc illam fore.* ⁹⁷⁰ OBSEQUII.] *Quod proprium femina est, audire maritum & parère.* ⁹⁷¹ SEXVS.] *Infirmior, & idèò in Sellam aut Lecticam sæpe transferendus.* ⁹⁷² FAEMINA SIBI.] *Quia huic sexui innata verecundia, præcipuum eius ornamentum.* ⁹⁷³ SOROR.] *Marciana. quæ tamen ante Consulatum Traiani sextum obiit, ut ex fornice Anconitano constat, in quo legitur: DIVÆ MARCIANÆ. AVG. SORORI. AVG. Nam Diux appellatio mortuam notat, & consecratam.* ⁹⁷⁴ INSTITVI.] *Quod in uxore euenit.* ⁹⁷⁵ NASCI.] *Quod in sorore.* ⁹⁷⁶ AEMVLATIO.] *Contentio de dignitate.* ⁹⁷⁷ CONIVNCTIONE.] *Cùm unâ agunt, & herent.* ⁹⁷⁸ AEQUALITATE.] *Vbi difficile discrimen, vtrâ prior.* ⁹⁷⁹ NON

DESERVUNT.] *Servant modestiam, quam priuata habuerunt.* ⁹⁸⁰ REC V.
 SASSES.] *Atquin ille tamen admisit, ut supra vidimus: nondum ta-*
men ista cognomen Augustarum. Etsi postea, & in lapidibus, utraque
sic appellatur.

I AM etiam & in priuatorum animis exoleuerat priscum mor-
 talium bonum, Amicitia: cuius in locum migrauerant ⁹⁸¹ assen-
 tationes, blanditiæ, & ⁹⁸² peior odio, amoris simulatio. Etenim
⁹⁸³ in Principum domo nomen tantum amicitia, inane scilicet
 irrifumque manebat. Nam quæ poterat esse inter eos amicitia,
 quorum sibi alij domini, alij serui videbantur? ⁹⁸⁴ Tu hanc pul-
 sam & errantem reduxisti: habes amicos, quia amicus ipse es.
 neque enim ut alia subiectis, ita amor imperatur: neque est vl-
 lus affectus tam erectus & liber, & dominationis impatiens, nec
 qui magis vices exigat. Potest fortasse Princeps iniquè, potest
 tamen odio esse nonnullis, etiam si ipse non oderit: amari,
 nisi ⁹⁸⁵ ipse amet, non potest. Diligis ergo cum diligaris, &
 in eo quod utrique honestissimum est, tota gloria tua est: qui
 superior factus, ⁹⁸⁶ descendis in omnia familiaritatis officia; &
 in amicum ex Imperatore submitteris. imò tunc maximè Im-
 perator, cum amicum ex Imperatore agis. Etenim cum pluri-
 mis amicitijs fortuna Principum indigeat, præcipuum est Prin-
 cipis opus, amicos parare. Placeat tibi semper hæc secta, & cum
 alias virtutes tuas, tum hanc constantissimè teneas: nec vn-
 quam persuadeatur, ⁹⁸⁷ humile esse Principi, ⁹⁸⁸ nisi odisse. Iu-
 cundissimum est in rebus humanis amari, sed non minùs ama-
 re: quorum utroque ita frueris, ut cum ipse ardentissimè dili-
 gas, adhuc tamen ardentius diligaris. Primum, quia facilius
 est vnum amare, quàm multos; deinde, quia tibi amicos tuos
 obligandi adest facultas tanta, ut nemo possit te nisi ingratus,
 non magis amare. Operæpretium est referre, quod tormen-
 tum tibi iniunxeris, nequid amico negares. Dimisisti ⁹⁸⁹ opti-
 mum virum, tibi que carissimum, inuitus & tristis, & quasi reti-
 nere non posses. quantum amares eum desiderio expertus es:
 distractus separatusque, dum cedis & vinceris. Ita quod fan-
 do inauditum, cum Princeps & Principis amicus diuersa velletis,
 id potius factum est quod amicus volebat. O rem memoriæ, lit-
 terisque mandandam! Præfectum prætorij non ex ingerenti-
 bus,

bus, sed ex subtrahentibus legere; eundemque otio, quod pernaciter ainet, reddere; cumque sis ipse distentus imperij curis, non quietis gloriam cuiquam inuidere.

⁹⁸¹ ASSENTATIONES.] *Cicero*: Sic habendum est, nullam in amicitij pestem esse maiorem, quam adulationem, blanditiam, assentationem.

⁹⁸² PEIOR ODIO.] *Quia falsus amor plus nocet, quam professum odium.*

⁹⁸³ IN PRINCIPVM.] *In Panegyrico, qui Theodosio dictus*: Ecquis Imperatorum vnquam putauit amicitia cultum in regia laude ponendum? Humilis hæc virtus, dubiumque an virtus, iudicabatur, nec palatijs digna, sed periculis habebatur. ⁹⁸⁴ TV HANC.] *Iterum imitatus idem Panegyristes*: Tu amicitiam, nomen antea priuatum, non solum intra aulam vocasti, sed indutam purpurâ, auro gemmisque redimitam, folio recepisti. ⁹⁸⁵ IPSE A MET.] *Apud Senecam*, Hecaton ait: Ego tibi monstrabo amatorium, sine medicamento, sine herbâ, sine vllius veneficæ carmine. Si vis amari, ama. ⁹⁸⁶ DESCENDIS.] *Vsq̃ueo, ut ægrotantes amicos viseret: Ausonius in Gratiarū actione, & Eutropius, quem supra dedi.* ⁹⁸⁷ HUMILE ESSE.] *Quod videatur, quia amicitia inter aequales modo est: at ille eminet super omnes. Sed nempe amicitia parem si non accepit, facit.* ⁹⁸⁸ NISI ODISSE.] *Quia in odio occultus & degener metus. Generosi autem aliique animi, vlciſci eligunt quàm odissē.* ⁹⁸⁹ OPTIMVM VIRVM.] *Licinium Suram fuisse voluit: sed quo auctore? Mihi promptum vel ex eo arguere, quod hic Sura biennio post, secundum Consul fuit: iterumque, quadriennio interiecto, tertium. Quomodo autem, si nunc abiit, otio & quieti redditus? Sanè alius fuit hic Præfectus, cui & gladium tradidit, cum verbis æternis illis, que ante posui: etsi ibi quoque Suram nobis supponunt. Quis igitur alius: ex Victore Saburanum retineo: etsi ignotū mihi hominem, nec in Suranū demuto.*

INTELLIGIMVS Cæsar, quantum tibi pro laboriosâ istâ statione & exercitiâ debeamus, cum otium à te, tanquam ⁹⁹⁰ res optima, & petatur & detur. Quam ego audio ⁹⁹¹ confusione tuam fuisse, cum digredientein prosequeris? profectus enim, nec temperasti tibi quo minus exeunti ⁹⁹² in litore amplexus osculum ferres. Stetit Cæsar in illâ ⁹⁹³ amicitia speculâ, precatusque maria, celeremque (si tamen ipse voluisset) recursum: nec sustinuit recedentem non etiam atque etiam votis, lacrymis, sequi. Nam de liberalitate taceo. quibus enim muneribus æquari hæc cura Principis, hæc patientia potest? quâ meruisti, ut ille sibi nimium fortis, ac propè durus videretur? Nec dubito, quin agitauerit secum an gubernacula retorqueret: & fecisset, nisi quod pænè ipso contubernio Principis felicius iucundiusque

diusque est,⁹⁹⁴ desiderare Principem. Et ille quidem ut⁹⁹⁵ maxima fructus suscepti, ita maiore depositi officij gloriâ fruitur: tui autem facilitate istâ consecutus es, ne quem retinere videaris inuitum. Ciuile hoc erat, & parenti publico conuenientissimum,, nihil cogere: semperque meminisse, nullam tantam potestatem cuiquam dari posse, ut non sit gravior potestate libertas. Dignus es Cæsar, qui officia mandes deponere optantibus; qui petentibus vacationem inuitus quidem, sed tamen tribuas; qui ab amicis orantibus requiem non te relinqui putes; qui semper inuenias,, & quos ex otio reuoces, & quos otio reddas. ⁹⁹⁶ Vos quoque; quos parens noster familiariter inspicere dignatur, fouere⁹⁹⁷ sanctè iudicium eius, quod de vobis habet. hic vester labor est. Princeps enim, cum in vno probauit amare se scire, vacat culpâ, fîi alios minùs amat. Ipsum quidem quis mediocriter diligit? cum leges amandi non det, sed accipiat? hic præsens, ille mauult absens amari: vterque ametur, ut mauult. Nemo in tædium præfentiâ, nemo in obliuionem absentîâ veniat. tenet quisque locum⁹⁹⁸ quem semper meruit; faciliusque est, ut oculis eius vultus absentis, quàm ut animo caritas excidat.

⁹⁹⁰ RES OPTIMA.] *Quidni optima? meo intimo animo, & Socratis dictor, ὁ γὰρ καλίστος κτήμας τῶν: Quies, optima rerum. Adi Senecam nostrum Die Brevit. cap. v. ⁹⁹¹ CONFUSIONEM.] Tristitiam, animi turbationem. vulturq; plus semel ita Plinius, & eius auctores. ⁹⁹² IN LITORE.] Hic ergo homo trans mare secessum querebat, aut in aliquâ insularum. ⁹⁹³ AMICITIÆ SPECVLÆ.] In litore eminentiore, unde amicum videret & prosequeretur abeuntem. ⁹⁹⁴ DESIDERARE PRINCIPEM.] Tali virtute & benignitate, ut suavi semper cogitatione delectet. Sed plenius tamen argutiùsque, quod in alijs: desiderare Principem desiderantem. Iucundum in amore, etsi cum morsu, desiderare absentem, à quo scias & te desiderari. ⁹⁹⁵ MAXIMA.] Legendum, ut Liuius, maximo fructu. Quo illo? quòd ex Præfècturâ illâ susceptâ gestâque, & opes, & tuam amicitiam, rettulit. ⁹⁹⁶ VOS QUOQUE.] Amici & familiares eius. ⁹⁹⁷ SANCTE.] Ego vellem, sancite. ⁹⁹⁸ QUEM SEMPER.] Videbatur aptius, quem semel promeruit.*

⁹⁹⁹ PLERIQUE Principes cum essent ciuium domini, libertorum erant serui: horum consilijs, horum nutu regebantur, per hos audiebant, per hos loquebantur, per hos præturæ etiam, & sacerdotia, & consulatus, imò & ab his petebantur. Tu libertis tuis¹⁰⁰⁰ summum quidem honorem, sed tanquam libertis habes: abum-

abundèque sufficere his credis, si ¹⁰⁰¹probi & frugexistimentur. Scis enim præcipuum esse indicium ¹⁰⁰²non magni Principis, magnos liberos. Ac primum neminem ¹⁰⁰³in usu habes, nisi aut tibi, aut patri tuo, aut optimo cuique Principum dilectum; ¹⁰⁰⁴statimq; hos ipsos quotidie, deinde ita formas, ut se non tuâ fortunâ, sed suâ meriantur. & tanto magis digni, quibus honor omnis præstetur à nobis, quia non est necesse.

⁹⁹⁹PLERIQUE PRINCIPES.] *Vi Claudius, Galba, Vitellius.* ¹⁰⁰⁰SVM-
MVM QVIDEM.] *Apage si summum, quid abis à Claudio? Rescribe, suum.*

¹⁰⁰¹PROBI ET FRUGI.] *Quæ nota & laudes boni serui aut liberti.*

¹⁰⁰²NON MAGNI.] *Quomodo enim ille magnus, aut sibi fidens, qui tam vilibus se subijcit?* ¹⁰⁰³IN VSU HABES.] *Rebus tuis, aut procurationibus præficus.* ¹⁰⁰⁴STATIMQUE HOS.] *Corruptum est. Forè, dilectum æstima-
tumq;: hos ipsos cotidie deinde ita formas.*

IVSTISNE de causis S. P. Q. R. OPTIMI tibi cognomen adiecit? Paratum id quidem, & in medio positum: novum tamen. scias neminem antè meruisse, quod non erat excogitandum, si quis meruisset. An satius fuit ¹⁰⁰⁵Felicem vocare? quod nō moribus, sed fortunæ datum est. satius Magnum? cui plus invidiæ, quàm pulchritudinis inest. Adoptavit te optimus Princeps in suum, Senatus in Optimi nomen. Hoc tibi tam proprium, quàm paternum: nec magis definitè distincteque designat, qui Traianum, quàm qui Optimum appellat: ut olim frugalitate Pisones, sapientiâ Lælij, pietate Metelli monstrabantur. quæ simul omnia vno isto nomine continentur: nec videri potest optimus, nisi qui est omnibus optimis, in suâ cuiusque laude, præstantior. Merito tibi ergo, post ceteras appellationes, hæc est addita, ut maior. Minus est enim Imperatorem, & Cæsarem, & Augustum, quàm omnibus Imperatoribus, & Cæsaribus, & Augustis, esse meliorem. Ideoque ille parens hominum deorumque OPTIMI prius, deinde MAXIMI nomine colitur: quò præclarior laus tua, quem non minùs constat optimum esse, quàm maximum. Assecutus es nomen, quod ad alium transire non possit, nisi ut appareat in bono Principe ¹⁰⁰⁶alienum, in malo falsum: quod licet omnes postea usurpent, semper tamen agnoscetur ut tuum. Etenim ut nomine Augusti admonemur eius, cui primum dicatum est: ita hæc Optimi appellatio, nunquam memoriæ hominum sine te

recurreret, quotiesque posterii nostri optimum aliquem vocare cō-
gentur, toties recordabuntur, quis meruerit vocari. Quātonunc
diu Nerua gaudio frueris, cūm vides & esse optimum, & dici,
quem tanquam optimum elegisti? quā lætum tibi, quod com-
paratus filio tuo vinceris? Neque enim alio magis approbatur
animi tui magnitudo, quā quod optimus ipse, ¹⁰⁰⁷ nō timuisti
eligere meliorem. Sed & tu pater Traianē (nam tu quoque, si non
sidera, ¹⁰⁰⁸ proximam tamen sideribus obtines sedem) quantam
percipis voluptatem, cū illum ¹⁰⁰⁹ Tribunum, illum militem
tuum, tantum Imperatorem, tantum Principem cernis: cūque
eo qui adoptauit amicissimē contendis, ¹⁰¹⁰ pulchrius fuisse ge-
nuisse talem an elegisse? Maeste vterque ingenti in rempublicam
merito, cui hoc tantum boni contulistis! Licet alteri vestrū fi-
lij virtus ¹⁰¹¹ triumphalia, cælum alteri dederit: nō minor tamen
vestra laus, quod ista per filium, quā si ipsi meruissetis.

¹⁰⁰⁵ FELICEM VOCARE.] *Senecam vide, De Clem. l. cap. xiiii.* ¹⁰⁰⁶ A-
LIENVM.] *Quia à te transsumptum scilicet.* ¹⁰⁰⁷ NON TIMVISTI.] *Quod*
fecisse Augustus à quibusdam arguitur. qui Tiberium elegit, vt comparatio-
ne pessimā gloriam sibi augetet: Tacitus. ¹⁰⁰⁸ PROXIMAM TAMEN.]
Supremum aërem, ubi herōes. Lucanus:

Quodque patet terras inter, Lunæque meatus,
Semidei manes habitant. quos ignea virtus,
Innocuos vitæ, patientes ætheris imi
Fecit.

Stoicorum opinio est, ἡρώας εἶναι τὰς ἀπολαύμενους τῆς σπουδαίων ψυχάς: He-
roas esse, animas, relictis corporibus, sapientum. Ad Senecam plura.

¹⁰⁰⁹ TRIBVNVM.] *Ergo sub patre Legato Tribunus filius fuit.* ¹⁰¹⁰ PVL-
CHRIVS FVISSE.] *Vellem, fueritne.* ¹⁰¹¹ TRIUMPHALIA.] *Initiō: Cūm*
puer admodum Parthicā lauro gloriam patris auxit.

SCIO Patres Conscripti, cū ceteros ciues, tum præcipuē
Consules oportere sic affici, vt se publicē magis quā priuatim
obligatos putent. Vt enim malos Principes rectius pulchriusque
est ex communibus iniurijs odisse, quā proprijs: ita boni spe-
ciosius amantur, ob ea quæ generi humano, quā quæ homini-
bus præstant. Quia tamen in consuetudinem vertit, vt Consu-
les publicā gratiarum actione perlatā, suo quoque nomine
quantum debeant Principi, profiteantur: concedite me non
pro

promemagis, munere isto, quàm pro ¹⁰¹² collegâ meo Cornuto Tertullo C. V. fungi. Cur enim non pro illo quoque gratias agam, pro quo non minus debeo? præsertim cum indulgentissimus Imp. in concordia nostrâ ea præsiterit amobus, quæ si tantum in alterum contulisset, ambos tamen æqualiter obligasset. Vtrumque nostrum ille optimi cuiusque spoliator & carnifex, stragibus ¹⁰¹³ amicorum & in proximum ¹⁰¹⁴ iacto fulmine afflauerat: iisdem enim amicis gloriabamur, eosdem amissos lugebamus: ac sicut nunc spes gaudiumque, ita tunc communis nobis dolor & metus erat. Habuerat hunc honorem periculis nostris diuus Nerua, ut nos ¹⁰¹⁵ etsi minus, ut bonos, tamen promouere vellet: quia mutati sæculi signum & hoc esset, quod florent, quorum præcipuum votum antè fuerat, ut memoriæ Principis ¹⁰¹⁶ elaborerentur. ¹⁰¹⁷ Nondum biennium compleueramus in ¹⁰¹⁸ officio laboriosissimo & maximo, cum tu nobis optime Principum, fortissime Imperatorum, Consulatum obtulisti, ut ad summum honorem gloria celeritatis accederet. Tantum inter te & illos Principes interest, qui beneficijs suis commendationem ¹⁰¹⁹ ex difficultate captabant, gratioresque accipientibus honores arbitrabantur, si prius illos desperatio & tædium, & similis repulsæ mora, ¹⁰²⁰ in notam quandam pudoremque vertissent. Obstat verecundia, quod minus percontemur, quo vtrumque nostrum testimonio ornaris: ut amore recti, amore reipublicæ, priscis illis Consulibus æquaueris: merito necne, neutram in partem decernere audeamus. quia nec fas est affirmationi tuæ derogare; & onerosum, confiteri vera esse, quæ de nobis, præsertim tam magnifica, dixisti. Tu tamen dignus es, qui eos Consules facias, de quibus possis ista prædicare. Tribuas veniam, quod inter hæc beneficia tua gratissimum est nobis, quod nos rursus collegas esse voluisti. Itacaritas mutua, ita congruens tenor vitæ, ita vna eademque ratio propositi postulabat: cuius ea vis, ut morum similitudo concordie nostræ gloriam minuat, ac perinde sit mirum, si alter nostrum à collegâ, ac si à se ipso dissentiat. Non ergo temporarium & subitum est, quod vterque collegæ Consulatu, tanquam ¹⁰²¹ iterum suo gaudet; nisi quod.

quod tamen qui rursus Consules fiunt, bis quidem, sed temporibus diuersis obligantur: nos duos Consulatus accipimus simul, simul gerimus, alterque in altero Consules, sed iterum & pariter sumus.

¹⁰¹² COLLEGA MEO.] *Vide epistolam xv. libri v.* ¹⁰¹³ AMICORVM.] *Heluidij, Rustici, Senecionis, Maurici, plurium: quos in Epistolis ipse nominat, casos aut pulsos à Domitiano.* ¹⁰¹⁴ IACTO FVLGINE.] *Ipse in epistolis pariter: Tot circa me iactis fulminibus quasi ambugustus, mihi quoque impendêre idem exitum certis quibusdam notis augurabar.* ¹⁰¹⁵ ETSI MINVS.] *Hæc in vitio sunt, egrè sine libris tollendo. Nitebar: etsi minus notos, vt bonos. Pro virtute, non ex amicitia promouit. Quibusdam etiam libris mox illud, tamen, abest.* ¹⁰¹⁶ ELABERENTVR.] *Ne noti & cogitati, periclitarentur.* ¹⁰¹⁷ NONDVM BIENNIVM.] *Quando igitur, aut à quo, electi ad hoc officium? Vt hæc verba palam volunt, à Nerua. Atquin epistolam Plinij video, quæ repugnat, & ad Traianum ipsum refert. Ita enim scripta epistola, lib. x. habet: Vt primùm me domine indulgentia vestra promouit ad Præfecturam ærarij Saturni. Satin' hoc clarè ad Traianum? Respondeo, vestram indulgentiam ibi legi, non Tuam: itaque ad utrumque referendum, & Neruam & Traianum. Sic enim in epist. viii. Postea curis delegati à vobis officij retentus: de ipso hoc officio, & de utroque illo auctore. Neque enim temerè hoc numero ad Traianum solum vti solet. Meo igitur iudicio, electus Plinius cum Tertullo ad hoc munus, adoptato iam Traiano & imperij consorte: atque ita utrumque (etsi Traianus absens) promotorem agnoscit. Hoc euênit paucis ante Neruæ obitum septimanis, an mensibus: nec opinor, etsi designatos, munus obijse ante Ianuarium mensem. Benè ergo hic, nondum biennium in officio expletum: quia Consulatus ei oblatum (ita & hic loquitur) ante Ianuarium mensem. Oblatus inquam à Principe, qui reuera solus faciebat Consules: sed postea tamen in Senatu suffragiorum aliqua species, & in campo comitiorum. vt sequentia declarant, quæ vide ne aliter acceperis, & ne te fallant.* ¹⁰¹⁸ OFFICIO LABORIOSISSIMO.] *De quo ipse epist. x. lib. i. Distringor officio, vt maximo, sic molestissimo. Sedeo pro tribunali, subnoto libellos, conficio tabulas, scribo plurimas, sed illiteratissimas, litteras. Post quam epistolam tamen mortem Verginij Rusti memorat: quæ diu anterior. vt appareat, seriem temporum, in disponendis illis, non ubique seruauit.* ¹⁰¹⁹ EX DIFFICULTATE.] *Ars nec ignota nostris Aulicis, quibus hoc vitium est (cum Senecâ dicam) ambitione prauâ differendi promissa, ne minor sit rogantium turba. Plura ille de hoc genere, II. De Benef. cap. v.* ¹⁰²⁰ IN NOTAM.] *Ignominiam.* ¹⁰²¹ ITERVM SVO.] *Non quod alteruter antè Consul: sed acumen est, quod uterque in collegæ Consulatu videatur sibi Consul. Itaque bis, & eodem tempore atque anno.*

ILLVD verò quàm insigne? quòd nobis Præfectis ærarij Consulatum antè, quàm successorem dedisti. Aucta est dignitas dignita-

dignitate, neque continuatus tantum, sed geminatus est honor: finemque potestatis alterius, tamquam parum esset excipere,¹⁰²² præuenit. Tanta tibi integritatis nostræ fiducia fuit, ut non dubitares te saluâ diligentiæ tuæ ratione esse facturum, si nos post maximum officium¹⁰²³ priuatos esse non sineres. Quid, quod¹⁰²⁴ eundem in annum Consulatum nostrum contulisti? Ergo non alia nos¹⁰²⁵ pagina, quam te Consulê accipiet, & nostra quoque nomina addentur Fastis, quibus ipse¹⁰²⁶ præscriberis. Tu comitijs nostris¹⁰²⁷ præsidere, tu nobis sanctissimum illud¹⁰²⁸ carmen præire dignatus es,¹⁰²⁹ tuo iudicio Consules facti, tuâ voce¹⁰³⁰ renunciati sumus: ut idem honoribus nostris suffragator in curiâ, in campo declarator existeres.¹⁰³¹ Nam quod eum potissimum mensẽ attribuisti, quem tuus natalis exornat, quam pulchrum nobis! quibus¹⁰³² edicto, quibus¹⁰³³ spectaculo¹⁰³⁴ celebrare cõtinget diem illum,¹⁰³⁵ triplici gaudio latum: qui Principem¹⁰³⁶ abstulit pessimum,¹⁰³⁷ dedit optimum, meliorẽ optimo¹⁰³⁸ genuit. Nos¹⁰³⁹ sub oculis tuis¹⁰⁴⁰ augustior solito¹⁰⁴¹ currus accipiet, nos inter¹⁰⁴² secunda omina & vota certantia, quæ præsentì tibi cõferentur, vehemur alacres, & incerti¹⁰⁴³ ex utrâ parte maior auribus nostris accadat clamor. Super omnia tamen prædicandum videtur, quod pateris Consules esse quos fecisti. quippe nullum periculum, nullus ex Principe metus, consulares animos debilitat & frangit: nihil inuitis audiendum, nihil coactis decernendum erit. Manet manebitque honori veneratio sua, nec¹⁰⁴⁴ securitatem auctoritate perdemus. Ac siquid fortè ex Consulatus fastigio fuerit diminutum, nostra hæcerit culpa, non sæculi: licet enim quantum ad Principem, licet tales Consules agere, quales ante Principes erant. Vllâ minne tibi pro beneficijs referre gratiam parem possumus? nisi tamen illam, ut semper nos meminerimus Consules fuisse, &¹⁰⁴⁵ Consules tuos. Ea sentiamus, ea censeamus, quæ consularibus digna sunt. Ita versetur in repub. ut credamus esse rem publicam. non consiliũ nostrum, non operam subtrahamus: nec disiunctos nos, & quasi¹⁰⁴⁶ dimissos Consulatu, sed quasi astrictos & deuinctos puremus:¹⁰⁴⁷ eundemque locum laboris & curæ, quem reuerentiæ dignitatisque, teneamus.

¹⁰¹² PRÆVENIT.] *Non ipse Consulatus, quem tardius gesserunt: sed ipsa designatio.* ¹⁰¹³ PRIVATOS ESSE.] *Non quod reuera designati magistratus, iam magistratus sint: sed quodammodo, & quia dignitatis sua iam securi & certi.* ¹⁰¹⁴ EUNDEM IN ANNUM.] *Nihil deest, nec muto. Eundem in annum, nempe in quem tuum contulisti.* ¹⁰¹⁵ PAGINA.] *Fastorum.* ¹⁰¹⁶ PAÆSCRIBERIS.] *Benè in eius nep̄e capite, ut primus anni Consul: & nos suffecti tumi, ex ordine.* ¹⁰¹⁷ PRÆSIDERE.] *Hec iam post oblatum Consulatum facta, ut tetigi: & dicis causâ, comitia velut habita: præsediq̄, is Consul Traianus.*

¹⁰¹⁸ CARMEN.] *De quo supra: Perpeffus es longum illud comitorum Carmen.* ¹⁰¹⁹ TVO IUDICIO.] *Commendatione & suffragio, in Senatu.*

¹⁰²⁰ RENVNCIATI.] *Declarati, in campo. Obserua ordinem tunc comitiarum.*

¹⁰²¹ NAM QVOD EVM POTISS.] *Mihi nihil clarius aut verius. vir tamen doctus nuper ex vet. codice legit & emendat, nam quod eos, & max mensi. Eos, inquit, nempe honores. Quid opus est nebulam suffundere? sententia liquida: Dediti nobis eum mensem (nempe Septembrem) in quo celebritas & decus adijci posset nostro Consulatu. Quia ex Kalendis Septembribus designati, in Nouēbres.* ¹⁰²² EDICTO.] *Quo festiuitas Natalis tui indicabitur, itemq̄, in eo ludi.* ¹⁰²³ SPECTACULO.] *De more, iam inde ab Augusto. Nam eius natalem annuis Circensibus, idq̄ decreto in perpetuum, celebratum, Dio tradit lib. LIIII. & LV. Suetonius, Tiberium per modestiam omisisse, & natalem suū, plebeijs Circensibus intercurrentem, vix bigæ vnus adiectione passuum honorari. Sed alij deinde fecerunt, & plura exempla.* ¹⁰²⁴ CELEBRARE.] *Frequentem reddere. Diuus Maximus, in Natali Dominico: Lætitia quantâ sit, quantusq̄ concursus, cum Imperatoris mundi istius natalis celebrandus est, benè nostis: & plura, quæ addit.* ¹⁰²⁵ TRIPLICI GAUDIO.] *Mirus satis, & à fato concursus.* ¹⁰²⁶ ABSTVLIT.] *Domitianum, qui mortuus XI III. Kal. Octobr.* ¹⁰²⁷ DEDIT.] *Neruum, illo ipso die lectum Principem.* ¹⁰²⁸ GENUIT.] *Traianum.* ¹⁰²⁹ SVB OCVLIS.] *Cum sis in vrbe, te spectante & sedente.* ¹⁰³⁰ AVGVSTIOR SOLITO.] *Quia hactenus Tribuni, inquit, aut Prætores: at nunc Consules in sellâ altiore, & curuli. Logi, ut statim dicam: nunc illud, vid' ri rescribendum augustiores. Ipsi, qui sic vehuntur, crescere videntur, & maiestatem ab illo splendore assumere. Quod si de curru tamen, & augustior placet: benè, augustior vulgaribus, quia triumphalis.* ¹⁰³¹ CVRRVS.] *Ipse currus, non sella curulis. Mos verò sic habet. Circenses istos Prætor aut Consul edebat: atque is curru sublimis, & in habitu triumphali. Inuenalis:*

Quid, si vidisset Prætorem in curribus altis
Exstantem, & medio sublimem in puluere Circi,
In tunicâ Iouis, & pictâ Sarrana ferentem.
Ex iumentis aulæa rogæ?

En Prætorem tibi in curru, in Circo, in veste triumphali. Symmachus lib. VI. epist. XLI. Illud ante omnia interpretatio tristis horrescit, quod natali vrbis suffectum Consulem, currus quo vehabatur euoluit, per ferociam bigarum, quæ triumphum vehabant. Tacitus 1. Annal. de Tribunijs plebis, qui

qui Augustalia celebraturi: Curru vehi, haud permissum: ne scilicet Consulibus aut Pratoribus aquarentur. Vide me ibi. Possit tamen etiam simpliciter aptari ad ritum, quo primo die Consules in curru vehebantur sublimes. Cassiodorus lib. 11. epist. 11. Celso currus (sic legendum) nili confidentia magna non appetit. Et mox: Respice te supra omnium humeros, atque ora volitare: quæ omnia ad Consulem designatum scribuntur. Ammianus lib. xxv. Adhibito in societatem trabæ Varroniano filio, admodum paruulo, cuius vagitus pertinaciter reluctantis, ne in curuli sellâ veheretur, ex more; id quod mox accidit, portendebat. Sed fortasse magis nouitius iste mos. ¹⁰⁴² SECUNDA OMINA.] *Lata tibi nobisq; precantium.* ¹⁰⁴³ EX VTRA PARTE.] *Ex viro latere Circi.* ¹⁰⁴⁴ SECVRITATEM AVCTOR.] *Id est, nec periclitabimur, si auctoritatem loci magistratûsque tenebimus: ut antè sub tyrannis.* ¹⁰⁴⁵ CONSULES TVOS.] *A te tali creatos, quod est super ipsum Consulatam.* ¹⁰⁴⁶ DIMISSOS.] *Quasi iam vltra non opus vacare reip. ut emeritos, & rude donatos. quia scilicet culmen honorû scandimus.* ¹⁰⁴⁷ EVNDEMQUE LOCVM.] *Primum scilicet. sicut in reuerentiâ & dignitate primi sumus, iam Consulares: ita & in labore curâque simus.*

IN fine orationis præfides custodesque Imperij deos, ego Consul pro rebus humanis, ac te præcipuè Capitoline Iupiter, precor, ut beneficijs tuis faueas, tantisque muneribus addas perpetuitatem. Audisti quæ malo ¹⁰⁴⁸ Principi precabamur, exaudi quæ pro dissimillimo optamus. Non te distringimus votis. non enim pacem, non concordiam, non securitatem, non opes oramus, non honores: simplex cunctaque ista complexum ¹⁰⁴⁹ vnum omnium votum est, SALVS PRINCIPIS. Nec verò noua tibi iniungimus. tu enim iam tunc illum in tutelam recepisti, cum prædonis auidissimi faucibus eripuisti: neque enim sine auxilio tuo, cum altissima quæque quaterentur, hic, qui omnibus excelsior, inconcussus stetit. præteritus est à pessimo Principe, qui præteriri ¹⁰⁵⁰ ab optimo non potuit. Tu clara iudicij tui signa misisti, cum proficiscenti ad exercitum ¹⁰⁵¹ tuo nomine, tuo honore cessisti. Tu voce IMPERATORIS quid sentire locutus, filium illi, nobis parentem, tibi Pontificem maximum elegisti. Quo maiore fiduciâ, iisdem illis votis quæ ipse pro se nuncupari iubet, oro & obtestor, si bene remp. si ex utilitate omnium regit, primum ut illum nepotibus nostris ac pronepotibus ferues; deinde ut quandoque successorem ei tribuas quem genuerit, quem formauerit, similemque fecerit ¹⁰⁵² adoptato; aut si hoc Fato negatur, in consilio sis eligenti, monstresque aliquem quem adoptari in Capitolio deceat. Vobis P. C. quantum

S 2 debeam,

debeam,¹⁰⁵³ publicis etiam monumentis continetur. vos mihi in Tribunatu quietis, in Prætura modestiæ; vos in istis officijs etiam quæ¹⁰⁵⁴ è studijs nostris circa tuendos socios iniunxeratis, cuncti constantiæ antiquissimum testimoniũ perhibuistis. vos proximè destinationem Consulatus mei his acclamationibus approbauistis, vt intelligam etiam atq; etiam enitendũ mihi, vt hunc consensum vestrum complectar & teneam, & in dies augeã. Etenim meminini tunc verissimè iudicari, meruerit quis honorem, necne,¹⁰⁵⁵ cum adeptus est. Vos modò fauete huic proposito, & credite. si¹⁰⁵⁶ cursu quodam¹⁰⁵⁷ prouectus ab illo infidiosissimo Principe, antè quàm profiteretur odium bonorum, postquàm professus est, subltiti; cum viderem quæ ad honores¹⁰⁵⁸ compendia paterent, longius iter malui; si malis temporibus inter mæstos & pauentes, bonis inter securos gaudentesq; numeror; si denique intatũ diligo optimum Principem, inquantũ inuisus¹⁰⁵⁹ pessimo fui. Ego reuerentiæ vestræ sic semper inseruiã, non vt me¹⁰⁶⁰ Consulẽ, & mox Consularẽ, sed vt¹⁰⁶¹ candidatũ Consulatus putem.

¹⁰⁴⁸ PRINCIPI PRECABAMVR.] *Aptius, imprecabamur, litterâ finali geminatâ. Est autem de Domitiano.* ¹⁰⁴⁹ VNVM OMNIVM VOTVM.] *Vide Suetonium in Aug. cap. LVIII. Senecam de Clem. 1. cap. XIX. Martialis illud nec absimile, ad Iouem:*

Nil pro me mihi Iupiter petenti,
Ne succensueris, velut superbo.
Te pro Cæsare debeo rogare,
Pro me debeo Cæsarem rogare.

¹⁰⁵⁰ AB OPTIMO.] *In eligendo, & adoptando.* ¹⁰⁵¹ TVO NOMINE.] *Imperatoris, vt explicauit sub initium: Omnis turba, quæ limen infederat, te consulatuit Imperatorẽ. Et Iupiter communiter sic agnominatus. Plautus: Qui est imperator diuũ atque hominum Iupiter.* ¹⁰⁵² ADOPTATO.] *Sibi.* ¹⁰⁵³ PVBLICIS MONVMENTIS.] *Actis Senatus, vbi elogias super Plinio.*

¹⁰⁵⁴ E STVDIIIS.] *Eloquentiæ, & forensium causarum.* ¹⁰⁵⁵ CVM ADEPTVS EST.] *Veteri dicto, ἡ ἀπ' αὐτοῦ τὸν ἀνδρα δεικνύει: magistratus virum probat.*

¹⁰⁵⁶ CVRSV QVODAM.] *Sive, quondam.* ¹⁰⁵⁷ PROVECTVS.] *Ad Tribunatum & Praturam: epist. XI. lib. III.* ¹⁰⁵⁸ COMPENDIA.] *Per malas artes, & delationes.* ¹⁰⁵⁹ PESSIMO FVI.] *Videtur pendere tota hæc periodus: nec tamen pendet. Modus ita rogandi est, Si hoc feci, dixi, &c. fauete & credite.*

¹⁰⁶⁰ CONSVLEM.] *Qui nunc hæc dico.* ¹⁰⁶¹ CANDIDATVM.] *Qui obnoxij semper, reuerentes, supplices. Finem meum scribendi habeo. vñam illum alterum, vt legant, capiant, audiantq; hæc Principes, cum æterno suo & publico bono! Da o tu Aeternæ.*

A P P R O B A T I O.

DISSERTATIVNCVLA I. LIPSI apud PRINCIPES, *quòd erudita sit & Christiana consentanea pietati, qua superiores non potestate dominante, sed Charitate seruiente felices verè pradicat, digna est qua typis excudatur ac diuulgetur. Item, de Plinij Panegyrico eiusque Commentario: luce hanc lucem dignam censeo.*

Gulielmus Fabricius Nouiomagus, Apostolicus
ac Archiducalis librorum Cenfor.

P R I V I L E G I V M C Æ S A R E V M.

R V D O L P H V S S E C V N D V S diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed & rudetiam & imperito hominum vulgo ita distinguuntur, vt tanquam Dij quidam splendescere in terris videantur: rem sanè præclaram scque dignam illi præstant, qui diligentem iis ipsis in litteris ac disciplinis operam ponunt, præclarissimam verò & Reipub. vtilissimam, qui eas ita excolunt, vt aliorum menti docendo, scribendo lumina præferant, eosque ex ignorantiae tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessumque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, vt olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisi, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitarit, peruenisse, eamque variis abs te libris acri & graui cum iudicio scriptis atque in lucem editis ostendisse, vt in eo quod tam feliciter tractes scriptiois genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrociniisque nostro defendendum pro benigna nostra in te suscipere voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari tortè velint, munitos cupimus. Quamobrem pro auctoritate nostra Cæsarea decernimus,

mus, statuimus, veramusque, ne quis Typographorum, Bibliopolarum, aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum finestriginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi, hæredibusue tuis, auxilio Magistratus, ubicunq; reperti fuerint, vendicandis, priuari, sed triginta etiam Marcharum auri puri mulcta, cuius semissis quidem Fisei nostri Procuratori, fraudis vindici: alter verò semissis, tibi hæredibusue tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscunque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iusticiamque exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis mulcta, eos puniri & quibuscunque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senftenaw.

Ad mandatum sacra Cæsarea M^{tes} proprium.

Io. Baruitius.

Additum sigillum Cæs. M^{tes} in cerâ rubrâ.

SVMMA PRIVILEGII REGII.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louanienſi Profeſſoris, & item Historiographi ſui libros quoscunque, à Cenſoribus legitimis approbatos, præter ipſius, heredumve eius, voluntatem, intra triginta annos à prima ſingulorum librorum editione computandos imprimat, aut alibi terrarum impreſſos, in has inferioris Germaniæ ditio- nes importet, venaleſve habeat. Qui ſecus faxit, præter librorum conſiſcationem triginta marcharum auri puri illatione mulctabitur. Vti latiùs patet in litteris, datis Bruxellæ XIV. Febr. M. D. XCVII.

Signat.

Verreycken.


Tibi JOANNES MORETE, *pro amicitia qua mihi cum Plantino (heu, quondam meo) & Plantinianis eſt ac fuit, tibi, inquam, permitto, uti DISSERTATION- CVLAM meam apud PRINCIPES, una cum COM- MENTARIO in PLINI PANEGYRICVM, typis tuis excudas ac diſulges. Nequis alibi alius præter te, cupio ſue iubeo, ex lege quam magnus Caſar & Rex meus dixerunt.*

Iuſtus Lipſius.

A N T V E R P I Æ,
EX OFFICINA PLANTINIANA,
APVD IOANNEM MORETVM.

M. DC. IIII.







| | |
|---------|-----------|
| SPECIAL | 87-B |
| PA | 20914 |
| | v.4 |
| 8545 | Bound w/ |
| A6 | 87B 22391 |
| 1602 | 22406 |
| v.4 | 22414 |
| | 22418 |

GETTY CENTER LIBRARY



JUSTI LIPSII
OPERA

T. O. M.
IV.

ANTVERPÆ
1602